


LE
BOCAGE ROYAL
DE P. DE RONSARD
GENTIL-HOMME
Vandomois.

DEDIE'
A HENRY III. ROY DE
France & de Pologne.

Non quiniis videt immodulata poemata Index
TOME IIII.



A PARIS,
Chez la veufue Gabriel Buon, au cloz Bru-
neau, à l'enſeigne S. Claude.

1597.

AVEC PRIVILEGE DV ROY.



Tel fut Ronsard auteur de cest ouvrage,
 Tel fut son œil, sa bouche & son visage,
 Portrait au vif de deux crayons diuers:
 Icy le corps, & l'esprit en ses vers.

Comme vn Seigneur praticq & soigneux de
mesnage

Regarde en sa forest ou dedans son bocage
Mille arbres differents de fueilles & de fruiet:
L'un pour l'ouurage est bon, l'autre indocile suit
La main de l'artizan: l'autre dur de racine
Tantost va veoir la guerre, Et tantost la marine:
L'autre est gresle & chancelle, & l'autre spacieux,
Ses bras durs & fueilleus enuoye iusqu'aux Cieux:
Ainsi dans ce Bocage on voit de toutes sortes
D'arguments differents, comme tu les apportes,
O Muse! au laboureur qui sçait bien defricher
Ton domaine, & suant le cercler & becher
Prodiguant tes presens à celuy qui s'employe.

Stace entre les Romains nous en monstra la voye:
Combien qu'il fust sans art, de fureur transporté:
Beaucoup plus empoullé que plein de Maiesté,
Car tous ceux qu'on oyt braire, & heurter à la porte
Des Muscs, n'entrent pas en leur Temple, de sorte
Qu'il faut par long trauail se purger & lustrer
De nuit en leur fontaine auant que d'y entrer,
S'initier nouice en leur danse prinée:
Le labeur assidu force toute contrée.



Voicy du Roy HENRY troisieme l'image,
 Qui mesprisa sa vie, ennemis & dangers,
 Qui prattiqua les meurs des peuples estrangers,
 Prince tout bon, tout saint, tout vaillant &
 tout sage.




LE BOCAGE ROYAL,

CONSACRE A HENRY III.

Roy de France & de
Pologne.

PANEGYRIQUE DE L.

Renommée, audit Seigneur Roy.



Out le cœur me debat d'une frayeur
nouuelle:

J'entens dessus Parnasse Apollon qui
m'appelle,

J'oy sa Lyre & s^{on} arc brâler à s^{on} costé.

Quelque part que mon pied vagabond soit porté,
Ses Lauriers me font place, Et sans ma fantasie
Errante entre les Dieux se souler d'Ambrosie.

Fuyez peuple fuyez: des Muses fauory

J'entre sacré Poëte au palais de HENRY.

Pour chanter ses honneurs: afin que dès l'Aurore,

De l'Occident, de l'Ourse & du riuage More

Sa vertu soit cogneuë, Et qu'on cognoisse aussi

Qu'un si grand Prince auoit mes chansons en soucy.

J'ay les yeux esblouys, tout le cerueau me tremble,

J'ay l'estomac panthois, i'aui se ce me semble

Sur le haut des citez une femme debout,

Qui voit tout, qui oyt tout, & qui declare tout.

Elle a cent yeux au front, cent oreilles en teste:

Dans les voutes du Ciel son visage elle arreste,

Et de ses pieds en terre elle presse les monts,

Vne trompette enflant de ses larges poumons.

Je voy le peuple à foule accourir auprès d'elle,

» Le peuple volontiers se paist d'une nouuelle.

Elle va commencer il m'en faut approcher:

» Le temps ne se doit perdre, il n'y a rien si cher.

Peuples qui m'escontex penduz à ma parole,

N'estimez mes propos d'une femme qui vale:

Mais que chacun y donne aussi ferme credit

Que si les Chefnes vieux d'Epire Lauoient d't.

La Déesse ennemie aux testes trop superbes,

Qui les grandeurs egale à la basses des herbes,

Qui dédaigne la pompe Et/ le fard des humains,

A chastié l'orgueil des François par leurs mains.

Eux arrogans de voir leurs voiles trop enflées,

Du vent de la Fortune heureusement soufflées,

D'abonder insolens en succez de bon-heur,

D'obscurcir leurs voisins d'Empires Et/ d'honneur,

Geans contre le Ciel d'une audace trop grande

N'auoient crainte de Dieu qui aux Sceptres cōmande,

Ains contre sa grandeur obstinant le soucy,

Auoient contre sa main le courage en duroy:

Quand la bonne Adrastie en vengeance telle injure

Citez contre citez de faëtions conuie,

Fit le soc & le contre en armes transformer,

De leurs vaisseaux rompuz pana toute la mer,

Les plaies de leurs os, renuersa leurs murailles,

Et mit leur propre glaiue en leurs propres entrailles:

Si que leur sang vingt ans aux meurtres a fourny,

Et Dauid ne vit onc son peuple si puny.

Maintenant la Déesse incline à leur priere

Douce ne iette plus leurs plaintes en arriere,

Ains pour guarir nos maux, no' fait presët d'un Roy.

Qu'en lieu de Jupiter le Ciel voudroit pour soy:
 Qui par mille vertus en son ame logées,
 Des Rois ses deüanciers les fautes a purgées
 Ainsy qu'une victime expiant le forfait
 Que le peuple a commis, & quelle n'a pas fait.

Encor que la Nature en naissant l'ait fait Prince
 Monarque d'une grande & fertile prouince,
 Qu'il ait des son enfance avec le lait sucé
 L'honneur qui son renom aux astres a poussé,
 Voire Et que sa vertu qui la terre environne,
 Luy mette sur le front une double Couronne:
 Encoy qu'en sa ieunesse, auant que son menton
 Se frisast de la fleur de son premier cotton,
 Ait (chargé du harnois) deux batailles gaignées
 Remis sur les autels les Messes dédaignées,
 Rendu la reuerence aux Images brisées,
 Assemblez en accord ses peuples diuisez,
 Et sans bouffir son cœur d'une noire colere
 A tous se soit monstré non pas Prince, mais pere,
 Il ne doit se fascher si le publique son
 De ma trompe luy chante encore une chanson.

Le Prince genereux doit les oreilles tendre,
 Et d'ire ne s'enfer quand on le veut apprendre.
 » Dieu ne se voit iamais par la faute assaillir:
 » Le naturel de l'homme est souuent de faillir.

Au retour du pays où va soufflant Borée,
 Il trouua sa Couronne en sectes separée,
 L'un tenant cest article, & l'autre cestuy-là:
 Mais si tost que son front en France estingla
 Rayonnant de vertu, chacun à son exemple
 Embrassa nostre Eglise & mesprisa le Temple,
 Et des nouueaux prescheurs ne fut plus curieux,

Zelateur de son Prince & de ses bons ayeux.

Si tost le gouvernal ne tourne la nauire
Errante au gré du vent, que le peuple se vire
Vers les mœurs de son Prince, & tasche d'imiter
Le Roy qui va deuant afin de l'inuiter.

Ny prison, ny exil, ny la fiere menace
De la corde, ou du feu, ny la loy ny la face
Du Senat empourpré ne poussent tant les cœurs
Du peuple à la vertu, que font les bonnes mœurs
Du Prince venerable, & quand le Sceptre egale
La bonne & iuste vie à la force Royale.

Pour atteindre au sommet d'une telle equité
Il faut la pieté ioincte à la charité,
Et la religion dont relicz nous sommes,
Tant elle est agreable & aux Dieux & aux hommes
La loy (toile d'areigne) est trop foible, & ne peut
Le Prince enuveloper, si luy-mesme ne veut
S'en-rheter de bon cœur, la croyant estre faite
De Dieu, Et non de l'homme à plaisir contrefaite,
Sil ne la garentist, si premier ne la suit,
Si luy-mesme & les siens par elle ne conduit.

Quand le ieune Phenix sur son espalle tendre
Porte le liêt funebre Et l'odoreuse cendre,
Reliques de son pere, & plante en appareil
Le tombeau paternel au temple du Soleil:
Les oiseaux esbahis en quelque part qu'il nage
De ses ailes ramant, admirent son image,
Non pour luy voir le corps de mille couleurs peint,
Non pour le voir si beau, mais pource qu'il est saint
Oiseau religieux aux Manes de son pere,
Tant de la pieté Nature bonne mere
A planté dès le naistre en l'air & dans les eaux.

*La viuace semence ex cœurs des animaux!
 Donques le peuple suit les traces de son maistre:
 Il pend de ses façons, il imite & veut estre
 Son disciple, & tousiours pour exemple l'auoir,
 Et se former en luy ainsi qu'en vn miroir.*

*Cela que le soudar aux espauls ferrées,
 Que le chenal flanqué de barbes acérées
 Ne peut faire par force, Amour le fait seules
 Sans assembler ny camp ny vestir corcelet.
 Les vassaux & les Rois de mutuels offices
 Se combattent entre-eux, les vassaux par seruites,
 Les Rois par la bonté: le peuple desarmé
 Aime tousiours son Roy quand il s'en voit aimé.
 Il sert d'un franc vouloir, quand il n'est necessaire
 Qu'on le face seruir: plus vn Roy debonnaire
 Luy veut lascher la bride & moins il est outré,
 Plus luy mesmes la serre & sert de son bon gré,
 Se met la teste au ioug sous lequel il s'efforce,
 Qu'il secon'roit du col s'on luy mettoit par force.*

*C'est alors que le Prince en vertus va deuant,
 Qu'il monstre le chemin au peuple le suiuant,
 Qu'il fait ce qu'il commande & de la loy suprême
 Rend la rigueur plus douce obeyssant luy-mesme,
 Et tant il est d'honneur & de loüange espointé,
 Que pardonnant à tous ne se pardonne point.*

*Quel suiet ne seroit deuot & charitable
 Sous vn Roy pieux? quel suiet misérable
 Voudroit de ses ayeux consommer les thresors
 Pour homme effeminer par delices son corps
 D'habits pompeux de soye elabourez à peine,
 Quand le Prince n'auroit qu'un vestement de laine?
 Et qu'il retrancheroit par edicts redontez*

Les fertiles moissons des ordes voluptex,
 Couppant comme Hercules l'Hydre infame des vices:
 Par l'honneste sueur des poudreux exercices?

A forcer par les bois un Cerf au front ramé,
 Enferrer un Sanglier de defenses armé,
 Voir léureter le Lièvre à la iambe peluë,
 Voir pendre les Faucons au milieu de la nuë,
 Faire d'un pied legier pondroyer les sablons,
 Voir bondir par les prez l'enslure des ballons,
 A porter le harnois, à courir la campagne,
 A domter sous le frein un beau Genet d'Espaigne,
 A saulter, à luitter d'un bras fort Et/ vouté,
 Voilà les ferremens trenchans l'oisiveté.

Mais porter en son ame une humble modestie,
 C'est à mon gré des Rois la meilleure partie.
 Le Prince guerroyant doit par tout foudroyer:
 Celuy qui se maintient doit bien souvent ployer.
 L'un tient la rame au poing, l'autre espie à la hune:
 En l'un est la prudence, en l'autre est la fortune.
 Tonsiours l'humilité gaigne le cœur de tous:
 Au contraire l'orgueil attire le courroux.

Ne vois-tu ces Rochers rempars de la marine?
 Grondant cõtre leurs pieds tonsiours le flot les mine,
 Et d'un bruit escumeux à l'entour aboyant,
 Forcenant de courroux, en vagues tournoyant
 Ne cesse de les battre, Et/ d'obstinez murmures,
 S'opposer à l'effort de leurs plantes si dures,
 S'irritant de les voir ne ceder à son eau.

Mais quand un mol sablon par un petit monceau
 Se couche entre les deux, il flechit la rudesse
 De la mer, & l'inuite ainsi que son hostesse
 A loger en son sein: alors le flot qui voit

Que le bord luy faict place, en glissant se reçoit
 Au gron de la terre, appaise son courage,
 Et la lichant se iouë à l'entour du riuage.

La Vigne lentement de ses tendres rameaux
 Grimpe s'insinuant aux festes des Ormeaux,
 Et se plye à l'entour de l'estrangere escorce
 Par amour seulement, & non pas par la force:
 Puis mariez ensemble, & les deux n'estant qu'un
 Font à l'herbe voisine un ombrage commun.

La peste des grans Rois sont les langues flatenses,
 Essonges & corbeaux des terres souffreteuses:
 Mais le mal le plus grand qu'un Prince puisse auoir,
 C'est quand il hait le liure, & ne veut rien sçauoir.

Le Roy dont ie vous parle & que le Ciel approuue
 Iamais en sa maison l'ignorance ne trouue,
 Ayant fait rechercher (d'une belle ame espris)
 Par tout en ses pays les hommes mieux appris,
 Pres de luy les approche, & les rend venerables,
 S'honorant d'honorer les hommes honorables:
 De parolle il les louë, & de biens auancez
 Comme ils le meritoient les a recompensez.

Il a voulu sçauoir ce que peut la Nature,
 Et de quel pas marchoit la premiere closture
 Du Ciel, qui tournoyant se ressuit en son cours,
 Et du Soleil qui faict le sien tout au rebours.

Il a voulu sçauoir des Planetes les dances,
 Tours, aspects & vertus, demeures & distances:
 Il a voulu sçauoir les cornes du Croissant,
 Comme d'un feu bastard il se va remplissant,
 Second Endymion amoureux de la Lune.

Il a voulu sçauoir que c'estoit que Fortune,
 Que c'estoit que Destin, si les influxions

Des Astres commandoient à nos complexions.

Puis descendant plus bas sous le second estage

Il a cognu du Feu la nature volage,

Il a pratiqué l'Air combien il est subtil,

Comme il est nourrisier de ce Monde fertile,

Comme il est imprimé de formes différentes.

Il a cognu la Foudre & ses fleches errantes

D'un grand bruit par le vague, & si le Soleil peint

L'arc au Ciel en substance, ou s'il apparoist feint.

Puis il a faict passer son esprit sous les ondes,

A cognu de Thetis les abysses profondes,

Et du vieillard Protée a conté les troupeaux:

Il a cognu le flot & le reflot des eaux:

Si la Lune a credit sur l'element humide;

Ou si l'ame de l'Eau d'elle mesme se guide,

Eslançant son esprit des terres à l'entour

Pour ne viure en paresse & cropir en sejour.

Puis venant sur la terre a visité les villes,

Les hommes & leurs mœurs & leurs reigles civiles;

Pour sçauoir à son peuple en vertus esclairer,

Pour luy lascher la bride ou pour la luy serrer,

Cognoissant par effect toutes vertus morales.

Puis entrant sous la terre aux canes infernales

A cherché les metaux, & d'esprit diligent

Cognu comme se fait l'or, le plomb & l'argent,

Quelle humeur les engendre és veines de la terre,

Et le cuire & le fer instrumens de la guerre.

Puis d'un si haut travail se voulant soulager,

Et d'un docte Laurier ses temples ombrager,

Prenant le Luth en main, que dextrement il guide,

Se va seul recréer en l'ancre Pieride,

Toutes les fleurs d'Euterpe attachant à son front.

Apollon qui l'escoute & les Muses qui vont
 Dansant autour de luy, l'inspirent de leur grace,
 Soit qu'il vueille tourner une chanson d'Horace,
 Soit qu'il vueille chanter en accords plus parfaicts
 Les gestes martiaux que luy mesmes a faicts
 Imitateur d'Achille, alors que l'ire outrée
 L'enflammoit en sa nef contre le fils d'Atrée,
 Et que le Priamide aiguissant ses soudars
 Rompoit d'un grand caillou la porte des Rempars.

Nul Prince n'eut iamaïs l'ame si valeureuse,
 Ny si doiüé du Ciel d'une memoire heureuse.
 De miel en son berceau la Muse l'arrousa,
 Pithon en l'allattant sa bouche composa
 D'eloquence nayue, afin de faire croire
 Aux soudars ce qu'il veut pour gagner la victoire,
 Ou pour prescher son peuple, & par granes douceurs
 Leur tirer de sa voix par l'oreille les cœurs
 Comme son denancier Hercule dont la langue
 Enchainoit les Gaulois du fil de sa harangue.

Nul Prince, tant soit grand, n'a le bruit au iour
 d'huy.

De mieux recompenser ses seruiteurs que luy,
 Ny faire tant l'honneur à leurs cendres funebres,
 Les r'appellant au iour en despit des tenebres:
 Roy qui ne peut les siens ny viuans oublier,
 Ny quand la mort les vient de leurs corps deslier,
 Favorisant les uns de ses faueurs premieres,
 Les autres d'oraisons, de vœux & de prieres.

Quand la Parque ennemie aux Vallois nous rani
 Charles, Astre du Ciel, par toute France on vit
 Les Muses se cacher: Phæbus n'osoit rien dire,
 Ny le Dieu voyageur inventeur de la Lyre.

Les Lauriers estoient secs, sec le bord Pimplean,
 Le silence effroyoit tout l'autre Cyrrbean:
 De limon & de sable, & de bourbe estoupée
 Claire ne couroit plus la source Aganippée.
 Les Muses maintenant honorans son retour,
 Couuertes de bouquets asent reuoir le iour:
 Phœbus n'a plus la main ny la voix refroidie,
 Et des Lauriers fanis la teste est reuerdie,
 Voyant ce grand HENRY des peuples conquereur
 Les aimer & se plaire en leur douce fureur,
 Et d'une ardeur qui vit d'Apollon toute pleine,
 Faire parler Thesspie, & sourcer sa fontaine.

Nul Poëte François des Muses seruiteur
 Ne presenta iaman ouurage à sa hauteur,
 Qu'il n'ait recompensé d'un present magnifique,
 Honorant le bel art que luy-mesmes pratique,
 Et ne l'ait caressé d'accollades ou d'yeux,
 Inuitant l'artizan à faire encores mieux.

Tels estoient les bons Rois de l'âge plus fleurie,
 Numa le Sacerdote instruit par Egerie:
 Tel estoit Numitor, & ces peres Romains
 Qui auoient du labeur les ampoules es mains:
 Tel Euftrate empalmé de son riuage humide
 Vit Salomon regner sur le throne Isacide,
 Dont les Sceptres estoient des peuples redoutex
 Par la loy que portoient leurs glauiues espointex,
 Ayant en lieu du fer la douceur pour leur marque.

Tel fut le Roy François des lettres le Monarque,
 Tel est ce bon HENRY, qui Prince tres-humain
 Porte de ses subiects tous les cœurs en sa main.

Ny corselets ferrez ny targues ny heaume,
 Ny cheneaux ny soudars ne gardent son Royaume,

Ny foffez ny rempars, mais la feule vertu
Qui le peuple combat fans eſtre combattu.


Au contraire Alexandre affamé d'avarice,
Enflé d'ambition qui réduit au ſervice
Le Sceptre Perſien, Et qui fiſt ſon harnois
Luire comme une foudre aux terres des Indoïs,
Et ces fiers Empereurs de la maiſtreſſe Romme
Qui couvroient un aſpic ſous la forme d'un homme,
Eſtans Princes cruels eurent cruelle fin
Ou par le fer meurtrier, ou par le froid venin
Ont eſpanché leur vie, & morts ſans ſepulture
Ont eſté des corbeaux & des chiens la paſture,
Sans auoir le loisir que les cheueux grifons
Viſſent blanchir leur teſte en leurs propres maiſons.

Le bon Prince Trajan & le bon Marc Aurelle
Ont vieillars accompli leur vie naturelle,
Ont veu pour leur trespas la Republique en pleurs,
Et leurs Tombeaux couuerts de cheueux Et de fleurs.

Nature qui peut tout, dont le ventre deſſerre
Le germe d'un chacun, ne fait naiſtre ſur terre
Rien ſi parfait qu'un Roy modeſte & moderé,
Au poids de la vertu iuſtement meſuré.
Seul entre les humains il a peinte au viſage
De Dieu la venerable & redoutable image:
Il en eſt le mirouer: ſi par un vilain traict,
De l'image qu'il porte il ſouille le pourtraict,
Si quelqu'un le diſſame, empoisonne ou maſſacre,
Dieu jaloux de l'honneur de ſon ſaint ſimulacre,
Punira le forſait ſans laiſſer impuny
D'extremes chaſtimens ceux qui l'auront honny,
Et ne ſouffrant en terre un ſeu pas de ſa trace,
Perdra luy, ſes enfans, ſa maiſon Et ſa race.

Puis moy qui de ma langue annonce verité,
En chanteray l'histoire à la posterité.

Ainsi dist la Déesse, & de sa bouche ronde
Enuoya de HENRY les honneurs par le Monde.



A LVY-MESME.



I l'honneur de porter deux Sceptres en la
main,

Commander aux François & au peuple
Germain,

Qui de l'Ourse Sarmate habite la contrée:
Si des Venitiens la magnifique entrée,
Si auoir tout le front ombragé de Lauriers,
Si auoir pratiqué tant de peuples guerriers,
Tant d'hômes, tât de mœurs, tant de façons estrâges:
Si reuenir chargé de gloire & de loüanges,
Si sa comme vn Cesar conceuoir l'Vniuers,
Vous a fait oublier le chanter de ces vers,
Rdy dont l'honneur ne peut amoindrir ny accroistre,
Sans vous dire son nom vous le pourrez cognoistre.

C'est Prince c'est celuy qui d'un cœur courageux
Grimpa dessus Parnasse en croupes ombrageux,
Importunant pour vous les filles de Memoire,
Quand Dien pres de Iarnac vous donna la victoire
Quand vostre bras armé fut le iour des François,
Quand la Charâte fleuve au peuple Sainctongeois
Vous veit presque sans barbe, ainsi qu'un ieune
Achille,

Foudroyer l'ennemi sur sa rine fertile.

Remirant en ses eaux vos armes & l'esclair
 De vostre morion & de vostre bouclair,
 Qui flamboyent tout ainsi que fait une Comete,
 Qui glissant par le Ciel d'une crincuse traite
 Tombe dessus un camp, & va signant les Cieux
 De cheueux rougissans d'un feu presagieux.

Ce fut quand vostre main à craindre cōme foudre,
 De la gent Huguenotte ensanglanta la poudre:
 Quand nos Autels sacrez reurent leurs bons Saints,
 Quand de nos ennemis les estendars depeincts,
 Et tous relents de sang, pour immortels exemples,
 D'un long ordre attachez pendirent à nos Temples.

Encore qu'un tel acte illustre de bon-heur,
 Eust deu trouuer à l'heure un superbe sonneur
 Qui d'un bruit heroi que eust enflé les trompetes:
 Si est ce que la voix des plus braues Poëtes
 De peur fut enrouée, Et le vent de leur sein
 Ne sortit pour enfler la trompette d'airain;
 Chacun craignant sa vie en saison si douteuse:
 Où celuy sans trembler d'une crainte honteuse
 Qui vous escrit ces vers, assésuré vous chanta:
 Sur le haut d'Helicon vos trionfes planta:
 Et si en combatant vostre lance sceut poindre,
 Celebrant vos honneurs sa langue ne fut moindre,
 Oeuvre si agreable à vous Prince veinqueur,
 Que vous loüastes l'Hynne & l'appristes par cœur.

Mais quand toute la France à tromper bien-aisée
 D'ardentes factions & de guerre embrasée
 Estoit sous le razouer, & l'horrible mechef
 Soutenu d'un filet nous pendoit sur le chef,
 Et la victoire neutre errant entre les armes
 Partixanne esbranloit le cœur de nos gens d'armes,

Incertains qui seroit par la faueur des Cieux
Des deux camps si puissions le seul uictorieux.

Vous pour sauuer le Sceptre, & nos Saints tute-
lares,

Nos Autels, nos maisons, vous-mesmes Et vos freres,
Et vostre mere, hélas ! qui de peur fremissoit,
Et tout le Ciel pour vous d'araisons emplissoit :

Vous dy-ie en-argueilli de forces animées,
Aupres de Montcontour campastes vos armées,
Liurastes la bataille, où Dieu vous regardoit,
Et sa Croix dessus vous I E S V S - C H R I S T estoit.

Là furent enuoyez par vos mains martiales
Seize mille mutins aux ombres infernales
Victime de Pluton : si que tout Montcontour,
La riuere de Dine, Et les champs d'alentour
Sonnoient dessous vos corps, qui paauerent les places,
Champs, chemins & guerets de puantes carcasses,
Et d'offemens de morts l'un sur l'autre arranger.

Les sillons du pays en furent si chargez,
Voire si engraissez de charognueux carnages,
Et les ventres des chiens & des bestes sauvages
(Tombeau des ennemis) si grat Et si refaits,
Qu'on ne peust egaler ce meilleur de vos faits
Au plus grand des Romains, tant merita de gloire.
A l'extreme peril une telle victoire.

Celuy qui la chanta, ravi d'esprit alla
Sur les bords de Permesse, aux Muses il parla,
Les entre tint de voix, Et vous fist un tel Hymne,
Que Daurat grand saimeur de la Lyre Latine
La daigna bien tourner, à fin qu'un double vers
Semaist vostre renom par ce grand Vniuers.

Vn iour qu'il celebroit le feu Roy vostre frere,
 Son Charles son seigneur, Prince tout debonnaire,
 Le tançant luy disoit ; N'escriuez point de moy,
 Escriuez de mon frere, escriuez de sa foy,
 Et comme sa vertu prodigue de prouësse
 S'immolant en mon lieu le Sceptre me redresse.

Admirant telle amour qu'au Mōde on ne voit plus
 Il bastit de Castor le Temple & de Pollux,
 Et vous le dedia pour remarque immortelle
 D'une rare amitié si sainte Et/ fraternele.

C'est celuy qui pour vous en cent nulle façons
 Fit Sonnets & discours, Eclogues & chansons,
 Mascarades, Tournois, & Chiffres Et/ Deuises,
 Et bref qui a chanté toutes vos entreprises.

Mesme à vostre berceau quād encor vous pendiez
 Ex bras de la nourrice, Et/ vers elle tendiez
 Les mains en vous iouant, il prist la hardiesse
 De vous sonner vne Ode en si basse ieunesse,
 Et faisiez tout raii, la teste sou-leuant,
 Semblant de vostre front, de l'aller approuuant.

Quand vous fustes esleu Monarque de Polongne,
 Quand Dieu sur vostre teste en posa la Couronne,
 Et qu'il fallut partir d'entre les bras aimez
 De vos plus chers parens en larmes consumez ;
 Qu'il vous fallut laisser le doux air de la France,
 Capitaines, soldats, amis Et/ cognoissance,
 Que chacun vous suiuait d'une humble affection,
 Il ne chanta iamais de telle Election,
 D'anta nt qu'elle emportoit des François la lumiera
 Pour en pays estrange esclairer la premiere.

Or à vostre retour, qui luisst comme vn Soleil
 Sortant de l'Ocean en flammes nompareil,

Qui donne iour aux siens dissipant les tenebres,
 Et de nostre feu Roy les complaints funebres:
 Il a gros d'Apollon celebré cecretour.
 Les hommes volontiers honorent plus le iour
 Que la nuict tenebreuse, & Vesper n'est si belle
 Que l'Aurore au matin qui sort toute nouvelle:
 Aussi vostre apparoiſtre aux François fait sentir
 Plus d'allegresse au cœur que vostre departir.

Mais ainsi que le iour descouvre toutes choses,
 Que l'ombre sommeilleuse en ses bras tenoit closes,
 Brigandages, larcins, & tout ce que la nuit
 Recelle de mauuais quand le Soleil ne luit:
 Ainsi nous esperons que les guerres ciuiles,
 Licences de soldats, saccagemens de villes,
 Qui regnoient sans frayeur de vostre Majesté,
 S'enfuiront esblouis dauant vostre clairté.

Chacun d'un œil veillant vos actions contemple:
 Vous estes la lumiere assise au front du Temple.
 Si elle reluit bien, vostre Sceptre luira:
 Si elle reluit mal, le Sceptre perira.
 Il faut bien commencer: celuy qui bien comence,
 Son ouurage entrepris de beaucoup il auance.
 Sire, commencez bien à vostre aduenement,
 De tout acte la fin suit le commencement.
 Il faut bien enfourner: car telle qu'est l'entrée,
 Volontiers telle fin s'est tousiours rencontrée.

Vous ne venez en France à passer vne mer
 Qui soit tranquille & calme & bonasse à ramer:
 Elle est du haut en bas de factions ensée,
 Et de religions diuersement soufflée:
 Elle a le cœur mutin, toutesfois il ne faut
 D'un baston violent corriger son defaut.

Il faut avec le temps en son sens la reduire:

» D'un chastiment forcé le meschant deuient pire.

Il faut un bon timon pour se sçauoir guider,

Bien calfeutrer sa Nef, sa voile bien guinder:

La certaine Boursolle est d'adoucir les tailles,

Estre amateur de paix, & non pas de batailles,

Auoir un bon Conseil, sa Iustice ordonner,

Payer ses créanciers, iamais ne maçonner,

Estre sobre en habits, estre Prince accointable,

Et n'ouyr ny flatteurs ny menteurs à la table.

On espere de vous comme d'un bon marchand,

Qui un riche butin aux Indes va cherchant,

Et retourne chargé d'une opulente proye,

Heureux par le travail d'une si longue voye:

Il r'apporte de l'or, & non pas de l'airain.

Aussi vous auriez fait si long voyage en vain,

Ven le Rhin, le Danube, & la grande Allemagne,

La Polongne que Mars & l'Hyuer accompaigne,

Vienne qui au Ciel se braue de l'honneur

D'auoir sceu repousser le camp du Grand-Seigneur,

Venise mariniere, & Ferrare la forte,

Thurin qui fut François, & Sauoye qui porte

Ainsi que fait Atlas, sur sa teste les Cieux:

En vain vous auriez veu tât d'hommes, tant de lieux,

Si vuide de profit en une barque vaine

Vous retourniez en France apres si longue peine.

Il faut faire, mon Prince, ainsi qu'Ulysse fit,

Qui des peuples connus sceut faire son profit.

Mais quoy? Prince inuincible, le sort ne m'a fait estre

Si docteur que ie puisse enseigner un tel maistre:

En discours si hautains ie ne doy m'empescher,

Et ne veux faire ici l'office de prescher,




Ma langue se taira : vos Sermons ordinaires,
La complainte du peuple, & vos propres affaires
Vous prescheront assez : ce papier seulement
S'en-va vous saluer & sçauoir humblement
De vostre Maiesté, si vous son nouveau maistre,
Le pourrez par sa Muse encores recognoistre.

Il n'a pas l'Italie en poste trauersé
Sur un cheual poussif, suant & harassé,
Qui a cent fois tombé son maistre par la course:
Il n'a vendu son bien à fin d'enfler sa bourse
Pour vous aller trouuer, & pour parler à vous,
Pour vous baiser les mains, embrasser vos genoux,
Adorer vostre face : il ne le sçauoit faire,
Son humeur fantastique est aux autres contraires:
Ceux qui n'ôt que le corps sont nez pour tels mestiers,
Ceux qui n'ont que l'esprit ne le font volontiers.

Toutesfois sans courir & sans changer de place
Il est assésuré d'estre en vostre bonne grace:
Encor le desespoir ne l'a pas combattu,
L'honneur aime l'honneur, la vertu la vertu.

S'il vous plaist l'appeller, sans farder vne excuse
Il vous ira trouuer avec la mesme Muse
Dont il chanta Henry, son Charles, & aussi
Vous à present son Roy des Muses le souci:
Ou si vostre disgrâce à ce coup il essaye,
Il sera caxanier comme un vieil Morte-payé,
Qui renferme sa vie en quelque vieil chasteau,
Accrochant paresseux ses armes au rastean,
Au pays inutile, & moisi de paresse
Pres de son vieil harnois confine sa vieillesse.



A L V Y-M E S M E.



Vous race de Rois, Prince de tant de
Princes,

Qui tenez dessous vous deux si gran-
des Prouinces,

Qui par toute l'Europe esclairez tout
ainsi

Qu'un beau Soleil d'Esté de flames esclairci,
Que l'estranger admire, & le suiet honore,
Et dont la Maïesté nostre siecle redore.

A vous qui avez tout, ie ne scaurois donner
Present, tant soit il grand, qui vous puisse estrener.
La terre est presque vostre, & d'as le Ciel vous mettre
Ie ne suis pas un Dieu, ie ne puis le promettre,
C'est à faire au flateur : ie vous puis mon mestier
Promettre seulement, de l'encre & du papier.

Ie ne suis Courtizan ny vendeur de fumées,
Ie n'ay d'ambition les veines allumées,
Ie ne scaurois mentir, ie ne puis embrasser
Genoux, ny baiser mains, ny suiure, ny presser,
Adorer, bonneter, ie suis trop fantastique.
Mon humeur d'Escolier, ma liberté rustique
Me deueroient excuser, si la simplicité
Trouuoit auionrd huy place entre la vanité.

C'est à vous mon grād Prince à supporter ma faule,
Et me louer d'auoir l'ame superbe & haute,
Et l'esprit non seruil, comme ayant de Henry
Vostre pere & de vous trente ans esté nourry.

Vn gentil Cheualier qui aime de nature

A nourrir des harats, s'il treuve d'avanture
 Un Coursier genereux qui courant des premiers
 Couronne son seigneur de Palme & de Lauriers,
 Et couvert de sueur, d'escume Et/ de poussiere
 R'apporte à la maison le prix de la carrier:
 Quand ses membres sont froids, debiles & perclus,
 Que vieillesse l'assaut, que vieil il ne court plus,
 N'ayant rien du passé que la monstre honorable,
 Son bon maistre le loge au plus haut de l'estable,
 Luy donne aoinne & foin, soigneux de le penser,
 Et d'avoir bien servi le fait récompenser:
 L'appelle par son nom, & si quelqu'un arriue,
 Dit: Voyez ce cheual qui d'haleine poussine
 Et d'ahan maintenant bat ses flancs à l'entour,
 J'estois monté dessus au camp de Montcontour,
 Je l'avois à Iarnac, mais tout en fin se change:
 Et lors le vieil Coursier qui entend sa louange,
 Hannissant & frappant la terre se sou-rit
 Et benist son seigneur qui si bien le nourrit.

Vous aurez enuers moy (s'il vous plaist) tel cour-
 rage,

Sinon à vous le blasme, & à moy le dommage:
 Je resue! vostre main me doit faire sentir
 Que la maison des Rois ne loge un repentir.

Mais ie suis importun, la personne importune
 Ne rencontre jamais une bonne fortune:
 Laissons faire au Destin qui nous donne la loy,
 Le Destin de grand Duc vous a fait un grand Roy:
 Puis il ne faut jamais ou parler à son maistre,
 Ou faut de doux propos les oreilles luy paistre.

SIRE, voici le mois où le peuple Romain
 Qui tenoit tout le Monde enclos dedans la main,

Donnoit

Donnoit aux seruiteurs par maniere de rire,
 Congé de raconter tout ce qu'ils vouloient dire:
 Donnez-moy (s'il vous plaist) vn semblable congé.
 I'ay la langue de rongne & le palais mangé,
 Il faut que ie les frotte, ou il faut que ie meure,
 Tant le mal grateleux me demange à toute heure.
 La bile abonde en moy, voicy le renouveau,
 Il faut contre quelcun descharger mon cerueau.
 Fuyez meschans, fuyez. mais sans vostre ayde, Sire,
 Ie n'ose enuenimer ma langue à la Satyre.
 Si est-ce que la rage & l'ulcere chancereux,
 Me tient de composer: le mal est dangereux,
 Qui desplaist à chacun: mais si ie vous puis plaire,
 Il me plaist, vous plaissant, d'escrire & de desplaire.

Qui, bons Dieux! n'escriroit voyant ce temps icy,
 Quand Apollon n'auroit mes chansons en souci,
 Quand ma langue seroit de nature mutte,
 Encores par despit ie deviendrois Poete.

C'est trop chanté d'Amour, & en trop de façon,
 La France ne cognoist que ce mauuais garçon,
 Que ses traits, que ses feux: il faut qu'une autre voye,
 Par sentiers incognus sur Parnasse m'enuoye,
 Pour me serrer le front d'un Laurier attaché,
 D'autre main que la mienne encores non touché.

Après que vostre esprit & vos mains diligentes
 Seront lassés du faix des affaires vrgentes,
 Aux heures de plaisir vous pourrez vostre esprit
 Esbastre quelquefois en lisant mon escrit.

S'il y a quelque braue ou mutip qui se fasche,
 Et qui entre ses dens des menaces remache
 Pour se voir ou de biens ou de faueur deslit:
 Si vn plus qu'il ne doit vent monter en credit,

Si quelqu'un en faueur de sa faueur abuse,
 S'il fait le Courtisan & s'arme d'une ruse:
 Si quelque viloteur aux Princes deuisant
 Contrefait le bouffon, le sat, ou le plaisant:
 Si nos Prelats de Cour ne vont à leurs Eglises,
 Si quelque trafiqueur qui vit de marchandises,
 Vient gouverner l'Estat faisant de l'entendu:
 Si quelqu'un vient crier qu'il a tout despendu
 En Poulongne, & qu'il braue en flé d'un tel voyage,
 Et pour le sien accroistre à tous face dommage:
 Si plus quelque valet de quelque bas mestier
 Vient par force acquerir tous les biens d'un cartier:
 Si plus nos vieux corbeaux gourmandent vos Finances:
 Si plus on se destruit d'habits & de despences,
 Et si quelque affamé nouvellement venu
 Vient manger en un iour tout vostre reuenue,
 Qu'il craigne ma sureur, d'une encre la plus noire
 Je luy veux engraver les faits de son histoire
 D'un long trait sur le front: puis aille où il pourra,
 Toujours entre les yeux ce trait luy demourra.
 Je seray comme un Ours que le peuple aiguillonne
 Qui renuerse la tourbe & mord toute personne,
 De grand ny de petit ne me donnant fouci,
 Si l'œuvre vous agréé, & qu'il vous plaise ainsi.
 J'ay trop long temps suyui le mestier Heroique,
 Lyrique, Elegiaq: ie seray Satyrique,
 Disoy-je à vostre frere, à Charles mon Seigneur,
 Charles qui fut mon tout, mon bien & mon honneur.
 Ce bon Prince en m'oyant se prenoit à sourire,
 Me prioit, m'enhortoit, me commandoit d'escrire,
 D'estre tout Satyrique instamment me pressoit.
 Lors tout en flé d'espoir dont le vent me païssoit,

*Armé de sa faueur ie promettois de l'estre:
Ce-pendant j'ay perdu ma Satyre & mon maistre.*

Adieu Charles adieu, sommeilles en repos:

Ce-pendant que tu dors ie suivray mon propos.

*Il n'y a ny Rheubarbe, Agaric, ny racine
Qui puisse mieux purger la malade poictrine
De quelque patiant sieureux ou furieux,
Que fait vne Satyre vn cerueau vicieux,
Pourueu qu'on la destrempe à la mode d'Horace,
Et non de Iuuenal qui trop aigrement passe:
Il faut la preparer si douce & si à poinct,
Qu'à l'heure qu'on l'aualle on ne la sente point,
Et que le moqueur soit à moquer si adestre,
Que le moqué s'en rie, & ne pense pas l'estre.*

*O Prince mon support, heureux & malheureux:
Heureux d'auoir l'esprit si visf & genereux,
Et malheureux d'auoir dès la premiere entrée
Vostre France rebelle en armes rencontrée,
D'ouyr de tous costez resonner les harnois,
Violer la iustice & mespriser les lois,
Et presque tout l'Estat tomber à la renuerse
Par vne destinée à la France peruerse.*

*Receuez s'il vous plaist, d'un visage serain,
Et d'un front deridé mon escrit, que la main
Des Muses a dicté ceste nouuelle année,
Pour en vous estrenant voir leur troupe estrenée.*

*Ne les mesprisez pas, bien que soyex issu
D'une race & d'un sang de tant de Roys conceu,
Et ne sermez aux vers l'oreille inexorable:
Minerue autant que Mars vous rendra venerable.*

*Homme ne pensez estre heureusement parfaict:
De mesme pean que nous Nature vous a faict:*

Dieu tout seul est heureux, nostre nature humaine
 Misere sur misere en naissant nous ameine.
 Et ne faut s'esbahir si nous auons ici
 Pour partage eternal la peine & le souci.

On dit que Promethée en paistrissant l'argile,
 Dont il feist des humains l'essence trop fragile
 Pour donner origine à nos premiers malheurs,
 En lieu d'eau la trempa de sucurs & de pleurs.
 Car plus l'homme est heureux, plus Fortune l'espie.
 A telle qualité nous trainons nostre vie.
 Mais c'est trop babillé, il se faut despescher,
 Souuent en voulant plaire on ne fait que fascher.

Quand Hercule ou Atlas ont chargé sur l'eschine
 De ce grand Vniuers la pesante machine,
 Que de col & de teste & de bras bien nerueux
 Se bandent sous le faix lequel tomb'roit sans eux:
 Si quelque fascheux sot arrinoit d'auenture,
 Qui vinst les amuser d'une longue esécriture,
 Ou d'un maigre discours soit en prose ou en vers,
 Offenseroit-il pas contre tout l'Vniuers?
 Malin i' offenserois contre toute la France,
 Dont vous portez le faix dès vostre ieune enfance.
 S'importun i' amusois vostre diuin esprit
 (Aux affaires bande) par un fascheux escrit.

Dieu ne demande pas (car Dieu rien ne demande),
 Qu'on charge ses autels d'une pesante offrande:
 Il n'aime que le cœur, il regarde au vouloir,
 La seule volonté l'offrande fait valoir.
 Ainsi suiuant de Dieu la diuine nature,
 Vous prendrez mon vouloir, & non mon esécriture.



SONGE.

A L V Y - M E S M E .

Nos peres abusez pensoient que le songer
Du matin n'estoit point ny faux ny mē-
songer.

Au contraire, mō Roy, ie pēse queto' sōges
Sans rien signifier ne sont que des menso nges,
Et que Dieu ne voudroit (Dieu qui ne peut tromper)
De fantosmes confus nostre ame enveloper,
S'apparoissant à nous, quand le sommeil commande
Au corps ensueuly de vin & de viande:
Mais plustost en plein iour, alors qu'il est permis
De veiller & d'auoir les sens non endormis,
Et sçauoir discerner si l'image legere
Qui pousse nostre esprit, est fausse ou mensongere.
Or sans tant discourir, ie vous diray le faict:
„L'ouurage commencé s'en va demy-parfaict.

Ie songeoy l'autre nuit vn peu deuant l'Aurore,
Quand du Soleil naissant les cheuaux sont encore
En la mer, & leurs crins s'espandent par les cieux,
Qu'vn buisson espineux se monstroït à mes yeux,
De ronces remparé, fortifié d'eau vine
Et d'vn large fossé, dont la glissante riuē
Me monstroït que du bas insqu'au plus haut du bord
Le passage estoit clos, tant le parc estoit fort.
Dedans faisoit sa bauge vne beste sauuage,
Qui iamais autre part ne cherchoit son gaignage,

S'aduiandant de glands qui sècs se desfroboient
 Des chesnes en Automne, & à terre tomboient.
 Les voisins du pays l'appeloient La merueille.
 Sagueulle estoit dentée, effroyable l'oreille,
 Ventre large & pansu, la peau rude au toucher,
 Et son front se dressoit en poincte de clocher.

Il n'y auoit seigneur, marchant, ny gentil homme,
 Qui n'eust couru la beste, ainsi qu'on fait à Rome
 Le Busle par la ville, alors que les Romains
 De traitts iettez sur luy se desarment les mains.
 Transporté d'une sorte & chaude frenaisie,
 Apres tant de coureurs il me print fantaisie,
 De les deuancer tous, & comme bon veneur,
 Faire bien mon enceinte, & en auoir l'honneur.

Cela ne m'effroya ny ne pallit ma face,
 Voyant de mes voyzins les chiens morts sur la place,
 Et les autres blesez au logis reuenir :
 Mais plustost irrita mon courroux à tenir
 Fort contre le Sanglier suyuant mon entreprise,
 Ou mourir au combat, ou voir la beste prise.

Ie descouplay mes chiens, & for-huant apres
 Les uommant par leurs noms, il n'y eut ny forés,
 Montagnes ny chemins ny lande inhabitée
 Qui ne fissent vn bruit sous ma chasse amutée.
 Errant esgratigné de ronce par les bois,
 Tantost d'un tram de trompe, & tantost de la voix
 Ie leur donnoy courage, & leur monstroiy la voye.
 Mais couars sans la mordre ils aboyoient la proye
 A gueulle ouuerte, ainsi que de nuit en resuant
 Leurs dents mordent en vain les ombres & le vent.
 Ie sy sonner pour chiens: la trompe les assemble.
 Coulpables de leur faute ils se rendent ensemble

Tous craintifs à mes pieds d'un visage abaissé,
Puis comme des poltrons ainsi ie les tance.

Chiens indignes de suivre vne beste à la trace,
Chiens gris qui dementez vostre premiere race,
Dont le bon saint Hubert par les forets cherchoit
Les Sangliers & leur hure à son huis attachoit:
Rendez moy maintenant, rendez la récompense
Du soin que j'ay de vous, n'espargnant la despence
Ny le bon traitement pour vous faire nourrir
A fin de surpasser les autres à courir.

Ains que le Soleil plonge & nous cache sa teste,
Retournez au logis braves de la conquête,
Le menste ensanglanté, le corps nauré de coups,
Où vous ferez ce soir le carnage des loups.
Ains les menaçant, monstrent au visage,
Abboyans contre l'air, d'auoir meilleur courage.
Au plus fort du taillis vn gros hallier estoit,
Où pour bien se banger le Sanglier se mettoit:
Hallier que le Soleil de ses rayons ne perse,
Tant rameaux sur rameaux d'une obscure trauersse
Ensemble entre-lacez le haut s'espesissoit,
Et le bas plein d'effroy d'ombres se noircissoit.

Au milieu croupissoit vne mare sang euse:
Là souloit à midi ceste Beste outragense
Fouiller, & tout son corps de horrbe reuestir.

Là ie pousse mes chiens pour la faire sortir:
Là l'espieu dans la main courageux ie deuance
Ma chasse de vingt pas, ie la tance & retance,
Ie la presse & la huc allant tout-a-l'entour.
Mais en vain: car plustost ie vy faillir le iour,
Qu'elle osast approcher du Monstre pour le mordre.
Au contraire il s'clance, & les met en desordre,

Massacrant la moitié, puis en les secouant
Du groin les enleuoit, & s'en alloit iouant,
Et morts les estendoit sur le dos de la plaine.

Trois fois recréu d'ahan, trois fois reprins halcine:
Le retourne au combat de fureur transporté,
Qu'un sanglier sur mes chiens eust l'honneur emporté.
Il estoit desia nuict, & la Lune premiere
Doroit le haut des bois d'une blonde lumiere,
Quand regardant son arc nouvellement plié
D'une corne voutée, ainsi ie la prié:

Lune, l'œil de la nuict, qui reluis à trois faces,
Decesse des veneurs, des chemins, & des chasses,
Tu as courbé trois fois tes voutes en vn rond,
Et trois fois replanté tes cornes à ton front.
Depuis le iour qu'errant par ces bois ie m'amuse
A suivre pour neant vne beste qui ruse:
Guide main main Decesse, & m'enseigne le lieu
D'ou ie pourray sanglant retirer mon espieu,
Et fais par ta saueur que mon souhait aduienne,
O des astres l'honneur! vierge Latonienne,

Comme ainsi ie prioï, la Lune m'entendit,
Qui soudain de son ciel en terre descendit:
Puis despoillant sont front & sa corne argentine,
Prit la forme & l'habit d'une mienne voisine,
Qu'on disoit toute nuict parler aux animaux,
Et par charmes tirer les esprits des tombeaux,
Ensorceler les bleds, & faire à contre-course
Les ruisseaux esbais retourner à leur source.

En me heurtant du coude ainsi me vint tanser:
Ah malheureux Veneur! tu es sot de penser
Qu'un monstre si cruel soit né de la nature
Des autres animaux: quitte ton auanture,

ROYAL.

Et cherche autre parti: ou bien sois diligent
A trouuer vn limier & des chiens tous d'argent:
La beste ne se prend sinon en telle sorte.

A tant s'esuauoit: l'air ventoux qui l'emporte,
Feit vn bruiet par la nuit, & tout soudain la peur
Escoutant tel propos me vint glacer le cœur.
Comme ie m'estonnoy de sa responce obscure,
Ie vous vi, ce me semble, en vne clairté pure
Reluire autour de moy, mesme front, mesmes yeux
Que vous aux alors qu'entre les demi-dieux
De vostre saint conseil administrez iustice,
Honorant la vertu & chastiant le vice.
Puis me distes ainsi: Quel sort te menaçant
Te tient si tard au bois à l'ombre du Croissant,
Quand les hommes lassés, & quand toute autre chose
Oubliant le travail en son liét se repose?
Conte moy ton meschef: c'est le fait d'un bon Roy
D'ayder à son suiet en peine, comme toy.

O Prince, mais ô Dieu, dont la eceleste face
Ne s'apparut iamais à nostre humaine race:
Sinon pour faire bien, s'il vous plaist me prester
Vostre oreille, en deux mots ie vous le vais conter.
Six mois sont ia passés, que suant sous la peine
Ie pourchasse vn sanglier d'une esperance vaine.
Vne vieille m'a dit que ie sois diligent
De trouuer vn limier & des chiens tous d'argent.
Si ie veux telle beste en mes toiles surprendre:
Qu'autrement ie m'abuse, & ne faut m'y attendre.
Ie suis tout esbahy des propos qu'elle dit:
A qui la raison mesme & le sens contredit:
Car iamais chiens d'argent ne furent en nature:
C'est tout ce que peut scindre vne vaine peinture.

*Vous respondistes lors: Dieu n'est iamais l'appuy
 D'un cœur qui se desie, & ne s'assure en luy.
 Les Princes & les Dieux ont pouuoir de tout faire:
 Heretique est celuy qui pense le contraire.
 Recouple moy tes chiens, ie te puis assurer
 Que tu voirras bien tost ce miracle auer.*

*En me disant tels mots, d'une blanche houssine
 Que vous amiez es mains, vous frappastes l'eschine.
 De mes chiens par trois fois, & soudain sans bouger
 D'une place en argent ie les vy tous changer.
 Leur voix estoit d'argent, leurs musles, & leur veue,
 Les oreilles, le front, les pattes & la queue,
 Et n'auex Tresorier tant soit ferme & constant,
 Qui ne les eust bien pris pour bon argent contant.*

*O Prince, si Cerès, si Mars & si Neptune
 Me commandoient tous trois, contre la loy commune,
 L'un de faire par l'air des nauires marcher,
 L'autre d'ensemencer la poincte d'un rocher,
 Et l'autre sans soudars donner vne bataille,
 Ie leur obeyroy: il ne faut que l'homme aille
 Contre la Deité, & ne fait point auoir
 De doute que les Dieux nous vucillent decenoir.*

*Ie m'en vais rechercher dessous vostre parole,
 Qui iamais sans effect par le vent ne s'en vole,
 Et sous vostre promesse, en laquelle douter
 Ce seroit hors du Ciel les Dieux vouloir oster.
 Donques souuenex vous, si la beste me domte,
 Qu'à vous seul, non à moy, sera toute la honte.
 Vous estes le motif, ie ne suis seulement
 Que l'organe qui sert à vostre mandement.
 Aussi si ie la prens, tout au plus hault du feste.
 De voz portaux sacrez i'en apprendray la teste,*

Pour donner vn exemple à vos peuples François
De ne douter iamais d'obeir à leurs Rois.

Puis i'eseriray deffous, le celuy qui les songes
N'aguires n'estimois que fables & mensonges,
Ie les croy maintenant, tant vaut la verité
D'un miracle en moy faiët par vne Deité.



DISCOVRS DE L'EQUITE
DES VIEUX GAULOIS.
A LVY-MESME.



*A victime estoit preste & mise sur
l'autel,
Quand ce vaillant Gaulois de re-
nom immortel,
Grand Prince, grand guerrier,
grand pasteur des armées,
Qui auoit saccagé les plaines Idumées,
Et foudroyant les champs d'un armé tourbillon
Auoit espouuanté le rocher d'Apollon,
Commande à Glythymie: (ainsi s'appelloit celle
Qui fut à son mary femme tres-infidele)
Pren le pied de l'aigneau, & fay pour ton renuoy
Aux bons Dieux voyageurs des vœux ainsi que moy.
Elle pour obeir prend le pied de la bête.
Lors en lieu de l'hostie il decolla la teste
De la femme perfide, & le sang qui saillit,
Tout chaud contre le front de son mary iaillit.
Ainsi de son forfait elle tomba victime,*

Sans teste dans son sang lauant son propre crime.

Le mary spectateur d'un acte si pituë,
Eut le sein & les yeux de larmes tous moiteux,
Vne horreur le saisit, il sanglotte son ame,

Et outre de douleur contre terre se pâme:

Puis à soy reuenu renfrongnant le sourcil,

D'une voix effrayée au Gaulois d: Et ainsi:

Quoy! est-ce là la foy que tu m'auois promise?

Est-ce là ton serment? est-ce la dextre mise

En la micuë, ô perüure! après auoir receu

La rançon pour ma femme ainsi m'as-tu deceü?

Du iour que le harnois sonna sur tes espauls,

Qu'espüant la ieunësse & la force des Gaules,

Et qu'à ton camp nombreux les ondes des ruisseaux

Ne bastoient à fournir breuuage à tes cheuaux,

Et que l'ambition que rien ne rassasie,

Te faisoit comme vn feu saccager nostre Asie,

Je preuy mon malheur, & preuy que nos champs

Ne seroient qu'un tombeau par tes glaiues trëchans.

Mais ie le preuy micux, oyant la renommëe

Que ton camp assiegeoit nostre ville ensermëe.

Pres les murs de Milet vn temple s'eleuoit,

Où Ceres ses honneurs & ses autels auoit,

Et ce iour de fortune on celebroit ses festes.

Nos femmes couronnans d'espics de bled leurs testes,

Et portans en leurs mains les premices des fruits.

Que la Terre nourrice en son sein a produits,

Supplioient la Dcesse, & sa Semestre fille,

Leur donner bons maris, & planté de famille,

Santë, beauté, richesse, & la grace des Dieux.

Le parfum de l'encens fumoit iusques aux cieux.

Autour du Temple alloit la dance mesurëe,

Quand voicî comme Loups à la gorge alterée
 Ou du sang des agneaux, ou du sang des brebis,
 Venir ton camp vestu de flamboyans habits,
 Qui sans crainte du lieu les autels despoillèrent,
 Et sans respect d'honneur nos femmes violèrent,
 Autant que l'appetit vainqueur le permettoit,
 Et la icône furcur qui sans raison estoit.

On dit que de Cérés le venerable image
 Fremissant & suant abaissa son visage:
 Son autel en trembla, sa couleur en mua,
 Et trois fois de despit la teste remua.

Soudain la Renommée à l'aile bien agile,
 Dessus le mur rampée espouuenta la ville
 Annonçant aux maris d'une effroyable vois,
 Que leurs femmes estoient la proye des Gaulois.

Le iour estoit sous l'ondé, & la nuict estoilée
 Auoit d'un habit brun la terre emmantelée,
 Quand la clameur se fait, & des enfans pleureux,
 Et des peres priuez de leurs lits amoureux.

Non autrement de loin s'entendoit la complainte,
 Que si desia la ville eust veu l'image peinte
 De la mort en ses murs, & les feux indomtez
 Riblant par les maisons voler de tous costez.

En fin sur la minuiet en la place s'assemblerent,
 Où de mille conseils les deux meilleurs leur semblent,
 De prier l'ennemi, & d'un soing diligent
 Apporter la rançon, & flechir par argent
 (Poizon des cœurs humains) l'arrogance barbare,
 Qui de son naturel est tyrante & auare.

Le fausconduit venu ayans les pleurs à l'œil,
 Et tristement vestus de noirs habits de ducil,
 Au premier poinct du iour sortirent de la porte.

Mercure alloit deuant, qui leur seruoit d'escorte,
 D'un air enuoloppé. A la fin paruenus
 En ton ost, & voyant tes hommes incognus,
 Harenguerent ainsi d'une douce priere,
 Pour amollir les cœurs de la troupe guerriere,
 Qui branc en son harnois donnoit d'une autre part
 Assurance aux prians d'un paisible regard.

Peuples enfans de Mars, heritiers de la guerre:
 Qui courez nostre Asie, ainsi que le tonnerre
 Court grondant parmi l'air, & à vos Dieux Gaulois
 Appendez pour trosée & nous & nos harnois:
 Ne vueillez point souiller, magnanimes gen'd'armes,
 Vos honneurs illustrez par la splendeur des armes,
 Au sang vil & couard de nos femmes, qui n'ont
 Ny corselets au dos ny morions au front
 Pour reuancher leur peau, de nature amufées
 A filer leur quenouille, & tourner leurs fusées.
 Ou bien si mesprisant les Dieux & les humains,
 Viuez ainsi que Loups du meurtre de vos mains,
 Tournez le fer trenchant en nos massés poitrines,
 Et courtois pardonnez aux meres feminines:
 Ou si vous craignez Dieu protecteur de la loy,
 Et la Fortune humaine inconstante & sans foy.
 (Croyans que vos voisins peuuent rair les vestres,
 Ainsi qu'en ce pais vous raiissez les nostres,
 Vous contre-iniuriant de parcille façon)
 Rendez-les s'il vous plaist, & prenez leur rançon,
 A fin que désormais exemptes du seruage,
 Libres en nos maisons facent nostre mesnage,
 Et sans plus asservir le reste de leurs ans,
 Aillent faire nos lits, & traiter nos enfans.
 Ils parlerent ainsi. Tes guerriers de leur teste

Firent signe aux prians d'accorder leur requeste.
 „ Il n'est rien qui tant l'homme amaine à la raison,
 „ Que l'art persuasif d'une douce oraison.

Les vnes par argent retournerent troquées:
 Les autres qui s'estoient desia domestiquées
 En l'amour des Gaulois, les pensaus plus gaillards
 Aux combats amoureux que leurs maris vicillars,
 S'arrestèrent au camp, mesprisans leurs Penates,
 Liets, enfans & maris, pour suivre les Galates.
 Ma femme fut ravie. Ambassadeur alors
 L'estois loin du pays, pour rompre les efforts
 Et l'instance furur d'un Martial orage,
 Qui desia coniueroit contre nostre riuage.

Si tost qu'à mon retour l'histoire s'entendi,
 Le sang gela mon cœur de crainte refroidi:
 La honte & le despit me fermerent la bouche,
 A terre renuersé comme vne froide souche,
 Plourant ma chere espouse, & n'ayant pour confort
 Remede en mon malheur quel espoir de la mort.

En tous lieux que i'allois ou ie l'auois cogneue,
 Soit veillante ou dormante, ou soit en robe, ou nue,
 Au iardin, en la chambre, au cabinet segret,
 Tout le cœur me crenoit de dueil & de regret.
 D'un pied mal-assuré mille fois en vne heure
 Je changeois de logis, de place & de demeure:
 Mais en vain: car tous lieux me sembloient odieux,
 Et tousiours sa beauté me recouroit aux yeux.

En songe toute nuit me reuenoit ma femme,
 Et tout cela de doux qui nous chatouille l'ame,
 Et dont le souvenir est plaisant au penser
 Qu'Amour me fait au cœur cent fois le iour passer.
 La face qu'elle auoit quand elle fut ravie,

Touſiours me reuenoit: comme elle pourſuiuie
 Couroit parmi le temple ambrassant les autels
 Et les images ſaincts des hauts Dieux immortels,
 Paſmée, eſcheuclée, & non plus femme viue,
 Et s'eſchappant de l'un, de l'autre eſt recaptiue,
 N'ayant autre conſort en ſon peril, ſinon
 M'appeller: & d'auoir en ſa bouche mon nom:
 Puis touſiours me ſembloit qu'elle me venoit tendre
 Ses bras croixez en l'air à ſin de la deſenſe.

Deux fils conceus de nous, germes de noſtre chair,
 Vray gage d'amitié aux deux parens ſi cher,
 Qui du tout reſembloit au portraict de leur mere,
 Aſſis ſur mes genoux redoubloient ma miſere,
 Et de leurs tendres mains touchans mon poil grison,
 Me prioient de tirer leur mere de priſon.
 „ Affection d'enſans de nature eſt ſi grande,
 „ Qu'elle obtient des parens tout ce qu'elle demande.
 Pour reconuerſer ma femme, ainçois pluſtoſt mon cœux,
 Sans qui ie viuotois en extreme langueur,
 Ie vendis tout mon bien. que m'en ſeruoit l'vſage,
 Quand mon meilleur treſor eſtoit ailleurs en gage?
 Touſiours à chaſque pas en ma femme reſvant,
 Chargé de mon auoir ie mis la voile au vent.
 Le vent en ma ſauueur qui pouppier ſe reſueille,
 Me pouſſa de Milet aux riués de Marſeille.

Du lieu de ta demeure aux voiſins ie m'enquis,
 Mais l'honneur de tes faits par les armes acquis
 M'enſeigna le chemin: car il n'y auoit trace
 Qui n'eust ouy tinter le bruiet de ta cuirace.

Entrant en ton palais, d'elle ie ſus cogneu:
 Puis t'enquerant de moy pourquoy i'eſtois venu,
 Ainſi te reſpondi. L'affection extreme

Que ie porte à ma femme, hélas! plus qu'à moy-mesme
Les pleurs versez pour elle, & les regrets amers
M'ont fait vendre mon bien & passer tant de mers
Afin de racheter vne si chere chose.

Puis tout soudain du prix avec toy ie compose,
Et le mis en ta main: mais ton cœur genereux,
Plus cent fois de l'honneur que de l'or amoureux,
Forçant ta ration qu'on estime si fiere,
Ne voulut accepter de moy la somme entiere.
Tu mis ceste rançon en quatre lots à part,
Vne quartie à ma femme, & l'autre pour ma part
L'autre pour mes enfans, & l'autre pour toy, Maître.

Tu me fis vn festin, tu m'assis à ta dextre,
Ic beu dedans ta coupe, & d'un front adouci
Humainement traité tu m'ostas le souci.

Quand le vin fut versé en l'honneur de Mercure,
Et la Nuit fut venue à la courtine obscure,
Tu me liuras ma femme, & m'en fis approcher,
Puis en vn mesme liét ensemble nous coucher,
Sans plus retenir droit ny pouuoir dessus elle.
Toutefois, ô cruel, ô barbare infidelle,
Après auoir comme hôte en ton Palais logé,
En ta coupe reben, à ta table mangé,
Après mon or baillé, après ta foy promise,
Tu l'as dauant mes yeux cruellement occise.

Le Prince qui long temps ce discours entendit,
D'un magnanime cœur luy contrerespondit.

Citoyen de Milet, estrange & mon hôte,
A fin que hors du cœur l'impresion ie t'oste
Qui pourroit à bon droit t'irriter contre moy,
Entens toute l'histoire, & l'emporte chez toy.
Aussi tost que l'Aurore au matin fut venue,

Ta femme toute nuict entre tes bras tenue,
 Qui t'appelloit son sang, son cœur, & sō souci,
 Embrassant mes genoux me fit sa plainte ainsi.
 „ On ne scauroit tromper vne douteuse amante.
 Elle ayant comme femme vne ame desfiante
 Et vn cœur soupçonueux (cela leur est fatal)
 Auant qu'il fust venu, coniectura son mal.

Après que par le fer tu m'as tienne rauie,
 Que par terre & par mer tes armes i'ay suyvie
 Compagne de ton liēt : après t'auoir aimé,
 Après t'auoir cent fois en te baisant armé,
 Baillé ton morion, ta lance & ta Rondache,
 Et planté sur ton tymbre vn menaçant pennache:
 Puis venu du combat, du travail ennuyé,
 Après t'auoir cent fois tout le corps essuyé
 Salle d'une poussiere honneste & genereuse,
 Et tes playes succé de ma leure amoureuse:
 Après auoir traité de mes mains tes cheuaux,
 Tes coursiers compagnons de tes nobles travaux,
 Les nommant par leur nom, qui souloient recognestre
 Ma voix encor plustost que celle de leur maistre:
 Peux-tu bien maintenant tes delices hair,
 Et pour vn peu de gain perfide me trahir?

Hà! ce n'est pas la foy ny la dextre fidelle
 Mise en la mienne, hélas! quand tremblante & rebelle
 L'embrassoit les autels de Cerés, appellant
 Les Dieux à mon secours contre toy me volant.

A la fin adionstant la priere à l'audace,
 Par force & par amour ie t'accorday ma grace,
 Pourueu que tu serois d'une inuincible foy,
 Toujours mon defenseur sans te fâcher de moy.
 Mais ie voy (desmentant ta promesse heroique)

Qu'autant comme ton cœur ta parole est Gothique.
 Pourrois-je bien souffrir absente de tes yeux
 Encore vne autre fois vn seruage enuieux?
 Le premier m'estoit doux, & le second en l'ame
 Me seroit vne mort dont le penser me pafme.

Tu estois mon pays, mon pere, & mon espous,
 Et tous perdus en toy ie les retrouuois tous:
 Seul tu estois mon tout, & pour vne parole
 Maintenant dans le vent ta promesse s'en-vole.
 Ne crains-tu poit les Dieux? ne crains tu que les bois,
 Les rochers entournex de naturels effrois,
 Les deserts remparex de longue solitude
 Ne content aux passans ta fiere ingratitude?

Tu me deuois tuer quand ta main me rauit,
 Et non trahir mon cœur qui forcé te suiuit.
 Le mourir de ta main valloit mieux que la vie,
 Et rauie en ce poinct ie n'eusse esté ranie.

En tous lieux où le nom des hommes i'entendray,
 Plustost par les forests aux loups ie me rendray,
 Qu'en leurs meschantes mains, croyant par coniecture
 Qu'ils sont tous comme toy de meschante nature.

Or puis que mon malheur ne se peut reuancher
 De toy, cruel ingrat, que par le reprocher,
 Ie te reprocheray ta semence germée,
 Que tu as par amour en mon ventre semée:
 Tu deuois pour le moins auant que me chasser,
 Souffrir que ton enfant peust ton col embrasser,
 Te rebaiser les mains, & t'appeler son pere.
 Les larmes de l'enfant eussent sauué la mere.

Baille moy ton poignard pour nous tu er tous deux
 Ie te seray desunète vn fantosme hideux,
 Ie rompray ton sommeil, & contre toy marrie

Ic te suiuray tousiours importune Furie,
 Te donnant à manger ton fils pour ton repas:
 Ainsi doux (me vangeant) me sera le trespas.
 Que dis-ic? mon amour ne merite vn supplice.
 Vinons donc à tes pieds pour te faire service,
 Et perdons, mon mary, ce causeur effronté,
 Qui de tout nostre bien qu'il auoit apporté,
 T'a baillé seulement la moitié de la somme,
 Vray acte de larron, & non pas de preud'homme.
 Elle vie dit ainsi. Le sang froid s'assembla
 Tout au-teur de mon cœur qui soulain me troubla
 Douteux si ie deuoïs l'enuoyer tout à l'heure
 En ces lieux tenebreux où le trespas demeure:
 Ou bien si ie deuoïs mon courroux retarder,
 Et te conter le faict à fin de te garder.
 I'ay feint ce sacrifice, & feint de te conduire
 Pour immoler ta femme, & aussi pour te dire
 Que vous esles deceus de blasmer les Gaulois,
 Vous autres Asiens, comme peuple sans lois,
 Barbares & cruels, transportez par le vice,
 Euenemis d'equité, de droict & de iustice.

Dessous la loy escripte enseignez vous viuez,
 Et doctes en papier le papier vous suuez:
 Nous autres nous n'auons que la Loy naturelle
 Escrite dans nos cœurs par vne encre eternelle;
 Que nous suiurons tousiours sans besoin d'autre escrit,
 Comme portans nos loix en nostre propre esprit.
 Entombe si tu veux, ou donne aux chiens ta femme,
 Ou la icte en la mer, ou la baille à la flame:
 Vn corps tronqué de teste est vn sardau pesant,
 Ne remporte en ta ville vn si vilain present.
 Or quant à la rançon quel'ay reccu pour elle,

Et au reste du bien que ta dextre me celle,
Prens tout, ie n'en vœux rien, à fin qu'en ton pays
Tu faces au retour tes voisins esbahis,
Leur contant nos vertus: va chercher ta demeure,
A dieu, donne la main, va-ten à la bonne heure.

HENRY, dont le renom n'est scullement allé
Aux peuples estendus sous le Pole gelé,
Mais de l'Europe entiere a rempli tout l'Espace,
Tu ne tiens seulement en la Gaulle la place
Que tenoit ce guerrier, mais aussi l'equité,
Les vertus, les honneurs & la fidelité.
Je voudrois que ton peuple en armes redoutable
Se monstrast enuers toy ou autant equitable
Aussi fidelle & bon que tu luy es bon Roy,
Que tu es enuers luy, ou qu'il fust enuers toy,
Les guerres tous les ans ne seroyent attendues,
Les villes sous ta main seroyent desia rendues,
Les harnois ne seroyent vn faix à nostre dos,
Et tes sujets viuroyent en paisible repos.

Cependant il te plaist en telle deffiance
Vaincre non par le fer, mais par la patience.
Vy heureux ceste année & cent autres encor,
Et en regnant vicillis autant que fit Nestor,
Et m'estreine, grand Roy, ainsi que ie t'estreine.
Du labeur profitable agreable est la peine.



LES PARQUES.

A L V Y · M E S M E.

Les Parques, qui leur chef de chesne
 couronnerent,
 Le iour que tu naquis, ton corps en-
 uironnerent,
 Puis en filant ta vie autour de leur fu-
 Et persemant d'odours ton liēt & ton berceau, (seau,
 Te chanterent ces vers que les Dicux approuuerent,
 Et pour estre gardez au ciel les engraouerent.

Enfant, en qui le ciel renuerse son bon-heur,
 Te remplissant autant de vertus & d'honneur
 Qu'Hercule en fut remply le iour de sa naissance,
 Crois pour te faire vn iour l'ornement de la France.
 Crois donc, & deuiens grand, & d'un bras enfantin
 Riant dès le maillot embrasse ton destin.

Comme Alcide qui fut d'une force indomtee,
 Souffrit mille trauaulx sous son frere Eurystee,
 Tu dois dessous le tien mille peines souffrir,
 Et d'un cœur genereux aux batailles t'offrir,
 Et faire craqueter dès ta ieunesse tendre,
 Le harnois sur ton dos pour son sceptre defendre.

Nous voyons la Charente, & les bords d'alentour
 Desia rougir de sang, & l'air de Moncôntour
 S'infecter de corps morts, & ses plaines semces
 D'os porter à regret les mutines armees.

Desia nous te voyons au milieu des trauaux,
 Rennerfer à tes pieds cheualiers & cheuaux,
 Et pendre sur ton front pour eternelle gloire

L'honneur & le bon-heur, la force & la victoire.

C'est lors que tu rendras aux François leurs autels,
Et les temples sacrez de leurs saints immortels
Que la main Huguenote aura ruez par terre.

Mais cōme on void les Pins foudroyez du tonnerre,
Tu foudroiras leur camp infidelle & selon,
Ainsi que Brenne fut par les traicts d'Apollon.

Pour rendre sa vertu davantage honoree,
Hercule alla courir la terre Hyperboree:
Et tu dois commander en ceste part, où droict
Le Pole Boreal roidist tousiours de froit.

De là passant Vienne, & le fleuve qui baigne
D'un cours large & profond la plus haute Allemaigne,
Tu voiras l'Italie, & Venise en la mer,
Qui ne veult d'autres murs que de flots s'enfermer:
Et trauersant le Pô, tu dois voir dans les nues
Les rempars monstrueux des grands Alpes chennues,
Dont les cheueux tousiours de neige sont vestus,
Et les pieds de torrens raugez & batus.

Puis tu voiras la terre, applaudi de la race
De tes peuples François: si qu'il n'y aura place,
Chemin ni carrefour, qui en te benissant
N'aille de ieux, de ioye & de bruit fremissant.

Par les temples sacrez, saintes maisons des villes,
Les ieunes & les vieux; les meres & les filles
D'un long ordre en chantant, soit de nuict, soit de iour
Rendront graces à Dieu pour ton heureux retour.
Lyon doit le premier reuoir ton saint visage,
Et son fleuve sauter de ioye en son riuage.

Après que la vertu, qui suit ta Maïesté,
Aura deßous tes pieds ton ennemy domté,
Et la longueur du temps ioincte à l'experience

T'auront appris de vaincre avec la patience,
 Par elle te faisant des Monstres le vainqueur.
 Estleue apres au ciel le courage & le cœur:
 Estime tes suiets, corrige ta Iustice:
 Fay que les armes soient des Nobles l'exercice:
 Honore la science, honore les guerriers:
 Les vicillards au conseil soient tousjours les premiers,
 Reuer leur vicilleſſe, & tes peres les nomme.

Puis venu par vicilleſſe en l'âge où ſe conſomme
 La vie & la chaleur, tu monteras aux cieux,
 Et boiras du Nectar à la table des Dieux,
 Comme le preux Hercule, eſpouſant la Ieuneſſe,
 Et Caſtor & Pollux, Deitez que la Grece
 Miſt au ciel, & leur nom ſema par l'Vniuers,
 Tant valent les vertus, les Muſes & les vers.
 Ainſi pres de ton liēt les trois Parques parlerent,
 Et baiſans ton bercean dedans l'air ſ'en-volerent.

DIALOGVE





DIALOGVE ENTRE LES
MYSES DESLOGEES,
& Ronfard.

A LVR-MESME.

Euant les yeux au ciel & contemplant
les nues,
I'auisay l'autre iour vne troupe de
Grues, (bien serré
Qui d'un ordre arrenge & d'un vol
Representoient en l'air vn bataillon carré,
D'auirons emplumex & de roides seconsses,
Cherchans en autre part autres terres plus douces,
Où tousiours le Soleil du rayon de ses yeux
Rend la terre plus grasse & les champs plus ioyeux.
Ces oiseaux rebatans les plaines rencontrées
De l'air, à grands coups d'aile alloient en leurs cōtrées
Quittans nostre pais & nos froides saisons,
Pour refaire leur race & reuoir leurs maisons.
Les regardant voler, ie disois en moy-mesme:
Ie voudrois bien, oiseaux, pouuoir faire de mesme:
Et voir de ma maison la flamme voltiger
Desur ma cheminée, & iamais n'en bouger,
Maintenant que ie porte iniurié par l'age,
Mes cheueux aussi gris comme est vostre plumage.
Adieu peuples ailex, hostes Strymoniens,

Qui volant de la Thrace aux *Æthiopiens*,
 Sur le bord de la mer encontre les *Pygmées*
Menez, combat léger, vos plumbeuses armées:
 Allez en vos maisons. Je voudrais faire ainsi.
 „Vn homme sans foyer vit tousiours en soucy.
 Mais en vain ie parlois à l'escadron qui vlt:
 Car le vent emportoit comme luy ma parole,
 Remplissant de grands cris tout le ciel d'alentour,
 Ioyeux de retourner au lieu de son sejour.

De l'air abaissant l'œil le long d'une valée,
 Je regarday venir vne troupe haslée
 Lasse de long tranail, qui par mauuais destin
 Auoit fait (ce sembloit) vn penible chemin.

Elle estoit mal-en-conche & pauurement vestue:
 Son habit attaché d'une espine poinctue
 Luy pendoit à l'espaule, & son poil dédaigné
 Erroit sallé & poudreux, crasseux, & mal peigné.
 Toutcois de visage elle estoit assez belle:

Sa contenance estoit d'une ieune pucelle,
 Vne honte agreable estoit dessus son front,
 Et son œil esclairoit comme les Astres font:
 Quelque part qu'en marchant elle tournast la face,
 La vertu la suyuoit, l'eloquence & la grace,
 Monstrant en cent façons dès son premier regard,
 Que sa race venoit d'une royale part,
 Si bien qu'en la voyant, toute ame genereuse,
 Se rechaufant d'amour, en estoit amoureuse.

Deuant la troupe alloit vn ieune iouuenceau,
 Qui portoit en Courrier des ailes au chapeau,
 Vne housine en main de serpens tortillée,
 Et dessous pauvre habit vne face esuëllée:
 Et monstreroit à son port quel sang le conceuoit,

Tant la garbe de Prince au visage il auoit.

Tout furieux d'esprit ie marchay vers la bande,
Ie luy baise la main, puis ainsi luy demande
(Car l'ardeur me poussoit de son mal consoler,
M'enquerir de son nom, & de l'ouyr parler.)

Ronsard.

Quel est vostre pays, vostre nom, & la ville
Qui se vante de vous? L'une la plus habille
De la bande respond.

Muses.

Si tu-as iamais ven

Ce dieu qui de son char tout rayonné de feu
Brise l'air en grondant, tu-as ven nostre pere:
Grece est nostre pais, Memoire est nostre mere.

Au temps que les mortels craignoient les Deitez,
Ils bastirent pour nous & temples & citez:
Montaignes & rochers, & fontaines, & prés,
Et grottes & forests nous furent consacrées.
Nostre mestier estoit d'honorer les grands Rois,
De rendre venerable & le peuple & les lois,
Faire que la vertu du monde fust aimée:
Et forcer le trespas par longue renommée:
D'une flame diuine allumer les esprits,
Auoir d'un cœur hautin le vulgaire à mespris,
Ne priser que l'honneur & la gloire cherchée,
Et tousiours dans le Ciel auoir l'ame attachée.

Nous eusmes autrefois des habits precieux,
Mais le barbare Turc de tout victorieux,
Ayant vaincu l'Asie & l'Afrique, & d'Europe
La meillcure parti' a chassé nostre trope
De la Grece natale, & fuyant ses prisons
Errons, comme tu vois, sans biens & sans maisons,

Mercure alloit deuant, qui leur seruoit d'escorte,
 D'un air enuoloppé. A la fin paruenus
 En ton ost, & voyant tes hommes incognus,
 Harenguerent ainsi d'une douce priere,
 Pour amollir les cœurs de la troupe guerriere,
 Qui brave en son harnois donnoit d'une autre part
 Assurance aux prians d'un paisible regard.

Peuples enfans de Mars, heritiers de la guerre:
 Qui courez nostre Asie, ainsi que le tonnerre
 Court grondant parmi l'air, & à vos Dieux Gaulois
 Appendez pour trosée & nous & nos harnois:
 Ne vueillez point souiller, magnanimes gen'd'armes,
 Vos honneurs illustrez par la splendeur des armes,
 Au sang vil & couard de nos femmes, qui n'ont
 Ny corselets au dos ny morions au front
 Pour reuancher leur peau, de nature amusées
 A filer leur quenouille, & tourner leurs fusées.
 Ou bien si mesprisant les Dieux & les humains,
 Vinez ainsi que Loups du meurtre de vos mains,
 Tournex le fer trenchant en nos masles poitrines,
 Et courtois pardonnez aux meres feminines:
 Ou si vous craignez Dieu protecteur de la loy,
 Et la Fortune humaine inconstante & sans foy
 (Croyans que vos voisins peuuent rair les vostres,
 Ainsi qu'en ce país vous ranissiez les nostres,
 Vous contre-iniuriant de parvile façon):
 Rendez-les s'il vous plaist, & prenez leur rançon,
 A fin que désormais exemptes du seruage,
 Libres en nos maisons facent nostre mesnage,
 Et sans plus asservir le reste de leurs ans,
 Aillent faire nos lits, & traiter nos enfans.

Ils parlerent ainsi. Tes guerriers de leur teste

Firent signe aux prians d'accorder leur requeste.

„Il n'est rien qui tant l'homme ameine à la raison,

„Que l'art persuasif d'une douce oraison.

Les vnes par argent retournerent troquées:

Les autres qui s'estoient desia domestiquées

En l'amour des Gaulois, les pensaus plus gaillards

Aux combats amoureux que leurs maris vicillars,

S'arrestèrent au camp, mesprisans leurs Penates,

Liets, enfans & maris, pour suivre les Galates.

Ma femme fut ravie. Ambassadeur alors

I'estois loin du pays, pour rompre les efforts

Et l'instance surcœur d'un Martial orage,

Qui desia coniueroit contre nostre riuage.

Si tost qu'à mon retour l'histoire s'entendi,

Le sang gela mon cœur de crainte refroidi:

La honte & le despit me fermerent la bouche,

A terre renuersé comme vne froide souche,

Plourant ma chere espouse, & n'ayant pour confort

Remede en mon malheur quel espoir de la mort.

En tous lieux que i'allois ou ie l'auois cogneue,

Soit veillante ou dormante, ou soit en robbe, ou nue,

Au iardin, en la chambre, au cabinet segret,

Tout le cœur me crenoit de dueil & de regret.

D'un pied mal-assuré mille fois en vne heure

Le changeois de logis, de place & de demeure:

Mais en vain: car tous lieux me sembloient odieux,

Et tousiours sa beauté me recouroit aux yeux.

En songe toute nuit me reuenoit ma femme,

Et tout cela de doux qui nous chatoille l'ame,

Et dont le souuenir est plaisant au penser

Qu'Amour me fait au cœur cent fois le iour passer.

La face qu'elle auoit quand elle fut ravie,

Tousiours me reuenoit: comme elle poursuiue
 Couroit parmi le temple embrassant les autels
 Et les images saintes des hauts Dieux immortels,
 Pasmée, escheuclée, & non plus femme viue,
 Et s'eschappant de l'un, de l'autre est recaptiue,
 N'ayant autre confort en son peril, sinon
 M'appeller: & d'auoir en sa bouche mon nom:
 Puis tousiours me sembloit qu'elle me venoit tendre
 Ses bras croixez en l'air à fin de la defenestre.

Deux fils conceus de nous, germes de nostre chair,
 Vray gage d'amitié aux deux parens si cher,
 Qui du tout ressembloit au portrait de leur mere,
 Assis sur mes genoux redoubloient ma misere,
 Et de leurs tendres mains touchans mon poil grison,
 Me prioient de tirer leur mere de prison.
 ,, Affection d'ensans de nature est si grande,
 ,, Qu'elle obtient des parens tout ce qu'elle demande.
 Pour recouurer ma femme, ainçois plustost mon cœur,
 Sans qui ie viuois en extreme langueur,
 Je vendis tout mon bien. que m'en seruoit l'usage,
 Quand mon meilleur tresor estoit ailleurs en gage?
 Tousiours à chasque pas en ma femme resuant,
 Chargé de mon auoir ie mis la voile au vent.
 Le vent en ma saueur qui pouppier se resueille,
 Me poussa de Milet aux riués de Marseille.

Du lieu de ta demeure aux voisins ie m'enquis,
 Mais l'honneur de tes faits par les armes acquis
 M'enseigna le chemin: car il n'y auoit trace
 Qui n'eust ouy tinter le bruiet de ta cuirace.

Entrant en ton palais, d'elle ie fus cogneu:
 Puis t'enquerant de moy pourquoy i'estois venu,
 Ainsi te respondi. L'affection extreme

Que ie porte à ma femme, *belas! plus qu'à moy-mesme*
Les pleurs versez pour elle, & les regrets amers
M'ont fait vendre mon bien & passer tant de mers
Afin de racheter vne si chere chose.

Puis tout soudain du prix avec toy ie compose,
Et le mis en ta main: mais ton cœur genereux,
Plus cent fois de l'honneur que de l'or amoureux,
Forçant ta racion qu'on estime si fiere,
Ne voulut accepter de moy la somme entiere.
Tu mis ceste rançon en quatre lots à part,
Vne quarté à ma femme, & l'autre pour ma part
L'autre pour mes enfans, & l'autre pour toy, *Maistre.*

Tu me fis vn festin, tu m'assis à ta dextre,
Ie beu dedans ta coupe, & d'un front adouci
Humainement traité tu m'ostas le souci.

Quand le vin fut versé en l'honneur de *Mercuré,*
Et la Nuiet fut venue à la courtine obscure,
Tu me lieras ma femme, & m'en fis approcher,
Puis en vn mesme liét ensemble nous coucher,
Sans plus retenir droit ny pouuoir dessus elle.

Toutefois, ô cruel, ô barbare infidelle,
Après auoir comme hôte en ton Palais logé,
En ta coupe rebeu, à ta table mangé,

Après mon or baillé, après ta foy promise,
Tu l'as dauant mes yeux cruellement occise.

Le Prince qui long temps ce discours entendit,
D'un magnanime cœur luy contrerespondit.

Citoyen de Milet, *estranget* & mon hôte,
A fin que hors du cœur l'impresion ie t'oste
Qui pourroit à bon droit t'irriter contre moy,
Entens toute l'histoire, & l'emporte chez toy.
Aussi tost que l'Aurore au matin fut venue,

Ta femme toute nuict entre tes bras tenue,
 Qui t'appelloit son sang, son cœur, & sō souci,
 Embrassant mes genoux me fit sa plainte ainsi.
 „ On ne scauroit tromper vne douteuse amante,
 Elle ayant comme femme vne amie desfiante
 Et vn cœur soupçonueux (cela leur est fatal)
 Avant qu'il fust venu, coniectura son mal.

Après que par le fer tu m'as tienne ravie,
 Que par terre & par mer tes armes i'ay suyuie
 Compagne de ton liēt: après t'auoir aimé,
 Après t'auoir cent fois en te baisant armé,
 Baillé ton morion, ta lance & ta Rondache,
 Et planté sur ton tymbre vn menaçant pennache:
 Puis venu du combat, du travail ennuyé,
 Après t'auoir cent fois tout le corps essuyé
 Salle d'une poussiere honnestre & genereuse,
 Et tes playes succé de ma leure amoureuse:
 Après auoir traité de mes mains tes cheuaux,
 Tes coursiers compagnons de tes nobles travaux,
 Les nommant par leur nom, qui souloient recognestre
 Ma voix encor pluſtoſt que celle de leur maistre:
 Peux-tu bien maintenant tes delices hair,
 Et pour vn peu de gain perfide me trahir?

Hà! ce n'est pas la foy ny la dextre fidelle
 Mise en la mienne, hélas! quand tremblante & rebelle
 L'embrassois les autels de Cerés, appellant
 Les Dieux à mon secours contre toy me volant.

A la fin adionstant la priere à l'audace,
 Par force & par amour ie t'accorday ma grace,
 Pourueu que tu serois d'une inuincible foy,
 Toujours mon defendeur sans te fâcher de moy.
 Mais ie voy (desmentant ta promesse heroïque)

Qu'autant comme ton cœur ta parole est Gothique.
 Pourrois-je bien souffrir absente de tes yeux
 Encore vne autre fois vn seruage enuieux?
 Le premier m'estoit doux, & le second en l'ame
 Me seroit vne mort dont le penser me pisme.

Tu estois mon pays, mon pere, & mon espous,
 Et tous perdus en toy ie les retrouuois tous:
 Seul tu estois mon tout, & pour vne parole
 Maintenant dans le vent ta promesse s'en-vole.
 Ne crains-tu poit les Dieux? ne crains tu que les bois,
 Les rochers entournex de naturels effrois,
 Les deserts remparex de longue solitude
 Ne content aux passans ta fiere ingratitude?

Tu me deuois tuer quand ta main me rauit,
 Et non trahir mon cœur qui forcé te suiuit.
 Le mourir de ta main valloit mieux que la vie,
 Et rauie en ce poinct ie n'eusse esté ranie.

En tous lieux où le nom des hommes i'entendray,
 Plustost par les forests aux loups ie me rendray,
 Qu'en leurs meschantes mains, croyant par coniecture
 Qu'ils sont tous comme toy de meschante nature.

Or puis que mon malheur ne se peut reuancher
 De toy, cruel ingrat, que par le reprocher,
 Ie te reprocheray ta semence germée,
 Que tu as par amour en mon ventre semée:
 Tu deuois pour le moins auant que me chasser,
 Souffrir que ton enfant peust ton col embrasser,
 Te rebaiser les mains, & t'appeler son pere.
 Les larmes de l'enfant eussent sauné la mere.

Baille moy ton poignard pour nous en er tous deux
 Ie te seray desunète vn fantosme hideux,
 Ie rompray ton sommeil, & contre toy marrie

Ic te suiuray tousiours importune Furie,
 Te donnant à manger ton fils pour ton repas:
 Ainsi doux (me vangeant) me sera le trespas.
 Que dis-ies mon amour ne merite vn supplice.
 Viuons donc à tes pieds pour te faire seruice,
 Et perdons mon mary ce causeur effronté,
 Qui de tout nostre bien qu'il auoit apporté,
 T'a baillé seulement la moitié de la somme,
 Vray acte de larron, & non pas de preud'homme.
 Elle me dit ainsi. Le sang froid s'assembla
 Tout au-tour de mon cœur qui soudain me troubla
 Douteux si ie deuois l'enuoyer tout à l'heure
 En ces lieux tenebreux où le trespas demure:
 Ou bien si ie deuois mon courroux retarder,
 Et te conter le faict à fin de te garder.
 I'ay feint ce sacrifice, & feint de te conduire
 Pour immoler ta femme, & aussi pour te dire
 Que vous estes deceus de blasmer les Gaulois,
 Vous autres Asiens, comme peuple sans loix,
 Barbares & cruels, transportez par le vice,
 Euenemis d'equité, de droict & de iustice.

Dessous la loy escripte enseignez vous viuez,
 Et doctes en papier le papier vous suinez:
 Nous autres nous n'auons que la Loy naturelle
 Escrite dans nos cœurs par vne encre eternelle,
 Que nous suiuous tousiours sans besoin d'autre escrit,
 Comme portans nos loix en nostre propre esprit.
 Entombe si tu veux, ou donne aux chiens ta femme,
 Ou la jette en la mer, ou la baille à la flamme:
 Vn corps tronqué de teste est vn sardau pesant,
 Ne remporte en ta ville vn si vilain present.
 Or quant à la rançon que j'ay receu pour elle,

*Et au reste du bien que ta dextre me celle,
Prens tout, ie n'en veux rien, à fin qu'en ton pays
Tu faces au retour tes voisins esbahis,
Leur contant nos vertus, va chercher ta demeure.
A dieu, donne la main, va-t'en à la bonne heure.*

*H E N R Y, dont le renom n'est seulement allé
Aux peuples estendus sous le Pole gelé,
Mais de l'Europe entiere a rempli tout l'Espace,
Tu ne tiens seulement en la Gault la place
Que tenoit ce guerrier, mais aussi l'equité,
Les vertus, les honneurs & la fidelité.
Ie voudrois que ton peuple en armes redoutable
Se monstrast enuers toy ou autant equitable
Aussi fidelle & bon que tu luy es bon Roy,
Que tu es enuers luy, ou qu'il fust enuers toy.
Les guerres tous les ans ne seroyent attendues,
Les villes sous ta main seroyent desia rendues,
Les harnois ne seroyent vn faix à nostre dos,
Et tes sujets viuroient en paisible repos.*

*Cependant il te plaist en telle deffiance
Vaincre non par le fer, mais par la patience.
Vy heureux ceste année & cent autres encor,
Et en regnant vicillis autant que fit Nestor,
Et m'estreine, grand Roy, ainsi que ie t'estreine.
Du labeur profitable agreable est la peine.*



LES PARQUES.

A LVY-MESME.

Les Parques, qui leur chef de chesne
couronnerent,
Le iour que tu naquis, ton corps en-
uironnerent,

Puis en filant ta vie autour de leur fu-
Et parfuman d'odeurs ton liét & ton berceau, (seau,
Te chanterent ces vers que les Dicux approuuerent,
Et pour estre gardez au ciel les engrauerent.

Enfant, en qui le ciel renuerse son bon-heur,
Te remplissant autant de vertus & d'honneur
Qu'Hercule en fut remply le iour de sa naissance,
Crois pour te faire vn iour l'ornement de la France.
Crois donc, & deuiens grand, & d'un bras enfantin
Riant dès le maillot embrasse ton destin.

Comme Alcide qui fut d'une force indomtee,
Souffrit mille trauaulx sous son frere Eurystee,
Tu dois deffous le tien mille peines souffrir,
Et d'un cœur genereux aux batailles t'offrir,
Et faire craqueter dès ta ieunesse tendre,
Le harnois sur ton dos pour son sceptre defendre.

Nous voyons la Charente, & les bords d'alentour
Desia rougir de sang, & l'air de Moncôntour
S'infecter de corps morts, & ses plaines semces
D'os porter à regret les mutines armées.

Desia nous te voyons au milieu des trauaux,
Renuerse à tes pieds cheualiers & cheuaux,
Et pendre sur ton front pour eternelle gloire

L'honneur & le bon-heur, la force & la victoire.

C'est lors que tu rendras aux François leurs autels,
Et les temples sacrez de leurs saints immortels
Que la main Huguenote aura ruez par terre.

Mais cōme on void les Pins soudroyez du tonnerre,
Tu soudroiras leur camp infidelle & selon,
Ainsi que Brenne fut par les traicts d'Apollon.

Pour rendre sa vertu d'auantage honoree,
Hercule alla courir la terre Hyperboree:
Et tu dois commander en ceste part, où droict
Le Pole Boreal roidist tousiours de froit.

De là passant Vienne, & le fleuve qui baigne
D'un cours large & profond la plus haute Allemagne,
Tu voiras l'Italie, & Venise en la mer,
Qui ne veut d'autres murs que de flots s'enfermer:
Et trauersant le Pô, tu dois voir dans les nues
Les rempars monstrueux des grands Alpes chennues,
Dont les cheueux tousiours de neige sont vestus,
Et les pieds de torrens rauagez & batus.

Puis tu voiras la terre, applaudi de la race
De tes peuples François: si qu'il n'y aura place,
Chemin ni carrefour, qui en te benissant
N'aille de ieux, de ioye & de bruit fremissant.

Par les temples sacrez, saintes maisons des villes,
Les ieunes & les vicux, les meres & les filles
D'un long ordre en chantant, soit de nuict, soit de iour
Rendront graces à Dieu pour ton heureux retour.
Lyon doit le premier reuoir ton saint visage,
Et son fleuve sauter de ioye en son riuage.

Après que la vertu, qui suit ta Maisté,
Aura deßous tes pieds ton ennemy domté,
Et la longueur du temps ioincte à l'experience

T'auront appris de vaincre avec la patience,
 Par elle te faisant des Monstres le vainqueur.
 Estene apres au ciel le courage & le cœur:
 Estime tes suiets, corrige ta Iustice:
 Fay que les armes soient des Nobles l'exercice:
 Honore la science, honore les guerriers:
 Les vicillards au conseil soient tousiours les premiers,
 Reuere leur vieillesse, & tes peres les nomme.

Puis venu par vicillesse en l'âge où se consomme
 La vie & la chaleur, tu monteras aux cieux,
 Et boiras du Nectar à la table des Dieux,
 Comme le preux Hercule, espousant la Jeunesse,
 Et Castor & Pollux, Deit ex que la Grece
 Mist au ciel, & leur nom sema par l'Vniuers,
 Tant valent les vertus, les Muses & les vers.
 Ainsi pres de ton liét les trois Parques parlerent,
 Et baisans ton berceau dedans l'air s'en-volerent.

DIALOGVE





DIALOGVE ENTRE LES
MVSES DESLOGEES,
& Ronfard.

A LVR-MESME.

LEuant les yeux au ciel & contemplant
les nues,
I'auisay l'autre iour vne troupe de
Grues, (bien serré
Qui d'un ordre arrenge & d'un vol
Representoient en l'air vn bataillon carré,
D'auirons emplumex & de roides seconsses,
Cherchans en autre part autres terres plus douces,
Où tousiours le Soleil du rayon de ses yeux
Rend la terre plus grasse & les champs plus ioyeux.
Ces oiseaux rebatans les plaines rencontrées
De l'air, à grands coups d'aile alloient en leurs cōtrées
Quittans nostre pais & nos froides saisons,
Pour refaire leur race & reuoir leurs maisons.
Les regardant voler, ie disois en moy-mesme :
Ie voudrois bien, oiseaux, pouuoir faire de mesme :
Et voir de ma maison la flamme voltiger
Desur ma cheminée, & iamais n'en bouger,
Maintenant que ie porte iniurié par l'age,
Mes cheueux aussi gris comme est vostre plumage.
Adieu peuples ailex, hostes Strymoniens,

Tant la garbe de Prince au visage il auoit.

Tout furieux d'esprit ie marchay vers la bande,
Ic luy baise la main, puis ainsi luy demande
(Car l'ardeur me poussoit de son mal consoler,
M'enquerir de son nom, & de l'ouyr parler.)

Ronsard.

Quel est vostre pays, vostre nom, & la ville
Qui se vante de vous? L'une la plus habille
De la bande respond.

Muses.

Si tu-as iamais ven

Ce dieu qui de son char tout rayonné de feu
Brise l'air en grondant, tu-as veu nostre pere:
Grece est nostre pais, Memoire est nostre mere.

Au temps que les mortels craignoient les Deitez,
Ils bastirent pour nous & temples & citez:
Montaignes & rochers, & fontaines, & prés,
Et grottes & forests nous surent consacrées.
Nostre mestier estoit d'honorer les grands Rois,
De rendre venerable & le peuple & les lois,
Faire que la vertu du monde fust aimée:
Et forcer le trespas par longue renommée:
D'une flame diuine allumer les esprits,
Avoir d'un cœur hautin le vulgaire à mespris,
Ne priser que l'honneur & la gloire cherchée,
Et tousiours dans le Ciel auoir l'ame attachée.

Nous eusmes autrefois des habits precieux,
Mais le barbare Turc de tout victorieux,
Ayant vaincu l'Asie & l'Afrique, & d'Europe
La meillcure parti a chassé nostre trope
De la Grece natale, & fuyant ses prisons
Errons, comme tu vois, sans biens & sans maisons,

Où le pied nous conduit, pour voir si sans excuses
Les peuples & les Rois auront pitié des Muses.

Ronsard.

Des Muses? di-je lors. Estes vous celles-là
Que iadis Helicon les neuf Sœurs appella?
Que Cyrrhe & que Phocide auouoiēt leurs maistresses?
Des vers & des chansons les sçauantes Déeses?
Vous regardant marcher nuds pieds & mal-enpoint,
L'ay le cœur de merueille & de frayeur espoint,
Et me repens d'auoir vostre danse suiui,
N'sant à vos mestiers le meilleur de ma vie.

Je pensois qu'Amalthée eust mis entre vos mains
L'abondance, & l'argent, l'autre ame des humains:
Maintenant ie cognois, vous voyant affamées,
Qu'en esprit vous païssez seulement de fumées,
Et d'un titre ventoux antiquaire & moisi,
Que pour vn bien solide en vain auxz choisi.

Pour suiure vos fureurs miserables nous sommes.
Certes vous ressemblez aux pauvres Gentils-hommes:
Lors que tout est vendu, leuans la teste aux cieux,
N'ont plus autre recours qu'à vanter leurs yeulx.

Que vous sert Iupiter dont vous estes les filles?
Que seruent vos chansons, vos Temples & vos villes?
Ce n'est qu'une parade, vn honneur contrefaict,
Riche de fantasie, & non pas en effect.

Vertu, tu m'as trompé, te pensant quelque chose.
Ie cognois maintenant que le malheur dispose
De toy qui n'es que vent, puisque tu n'as pouuoir
De conseruer les tiens qui errent sans auoir
Ny faueurs ny amis, vagabons d'heure en heure
Sans feu, sans lieu, sans bien, sans place, ny demeure.

Muses.

Hà que tu es ingrat de nous blasmer ainsi!
 Que fusses-tu sans nous, qu'un esprit endurcy,
 Consumant, casanier, le plus beau de ton age
 En ta pauvre maison, ou dans un froid village,
 Incogneu d'un chacun? où t'ayant abreuvé
 De Nectar, & l'esprit dans le Ciel eslevé,
 T'avons fait desirieux d'honneur & de louanges,
 Et semé ton renom par les terres estranges,
 De tes Rois estimé, de ton peuple chery,
 Ainsi que nostre enfant en nostre sein nourry.

Dieu punit les ingrats: à tous coups que la foudre
 Trebuchera de l'air, tu auras peur qu'en poudre
 Tu ne sentes ton corps & ta teste briser
 Pour la punition d'ainsi nous mespriser.
 Pource adiouste creance à qui bien te conseille:
 Ayde nous maintenant, & nous rends la pareille.

Ronsard.

Que voulez vous de moy? L'une des Sœurs alors
 Qui la bande passoit de la moitié du corps,
 Me contre-respondit.

Muses.

Nous avons ouy dire
 Que le Prince qui tient maintenant vostre Empire,
 Et qui d'un double Sceptre honore sa grandeur,
 Est dessus tous les Roys des lettres amateur,
 Caresse les sçavans, & des liures fait conte,
 Estimant l'ignorance estre vne grande honte:
 Dy luy de nostre part qu'il luy plaise changer
 En micux nostre fortune, & nous donne à loger.

Ronsard.

Vous m'imposez au dos vne charge inegale:

C ij

J'ay peu de cognoissance à sa grandeur royale,
 C'est vn Prince qui n'aime vn vulgaire propos,
 Et qui ne veut souffrir qu'on trouble son repos,
 Empesché tous les iours aux choses d'importance,
 Soutenant presque seul tout le faix de sa France,
 Meditant comme il doit son peuple gouverner,
 Et faire deffous luy l'âge d'or retourner,
 Honorer les Vertus & chastier le vice,
 Defenseur de la Loy, protecteur de Iustice,
 Je n'oze l'aborder, ie crains sa Maiesté,
 Tant ie suis eblouy des raix de sa clairté:
 Pource cherchez ailleurs vn autre qui vous meine,
 Adieu troupe sçauante, adieu belle Nenuaine.
 Prince qui nous seruez de phare & de flambeau,
 Ne laissez point errer sans logis ce troupeau,
 Troupeau de sang illustre & d'ancienne race,
 Pauvre, mais de bon cœur, digne de vostre grace,
 Iupiter le conceut lequel vous a conceu.
 Ainsi de mesme pere ensemble auxz reccu
 L'estre & l'affinité: Vous comme le plus riche,
 A vos pauvres parens ne deuez estre chiche.





AV ROY CHARLES IX.



V grand Hercule animé de courage
 Vous ressemblez : il auoit son lignige
 Du fils de Rhee, & le vostre est d'un
 Roy,
 Qui comme un Dieu tient la France sous
 foy.

Dès le berceau de sa main enfantine
 Il estouffa la race serpentine:
 Vous dès l'enfance à la mort aux mis
 La plus grand' part de vos fiers ennemis.

Un puissant Roy contraignoit sa prouesse:
 Necessité, qui est grande Deesse,
 Vous a contraint : il eut pour son confort
 Un ieune frere, & vous Prince tresfort,
 En aux deux qui donnent esperance
 D'estre sous vous les lumieres de France.

Hercule auoit pour habit le plus beau
 Le rude cuyr de l'effroyable peau
 D'un grand Lion, monstrant par un tel signe
 Qu'un riche habit des Princes n'est pas digne,
 Mais la vertu, qui iamais ne se pert,
 Et qui de robbe en tout âge leur sert.

Vous comme luy, bien que soyez grand Prince,
 Et riche Roy de si grande prouince,
 Ayant vertu pour vostre habillement,
 Allez tousiours accoustré simplement,
 Blasmant l'orgueil des grands Rois d'Assyrie,
 Qui tous chargez de riche orfenerie

D'argent & d'or, demy-Dieux se monstroient
 Enflex de pompe à ceux qu'ils rencontroient,
 Faisans estat de robbe somptueuse,
 Et non d'auoir vne ame vertueuse:
 Ainsi masquez rehuissoient pardeuant,
 Mais audedans ce n'estoit que du vent.

Or cest Hercule à tous labours adextre
 Vne massue auoit dedans la dextre,
 Dont il frapport les hommes deprauez:
 Dedans la main le Sceptre vous auez
 Dont vous domtez l'impudente malice,
 Gouvernant tout d'une egale police.

Hercule alloit la terre tournoyant,
 De tous costez les Monstres guerroyant:
 Et vous tournez vostre royaume, Sire,
 Pour saintement nettoier vostre Empire
 De tout erreur & des Monstres qui vont
 Sans plus auoir la honte sur le front.

Hercule aimoit & l'arc & les sagettes:
 Pour passe-temps si bon archer vous estes,
 Et si certain, que le trait eslançé
 Frappe le but par vos yeux menacé.

Sa sœur Pallas Déesse forte & sage
 Le conduisoit bien-heurant son voyage:
 Et vous auez vostre mere qui fait
 Vostre voyage heureusement parfait.

Après sa mort Hercule magnanime
 Au ciel monta de soy-mesme victime,
 Estant purgé sur le mont OEtéen:
 Vous despoillé du manteau terréen
 Irez au ciel à la gloire eternelle.

Et c'est pourquoy, Sire, ie vous appelle

Nostre Herculin, qui scerez vne fois
Par vos vertus l'Hercule des François:
Car c'est à vous à qui le Ciel ordonne
Du monde entier le Sceptre & la Couronne.

Ainsi de vous l'a promis le Destin

Inexorable, au fuscau aimantin,

Dur, acéré, d'inuincible puissance:

C'est que scriez en vostre adolescence,

Estant bien ieune orphelin demeuré,

Vn peu troublé: car rien n'est assuré.

Mais ainsi tost que la blonde ieunesse

Aura doré d'une toison espesse

Vostre menton, & qu'aux guerres dispos

Le fort harnois bruiro sur vostre dos,

Branlant au poing le hampc d'une hache,

Et remuant les crestes du panache

D'un morion reluisant tout ainsi

Qu'un beau Soleil de flammes esclarci,

Irez vainqueur des Prouinces loingtaines,

Où conduisant vos batailles certaines,

Et vos soldats sous le fer fremissans,

Et vos cheuaux au combat hannissans,

Le lis François planterez sur la rine

Où du Solcil le chariot arriue,

Quand vers le soir lassé de ses trauaux

Dans l'Océan abreuue ses cheuaux

Fumans, suans, & souflans des narines

Le iour tombé dans les ondes marines,

Et sur le bord où il sort hors de l'eau

Frais, gaillard, ieune, ainsi qu'un iouuenceau

Qui pour l'amour de sa belle guerriere

Monte à cheual & passe vne carriere,

En ces deux mers le Ciel fera lauer
 De vos harnois les poudres, & grauer
 Du bout tranchant de vostre forte lance
 Le nom sacré de Charles & de France,
 Et de Henry, & de tous vos ayeux
 Qui sont au Ciel à la table des Dieux.

Or ce Destin qui tel bien vous desire,
 N'a seulement designé vostre Empire,
 Faiets vertueux, triomphes de bon-heur,
 Villes, chasteaux, dont vous serez Seigneur,
 Terres & mers: mais il a d'avantage
 Depeint vos mœurs, vos yeux, vostre visage,
 Et vostre taille, à fin qu'estant venu
 Fussiez de tous par vos signes cogneu.
 Et pour remarque il a bien voulu mettre
 De vostre nom la capitale lettre,
 Vn C. fatal, lettre qui par neuf fois
 A commencé le beau nom de nos Rois.

Ce Roy qui doit (ce dit la Destinee)
 Tenir sous soy la terre dominée,
 Aura le teint comme entre noir & blond,
 Palle-vermeil, le visage un peu long,
 Les yeux chastains, la taille droite & belle,
 Posé maintien, la grace naturelle,
 Vne voix douce, vn parler sage & prout,
 Belle la gréue, & la main & le front,
 Ayant au corps vne ame genereuse,
 Et la ieunesse active & rigoureuse.
 Au reste humain, non trompeur, non moqueur,
 Non renfrongné, non remply de bas cœur,
 Non abuseur, non controuueur de ruses,
 Et par-sur tout grand hostelier des Muses:

Qui de la main en laquelle il aura
 L'estoe sanglant en sa tente escrira,
 Comme vn César des liures dont la gloire
 Des ans vainqueurs combattront la victoire,
 Portant au front deux replis de Laurier,
 Pour estre ensemble & sçauant & guerrier:
 Car pour bien faire il faut qu'un Roy se serue
 De l'une & l'autre excellente Minerve.

Or en voyant tous ces signes en vous,
 Je suis certain (ainsi le croyons tous)
 Qu'estes ce Roy de qui la Parque sage
 A tant rendu par escrit tesmoignage,
 Vous ordonnant tout ce grand Vniuers:
 Et c'est pourquoy ie vous offre mes vers
 Auec l'ouurier qui bouillonne d'enuie
 D'vser pour vous ses plumes & sa vie.

Doncq aussi tost que la vaine vertu
 Vous armera du fort glaiue pointu,
 Et qu'on oyra pour l'honneur de vos Gaules
 Le corselet sonner sur vos espaulles,
 Ayant la fleur de la ieunesse atteint,
 Des ennemis comme vne foudre craint:
 Allez combattre, allez à la bonne heure
 Conquerir tout sous fortune meilleure,
 Et fait vainqueur r'apportez à foison
 Mille Lauriers dedans vostre maison.

Moy plus armé de plumes que d'espée,
 Suiuray du camp la victoire trempée
 Au sang vaincu. Si quelque Cheualier
 Fait vn beau coup entourné d'un millier
 Des ennemis, ie seray sous ma plume
 Sonner son coup comme vn fer sur l'enclume,

Oyez mes vœux : il seroit bien saison
 Qu'eussiez esgard à mon cheueul grison,
 Sur qui desia l'autonnale tempeste
 A fait gresler quarante ans sur la teste.

Bien tost semblable au bon cheual guerrier
 Qui souloit estre au combat le premier,
 Et tout couuert d'une belle poussiere
 Gaingnoit vainqueur le pris de la carriere
 Le chef orné de roses, maintenant
 Languit poussif à l'estable prenant
 Sans nul soucy de fleurs ny de bataille
 Le peu de foin que son maistre luy baille.

Doncq s'il vous plaist, Sire, n'attendez plus
 Que ie sois vieil, impotent & perclus,
 Fâcheux, hargneux, ayant l'ame estourdie,
 Et tout le corps, de longue maladie.

Mais or que j'ay tout l'esprit vigoureux,
 Le genou fort & le sang genereux,
 Commandez moy, & m'aimez tout ensemble,
 Et m'honorez : ces trois poincts (ce me semble)
 Font le Poete heureux & glorieux,
 Le font gaillard, le poussent iusqu'aux cieux.

Car sans honneur la Muse consommée
 De long trauail s'allambique en fumée,
 Et l'escriuain qui n'a le plus souuent
 Qu'une promesse aussi froide que vent,
 Deuiet poussif & restif à l'ouurage.

Le seul honneur luy hausse le courage
 Quand il se void d'un Prince bien traité,
 Comme ie suis de vostre Maisté.

O rü



A LVY-MESME.

SI les souhaits des hommes auoient lieu,
 Et si les miens estoient ouys de Dieu,
 Je luy ferois vne requeste, Sire,
 De vous dōner nō vn meilleur Empire,
 Non plus de grace ou plus grāde beauté.

Non plus de force ou plus de Royauté,
 Ou plus d'honneur pour illustrer vostre âge,
 Mais vous donner six bons ans d'auantage.
 D'oū vient cela qu'au retour des beaux mois

On void les fleurs, les herbes & les bois
 Croistre soudain, & les Rois de la terre,
 Qui dessous Dieu ont le second tonnerre,
 Qui doiuent tant de Provinces tenir,
 Mettre en croissant si long temps à venir?
 Alors qu'un Prince a pleine cognoissance
 De ses suicts, il n'a plus de puissance.

Quand Iupiter dedans Crete habitoit,
 Et qu'Amalthée en l'autre l'allaitoit,
 Et que petit avecque sa compagne
 Nede rampoit sur Ide la montaigne,
 Il n'estoit crainct, bien que sa maicsté
 Desia monstrast mainte viue clairté.

Mais aussi tost qu'il dressa le trophée,
 Du fort Briare & du geant Typhée,
 Et qu'il eut mis la foudre entre ses mains,
 Lors il fut crainct des Dieux & des humains.
 Charles, c'est vous à qui le Destin donne

Non seulement la superbe Couronne
Que vos ayeux desur le chef portoient,
Et de leur bruit les peuples surmontoient:
Le ciel amy de vos vertus appelle
Vostre ieunesse à victoire plus belle.

Incontinent que vostre beau menton
Sera doré d'un iauissant cotton,
Comme Alexandre aurez l'ame animée
Du chaud desir de conduire vne armée
Outre l'Europe, & d'assauts vehemens,
Oster le Sceptre aux puissans Ottomans
Qui sous leurs mains, par armes ont saisie
Tout le meilleur d'Europe & de l'Asie,
Lesquels hardis d'hommes & de vaisseaux
Ont d'auirons ia couuertes les eaux
Qu'on void flotter dessus la mer Tyrrhene
Ont ia campé leurs soldats sur l'arene
De la Sicile & de Calabre, afin
Que nostre loy par le Turc prenne fin:
S'il ne vous plaist d'un valeureux courage
Vostre puissance apposer à leur rage.

Et bien qu'ils soient hautains & glorieux
De tant de Rois les Rois victorieux,
Et que d'enflure ils aynt l'ame grossie,
Si craignent-ils pourtant la Prophetie.
C'est qu'un grand Roy da France doit vn iour,
En les dontant & chassant du sciour
Que Constantin esleut pour sa demeure,
Rompre leur Sceptre, & d'une foy meilleure
Gagner les cœurs des peuples Asiens,
De Circoncis en faire des Chrestiens,
François d'habits, de meurs, & de langage.

Je me promets par signe & par presage
 Et par augure & par sort, que c'est vous
 Qui les deuez abbatre à vos genoux,
 Et que vous seul en aurez la victoire,
 Et de Mahom effacerez la gloire.

L'enten desia vos soldats jremissans,
 Et les cheuaux sautans & hannissans
 Dessous le faix de vox braues gend'armes:
 Je voy l'esclair du bel acier des armes
 Sous le Solcil s'esclater iusqu'aux cieux:
 Je voy vostre Ost conduit par les bons Dieux,
 Sans que la peine ou la peur le surmonte,
 Desia campé sur le bord d'Hellespont.

Courage Prince, encor n'estes-vous pas
 Le premier Roy de France qui les pas
 Aura planté sur la terre Payenne
 Pour le soustien de nostre foy Chrestienne.

Vn Roy Louis endossé du harnois
 Ya dressé les honneurs des François.

Ce Godefroy ieune Duc de Lorraine,
 D'hommes croisez couurit toute leur plaine,
 Print Cormoran le grand Gean, & fit
 Si vaillamment qu'apres il desconfit
 Tous les payens par la gent baptisée:
 Cassa leur sceptre, & leur gloire brisée
 Dessous ses pieds en triumphe foulla,
 Et combatant se fit Seigneur delà.

Vous plus grand Roy deuez bien vous promettre
 Les faictz qu'un duc à fin a bien sceu mettre,
 Pauvre de biens, & riche de bon-heur,
 Qui par vertu s'acquit si grand honneur.

Là vous voirrez tant de villes hautaines,

Fières du nom de ces vieux Capitaines,
 Alexandrie, Antioche, & aussi
 Celle qui riche esleue le sourci
 Du nom d'Auguste, & celle qui la gloire
 Retient encor d'une heureuse victoire.

Là vous voirrez mille peuples diuers
 D'habits, de mœurs, de langage, conuerts
 L'un de Laurier, l'autre vestu d'hyerre
 Vous saluer le Seigneur de leur terre,
 Et remarquans en vous cent Deitez,
 Vous presenter leurs cœurs & leurs citez.

De l'autre part la Grece qui est telle
 Qu'onque en beauté terre ne fut plus belle,
 Qui a conceu tant de peuples guerriers,
 Et tant de fronts couronnez de Lauriers,
 Mere des Arts, des Philosophes mere,
 Dont l'ame viuë ingenieuse & clere
 Abandonna la terre (pesant lieu)
 Et d'un grand cœur s'en-vollant iusqu'à Dieu,
 Le voulut voir, le cognoistre & l'apprendre:
 Puis se laissant par les Astres descendre,
 Leur fit des noms, & cognut leur vertu,
 Vid le Soleil de flames reuestu,
 D'argent moiteux vid la Lune acoustrée,
 Et son char brun qui conduit la Serée:
 Cognut leurs tours, distances & retours,
 Cognut les ans, les heures & les iours:
 Scent le Destin, & ce qu'on dit Fortune:
 Cognut le haut & le bas de la Lune,
 L'un immortel, l'autre amy du trespas:
 Scent la raison pourquoy tombent çà ha
 Flames, esclairs, & foudres, & tonnerres:

Cognut de l'air les acords & les guerres:

Cognut la pluye & la neige & le vent.

Puis tels secrets hautement escriuant
De main en main les fit à l'homme apprendre,
Et tout le ciel en terre fit descendre,
Ne laissant rien en la voute des cieux
Dont son labeur ne fust victorieux.

Bref ceste Grece, œil du monde habitable,
Qui n'eut iamais ny n'aura de semblable,
Demande, hélas! vostre bras tres-Chrestien,
Pour de son col desserrer le lien,
Lien Barbare impitoiable & rude,
Qui tout son corps geinne de seruitude
Sous ce grand Turc, qui presque de l'esprit
Du peuple Grec a chassé Iesus-Christ,
Et luy pillant ses enfans & ses villes
Le rend esclau à choses tres-seruiles.

Or si la Foy vous esment à pitié,
Si aux captifs portez quelque amitié,
Vous deuez, Sire, armer vos mains fidelles
Pour rachepter tant d'ames immortalles
Qui sous Mahom s'en vont desia perir,
S'il ne vous plaist bien tost les secourir.

Ah! si ie puis iusqu'à tel âge viure
Que vos combats ma plume puisse suiure,
Tout au milieu de vos assauts diuers,
Fifres, tabours, ie chanteray mes vers
Al'enuy d'eux, si bien qu'on pourra dire
Que vos canons feront place à ma Lyre.


Alors d'Aurat qu'Apollon a nouury,
Bellean des Sœurs le nourrisson chery,
Ne me vaincront, non pas Apollon mesme;

Car plein d'ardeur & d'une enuie extreme
De bien chanter comme tout furieux
Vostre beau nom i'enuoieray iusqu'aux Dieux:

Tandis la paix en vos terres florisse:
La paix le peuple & les Princes nourrisse:
Florisse aussi la iustice & les loix
Iusques au iour que le puissant harnois
Pour le soustien de vos fertiles Gaules,
Face vn grand bruiet sur vos ieunes espaules:
Et que tenant les armes en la main
Soyez l'honneur de tout le genre humain,
Faisant marcher deuant vous la iustice,
Pour corriger les meschans & le vice.

Lors vostre Sceptre opulent & puissant
De iour en iour se verra florissant,
Et serez dit comme le bon Auguste,
Non pas vn Roy, mais vn pere tres-iuste.





A TRES-HAVTE ET TRES-
ILLVSTRE ET TRES-
vertueuse Princeſſe, Eliza-
beth, Royne d'An-
gleterre.

MON cœur esmeu de merueilles se serre
Voyant venir vn François d'Angleterre,
Lors qu'il discourt combien vostre beauté
Donne de lustre à vostre Royauté.

Alors ie dy, si ceste Royne Angloise
Est en beauté pareille à l'Escossoise,
On void ensemble en lumiere pareils
Dedans vne Isle esclairer deux Soleils.
Ou bien on void deux flames esclairantes
De mesme feu, mais de sort differantes.

On dit qu'an temps que les dieux visitoient
La bonne terre, & les peuples hantoient,
Que l'Isle vostre alloit libre sur l'onde,
Comme Delos errante & vagabonde,
Et que son pied par vn nouueau destin
N'estoit serré d'un lien aimantin,
Mais sans tenir à nulle chaisne dure
Flot desur flot erroit à l'auanture.

Souuentefois le nocher Hirlandois
L'a rencontrée au riuage Flandrois
Pres de sa nef sur la vague escluee,
Puis au retour bien loin l'a retrouvée.

*Aucunefois sautant comme vn mouton
S'alloit iouer au riuage Breton,
Puis en flottant où son pied luy commande,
Se blanchissoit de l'escume Normande.*

*Aucunefois s'en-venoit balloyer
Le flot qui vient à Boulongne ondoyer,
Puis tout soudain sauteloit à la rive
Où l'Ocean à Graueline arrive:
Puis alloit voir les Orcades, apres
D'un long chemin retournoit vers Calais.*

*Vn iour estant vers Calais arrestée,
Voicy venir le Dieu marin Protée,
Qui de son gré vagabond s'absentoit
Bien loin d'Egypte où Prophete habitoit,
Ayant laissé sa demeure fertile
Trop irrité contre sa propre fille,
Qui par present l'auoit mis dans les lacx
(Comme il dormoit) du Prince Menelas.*

*Or il auoit par vn long nauigage
Desia passé d'Hercule le bornage,
Touché Marseille, & ia voyoit la mer
Contre les bords de Gascongne escumer:
Desia plus bas à la rive voisine
Voyoit flotter la vague Poiteuine,
Suiuant tousiours en nouant plus auant
Le flot qui va la Bretagne lauant.*

*Comme il estoit à la rive qui baigne
Le port Icin d'une ondeuse campagne,
Il veit vostre Isle, & si tost qu'il la veit
Flottant sur l'eau, sa beauté le rauit.
Lors abaissant contre la mer sa teste
Feit à Neptune vne telle requeste.*

Pere Neptune, à qui le flot chenu,
Tiers lot du monde, en partage est venu,
Lors que vous trois, Saturnien lignage,
De ce grand Tout diuisiez l'heritage,
Aux autres Dieux ne laissant rien sinon
Que la frayeur de vostre sacré nom:

O Poussé-terre, Embrasse-terre, ô Pere
Dont le soucy la marine tempere,
Si de ton sang Prince ie suis sorty,
Et que vers toy ma Mere n'ait menty,
Donne à ma peine vne pause meilleure,
Et me permets ceste Isle pour demeure.

A peine eut dit que Neptune l'ouyt,
Et de la voix de son fils s'esfouyt:
Puis fendant l'eau de son eschine blue
Mit sur la mer sa teste cheuelue,
Et luy respond: Ce n'est pas toy mon fils
Qu'on doit nier, à qui pere ie fis
Don des troupeaux qui ronslent sur l'arene
Dormans aux bords d'Egypte & de Palene:
Entre en ceste Isle, & en don la reçoys,
Qui est, mon fils, assez riche pour toy.

Disant ainsi de toute la puissance
De son Trident frappa le bord de France,
Et tellement son bras il estendit,
Qu'en le frappant en deux parts le fendit:
Puis desliant de la racine entorse
Le sondement, le poussa à toute force
Et le tirant en arrache vn morceau
Qu'il fist rouller bond à bond desur l'eau
Iusques à l'Isle, & les vnist ensemble:
Comme vn maçon qui de sa chaux assemble

Pierre à la pierre, & à coups de marteau
De deux rochers ne fait qu'un seul château.

Puis en plongeant deffous l'Isle qui erre
Encor' sous l'eau, la lia contre terre
D'un estroit nœud, comme un Tisseran fait
Quand en ourrant sa trame se desfait:

Adonc il prend des deux trames ensemble
Les bouts rompus, & d'un nœud les assemble,
Fil contre fil, puis d'un filet entier
Ourdist parfaicte une toile au mestier.

Adonc Proté ioyeux en son courage
D'un tel present gaigne le bord à nage:
Baixa la rive, & la terre accolla,
Puis vray Prophete à l'Isle ainsi parla.

Isle qui fus solitaire & deserte,
D'aspres buissons & d'espines couverte,
Haute maison des Sangliers escumeux,
Et des grands Cerfs au large front rameneux
Qui n'eux iamaïs la poitrine ferue
Du soc aigu de la croche charue,
Un temps viendra (& le voici venir)
Qu'on te doit voir triomphante tenir
Le premier rang entre toutes les Isles
Qui sont en biens & en peuples fertiles.

Et quand Neptun de la mer gouverneur
Appellera les Isles par honneur,
Tu marcheras deuant l'Isle de Crete,
Bien qu'elle soit la nourrice secreete
De Iupiter: & marcheras aussi
Deuant Samos de Iunon le souci,
Et deuant Rhode ingenieu se encoro
Que le Soleil sur toutes elle adore.

Loin te suiuant les Orcades viendront
 Apres ta queue, & seruantes tiendront
 Rang apres toy, estant Princesse telle,
 Que de ton sein à la large mamelle
 Allaiſteras mille vaillans Armes,
 Grands Rois armez de fer & de vertus:
 Du sang Tyran les mains auront trempées,
 Et des grands coups de leurs grandes espées,
 En combattant pour l'honneur de l'Amour
 Feront sonner les forests d'alentour.

De tels guerriers courra par tout le monde
 L'honneur fameux & de leur Table ronde,
 Grands Palladins de prouesse animez,
 Qui aux combats armez & desarmez
 Pour le secours des pauvres Damoiselles
 Hardis feront des emprises si belles
 Que le vieil temps n'en sera le vainqueur,
 Tant vaut l'Amour espris en vn bon cœur.

De là viendront les Preux & les Gendarmes,
 De là viendront les escolles des armes,
 Combats, assauts, barrieres, & tournois,
 Et de briser le fer sur le harnois.

Entre ces Preux doit regner vn Prophete,
 Que vif & sain vne femme parfaite
 En art magiq' enſermera dedans
 Vn froid tombeau pour y finer ses ans.

En ce tombeau l'ame ſera viuante,
 Et dedans l'ame vne voix reſonnante
 Entre les os, qui dira les destins
 Et les dangers aux nobles Palladins,
 Oyant l'oracle en mainte & mainte ſorte
 De la deſpouille enſemble viue & morte.

De tous

De tous les Dieux tu seras en honneur:
 Mesmes Iunon respandra le bon-heur
 Dessus tes champs de sa mammelle pleine:
 Vn seul Bacchus doit se bouffer de haine
 Contre ton Isle, & comme à tes voisins
 N'enrichira tes coutaux de raisins.

Mais quelque iour Ceres la vagabonde
 Ayant tourné les quatre parts du monde,
 Cherchant sa fille au trauers des humains,
 Tenant deux Pins allumcz en ces mains
 Doit arriuer lassée à ton riuage,
 Qui pour du vin te doit faire vn breuuage
 Non corrosif ny violent ny fort,
 Trouble-cerueau, ministre de la mort,
 Mais innocent à la prouince Angloise:
 Et de Ceres sera nommé Ceruoise,
 Qui se pourra si gracieux trouver
 Que tes voisins s'en voudront abreuuer.

Bien tost verras ta terre fructueuse
 Estre en Palais superbe & somptueuse,
 Et en citez & en ports spatieux,
 Dont les sommets voisineront les cieux.
 Alors Ceres d'Amalthé la compaigne,
 Fera iaunir de froment ta campagne,
 Et tous tes champs auront le ventre plein,
 De mines d'or & d'argent & d'estain,
 Qu'au plus profond de tes plus riches veines
 Le grand troupeau des Nymphes souterraines
 Iront cherchant, choisissant, affinant,
 Lauant, cuisant, & d'un marteau sonnant
 Desur l'enclume à la fournaise neuue
 Feront d'argent ondoyer vn gand fleuve

Qui doit seruir de monnoye à chacun:
 Car à chacun l'argent sera commun.
 D'autre costé le long de ces riuages,
 Entre les fleurs au milieu des herbages,
 On sur les monts aux verdoyans coupeaux,
 Verras errer mille & mille troupeaux
 Blancs comme lait, dont la Lune amoureuse
 De leurs toisons seroit bien desiruse:
 Car comme on dit, la Lune eut le cœur pris
 D'une toison blanche de riche pris.

Ainsi, qu'on void desur l'arcne blonde
 De la grand mer, vne onde suiure vne onde,
 Puis sur vne autre vne autre s'esleuer:
 Ainsi verras à l'estable arriuer
 Deuers le soir on à midy sous l'ombre,
 De grands troupeaux vne foule sans nombre,
 L'un apres l'autre, & marchant en auant
 D'un ordre espais iront s'entre-suiuant
 Troupe sur troupe emplissant les estables.
 Les vns seront d'âge & de poil samblables,
 Les vns cornus, & les autres laineus,
 Dont les toisons crespes de mille nœuds
 Perdans par art leur premiere nature
 Se changeront en diuerse teinture,
 Que les grands Rois tourneront en habits
 Ornez du don de tes riches brebis.

Bien tost verra la Tamise superbe
 Maint Cygne blanc, les hostes de son herbe,
 Chantant en l'air d'un son melodieux,
 Tourner ses bords, & resiouyr les cieux,
 Oiseaux sacrez à Phebus pour predire
 Que les neuf Sœurs, & l'auteur de la Lyre,

Changeant la Grece, y feront quelque iour
 Comme en Parnase vn desiré seiour,
 Pour enuoyer aux nations estranges
 Des Roys Anglois les faneuses louanges.
 Puis se tournant deuers le pied mangé
 D'un chesne creux, aduise vn camp logé
 De blonds fourmis, qui dedans leur tasniero
 Brilloient couuerts de paille & de fougere.

Change, Neptune, en peuple(ce dit-il)
 Tout ce monceau diligent & subtil
 A trauailler, & à mettre en reserve
 D'un prudent soin le bien qui nous conserue,
 Pour estre actifs & soigneux tout ainsi
 Qu'est le fourmy au labeur endurcy.
 A peine eut dit, que le chesne remue
 Sans aucun vent sa perruque menue,
 Et en branlant ses rameaux accorda
 Ce que Protée en priant demanda.

Lors ces fourmis en hommes se trouuerent:
 Vn plus grand corps sur deux pieds esleuerent:
 Aux deux costez des espaulles leur pend
 Comme rameaux des grands bras: & plus grand
 Deuint leur chef, & plus grande leur bouche:
 Et pour le creux d'une sauuage souche
 Vont par les champs de rang comme ils souloyent
 Aller l'esté quand les champs ils pilloient,
 Lors qu'ils chargeoint sur leur dos porte-proye
 Les grains de bled par vne estroitte voye.

Ces animaux de nouueau transformez,
 De grands outils se virent tous armez:
 L'un plante aux champs vne forte charrue,
 L'autre en ses mains porte vne bisague,

L'un tient vn van, l'autre tient vn orateau,
 L'autre vne fourche, & l'autre vn grand conteau:
 Mais la plus-part branloit armes guerrieres,
 Haches, poignards, piques, lances fresnieres,
 Arcs voutex d'If, fleches, traictz, & carquois,
 Et sur le dos leur sonnoit le harnois,
 Race de gens vaillante & magnanime,
 Aspre au combat, & qui guerriere estime
 L'homme estre heurcux & comblé de bon-heur
 Quand par la vie il achete l'honneur.

Adonc Proté voyant tant de gens d'armes
 Qui desiroient de nature les armes,
 Pareils en âge, en force, & en vigueur:
 De tel propos leur mollissoit le cœur.

Contentez vous, enfans, de vostre terre,
 Et si ardans ne courez à la guerre:
 Comme amoureux du sang ne bataillez,
 Et vos voisins par armes n'assaillez:
 Par vous ne soient en poignantes espees
 Ny vos râteaux ny vos faulx detrampees,
 Et ne creusez vos sapins en vaisseaux,
 Et pour le gain ne tourmentez les eaux.

Soient vos esprits amoureux de science
 Du cours du Ciel, ayez experience
 Des Arts humains qui font l'homme courtois:
 Vos grand's Citex ornez de belles Loix,
 Ne les changeant quand elles sont receues
 Pour autres Loix nouvellement conceues:
 Aimez les bons, chastiez les meschans,
 Et bien-heureux viuez parmy vos champs.
 Las i'ay grand peur que ce morceau de terre
 Qui de la France est ioinct à l'Angleterre,

Cause ne soit de malheur auenir.

*Comme estranger ne se pourra tenir
De retourner au lieu de sa naissance,
Et vous apres avecq sorte puissance
Pour le r'auoir franchirez vostre bord,
Mettant sans fin vos terres en discord.
N'offensez point par armes ny par noise,
Si m'en croyez la prouince Gauloise:
Car bien qu'il fust destiné par les Cieux
Qu'un temps seriez d'elle victorieux,
Le mesme Ciel pour elle a voulu faire
Autre destin au vostre tout contraire.*

*Le Gaulois semble au Saule verdissant.
Plus on le coupe, & plus il est naissant,
Et re-iettonne en branches dauantage,
Prenant vigueur de son propre dommage:
Pource viuez comme amiables Sœurs:
„ Par les combats les Sceptres ne sont sœurs.*

*Quand vous serez ensemble bien-vnies,
L'Amour, la Foy, deux belles compagnies,
Viendront çà bas le cœur vous eschauffer:
Puis sans harnois, sans armes & sans fer,
Et sans le dox d'un corselet vous ceindre,
Ferez vos noms par toute Europe craindre:
Et l'âge d'or verra de toutes pars
Fleurir les Lis entre les Leopars.*

*Tu ne seras, Isle bien-accomplie,
Claire d'honneur & de vertu remplie,
Sinon au iour qu'une Royne naistra,
Qui comme un Astre icy apparoistra:
Elle aura nom Elizabet, si belle
Qu'autre beauté ne sera rien pres d'elle.*

Ceste Princeſſe au cœur Royal & haut,
 Pleine d'un ſang tout magnanime & chaud,
 Jeune de face, & vieille de prudence,
 Par grande ardeur ſera la guerre en France,
 Courant le dox de Neptune venteux
 De Caracons & de vaiſſeaux ventreux,
 Qui de leurs creux ſur l'arene ſmée
 Feront eſpandre vne moisſon armée
 D'hommes chargez de harnois fremiſſans,
 Et de cheuaux aux combats henniſſans.

Mais rencontrant vne Roïne prudente
 Qui des François ſera ſage regente,
 Vne d'eſprit & meure de conſeil,
 Doit retirer ſoudain ſon appareil,
 Apres auoir ſa gloire accompagnée
 Au premier bord d'une ville gaignée.

Puis ſans auoir de Mars trop de ſouci,
 Elle eſtant Roïne, & l'autre Roïne auſſi,
 Eſtimeront les Martiales flames.
 Duiſe pluſtoſt aux gendarmes qu'aux femmes,
 Qui de nature ont le ſexe plus doux,
 Enclin à paix, ennemy da courroux.

Pource on verra bien toſt fleurir entre elles
 Des amitiex pour iamais eternalles,
 Qui les feront plus craindre que les Rois
 Qui ſur le dos ont touſiours le harnois,
 D'autant qu'en void la paix eſtre meilleure
 Que le diſcord qui ſans amis demeure.

A tant ſe teut le Dieu marin Proté,
 Qui du riuage en la mer eſt ſauté:
 La mer l'enferme, & l'eau qui pirouette,
 Fit mille tours ſur le chef du Prophete.



A TRES-ILLVSTRE ET VER-
TUEUX PRINCE PHILIBERT
Duc de Sauoye, Prince de
Piedmont.



Vous Emperours, vous Princes & vous
Rois,

Vous qui tenez le peuple sous vos lois,
Oyés icy de quelle providence

Dieu regit tout par sa haute prudence.

Vous apprendrez tant soyés vous appris:

Puis vous aurez vous mesmes à mespris,

Et cognoistrez par preuue manifeste

„ Que tout se fait par le vouloir celeste.

Qui oseroit accuser vn potier

De n'estre expert en l'art de son mestier,

Pour auoir fait d'une masse semblable

Vn pot d'honneur, l'autre moins honorablé?

D'en faire vn grand, l'autre plus estrecci,

Plomber celuy, & dorer cestui-ci?

Qui voudroit donc accuser d'iniustice

Le Tout-puissant comme auteur de malice,

Si d'une masse il fait vn Empercur,

Et de la mesme vn pauvre Laboureur?

Il est matiere, & nous sommes la forme,

Qui à son gré nous change & nous transforme.

Il ne faut point pour ma cause approuuer,

Vn tesmoignage es histoires trouuer,

Ny rechercher les histoires antiques
 Ny des Romains ny des hommes antiques.
 Toy Philibert Duc des Savoisiens,
 M'en fourniras plus que les anciens.
 Donques à toy ma parole i'adresse,
 Mettant à part les histoires de Grece.

Quand par fortune ou par le vucil des Cienx
 Le pere tien eut ven deuant ses yeux
 Tout son pais reduit sous la puissance
 De son neveu vn puissant Roy de France:
 Et d'autre-part qu'un Empereur plus fort
 Le maistrisoit sous ombre de support,
 Et qu'en ta terre en ce point occupée
 Ne te restoit que ta cape & l'espée,
 Simple Seigneur, ayant de ta maison
 Perdu le bien contre droit & raison,
 Tousiours en doute espiant la fortune
 Qui ne te fut qu'à regret opportune:
 „(Car volontiers le sort impetueux
 „Rompt le dessein de l'homme vertueux.)

Qui eust pensé qu'apres tant de trauerses,
 Que les beaux faits de tes guerres diuerses
 En ton pais grand Duc t'eusse remis,
 Estant ami de tous tes ennemis,
 Comme celuy que Mauors accompagne
 Sous la faueur du Monarque d'Espagne?

Or tu n'as pas comme par vn destin
 Mis seulement ton entreprise à fin,
 En regagnant tes terres detenues
 Qui sous ta main volontiers sont venues,
 Où tes ayeux vn peu moindres que Rois,
 Par si long temps auoient donné leurs lois.

Tu as aussi comme par destinée
La Sœur du Roy pour espouse emmenée,
La Marguerite en qui toute bonté,
Honneur, vertu, douceur, & maistté,
Toute noblesse & toute courtoisie
Ont dans son cœur leur demeure choisie.

Et bien que mille & mille grands Seigneurs,
Riches de biens, de peuples & d'honneurs,
La Marguerite en femme eussent requise,
La destinee à toy l'auoit promise
Pour iouyr seul de ce bien désiré,
Pour qui maint Prince auoit tant soupiré.

Or ceste vierge en vertus consommée,
D'un cœur treshaut desdaignoit d'estre aimée,
Et comme vn roe qui repousse la mer,
Hors de son cœur poussoit le feu d'aimer.

Ainsi qu'on void vne belle genice,
A qui le col n'est pressé du seruice,
Loing des toreaux par les champs se iouant,
Aller du pié l'arcne seconant,
Hausser le front & marcher sans seruage
Où son pied libre a guidé son courage,
Sans point encore auoir tout à l'entour
Du cœur senti les aiguillons d'amour:
Ainsi marchoit & icune & toute belle
Et toute à soy la Royale Pucelle,
Comme vne Nymphe errante par les bois,
Qui suit Diane, & porte son carquois.


Aucunes fois avec ses Damoiselles,
Comme vne fleur assise au milieu d'elles,
Guidoit l'aiguille, & d'un art curieux
Loignoit la soye à l'or industrieux.

Dessur la toile ou sur la gaze peinte
 De fil en fil pressoit la laine teinte,
 Et d'un tel soin son ouvrage agençoit,
 Que d'Arachné le mestier effaçoit.
 Mais plus son cœur elle addonnoit au liure,
 A la science, à ce qui fait reuiure
 L'homme au tombeau, & les doctes mestiers
 De Calliope exerçoit volontiers,
 En attendant que Fortune propice
 Eust ramené toy son futur Vlysse:
 Seule en sa chambre au logis t'attendoit,
 Et des amans chaste se defendoit.

Mais quand tu vis sauteler la fumée
 De ton pays, elle in-acoustumée
 Du feu d'aimer par un trait tout nouveau:
 Reccut d'amour tout le premier flambeau,
 Qui deglaça sa froidure endormie,
 Et de farouche en fit ta bonne amie,
 Flechit son cœur, lequel auoit appris
 D'auoir Venus & ses ieux à mespris.
 Et comme on void vne glace endurcie
 Sous un Printemps s'escouler addoucie:
 Ainsi le froid de son cœur s'escoula,
 Et en sa place un Amour y vola:
 Voyant celui auquel ains qu'estre née,
 Pour femme estoit par destin ordonnée.

Or viuez donc heureusement, viuez,
 Et deuant l'an un enfant conceuez
 Qui soit à pere & à mere semblable,
 D'un beau pourtrait à tous deux agreable:
 Viuez ensemble, & d'un estroit lien
 Joignez tous deux le sang Sanoisien.

Et de Valois en parfaite alliance:
Si qu'à iamais soupçon & desfiance
Soit loin de vous, & en toutes saisons
La paix fleurisse entre vos deux maisons
De ligne en ligne, & sur les fils qui d'elle
Naistront apres d'une race eternelle.



A TRES·ILLVSTRE PRIN-
CE CHARLES CARDINAL
de Lorraine,



Ay procès intenté contre vostre gran-
deur,

Vous estes defendeur, & ie suis de-
mandeur:

I'ay pour mon aduocat Calliope, &
pour iuge

Phebus qui vous cognoist, & qui est mon refuge:

Et pour vostre aduocat vous auxz seulement

Il me plaist, ie le veux, c'est mon commandement:

Or deuant que plaider il ne faut penser estre

Prince ny Cardinal, Mon seigneur ny mon maistre,

Issu de Charlemagne, & de ce Godefroy.

Qui par armes se fit de Palestine Roy,

Ny oncle de la Royne, ou celuy qui la gloire

Remporta sur Luther d'une sainte victoire:

Ou celuy qui ce regne a purgé des mutins,

Aste plus grand que ceux des Emperours Latins

A vous faire service, & vous a quant au reste
 En tous lieux honoré, comme chose celeste:
 Puis quand les aiguillons d'Apollon, & l'erreur
 Dont s'eschauffent les cœurs le mirent en fureur,
 Et que la Muse Grecque & la Muse Latine
 Luy eurent viuement enflamé la poitrine,
 Il conceut vos honneurs, & en toute saison
 N'a cessé de chanter vous & vostre maison.

Quand vostre frere aisné, par superbe entreprise
 Engarda que de Mets la cité ne fust prise,
 Et que Cesar en flé de vengeance & d'orgueil
 Vid en lieu d'un trophée un horrible cercueil
 De ses hommes tuez, qui plus ne remporterent
 L'Aigle que pour enseigne és fosses ils planterent:
 Il chanta les desfaite, & si hault il vola,
 Que son vers genereux la victoire egalla:
 Et s'il eut par sa lance vne belle victoire,
 Ce Ronsard n'eut pas moins par sa plume de gloire.

Puis quand par la vertu que l'heur accompagna,
 Vostre frere à Rentila bataille gaigna,
 Et que tous les Flamens & les peuples d'Espagne,
 A son bras foudroyant quitterent la campagne,
 Il celebra sa gloire, & par son vers fut mis
 La honte doublement au front des ennemis

Puis quand les chiquaneurs se tourmentoient d'enuie
 Dequoy vous refermiez les procès & leur vie,
 S'as craindre leur fureur, leur fraude & leur courroux,
 Vous sacra la Iustice & la mit dedans vous:
 A Rome vous l'enuoye, où point ne fut decene;
 Car elle fut de vous benignement receue,
 Comme en un cœur gentil de vertus remparé,
 Qui luy estoit du Ciel pour logis préparé.

Puis quand vostre parent le grand Duc d'Austrasie
 Eut la fille du Roy pour espouse choisie,
 Et que le Palais vcut de procès & de plaids
 Vid, en lieu d'aduocats, diuers peuples espais
 Crier Hymen Hymen, & les sucilles sacrées
 Orner de ses postaux les superbes entrées:
 Pasteur mena sa Muse au chasteau de Meudon,
 Il celebra la Grotte, & vous en fit vn don.
 Tout Meudon tressauta sous les vers qui sonnerent
 Le beau Chant nuptial, les forests l'entonnerent,
 Echo les rechanta, & plus de mille fois
 Vostre nom fut appris aux antres & aux bois:
 Tant vault le gentil son d'une Muse sacrée,
 Quand par vn bon destin aux Princes elle agré.

Lors qu'il fallut changer & tourner le discord,
 Discord Hyde testu, en vn paisible accord,
 Vous fustes enuoyé comme vn sage Mercure
 A chasteau Cambresis pour en prendre la cure,
 Et vous faire apparoiſtre au milieu du Flamant,
 De l'Anglois, de l'Ibere, vn diuin truchement:
 Il composa vostre Hymne, & comme vne pucelle
 Qui va parmi les prez en la saison nouuelle
 Pour charger son panier & son giron de fleurs
 Qui bigarrent les champs de diuerses couleurs:
 Elle ne laisse fleur ny petite ny grande
 Sans en faire vn bouquet, puis va trouuer sa bande
 Qui l'attend sur la riue, & versant son giron
 Monstre toutes les fleurs des iardins d'environ:
 Ainsin il ne laissa ny grande ny petite
 Vertu qui fust en vous, qu'elle ne fust descrite.
 Il en ourdit vn Hymne, & sortant de ses mains
 Vous en fit vn present, à fin que les Germains,

L'Espagnol, & l'Anglois, & toute l'assemblée
 (Qui de diuisions erroit toute troublée)
 Apprinsſent vos vertus, & qu'il cuſt ce bon-heur
 D'eſtre aux peuples lointains chantre de voſtre hõneur
 Quand les François mutins, ains peſtes de la France,
 Armerent contre vous l'erreur & l'ignorance;
 Quand le peuple incertain errant deçà-delà
 Tenoit l'un ceſte foy, & l'autre ceſte-là:
 Et que mille placarts diſſamoient voſtre race,
 Il oppoſa ſa Muſe à leur ſelonne audace
 Les deſſiant toutſeul, & hardi tant oſa;
 Que ſa poitrine nue à leurs coups oppoſa,
 Bien peu ſe ſouciant de leur rage animée,
 Pourueu qu'il fuſt ſauteur de voſtre renommée;
 Vn chacun ſe taiſant: car on ne ſçauoit lors
 Qui des deux camps auroit les deſtins les plus forts.
 Il reſucilla Baif pour repouſſer l'iniure
 Qu'on vous faiſoit à tort par ſa docte eſcriture:
 Des Autels & Belleau & mille autres eſprits
 Furent par ſon conſeil de vos vertus eſpris.
 Il n'eſcriuit iamais qu'il n'eũſt la bouche pleine
 Des illuſtres vertus de Charles de Lorraine,
 Que mille & mille fois en mille & mille lieux.
 Eſparſes il ſema comme eſtoiles aux Cieux.
 Quand il auroit ſerui le plus cruel barbare,
 Encore ſon ſeruiſe & ſa plume aſſez rare
 Eſchaufferoit vn Scythe, & benin le voudroit
 Fauoriſer ſur tous luy gardant ſon droit.
 Adiouſtez d'autre part qu'il ne vous importune,
 Et ſoit bien ou ſoit mal, il ſouffre ſa fortune,
 Se conſiant en vous ſans talonner vos pas,
 Sans vous ſuiure au Chateau, à la chambre, au repas,

Comme ce vieil Prelat, las! qui ne se contente
 De voir en sa maison cent mille francs de rente,
 Miserable Prelat! ny son chef tout grison,
 Ny le repos aimable en la vicille saison,
 Ne l'ont peu retirer que serfil ne se rende,
 Et au vouloir d'autrui sa liberté ne vende.

Celuy pour qui ie plaide est d'autre naturel,
 Bien peu se souciant de ce bien temporel,
 Qui s'enfuit comme vent, & n'estoit la contrainte,
 Il ne feroit ici par ma bouche sa plainte.
 Il a le cœur si hault qu'il aime mieux mourir
 Sans support & sans biens, que se les acquerrir
 Par importunité, comme ceux qui vous pressent,
 Et iamais en repos vos oreilles ne laissent.

Et toutesfois, Seigneur, apres que ce Ronsard
 A despendu pour vous son labour & son art
 A vous rendre immortel, pour toute recompance
 Vn autre a pris le fruit de sa vaine esperance,
 Vous ne l'ignorant point: car par vostre moyen
 (L'ayant mis en oubly) vn autre a pris son bien:
 Il vous en aduertit, & vous en fit requeste:
 Il tendit les filets, vn autre prit la queste.

Mais fortune & faueur qui ont la plus grand part:
 Du monde & de la Cour, n'y eurent pas esgard.
 „ Ainsi les gros toreaux vont labourant la plaine,
 „ Ainsi les gras moutons au dos portent la laine,
 „ Ainsi la mousche à miel en son petit estuy
 „ Trauaille en se tuant pour le profit d'autrui.
 Hâ! que vous fustes fols, pauvres peres, de faire
 Apprendre à vos enfans le mestier literaire:
 Mieux vaudroit leur apprendre vn publicque mestier,
 Vignerons, laboureur, maçon, ou charpentier.

Que celuy d'Apollon, ou celuy qui amuse
 Les plus gentils esprits des bayes de la Muse,
 Titres ambicieux, qui sans estre auancez
 Les fait estimer sols, furieux, insenssez.


Sainct Gelais qui estoit l'ornement de nostre age,
 Qui premier des François nous enseigna l'usage
 De sçauoir chatouiller les oreilles des Rois.
 Par sa Lyre accordante aux douceurs de la vois,
 Qui au Ciel egaloit sa diuine harmonie,
 Vid (mal-heureux mestier!) vne tourbe infinie
 De poltrons auancez, & peu luy profitoit
 Son luth, qui le premier des miex appris estoit.

Du Bellay qui auoit grimpé dessus Parnase,
 Qui auoit espuisé toute l'eau de Pegase,
 Et dedans mesme grotte avecques moy danceé,
 Ne fut, siecle de fer! d'un seul bien auancé.
 O cruauté du Ciel! ô maligne contrée,
 Où iamais la vertu qu'en sard ne s'est monstree!
 Puis que les sols, les sots, les ieunes courtisans
 Sont pouffez en credit deuant les miex disans!

Il faut donner les biens à ceux qui les meritent,
 Bien qu'ils soyent loin du Prince, ainsi les biens profitent
 Quand ils sont peu cherchez: de là vient le bon-heur,
 Et par là se cognoist le vouloir du Seigneur.

Je pensois, ô Prelat, qui n'as point de semblable,
 De qui l'esprit est vif, ardent, & admirable,
 Que vous seriez fauteur de ce troupeau diuin:
 Mais Phebus en cela me fut mauuais deuin,
 Puis qu'en vostre presence & deuant vostre veue
 Ceste innocente troupe est par vous despourueue
 De faueur & de biens, l'autre ame des humains,
 Que vous peunex donner sans apauurir vos mains.

*Ainsi dit Calliope, & Phebus vous fit taire
De peur d'estre vainqueur, puis consultant l'affaire
Avec le bon Nestor Cardinal de Tournon,
Et le docte Hospital immortel de renom,
Après auoir tous trois la matiere espluchée,
Et d'une & d'autre part la raison recherchée,
Vous fustes condamné à l'amande vers moy,
A payer mes despens, mon Prelat, & ie croy
Que vous acquitterez bien tost de vostre dette
Pour n'encourir l'aigreur d'un mesdisant Poete.*



A TRES-VERTVEUX SEIGNEVR
FRANCOIS DE MONTMORENCI,
Marschal de France.

LE petit Aigle apres auoir esté
Sans plume au nid tout le long de
l'Este,
Incontinent que la faim & la mere
Le vont chassant, la naisue colere
Le fait sortir hors de l'aire & s'ensuit,
Où le sang chaud & le cœur le conduit,
Faire la guerre aux Cygnes de Meandre,
Ou aux Canars, lesquels n'osent attendre
La ieune ardeur de ce guerrier nouveau,
Ains froids de peur se mussent dessous l'eau.
Le beau Poulain yssu de bonne race,
Brusque, & gaillard, laissant dessus la face

Et sur le col pendre ses longs cheueux,
 En desnouant ses arrets bien nerueux,
 Court de luy-mesme, & brusque en sa furie
 Fait mille bonds le long d'une prairie,
 Se faconnant pour deuenir guerrier,
 Et d'un grand cœur s'eslancer le premier
 Sur l'ennemy, portant entre les armes
 La barde aux flanes, & au dos l'homme d'armes:
 Rendant son maistre & soy-mesmes appris,
 Pour du Laurier ensemble auoir le prix.
 Car le Cheual qui la victoire appreste
 A son seigneur, veut part à la conqueste.

Ainsi mon Duc, d'un sage pere yssu,
 De pareil germe auez esté conceu:
 Vous auez pris de luy la preuoyance,
 Le iugement, le conseil, la prudence,
 Le meur aduis, la sagesse & l'honneur,
 Et qui plus est, la trace & le bon-heur:
 Ayant de luy la matiere assez ample
 Pour vous former au paternel exemple,
 Patron nayf, qui de luy mesme fait
 Pour ses enfans vn exem ple parfait.

Ainsi Chiron nourrit le ieune Achille,
 Nourrit Iason: l'un renuersa la ville
 Du vieil Priam, l'autre coupa les flots
 Pour gagner l'or qu'eut le Belier au dos:
 L'un grand guerrier autheur de la Galée,
 De grands cueillers frappa l'onde salée,
 Faisant fremir les Nymphes de la mer
 De voir ainsi des solineaux ramer
 Desur leurs eaux aux hommes incognues,
 Et de tourner tant d'escumes cheueues.

Comme ces deux bien-appris & bien-nex,
 Vn rang d'honneur pres du Roy vous tenex,
 Grand gouuerneur de sa ville peuplée,
 Qui sous vos lois est conduite & réglée.

C'est toy Paris admirable cité,
 Grand ornement de ce monde habitée,
 De tes voisins la crainte & la merueille,
 A qui le Ciel n'a donné de pareille,
 Mere d'un peuple abondant & puissant,
 Heureux en bien, en lettres florissant.

Dedans le Ciel tu mets ta teste fiere,
 Tu as le dox fendu d'une riniere
 Au large cours, aux grands ports fructueux:
 Tu as le front superbe & simptueux,
 Qui des voyans estonne les courages.
 Ton ventre est plein d'artixans & d'ouurages
 Où Pallas tient ses deux mestiers ouuers.
 Second' Athene, honneur de l'uniuers,
 Ie te salue, & celuy qui te guide,
 Laschant, serrant, comme il te faut la bride.

Quand vn maçon, vn peintre, vn charpentier,
 Vn menuisier, vn orfeure, vn potier
 Font vne erreur, pource la Republicque
 Ne se perd pas, ny l'Estat politique:
 Si vne veine ou vn muscle ne fait
 Office au corps, le corps n'est pas desfait.
 Mais quand le chef où la raison repose,
 Sans y penser faut en la moindre chose,
 Le peché marche, & la santé descend
 Sur tout le corps, qui tout soudain se sent
 Morne ou perclus, ou tombe en lethargie,
 Et tout d'un coup perd la force & la vie:

*Car par le chef le corps vit seulement,
Et du cerueau le corps a mouuement.*

*Ie m'esbahis des paroles subtiles
Du grand Platon, qui veut regir les villes
Par vn papier, & non par action.
C'est vne belle & docte inuention,
Qui toutefois ne scauroit satisfaire:
Elle est oisive, il faut venir au faire.*

*Ainsi que vous qui scauez contenter
Par l'action, & non par l'inuenter,
Tenant Paris dessous vos loix prudentes
Pleine d'humens & d'ames differentes,
D'hommes diuers: l'un est fier, l'autre est doux,
L'un est benin, l'autre plein de courroux:
L'un qui veut tout, l'autre rien ne demande,
Et si à tous la seule loy commande.*

*Comme vn Pilote à son tillac assis
Craignant l'escueil, d'un sens froid & raison
Guide sa nef parmi les vagues perles,
Bien qu'elle soit de cent pieces diuerses,
De voiles, masts, de cordages diuers,
L'un va tout droict, l'autre va de trauers,
Et toutesfois l'aduis d'un homme sage
Tout seul par art conduit tout ce mesnage.*

*Tant par-sur tous on doit l'homme estimer
Qui est prudent en terre & sur la mer,
Dont le souci bien moderé tempere
Sous luy le peuple à la guise d'un pere,
Non d'un tyran de fureur allumé:
Craint de chacun, & de personne aimé:
Car en tous lieux la douce courtoisie
Du peuple accort gaigne la fantaisie,*

L'ame, le cœur, le courage & la main.

La cruauté engendre le desdain,
Et le desdain la haine qui bouillonne
D'une fureur fantastique & felonne.
Pource vn Tyran ne vit iamais bien seur.
„ Le vray bouclier d'un Prince est la douceur.



A MONSIEVR DE FOIX.

DOn bon conseil, ta prudence & ta vie
Seront chantez du docte Outhennouie,
A qui la Muse a mis dedans la main
L'outil pour faire vn vers Grec & Ro-
main.

Il est bien vray que seul tu deurois dire
Ta vertu propre, & toy mesme t'escrire.
Car la Nature excellente t'a fait
En ce mestier artizan tres-parfait:
Mais le labour de ta charge publique
Où ton esprit soigneusement s'applique,
Ne peut souffrir que tu penses à toy,
Du tout pensif aux honneurs de ton Roy.

Puis que ta peine autre soucy demande,
En lieu de toy mon deuoir me commande
De te louer, & d'un mal-plaisant son
Chanter ta gloire en si basse chanson.

Hà que les Glis sont heureux qui sommeillens
Six mois en l'an, & point ne se resueillent!

*Helas, de Foix, ie voudrois volontiers
Avoir dormi trois bons ans tous entiers.*

*Je n'eusse veu, ô Megere enragée
Par ses enfans la France saccagée;
Je n'eusse veu le tort bien debatü
Se desguiser du masque de vertu:
Je n'eusse veu violer l'innocence,
Et toute chose aller par impudence:
Je n'eusse veu les hommes transporter
De passions faillir des deux costez,
Sans plus avoir la raison pour leur guide:
Comme vn cheual qui gallope sans bride,*

*Je n'eusse veu nos peuples estonnez
De cœur, de sens, d'esprit abandonnez,
Tous esperdus comme attains de l'orage,
Trembler de peur sans force ny courage.
Je n'eusse veu les ministres souflex
D'un nouveau vent, & faire tous enflex
De l'Evangile vne chiquanerie,
Poussans le peuple en ardente furie,
Plus mitouins aujourdhuy que ne sont
Nos Mendians fenestrez par le front.*

*Je n'eusse veu nos terres desolées.
De laboureurs, ny nos citez volées,
Nos bourgs deserts, las! & si n'eusse veu
Ny ravager ny flamboyer le feu
Sur le sommet des maisons embrazées,
Ny nos autels profanez de risées,
Où nos ayeux en la bonne saison
Souloient à Dieu faire leur oraison.
Mais sommeillant sous la terre poudreuse
I'eusse dormi d'une posade heurcuse,*

Et en ma part ie n'eusse point senti
Le mal venu d'un siecle peruersti.

Hà! quantes fois ay-ie desiré d'estre
Dedans vn bois vn gros chesne champestre,
Ou vn rocher pendu desur la mer,
Pour n'ouyr point ce vieil siecle nommer,
Siecle de fer qui la vertu consomme:
Le hayssant il me faschoit d'estre homme,
Et maudissois ma raison qui faisoit
Que le malheur si vif me desplaisoit.

Or le malheur d'un si fascheux esclandre
S'est en tous lieux si loin laissé resspandre,
Que toy qui fus en Ambassade absent,
As enduré autant comme present,
Ayant souffert dedans ceste Isle Angloise
Beaucoup de mal pour la guerre Françoisse,
Rigueurs, prisons: aussi est-ce, de Foix,
Bien la raison qu'un parent de nos Rois,
Comme tu es, coure mesme fortune,
Et qu'à la leur la tienne soit commune.
„ Le plus souuent par vn mesme meschef
„ Les membres ont la peine qu'a le chef.

Ic suis marri qu'un si cruel naufrage
Vienne s'espandre au milieu de nostre âge,
Lors qu'on voyoit de maint homme sçauant
Et le labeur & le nom en auant,
Et la laicune sse assez dextrement née
Estre du tout aux lettres addonnée:
Bien que tousiours les Monarques sceptres
Soient soupçonneux des peuples trop lettrés.

On dit bien vray, que lors qu'un populaire
Est trop sçauant, que prompt il delibere.

En fait

*Vn fait haultain pour du col seconër
Le ioug seruil qui trop le vient nouër,
Et pour le rompre il se bande & inuente
Mille moyens d'acheuer son attente.*

*Ce sont ceux-là qu'il faut craindre, & non ceux
Qui ont l'esprit grossier & paresseux,
Masse de plomb au Ciel non eleuée,
Et vrais chartiers à porter la couruée :
Toy bien ruzé aux affaires, sçais bien
Lisant ces vers si ie di mal ou bien.*

*Or il est temps que ce propos ie change
Pour re-viser au blanc de ta loüange,
Dont ie m'estois en tirant separé,
Plein de courroux qui m'auoit esgaré.*

*Toy le premier yssu de haute race,
Abandonnant du vulgaire la trace,
As embrassé rempli d'autorité,
La Loy qui rend à chacun equité,
Fait Senateur de ceste Cour suprême,
Qui en sçauoir n'a pareil qu'elle mesme,
Où tu luisois en vertu tout ainsi
Qu'un beau Soleil de rayons esclarci,
Quand balançant d'une main equitable
Le droit douteux, iuge non corrompable,
Faisois Iustice, & sans esgard d'aucun
Rendois la loy droituriere à chacun.*

*Puis te haussant par merites honnestes,
De Conseiller fus Maistre des Requestes,
Puis enuoyé en Ambassade, à fin
Que ton esprit prompt & gaillard & fin
Ne se roüillast sans manier affaires
Qui sont au peuple Et aux Rois necessaires.*

L'esprit oisif se roüille tout ainsi
 Que fait le corps qui n'a point de souci.
 Quand vne terre est de nature bonne,
 Elle produit le froment qu'on luy donne
 Plein d'vsure : aussi tu as produit
 A double grain fertilement le fruit,
 Dont tu auois ensemencé ton âge
 Par les leçons d'Aristote le sage,
 Et de Platon, qui te seruent de fort
 Contre le heur du Destin Et du Sort.

Car en puisant de leur claire fontaine
 Tant de sçauoir, tu en as l'ame pleine,
 Qui se desborde, Et monstre par effect
 Que le sçauoir rend vn homme parfait
 „ Conioinct au bien. Toute vertu commune
 „ N'est rien que vent sans la bonne Fortune :
 „ Et la Fortune heureuse ne peut rien
 „ Si la vertu ne luy sert de soustien :
 Biens que le Ciel en peu d'hommes assemble,
 Et que tout seul tu possèdes ensemble.

Fin du premier Bocage Royal.





SECONDE PARTIE

DV BOCAGE ROYAL.

A TRES-ILLUSTRE ET

TRES VERTUEUSE PRIN-

cesse, la Royne Catherine

de Medicis mere de

trois Roys.



Oyne, qui de vertus passes *Artemisie*,
Et *Porcie* & *Lucrece*, à qui la Poësie,
Et l'outil immortel des bons Historiens
Ont fait raur l'honneur des siècles an-
ciens,

Et femme surpasser les hommes de leur âge
En puissance & conseil, en prudence, en courage,
Monstrant à leurs suets de parole & de fait
La vertu de leur sexe invincible & parfait.

Si à plus hauts discours ton esprit ne s'en vole,
Preste moy ton aureille & entends ma parole;
Pour me plaindre de toy & du bien mal donné,
Qui fut au temps passé des peres ordonné,
Non pour recompenser les enfans ny les femmes,
Mais les hommes sçauans ministres de nas ames.

L'autre iour que j'estois (comme tousiours ie suis)
Solitaire & pensif (car forcer ie ne puis)

Mon Saturne ennemi si loin ie me promeine
 Que seul ie m'esgaray desur les bords de Seine,
 Vn peu deffous le Louvre où les Bons-hommes sont
 Enclos estroittement de la riuë & du mont.

Là comme hors de may i' accusois la Fortune,
 La mere des flateurs, la marastre importune
 Des hommes vertueux, en viuant condamnez
 A souffrir le malheur des Astres mal-tournez;
 Ie blasmois Apollon, les Graces, & la Muse,
 Et le sage mestier qui ma folie amuse:
 Puis pensant d'une part combien i' ay fait d'escriis,
 Et voyant d'autre part vieillir mes cheueux gris
 Apres trente & sept ans, sans que la destinée
 Se soit en ma faueur d'un seul point enclinée,
 Ie hayissois ma vie, & confessois aussi
 Que l'antique vertu n'habitoit plus ici.

Ie pleurois du Bellay qui estoit de mon âge,
 De mon art, de mes mœurs, & de mon parentage,
 Lequel apres auoir d'une si docte vois
 Tant de fois rechanté les Princes & les Rois,
 Est mort pauvre chetif, sans nulle recompense,
 Sinon du fameux bruit que luy garde la France.

Et lors tout desdaigneux & tout remply d'esnoy,
 Regardant vers le Ciel, ie disois à par-moy:
 Quand nous aurions serui quelque Roy de Scythie,
 Vn Roy Got ou Gelon, en la froide partie
 Où le large Danube est le plus englacé,
 Nostre gentil labeur seroit recompensé.

Ainsi uersant de l'œil des fontaines ameres,
 Dedans mon cerueau creux ie peignois des Chimeres,
 Quand ie vy arriuier un Deuin qui auoit
 La face de Rembure à l'heure qu'il vint:

Son front estoit ridé, sa barbe mal-rongnée,
 Sa perruque à gros poil ny courte ny peignée,
 Ses ongles tout crasseux, lequel me regarda
 Des pieds insqu'à la teste, & puis me demanda:

D'où es-tu, où vas-tu, d'où viens-tu à ceste heure?
 De quels parens es-tu? & où est ta demeure?

Je luy respons ainsi: Je suis de Vendomois,
 Je n'ay iamais serui autre maistre que Rois,
 J'ay long temps voyagé en ma tendre ieunesse,
 Desireux de louange, ennemi de paresse.

A la fin Apollon & ses Sœurs volontiers
 En l'Antre Thesprien m'apprirent leurs mestiers,
 A bien faire des vers, à bien pousser la lyre,
 A sçauoir fredonner, à sçauoir dessus dire
 Les louanges des Rois, & en mille façons
 A sçauoir marier les cordes aux chansons:
 Ils me firent dormir en leur grotte secrette,
 Me lauerent trois fois, & me firent Poëte,
 M'enflammerent l'esprit de furieuse ardeur,
 Et m'emplirent le cœur d'audace & de grandeur.

Lors ie n'euy pour sujet les vulgaires personnes,
 Mais hardi ie me pris aux Roys porte-couronnes.
 (O docte Roy François, si tu eusses vescu,
 J'eusse par ta faueur mon noir destin vaincu!)
 Je celebray Henry & ses œuvres guerrieres,
 Voire en tant de façons & en tant de manieres,
 Que les plus nobles Preux qui viuent auioird'huy
 Par l'encre, ne sont pas tant celebrez que luy.
 Que me vaudroit icy ses loüanges redire,
 Puis qu'en mille papiers vn chacun les peut lire?
 Apres ie celebray en mille chants diuers
 La Royne son espouse, honneur de l'Vniuers,

Et fis de tous costez aux nations estranges
 Par le vol de ma plume esprendre ses louanges.
 Je chantay la grandeur de ses nobles ayeux,
 Et de terre eleuez ie les mis dans les cieux:
 Je chantay les eaux d'Arne, & Florence sa fille,
 Comme le beau Phæbus nomma la Tusque ville
 Du nom de la pucelle apres auoir esté
 Ardemment ravi des rais de sa beauté,
 Et comme Arne predict du milieu de son onde
 Que Royne elle seroit la plus grande du monde.
 Et que le nom de femme autrefois à mespris,
 Par elle emporteroit sur les hommes le pris.

Mais ainsi que Vesper la Cyprienne estoille
 De plus larges esclairs illumine le voile
 De la nuit tenebreuse, & sur tous les flambeaux
 Dont le Ciel est ardent, les siens sont les plus beaux:
 Ainsin & la vertu, la grace & le merite
 De la sainte & diuine & chaste Marguerite,
 Fille du Roy François & la sœur de Henry,
 Et du Duc d'Orleans qui ieune m'a nourri,
 Me semblerent aux yeux sur les autres reluire.

Pource ie la choisi le suiet de ma Lyre,
 Laquelle ayant l'esprit de son pere, eut à gré
 Le labeur que i'auois à ses pieds consacré:
 Et comme vertueuse & d'honneur toute pleine,
 S'opposant à mon mal, charitable mit peine
 D'auancer ma fortune, & fille & sœur d'un Roy
 D'aigna bien, ô bonté! se souuenir de moy:
 Mais en perdant, hélas! sa clarté coustumiere,
 Comme auenue ie suis demeuré sans lumiere.

Tousiours en sa faueur, soit Hyuer, soit au temps
 De la chaude moisson, puisse naistre un Printemps.

Sur les monts de Sauoye, Et quelque part qu'elle aille,
 Tousiours dessous ses pieds vn pré de fleurs s'esmaille:
 Dedans sa bouche naisse vne manne de miel,
 Et luy soit pour iamaïs fauorable le Ciel.

Fleur Et perle de pris Marguerite parfaite,
 Apres que la bonté de nature t'eut faite,
 Assemblant pour t'orner vne confection
 De ce qui est plus rare en la perfection,
 Elle en rompit le moule, à fin que sans pareille
 Tu fusses icy bas du monde la merueille.

Que te diray-ie plus ? apres auoir usé
 Cordes Et Luth Et fust, ie me suis abusé
 A chanter les Seigneurs : aussi ie n'en rapporte
 En lieu de son loyer qu'une esperance morte.

» Si est-ce que les vers ont aux hommes mortels

» Iadis fait eriger Et temples Et autels.

Cerés n'a pas esté Déesse renommée

Pour auoir de son bled nostre terre semée;

Ny Pallas pour auoir monstré l'art de filer,

Escarder les toisons, ou l'huile distiler :

Les liures seulement de mortelles Princesses

(Et non pas leurs mestiers) les ont faites Déeses.

Les liures ont à Mars les armes fait porter,

Le trident à Neptun, la foudre à Iupiter,

Les ailes à Mercure, Et leur belle memoire

Sans les vers periroit au fond de l'onde noire.

L'autre iour que i'estois au temple à saint Denis,

Regardant tant de Rois en leurs cachottes mis,

Qui n'aguères faisoient trembler toute la France,

Qui tous enflex d'orgueil, de pompe Et d'esperance

Menoient vn camp armé, tuoient Et cōmandoient,

Et de leur peuple auoient les biens qu'ils demandoient,

Et les voyant couchez, n'ayans plus que l'escorte,
 Comme buches de bois sans puissance ny force,
 „ Je disois à par-moy : Ce n'est rien que des Rois :
 D'un nombre que voicy, à peine ou deux ou trois
 Vivent apres leur mort, pour n'avoir esté chiches
 Vers les bons escriuans, Et les auoir fait riches.

Puis me tournant, hélas ! vers le corps de Henry,
 Je disois, O mon Roy, qui viuant as chery
 Les Muses, qui sont sœurs des armes valeureuses,
 Ton ame puisse viure entre les bien-heureuses :
 Au haut de ton cercueil soient tousiours fleurissans
 Les beaux œillets pourprez & les lix blanchissans,
 Et leur souaue odeur iusqu'au ciel à toy monte,
 Puis que de ton Ronsard tu as fait tant de conte !

Je porterois mon mal beaucoup plus aisément,
 Si en fraudant les bons, le sort incessamment
 N'auançoit les meschans : mais quand en moy courage
 Je voy tout aller mal, de dueil presque i' enrage.

Je me fasche de voir les hommes estrangers,
 Changeurs, postes, plaisans, vsuriers, mensongers,
 Qui n'ont ny la vertu ny la science apprise,
 Posseder auourd'huy tous les biens de l'Eglise.
 De là sont procedez tant d'abus infinis,
 Et tu les vois, ô Dieu, Et tu ne les punis !

Et nous sacré troupeau des Muses, qui ne sommes
 Vsuriers, ny trompeurs ny assassineurs d'hommes,
 Qui portons Iesus-Christ dans le cœur arresté,
 Ne sommes auancex sinon de pauureté :
 Lambin, Daurat, Turneb, lumieres de nostre âge,
 Doctes & bien-viuans en donnent tesmoignage.

Que vous estes trompez de vos intentions
 O pauures trespassez ! qui par deuotions

*En fraudant vos parens fondastes de vos rentes
A nos riches Prelats les mitres opulentes!
Mieux eust vallu ietter vostre argent en la mer,
Que pour telle despense en vain le consumer.*

*Tels biens ne sont fondez pour estre recompense
De ceux qui en la guerre ont fait trop de despense,
Pour en pourvoir leurs fils: ou les donner à ceux
Qui sont aux Cours des Rois des pilliers pareseux.
Tels biens ne faut donner par faueur ny priere,
Ny à ceux qui plustost font voler la poussiere
Sous les chevaux de poste, & haletant bien-fort
Apportent les premiers nouvelles de la mort.*

*Mais à ceux que l'on iuge estre de bonne vie,
A ceux qui dès enfance ont la vertu suyvie,
Et à ceux qui pourront viement empescher
De ramper l'heresie à force de prescher.
Vn nombre bien petit esloigné d'auarice
Accomplit auourd'huy sainement son office,
Presche, prie, admoneste, & prompt à son deuoir
Auec la bonne vie a conioint le sçauoir.*

*Je me deuls quand ie voy ces ignorantes bestes
Porter comme guenons les mitres sur leurs testes,
Qui par faueur ou race ou importunité
Sont montez, ô vergongne! en telle dignité.*

*Bien que de Mahomet la loy soit vicieuse,
Si est-ce que du Turc la prudence soigneuse
Choisit entre les siens les plus gentils esprits,
Et ceux qui ont sa loy plus dextrement appris,
Et sages les commet comme graues Prophetes
Pour contenir son peuple, & garder ses Musquetes.*

*Las! les Princes d'Europe, au contraire de luy,
Des Pasteurs ignorans commettent auourd'huy*

Sur le sacré troupeau de l'Eglise Chrestienne
 Que Iesus par son sang a lavé toute sienne.
 De là Dieu se courrouce, & de là sont issus
 Tant d'erreurs que l'abus a faussement conceus,
 Enfantex par enfans qui sans mœurs ny sciences
 Sont gardes de l'Eglise & de nos consciences.

Il faudroit les oster, & pour l'honneur de Dieu
 En mettre de meilleurs sans faueur en leur lieu.
 Car le bien de Iesus n'est pas vn heritage
 Qui vient de pere en fils, & retourne en partage.
 Il est commun à tous, lequel on peut oster,
 Tantost diminuer & tantost adiouster
 Selon que le ministre en est digne & capable,
 De mœurs non corrompu, de vices non coupable.

Toy qui viens apres moy, qui voirras en maints
 lieux

De mes escrits espars le titre ambitieux
 De Francus, Francion, & de la Franciade,
 Qu'égaler ie deuois à la Grecque Iliade:
 Ne m'appelle menteur, paresseux ny peureux,
 I'auois l'esprit gaillard & le cœur genereux
 Pour faire vn si grand œuvre en toute hardiesse,
 Mais au besoin les Rois m'ont failly de promesse:
 Ils ont tranché mon cours au milieu de mes vers:
 Au milieu des rochers, des forests, des deserts
 Ils ont fait arrester par faute d'equipage
 Francus qui leur donnoit Iliou en partage.

Pource i'ay resolu de m'en-aller d'icy
 Pour trainer autrepart ma plume & mon soucy
 En estrange pays, seruant vn autre Prince:
 „ Souuent le malheur change en changeant de pra-
 uince.

Car que feray-ie icy sans aide Et sans support ?
 L'esperoir qui me tenoit, se perdit par la mort
 Du bon Prince Henry, lequel fut l'esperance
 De mes vers, Et de moy, & de toute la France.

Alors le bon vi eillard qui m'arresta le pas,
 Me mesura le front avecques un compas,
 Me contempla des mains les lignes qui sont droites,
 Celles qui sont en croix, celles qui sont estroites,
 Celles d'autour le poulce, Et celles des cinq mons,
 Les angles malheureux, les angles qui sont bons :
 Trois fois me fit cracher sur la seiche poussiere,
 Trois fois esternuer, Et trois fois en arriere
 Me retourna les bras, trois fois les ramena,
 Et trois fois tout autour d'un rond me promena :
 Fit des points contre terre, apres il les assemble
 En meres tout d'un rang Et en filles ensemble :
 Il en fit un sommaire, Et en roüant les yeux
 Trois fois deuers la terre Et trois fois vers les cieux,
 Me dit à basse voix : Mon fils, la Poësie
 Est un mal de cerueau qu'on nomme Frenesie,
 Ta teste en est malade, il te la faut guarir,
 Autrement tu serois en danger de mourir.

Tu ressembles aux chiens qui mordent en la rue
 La pierre qu'un passant pour les frapper leur rue :
 Ainsi tu mords autruy comme fol insensé,
 Et non toy pauvre sot qui t'es seul offensé.

En quel âge ô bons Dieux ! ores penses-tu estre ?
 Penses-tu que le ciel pour toy face renaistre
 Encor le siecle d'or, où l'Innocence estoit
 Sur le haut de la faulx que Saturne portoit ?

Ce beau siecle est perdu, Et nostre âge enroüillée
 (Qui des pauvres humains la poitrine a souillée

D'auarice & d'erreur) ne permet que le bien
Aux hommes d'aujourd'huy vienne sans faire rien.

Pource auecques trauail il faut que tu l'acquieres,
Non en faisant des vers qui ne seruent de guieres,
Non à prier Phœbus qui est deuenu sourd :
Mais il te faut prier les grands Dieux de la Court,
Les suivre, les seruir, te trouuer à leur table,
Discourir deuant eux un conte delectable,
Les courtizer, les voir, & les presser souuent :
Autrement ton labeur ne seroit que du vent,
Autrement ta science Et ta lyre estimée
(Pour n'vser d'un tel art) s'en iroit en fumée.

Le desastre malin qui tourmenté t'auoit,
Se tourner deuers toy plus doux ne se deuoit
Qu'aujourd'huy que la Royne auecques sa prudence
Par naturelle amour gouuerne nostre France :
Ce qui est arriué pour faire refflorir
L'ancienne vertu qui s'en alloit perir.
Sans elle Et sans sa race en oubly fust Athenes,
Et tant de noms fameux sacrez par tant de peines,
Platon, Socrate, Homere, eussent esté occis
D'une eternelle mort sans ceux de Medicis.

Ceste Royne d'honneur de telle race issuë,
Ainçois que Calliopé en son ventre a conceuë,
Pour ne degenerer de ses premiers ayeux,
Soigneuse a fait chercher les liures les plus vieux
Hebreux, Grecs & Latins, traduits Et à traduire :
Et par noble despenfe elle en a fait reluire
Son chasteau de saint Maur, à fin que sans danger
Le François fust vainqueur du sçauoir estrange.

Si sa bonté non feinte, au plus beau du ciel née
Ne change comme Royne en mieux ta destinée,

*Laisse l'ingrate France, & va chercher ailleurs
(Si tu les peux trouuer) autres destins meilleurs.*



A ELLE MÊSME.



*Comme une belle Et ieuue fiancée
De qui l'amour resueille la pensée,
Souffpire en vain son amy nuict Et iour,
Et triste attend l'heure de son retour,*

*Feignant tousiours, tant son esprit chancelle,
De son retard quelque cause nouvelle.
De tel desirs toute France qui pend
De vos vertus, vostre presence attend,
Et le retour de nos deux ieunes Princes,
Qui dessous vous cognoissent leurs Prouinces.*

*Mais quand on dit que Phebus aux grands yeux
Aura couru tous les Signes des Cieux,
Et que la Lune à la còche attelée,
De noirs chevaux, sera renouvelée
Par douze fois sans retourner icy,
Paris lamente Et languit en soucy,
Et ne scauroit, quoy qu'il pense ou regarde,
Songer le point qui si loin vous retarde.*

*Seroit-ce point le Rhosnè impetueux ?
Le cours de Seine aux grands ports finctueux
Est plus plaisant. Seroit-ce point Marseille ?
Non, car Paris est ville sans pareille.
Bien que Marseille en ses tiltres plus vieux
Vante bien-haut ses Phocenses ayeux,*

Qui d'Apollon fuyans l'oracle Et l'ire,
A son riuage ancrerent leur Navire.

L'air plus serein des peuples estrangers,
Et le doux vent parfumé d'Orangers,
De leur douceur vous ont-ils point rauie ?
La peste helas ! vous a tousiours suiue.

De Languedoc les palles Oliuiers
Sont-ils plus beaux que les arbres fruitiers
De vostre Anjou ? ou les fruits que Touraine
Plantex de rang en ses iardins ameine ?
Ie croy que non. X vit-on mieux d'accord ?
Mars en tous lieux de vostre grace est mort.

Qui vous tient doncq' si loin de nous Madame ?
C'est le desir de consumer la flame
Qui peut rester des ciuiles fureurs,
Et nettoyer vos prouinces d'erreurs.

Vostre vouloir soit fait à la bonne heure :
Mais retournez en la saison meilleure,
Et faites voir au retour du Printemps
De vostre front tous vos peuples contents.

Vostre Monceaux tout gaillard vous appelle,
Saint-Maur pour vous fait sa riuie plus belle,
Et Chenonceau rend pour vous diaprez
De mille fleurs son riuage Et ses prez :
La Tuillerie au bastiment superbe
Pour vous fait croistre Et son bois Et son herbe,
Et deormais ne desire sinon
Que d'enrichir son front de vostre nom.
Et toutesfois par promesse asseurée.
Ils ont ensemble alliance iurée.
De leur vestir de noir habit de dueil
Iusques au iour que les raiz de vostre ail

Leur donneront une couleur plus neuue,
Changeant en verd leur vieille robe venue,
Et que iamais ils ne seront ioyeux,
Beaux ny gaillards qu'au retour de vos yeux.

Si vous venez, vous verrez vos allées
Dessous vos pas d'herbes renouuellées,
Et vos iardins plus verds & plus plaisans
Se raiennir en la fleur de leurs ans.

Ou bien Madame, ils deviendront steriles,
Sans fleurs sans fruit mal-plaisans inutiles,
Et peu vandra de les bien disposer,
Les bien planter, & bien les arroser:
Le iardinier ne pourra faire croistre
Herbe ne fleur sans voir l'œil de leur maistre.

Desia le temps & la froide saison
Qui vostre chef a fait demy-grison,
Loing du trauail vous commandent de faire
Honeste chere, & doucement vous plaire.

Assez & trop ce Royaume puissant
A veu son Sceptre en son sang rougissant:
A veu la mort de trois Rois en peu d'heure,
Et d'un grand Duc que toute Europe pleure:
Assez a veu l'audace du harnois
Vous resister, & corrompre vos lois,
Et vos citez l'une à l'autre combattre.

Or maintenant il est temps de s'esbatre,
Et de ietter dedans l'air bien-auant
Tous vos ennuis sur les ailes du vent.

Qui desormais vous ayant pour maistresse,
Craindra du Rhin l'effroyable ieunesse,
Les Espagnols aux guerres animez,
Ou les Anglois hors du monde enfermez.

Vostre grand nom que la grand' Renommée
 Seme par tout, est plus fort qu'une armée:
 Car sans combattre, avecque la vertu
 Vous avez tout doucement combattu.

Si m'en croyez, vous passerez le reste
 De vos longs iours sans que rien vous moleste.
 Il est bien vray que presdant au lieu
 Que vous tenez deffous la main de Dieu,
 Ne sçauriez estre un quart d'heure sans peine:
 Mais de plaisir il faut qu'elle soit pleine,
 Entre-meslant le doux avec l'amer,
 Et ne laisser vostre esprit consumer
 Sous telle charge aucunement amere,
 Si le plaisir le saucy ne tempere.

Quand voirrons nous quelque tournoy nouveau ?
 Quand voirrons nous par tout Fontaine-bleau
 De chambre en chambre aller les mascarades ?
 Quand oirrons nous au matin les aubades
 De diuers luths mariez à la voix ?
 Et les cornets, les fifres, les haubois,
 Les tabourins, violons, espinettes
 Sonner ensemble avecque les trompettes ?
 Quand voirrons nous comme balles voler
 Par artifice un grand feu dedans l'air ?

Quand voirrons nous sur le haut d'une scene
 Quelque Ianin ayant la iouë pleine
 Ou de farine ou d'ancre, qui dira
 Quelque bon mot qui vous resjouyra ?

Quand voirrons nous une autre Polynesse
 Tromper Dalinde, & une ieune presse
 De tous costez sur les tapis tendus
 Honnestement aux gironz espendus

De leur Maïstresse, & de douces paroles
 Flechir leurs cœurs, & les rendre plus molles,
 Pour saintement un iour les espouser,
 Et chasteement pres d'elles repouser?

C'est en ce point Madame, qu'il faut viure,
 Laisant l'ennuy à qui le voudra suivre.

De vostre grace un chacun vit en paix:
 Pour le Laurier l'Olivier est espais
 Par toute France, & d'une estroitte corde
 Auez serré les mains de la Discorde.

Morts sont ces mots Papaux & Huguenots,
 Le Prestre vit en tranquille repos,
 Le vieil soldat se tient à son mesnage,
 L'artizan chante en faisant son ouvrage,
 Les marchez sont frequentez des marchans,
 Les laboureurs sans peur sement les champs,
 Le pasteur saute aupres d'une fontaine,
 Le marinier par la mer se promeine
 Sans craindre rien: car par terre & par mer
 Vous auez peu toute chose calmer.

En travaillant chacun fait sa iournée:
 Puis quand au Ciel la Lune est retournée,
 Le Laboureur delivré de tout soing
 Se sied à table, & prend la tasse au poing:
 Il vous inuoque, & remply d'alegresse
 Vous sacrifie ainsi qu'à sa Déesse,
 Verse du vin sur la place: & aux cieux
 Dressant les mains & soulevant les yeux,
 Supplie à Dieu qu'en santé tres-parfaite,
 Viviez cent ans en la paix qu'auez faite.



L'AMOUR AMOUREUX.
A LA ROYNE DE NAVARRE
Marguerite de France.



E Dieu qui se repaist de nostre sang
humain,
Ayant au dos la trouffe Et l'arc de-
dans la main,
Voulut depuis deux iours environner
la terre,

Et voir combien ses traicts aux hommes font de guerre.

Comme il alloit le Ciel Et la Mer recherchant,
Il vid dés l'Orient iusqu'au Soleil couchant,
Dés l'Afrique bruslée aux montaignes Riphées,
Que tout le monde entier n'estoit que ses trophées,
Et qu'il n'y auoit Prince, Empire, ny cité,
Qui ne tremblast au nom de sa diuinité.

Il vid Iupiter pris de nos mortelles femmes,
Neptune sous la mer n'esteindre point ses flames,
Et Pluton aux Enfers sentir la cruauté.

Qu'apporte dans les cœurs vne douce beauté.

A la fin tout lassé de voler par le monde,
A l'heure que Phebus se cache dessous l'onde,
Quand nous voyons le iour en la nuit se changer,
Amour chercha par tout vn giste à se loger.

Ramassant du long vol son aile recueillie,
Tantost tournoit les yeux sur la belle Italie,
Tantost desur l'Espaigne, Et tantost d'autre part
Sur l'Isle d'Angleterre abaissoit son regard.

Pressé de se loger par la nuit qui commence,
 Abaisa ses beaux yeux sur le peuple de France.
 Il adusa Paris, & vint au point du soir
 Comme un oyseau leger sur le Louvre s'assoir.

De fortune la belle & chaste Marguerite,
 Perle & fleur des François, immortelle Charite,
 Des diuines beautex le patron eternel
 Reuenoit des iardins du Palais maternel.

L'Honneur & la Vertu suiuoient ceste Princeesse,
 Ainçois ce beau Soleil qui tiroit une presse
 De Dames & d'Amours autour de son costé.

Elle race des Rois marchoit en grauité
 Au milieu de sa troupe, & passoit les plus belles,
 Comme l'Aube la nuit de ses flâmes nouvelles.

Si tost qu'Amour la vid, il en fut enuieux.
 Aussi prompt qu'un esclair se ietta dans ses yeux:
 Il se fit inuisible, à fin que sa venue
 Ne fust que d'elle seule & non d'autre connue.

L'homme qui est mortel, n'est pas digne de voir
 Les Dieux en leur essence, & moins les recevoir:
 C'est un vaisseau de terre entourné de foiblesse.
 L'humain cherche l'humain, & le Dieu la Deesse.

Incontinent qu'Amour se fut logé dedans.
 Ces yeux si penetrans si beaux & si ardans,
 Armez d'une vertu si diuine & si claire,
 Je me trompe, dit-il, ie croy que c'est ma mere.
 Qui auoit emprunté les membres d'un mortel:
 Un œil, s'il n'est diuin, ne scauroit estre tel.

Est-ce point Pasithée? ou quelqu'une des Graces?
 Oeil, quiconque sois-tu, de splendeur tu surpasses
 Venus & Pasithée: & par tout ie ne voy
 Rien qui puisse egaler ta beauté sinon toy.

*Mais si tost qu'elle fut en sa chambre arriuée,
Qu'à l'entour de son corps sa robbe fut leuée,
Que toutes ses beaultez se monstrerent à nu,
Amour est tout soudain amoureux deuenu:
Il soupire, il languist en vne peine extrême,
Et sent au cœur les maux qui viennent de luy-mesme.*

*Regardant son beau front d'ynoire blanchissant,
Et ses sourcis tournez en forme d'un Croissant,
Ou il prit de son arc la voûture premiere:
Puis sentant de ses yeux la celeste lumiere,
Le vray logis d'honneur, lumiere qui pourroit
R'animer d'une œillade un homme qui mourroit,
Esbranler les rochers, appaiser la marine,
Et tirer d'un regard le cœur de la poitrine:
Lumiere sainte douce angelique, qui fais
Et couler Et sentir iusqu'en l'ame tes rais:
Il deuint esperdu d'esprit & de memoire.
Vaincu sans resistance il quita la victoire,
Et ne fit que penser le moyen de pouuoir
Viure tousiours en elle, & pour Dame l'auoir.*

*Or maintenant ce Dieu sous les flames iumelles
Des yeux de son hostesse estendoit ses deux ailes,
Et seichoit son pennage à leur belle clairté:
Maintenant aiguisoit ses rais sur leur beaulté:
Maintenant il prenoit des cheueux de la belle
Pour refaire à son arc vne corde nouuelle:
Maintenant tout son arc racoustroit de nouueau,
Se refondoit soy-mesme & se faisoit plus beau.
Il oublia le Ciel sa celeste origine,
Et pensoit que le Ciel d'elle n'estoit pas digne:
Et tellement Amour de son feu s'embrasa,
Que mille & nulle fois ses yeux il rebaisa:*

Les prioit, adoroit, & vaincu de martyre
Fut contraint à la fin telle parole dire,
Souffrant aigrement tout triste & tout desfait
Par le coup que luy-mesme à soy mesme auoit fait.

Or ie suis chastié des rigoureuses peines
Que ie soulois donner aux personnes humaines.
Les soupirs & les voix & les pleurs soucieux
De ceux qui i'ay blessez, sont venus iusqu'aux Cieux.
Nemesis m'a puny: c'est la loy de Nature,
Celuy qui fait du mal, que du mal il endure.
Ie suis sans foy sans loy, vagabond & leger,
Menteur flatteur trompeur causeur & mensonger:
La mer conceut ma mere en sa vague profonde:
Ie suis vn Phaëthon qui brusle tout le monde:
Ie renuerse les loix & les villes à bas,
Et comme d'un iouët du monde ie m'esbas.

Maintenant de mes maux ie souffre penitence,
Ie me confesse à vous, au cœur i'ay repentance:
Ie demande pardon, & sçay que iustement
De mes pechez commis i'endure chastiment.
Ie sçay que peut l'ennuy, les soucis & les plaintes,
Les sanglots, les soupirs, & les larmes non feintes:
Le mal me touche au cœur, qui me fait languoureux.
Et pource desormais, ô pauvres amoureux,
J'auray pitié du feu qui cause vostre perte,
Pleurant vostre douleur comme l'ayant soufferte.

Ainsi disoit Amour plaignant sa liberté:

Mais vous qui sçauex bien comme il est arresté
Prisonnier de vos yeux, deuenex glorieuse
D'estre d'un si grand Dieu seule victorieuse.
Vous desrobex son arc ses flammes & ses traits,
Et comme ardens esclairs vous les iettez espaiz,

Sâs faillir, droit aux cœurs de ceux qui vous regardent,
 Que corselets ferrez ny boucliers ne retardent,
 Tant ils sont foudroyans, penetrans & pointus,
 Acerez & forgez par les mesmes Vertus.

Doncques, Perle d'honneur que la beauté couronne,
 Il ne faut desormais que la France s'estonne,
 Si seule vous blessez les hommes & les Dieux,
 Puis qu'Amour est vostre hoste, & demeure en vos
 yeux.



LES BLÂSONS, OV

ARMOIRIES.



V soit que les marests de l'Égypte seconde
 Soyent peres limonneux des hommes de ce
 monde,

Soit qu'ils soyent engendrez des vieux
 chesnes creux,

Ou soit que des rochers ils naissent esleuez:
 Si est-ce mon Sanzay, que sans finent de race
 Les hommes sont yssus d'une pareille masse:
 Ils eurent sang pareil, pareil entendement,
 Et furent tous egaux dès le commencement:
 Sans point se soucier d'honneur ny de noblesse
 Estoyent sans nul mestier, sans art, & sans adresse.
 Et viuoyent par les bois comme peu courageux,
 Des glans tombex menu des chesnes ombrageux.

Si tost que les vertus les hommes esueillèrent,
 Espoinçonner d'honneur à l'envy travaillèrent:
 L'un creusa les sapins, & se donnant au vent

*Alla trop conuoiteux d'Occident au Levant :
 L'autre pour agrandir les bornes de sa terre,
 Fit des picques de fresne, Et courut à la guerre:
 Ils bastirent citez, ils choisirent des Rois,
 Ils dresserent des camps, Et chargex de harnois,
 Les armes en la main, au combat se pousserent,
 Et les grandes Citez à terre renuerserent.*

*Lors l'honneur qui voloit dessus les camps armez
 Les rendoit viuement aux armes animez,
 De sorte que chacun auoit plus grande enuie
 De la mort, que sauuer honteusement sa vie :
 Et plustost desiroit à la guerre mourir,
 Que viure en sa maison sans loüange acquerir.
 » Nostre vie mondaine est caduque Et mortelle,
 » Et la belle loüange est tousiours eternelle.*

*Celuy qui desiroit de monstrier sa vertu,
 Portoit sur le harnois dont il estoit vestu,
 Ou dessus son bouclier, une recognoissance,
 Afin que par la presse on cognust sa vaillance.*

*L'un auoit vn Serpent, l'autre auoit vn Lyon,
 Vn Aigle, un Leopard: ainsi un million
 Par les siecles passez d'Enseignes sont venuës,
 Que les races depuis pour marque ont retenuës,
 Escussions Et Blasons de leurs premiers ayeux,
 Que la guerre en-noblit par faits victorieux :
 Aussi pour inciter leurs races à bien faire,
 A pousser leur vertu outre le populaire,
 Et à contregarder par noblesse de cœur
 L'honneur que leurs parens ont acquis par labeur.*

*Mais tout ainsi qu'on void la Fortune mondaine
 Aller en decadence Et n'estre point certaine:
 Aussi ne vo. d-on pas en chacune saison*

Tousiours en mesme estat vne mesme maison ;
 Mais souuent elle change & d'armes & de race :
 Car toute chose humaine en ce bas monde passe.

La tiene, mon Sanxay, sans auoir rien mué,
 A tousiours son honneur en mieux continué,
 Comme le vif surgeon d'une race eternelle
 Qui sans l'aide d'autrui re-uit tousiours en elle :
 Tige du noble sang des Comtes de Poitiers,
 Dont tes predecesseurs furent vrais heritiers :
 Qui aux siecles passez, en prenant alliance
 Es plus riches maisons du Royaume de France,
 Ont iusques auourd'huy avecq' authorité
 Maintenu leur noblesse & leur antiquité.

Or toy qui les vertus de tes ayeux possedes,
 Et qui de droite ligne à leurs armes succedes,
 Tu n'as voulu souffrir que leur nom en-nobly
 De tant de beaux honneurs fust pressé de l'oubly :
 Mais tirant du tombeau leurs armes & leur gloire,
 Tu as dedans un liure escrit toute l'histoire,
 Portrait leurs Escussions & leurs Blasons, à fin
 Que ta noble maison ne prouue iamaï fin.
 Et que maugré les ans ta Ligne florissante
 Croisse de fils en fils à iamaï renaisante.

Tousiours puisse ta race augmenter en honneur ;
 Et tousiours ta maison soit pleine de bon-heur,
 Illustre de vertus, & tousiours puisse viure
 La race des Sanxais escrete dans ton liure.



AV SEIGNEUR CECILLE

Sicilien.

DOste Cecille, à qui la Pieride
 A fait gouster de l'onde Aganippide,
 A descouvert les Antres Cirrheans,
 A fait danser sur les bords Pimpleans,
 A mené voir baigner en la fontaine

Sur Helicon, ceste belle Neufuaine.

Que Iupiter en Memoire conceut,

Et pour sa race en son Ciel la receut:

Je te confesse heureux en nulle sortes,

Non pour le nom si fameux que tu portes

Venant de l'Isle, où le Gean Typhé

Presque de souffre & de foudre estouffé

(Gean rebelle à souffrir indocile)

En se tournant esbranle la Sicile,

Estant lassé de porter d'un costé

Le sousspiral de Vulcan indonté;

Non pour autant que le grand fleuve Alphée,

Ayant d'amour la poitrine eschaufée,

Reuoit s'amie à cachettes, laissant

Son bord sacré d'Oliuiers pallissant,

Et sous la mer sans y mesler son onde

Coule leger d'une voye profonde,

Ne se laissant à Neptune enfermer,

A fin que pur des vagues de la mer

Vienne embrasser son Aretuse chere,

Ses Oliuiers luy donnant pour douaire,

Et son sablon des Athlètes connu,
Estant de fleuve un Plongeon deuenu:

Non pour-aunt que la Muse Latine,
La Muse Greque ont mis en ta poitrine
Ie ne sçay quoy de grand & de parfait,
Qui passe en France, Et reuerer te fait,
De ces esprits à qui rien ne peut plaire
S'il n'est du tout esloigné du vulgaire:

Non pour-aunt que courtois & humain
Aux estrangers tu ne caches ta main,
Mais doucement les traites & caresses,
Les bien-veignant d'honneurs Et de richesses:
Mais pour-aunt que tu vois de plus pres
Que nous le port & les yeux Et les traicts
De la splendeur de ton Prince; qu'il passe
L'Honneur d'honneur; & les Graces de grace:

Cecille, on dit qu'après que les Geans
Furent bruslez l'un sur l'autre cheans
Aux champs de Phlegre, & que l'ardante foudre
Leur triple eschelle eut brisé comme poudre,
Foudre que l'Aigle en son bec apportoit:
Que Iupiter pompeusement estoit
Hautain d'auoir deschargé sa vergeance
Sur si meschante & malheureuse engeance.

Et toutefois comme un vainqueur douteux
Qu'il de restast quelque racine d'eux,
Qui ne nouueau troubleroit sa victoire:
Pour effacer la race Et la memoire
De telle gent, du haut ciel deuilla,
Et bras à bras nostre Terre accolla,
La remplissant de sa semence heurieuse,
Semence forte, ardante, & vigoreuse,

Digne de luy, que la Terre receut,
 Dont tout soudain les Rois elle concent,
 Portraits sacrez de la haute Iustice,
 Pour chastier les Geans & leur vice
 S'il en restoit: puis ce Dieu desiroit
 De se murer aux enfans qu'il auroit,
 Et par les Rois cognoistre sa puissance:
 » Car du grand D I E U les Rois sont la semblance.

Quand la douleur d'enfanter la pressa,
 A corps preignant estendre se laissa
 Sous vn grand Palme: & comme en sa gesine
 Trois fois appelle à son secours Lucine,
 Elle inuoca Iupiter qui des Cieux
 Iettoit sur elle Et/ son cœur & ses yeux:
 Puis au milieu d'vnc longue tranchée,
 En s'efforçant des Rois est accouchée.

La Maiesté ses grandes mains auoit
 Sous les enfans, la Fortune seruoit
 De sage-femme, Et/ la Vertu chenuë
 Estoit du Ciel pour Commere venuë.

Tous ces enfans ne se resembloyent pas:
 Les vns auoient petit corps, petits bras,
 Petites mains: les autres au contraire
 Auoient grands mains & grands bras, pour deffaire
 Sous eux le peuple, & sous eux faire armer
 D'hommes la terre, & de vaisseaux la mer.
 L'un en naissant estoit vicillard Et/ sage,
 L'autre n'auoit ny force ny courage,
 Vn fai-neant, & l'autre genereux
 Estoit de gloire Et/ d'honneur amoureux,
 Et presque enfant ne pensoit qu'à la guerre,
 Et d'abaisser sous luy toute la terre,

Comme le nostre, à qui les Cieux amis
Ont de grands dons dès naissance promis
Pour ioindre vn iour par fidelle alliance
Vostre Sicile auecques nostre France.

Incontinent que Iupiter les vit,
L'ardante amour son courage rauit,
Et bouillonnant en son cœur de grand' aise,
Impatient les accolle & les baise
L'un apres l'autre, & d'eux pere commun
Bailla sa foudre en presens à chacun,
Disant ainsi: Ma race, ie vous donne
(Oltre l'honneur, le Sceptre & la Couronne
Que vous tiendrez deffous mon bras puissant)
Comme à mes fils le foudre punissant:
Non pour blesser ou pour tuer la race
De l'innocente & simple populace,
Mais pour punir les Geans serpens-piez,
Si par audace ensemble r'alliez
Me guerroyoient, ou si gros d'arrogance
Ils conspiroient contre vostre puissance:
Lors n'espargnez la foudre, & la ruez,
Et comme moy saccagez & tuez
D'un feu souffré la race Titanine:
Renuersez moy Bryare sous Arine,
Et derechef sous Etne renfermez
Typhé couuert de charbons allumez,
Et rembarrez Porphyre en Tenarie.

Quand vous vörrez que leur sottie furie
Sera dontée & serue deffous vous,
A mon exemple arrestez le courroux,
Et n'exercez d'une rigueur selonne,
Toute vengeance ainsi qu'une Lyonne,

Ou comme un Tygre aux grands ongles tranchans,
 Qui d'Hyrkanie erre parmy les champs:
 Croyez, enfans, que chose tant n'approche
 De ma bonté, que de sauuer son proche,
 Et pardonner à beaucoup qui auront
 Sans y penser trop haut dressé le front.

Si ie voulois toutes les fois qu'en terre
 L'homme m'offense, eslancer mon tonnerre,
 Estant tousiours de couroux animé,
 En peu de temps ie serois desarmé.

Mais pour donner aux peuples vne crainte,
 Souuent d'Athos où la cyme est atteinte
 Ou du Ceraune; on ie fais trebucher
 Dessous mon bras la teste d'un rocher,
 Ou ie renuerse vne tour qui menace
 Mon Ciel moqué de sa voisine audace,
 Ou les forests dont les arbres d'autour
 Sont si espais qu'ils destrobent le iour.

Ce sont les bûts, sur qui pere ie vise
 Les traits armez de ma cholere esprise,
 Ne respandant à tous coups de ma main
 Mes dars de feu desur le genre humain.

Et c'est à fin que le peuple qui tremble
 De voir morceaux desur morceaux ensemble
 D'un grand rocher par les champs renuersé,
 Sache que Dieu là haut est courroucé,
 Qu'il regne au Ciel, & qu'il darde la foudre,
 Et qu'en son lieu les rochers sont en poudre.

Et lors prenant exemple à ma pitié
 S'entr'-aimeront viuans en amitié,
 Adoucissans l'ardeur de leurs courages
 Sans se tuer comme bestes sauvages.

Disant ainsi nil enuoya les Rois
 Ses chers enfans regner en tous endrois,
 Et sur leur chef espandant sa largesse,
 Aux vns donnoit une grande richesse,
 Aux autres moindre, ainsi qu'il luy plaisoit:
 Car à son gré son vouloir se faisoit.

Mais par sur tous sa faueur s'est monstrée
 Dessus la France, Espagne & ta contrée
 Qu'il couronna de gloire & de bon-heur,
 Et insqu'au ciel en enuoya l'honneur,
 Sacré berceau de Cerés la tres-belle
 Qui nourrit tout de sa grasse mammelle,
 Tesmoings en sont Archimede, & celuy.
 Qui courtizan auoit un double estuy,
 L'un plein de vent, & l'autre de finance,
 Et ce Pasteur qui fut dès son enfance
 En Arcadie, & sur Menale vit
 Pan qui flutoit dont le son le rauit.

Or comme on void que les Rois en ce monde
 Apres leur pere ont la place seconde,
 Haut-esleuez en grandeur & en pris:
 Des puissans Rois les hommes fauoris
 Par la vertu, ont la troisieme place
 Haut-esleuez desur la populace.

Ainsi que toy Cecille, dont le nom
 N'est enfermé deffous vn bas renom,
 Mais en volant aux deux bouts de ton Isle
 A fait ta gloire abondante & fertile,
 Ta fait du peuple & des grands bien-aimé:
 Tant vaut l'honneur quand il est renommé.

Non seulement ta viue renommée
 N'est chichement de ta mer enfermée,

Mais franchissant le rempart Siculois
 S'est appaïné au grand peuple Gaulois,
 Et fait cognoistre à mes Muses sacrées,
 Pour te porter en diuerses contrées,
 Et faire aller ton nom par l'univers:
 Car ta loüange est digne de mes vers.



A IEAN GALLAND, ATRE-
 BATE PRINCIPAL DV
 College de Boncourt.



On Galland, tous les arts apris dès la
 ieunesse
 Seruent à l'aruz an iusques à la vieil-
 lesse,
 Et iamaïs le mestier en qui l'homme
 est expert,

Abandonnant l'ouurier par l'âge ne se pert.

Bien que le Philosophe ayt la teste chenue,
 Son esprit toutefou se pousse outre la nue:

Plus le corps est pesant, plus il est vis & prompt,

Et forceant sa prison s'en-vole contre-mont.

L'Orateur qui le peuple attire par l'oreille,

Celuy qui disputant la verité reueille,

Et le vieil Medecin plus il court en auant,

Plus il a de pratique, Et plus deuient sçauant.

Mais ce bon-heur n'est propre à nostre Poësie,

Qui ne se void iamaïs d'une fureur saisie

Qu'au temps de la ieunesse, Et n'a point de vigueur

Si le sang ieune & chaud n'escume dans la veine
 Sang qui en bouillonnant agite la pensee
 Par diuerses fureurs brusquement esleuee
 Et pousse nostre esprit ore-bas oue hant
 Comme le sang de l'homme est genereux & chaud
 Et selon son ardeur nous trouuant d'auanture
 Au mestier d'Apollon preparez de nature.

Comme on void en Septebre au tourant d'Argens
 Bouillir en escumant la ieunesse des vins
 Qui chaude en son berceau à toute force gronde
 Et vouldroit tout d'un coup sortir hors de sa bonde
 Ardente impatiente, & n'a point de repos
 De s'ensier d'escumer, de iallir à gros flots
 Tant que le froid Hyuer luy ait donne sa force
 Rembarrant sa puissance aux berceaux d'une escorce:

Ainsi la Poësie en la ieune saison
 Bouillonne dans nos cœurs qui n'a soin de raison
 Serue de l'appetit, & brusquement anime
 D'un Poëte gaillard la fureur magnanime
 Il deuient amoureux, il suit les grands Seigneurs
 Il aime les faueurs, il cherche les honneurs
 Et plein de passions en l'esprit ne repose
 Que de nuit & de iour ardent il ne compose
 Soupconneux, furieux, superbe, & desdaigneux
 Et de luy seulement curieux & songneux
 Se feignant quelque Dieu: tant la rage selonne
 De son ieune desir son courage aiguillonne.

Mais quand trente cinq ans ou quarante ont tiedy
 Ou plustost refroidy le sang acouhardy
 Et que les cheueux blancs des catherres apportent
 Et que les genous froids leurs bastimens ne portent
 Et que le front se ride en diuerses façons:

Lors la Muse s'enfuit Et nos belles chansons,
 Pegase se tarist, Et n'y a plus de trasse
 Qui nous puisse conduire au sommet de Parnasse,
 Nos Lauriers sont sechez, Et le train de nos vers
 Se presente à nos yeux boiteux Et de trauers :
 Toujours quelque mal-heur en marchant les retarde,
 Et comme par despit la Muse les regarde.
 Car l'ame leur defaut, la force, Et la grandeur
 Que produisoit le sang en sa premicre ardeur.

Et pource si quelqu'un desire estre Poëte,
 Il faut que sans vieillir estre ieune il souhète,
 Prompt, gaillard, amoureux : car depuis que le temps
 Aura dessus sa teste amassé quarante ans,
 Ainsi qu'un Rosignol tiendra la bouche close,
 Qui pres de ses petits sans chanter se repose.

Au Rosignol muet tout semblable ie suis,
 Qui maintenant un vers desgoiser ie ne puis,
 Et falloit que des Rois la courtoise largesse
 (Alors que tout mon sang boüillonnait de ieu nesse)
 Par un riche bien-faict inuitast mes escrits
 Sans me laisser vieillir sans honneur & sans pris :
 Mais Dieu ne l'a voulu, ne la dure Fortune
 Qui les poltrons esleue, Et les bons importune.

Entre tous les François j'ay seul le plus escrit,
 Et iamais Calliope en un cœur ne se prit
 Si ardant que le mien pour celebrer les gestes
 De nos Rois que j'ay mis au nombre des Celestes.
 Par mon noble travail ils sont deuenus Dieux,
 J'ay remply de leurs noms les terres Et les cieux :
 Et si de mes labours qui honorent la France,
 Je ne remporte rien qu'un rien pour recompense.



LE VERRE.



Eux que la Muse aimera mieux
que moy

(Comme vn Daurat , qui la loge
chez soy)

Dessus leur luth qui hautement re-
sonne ,

Diront en vers, de la race Brinonne
Comme à l'envy les grades Et l'honneur ,
Digne sujet d'un excellent sonneur .
Moy d'esprit bas, qui rampe contre terre
Diray sans plus les loüanges d'un Verre
Qu'un des Brinons m'a présenté le iour
Que l'an commence à faire son retour.

O gentil Verre, oseroy-ie bien dire
Combien ie t'aime, Et combien ie t'admire?
Tu es heureux, Et plus heureux celuy
Qui t'inuenta pour noyer nostre ennuy !
Ceux qui jadis les Canons inuenterent,
Et qui d'enfer le fer nous apporterent ,
Meritoient bien que là bas Rhadamant
Les tourmentast d'un iuste chastiment :
Mais l'inuenteur, qui d'un esprit agile
Te façonna (fust-ce le grand Virgile,
Ou fust quelque autre, à qui Bacchus auoit
Monstré le sien, où gaillard il beuuoit)
Meritoient bien de bailler en la place
De Ganymede à Iupiter la tasse.

Et que leur verre aussi transparent qu'eau
Se fist au ciel vn bel Astre nouveau.

Non, ce n'est moy qui blasme Promethée
D'auoir la flamme à Jupiter ostée
Il fit tres-bien : sans le larcin du feu,
Verre gentil, iamais diu ne t'enst veu,
Et seulement les fongères ailées
Eussent seruy aux Sorcieres pelées.

Aussi vrayment c'estoit bien la raison
Qu'un feu venant de si noble maison
Comme est le ciel, fust la cause premiere,
Verre gentil, de te mettre en lumiere,
Toy retenant comme celestiel
Le rond, le creux, Et la couleur du ciel.

Toy, dy-ie toy, le ioyau delectable
Qui sers les Dieux Et les Rois à la table,
Qui aimes mieux en pieces t'en-aller
Qu'à ton Seigneur la poison receler :
Toy compagnon de Venus la ioyeuse,
Toy qui guaris la tristesse espineuse,
Toy de Bacchus Et des Graces le soin,
Toy qui l'amy ne laisses au besoin,
Toy qui dans l'œil nous fais couler le somme,
Toy qui fais naistre à la teste de l'homme
Vn front cornu, toy qui nous changes, toy
Qui fais au soir d'un Crocheteur un Roy.

Aux cœurs chetifs tu remets l'esperance,
La verité tu mets en euidence :
Le laboureur songe par toy de nuict
Que de ses champs de fin or est le fruit :
Et le pescheur qui ne dort qu'à grand peine,
Songe par toy que sa nacelle est pleine

De poissons d'or, Et le dur Bucheron
Ses fagots d'or, son plant le vigneron.

Mais contemplons de combien tu surpasses,
Verre gentil, ces monstruëses tasses,
Et fust-ce celle horrible masse d'or
Que le vieillard Gerynean Nestor
Boiuoit d'un trait, Et que nul de la bande
N'eust sceu leuer, tant sa masse estoit grande.

Premierement deuant que les tirer,
Hors de la mine, il nous fait deschirer
La Terre mere, Et cent fois en vne heure
Craindre le heurt d'une voute mal-seurée:
Puis quand cet or par fonte Et par marteaux
Laborieux s'arrondist en vaisseaux,
Tout cizelé des fables poëtiques,
Et buriné de medailles antiques,
Pere Bacchus ! quel plaisir ou quel fruit
Peut-il donner ? sinon faire de nuit
Couper la gorge à ceux qui le possèdent,
Ou d'irriter quand les peres decedent,
Les heritiers à cent mille procex,
Ou bien à table apres dix mille excez,
Lors que le vin, sans raison nous delaisse,
Faire casser par sa grosseur espaisse
Le chef de ceux qui n'aguères amis,
Entre les pots deuiennent ennemis ?
Comme jadis apres trop boire firent
Les Lapithois, qui les monstres desfirent
Demy-cheuaux. Mais toy verre ioly,
Loin de tout meurtre en te voyant poly,
Net, beau, luisant, tu es plus agreable
Qu'un vaisseau d'or, lourd fardeau de la table :

Si tu n'estois aux hommes si commun,
Comme tu es, par miracle un chacun
T'estimeroit de plus grande valuë
Qu'un diamant ou qu'une perle esluë.

C'est un plaisir que de voir r'enfrongné,
Un grand Cyclope à l'œuvre embesongné,
Qui te parfait de cendres de fougere,
Et du seul vent de son haleine ouuriere.

Comme l'esprit enclos dans l'univers,
Engendre seul mille genres diuers,
Et seul en tout mille espèces diuerses,
Au ciel, en terre, Et dans les ondes perses :
Ainsi le vent par qui tu es formé,
De l'artixan en la bouche enfermé,
Large, petit, creux ou grand, te façonne
Selon l'esprit Et le feu qu'il te donne.

Que diray plus ? par esprenue ie croy
Que Bacchus fut jadis lané dans toy,
Lors que sa mere atteinte de la foudre,
En auorta plein de sang Et de poudré :
Et que dés lors quelque reste de feu
Te demeura : car quiconques a bieu
Un coup dans toy, tout le temps de sa vie
Plus y re-boit, plus à de boire enuië,
Et de Bacchus tousiours le feu cruel
Ard son gosier d'un chaud continuë.

Ie te salut heureux Verre propice
Pour l'amitié, Et pour le sacrifice :
Quiconque soit l'heritier qui t'aura
Quand ie mourray, de long temps ne voirra
Son vin, ne gras, ne poussé, dans sa toinne :
Et tous les ans il voirra sur l'Autonne

Bacchus luy rira, Et plus que ses voyfins
 Dans son preffoüer gennera de raiſins :
 Car tu es ſeul le meilleur heritage,
 Qui puiſſe aux miens arriuer en partage.



AMOVR LOGE'.

A MONSIEVR DE POVGNY
 de Ramboüillet.

A Mour auoit d'un art malicieux
 Surpris la foudre à Iupiter ſon pere :
 Luy qui pardon à ſa faute n'eſpere,
 Pour eſchapper abandonna les Cieux.
 Dedans la main auoit un piſtolet

Bien eſmorcé, la pierre bien aſſiſe :
 L'air luy fait voye, Et le vent fauoriſe
 A ce grand Dieu qui s'enfuyoit ſeuler.

De l'Or ient iuſques à l'Occident
 Vn iour entier erra de place en place :
 La grande mer qui noſtre terre embraſſe,
 Sentit combien ſon brandon eſt ardent.

La froide humeur les poiſſons ne deſend,
 Ny les foreſts les animaux ſauuages :
 Bois Et rochers, riuieres Et riuages
 Sont enflamex d'un ſi petit enfant.

Il n'eſpargnoit ny ieune ny grifon :
 Prompt à frapper, d'un coup en bleſſa mille :
 De bourg en bourg il va, de ville en ville,

Et peu seruoit aux hommes la raison.

Il estoit las d'errer & de tirer,
Et plus au vent ses ailes il n'allonge,
Quand sur le point que le Soleil se plonge,
Chercha logis voulant se retirer.

Trois quatre fois à l'embrunir du iour
Il fit sonner le marteau sur ma porte :
Soudain du liſt vers le bruit ie me porte,
I'entr'ouure l'huis, lors ie cognus Amour.

Vne frayeur plus froide qu'un glaçon
Saisit mes os, ie perdis contenance :
Car dès long temps i'auois eu cognoissance,
A mon mal-heur, de ce mauuais garçon.

N'est-ce pas toy qui fus long temps à moy,
Quand tout ton sang boüillonnoit de ieunesse,
Qui te donnay mainte belle Maistresse ?
Ouure ton huis, ie veux loger chez toy :

Qui te prestay mes fleches & mes dars,
Qui te baillay tous mes secrets en garde,
Qui le premier deuant mon auantgarde
Portois l'enseigne entre tous mes soldars ?

Ie luy respons, Tu ne m'es estranger :
Ie te cognois artizan de malice :
Malheureux est qui vit à ton seruice,
Et plus maudit qui te daigne loger.

Petites mains, petits pieds, petits yeux,
Oiseau leger qui voles d'heure en heure,
Sans foy, sans loy, sans arrest ny demeure,
Que la paresse a mis entre les Dieux :

Sorcier, charmeur, affeté, mesdisant,
Confit en miel & en fiel tout ensemble,
Ton coup de fleche au coup d'aiguille semble,

Petite playe, Et le mal bien-cuisant.

Tes meilleurs biens ce sont souspirs Et pleurs,
Larmes, sanglots, desespoir Et la rage,
Vne langueur qui trouble le courage,
Prisons, regrets, complaints Et douleurs.

Tu perds le temps, finet, à me prier :
Va-t'en ailleurs, tel Dieu ie ne reuere :
Tu as befoin d'un hoste plus seuer
Qui tous les iours te vueille chastier.

Ie suis trop doux, il te faut un Seigneur
Qui te commande, Et qui foule ta teste,
Qui rudement ta ieunesse admoneste :
Tu ne vaux rien sans un vieil gouverneur.

Il me respond, Quelle ville est-ce cy ?
Est-ce pas Blois ? ie la pense cognoistre :
I'y pourroy bien pour vne nuit repaistre,
Quelque amoureux aura de moy soucy.

Vrayement Amour, ie te voy bien puny
D'aller si tard Et mendier ton giste :
Il est minuit : par-ce marche plus viste,
Monte au Chasteau, Et demande Pougny.

Il est gaillard, courtois Et genereux,
Il cognoist bien tes traits Et ta nature :
Ce luy sera bien-heureuse auanture
Loger Amour comme estant amoureux.

Mon cher Pougny, puis que le sort fatal
Me fait errer, loge moy ie te prie :
Ainsi tousiours puisses-tu de t'amie
Avoir faueur sans crainte d'un riuai.

Pougny respond, Ie reuere ton nom,
Ie suis des tiens, il faut que ie t'enseigne
Place à loger : va-t'en où pend l'enseigne

Du Cheualier, le logis y est bon.

Tu trouueras en diuerse façon

Assez de lieux: car la Cour n'est pas grande:

Chasque logis pour heste te demande,

Mais le meilleur, c'est l'Escol d'Alençon.

Si tout est plein, ie veux t'enseigner où

Tu logeras: & pource ne regrette

Le temps perdu, la meilleure retraitte

Qui soit icy, c'est à l'hostel d'Anjou.

Là tu auras, si tu es arresté,

Un giste seur: mais si tu es sauuage,

Pier, de s'ilaigieux, inconstant & volage,

N'y loge pas, tu serois mal traicté.

Ce bel hostel est enrichy d'esmail;

De perles sont les portes estofées,

Palmes, lauriers, couronnes & trofées,

Pendent de rang sur le haut du portail.

D'un tel logis le Seigneur redouté

Va couronné d'honneur & de ieunesse:

Mars & Pallas, la vertu, la proïesse,

Pour compagnie honorent son costé.

Le vicioux en ce palais ne fait,

Comme lieu saint, ny seiour ny sortie:

Telle maison par le Ciel fut bastie

Pour y loger un Prince tres-parfait.

Il dit ainsi, & Amour s'en-alla

Vers vous Seigneur de la terre Angevine:

C'est un enfant de nature maline,

Qu'en lieu d'amer Amour on appella.

Il faut le battre & le faire crier,

Rompre son arc, luy oster toutes choses,

Carquois & traicts, & de chaisnes de roses,

Iambes & bras esclau le lier.

*Et si Venus apportoit en sa main
Rançon pour luy, prens le fils & la mere,
Les punissant d'une iuste colere
Comme ennemis de tout le genre humain.
Mais s'ils vouloient tous deux abandonner,
Craignant ton nom, leurs mauvaises pensées,
Pardonne Prince à leurs fautes passées:
Vn Prince doit les fautes pardonner.*



SONGE.

AVSIEVR DE LA

Rouuere.



*'Estoit au poinct du iour (quand les plu-
mes du Somme*

*Ne couuent qu'à demi les yeux lassés de
l'homme,*

*Quand tout ensemble on veille, & tout
ensemble on dort*

*D'un œil entre-surpris du frere de la Mort)
Lors que ravi d'esprit, comme vne idole vaine,
Qui sans corps sur le bord d'Acheron se promeine,
Ie me vy transporté sur le haut d'un Rocher,
Duquel on ne scauroit sans ailes approcher,
Ou bien sans un esprit qui vaut mieux que les ailes,
Quand gaillard il se pousse aux choses immortelles.
Au plus haut du sommet de ce Rocher pointu,*

Est un temple d'airain qu'a basti la Vertu:
 D'airain en est la porte, & par grand artifice
 D'airain plus cler que verre est parfaict l'edifice.

Là de tous les costez de ce grand Vniuers
 Les peuples sont assis en des sieges diuers:
 L'un bas Et l'autre haut en son rang y habite,
 Et chacun a son lieu selon qu'il le merite.

Aupres d'elle est assise à son dextre costé
 L'Estude, la Sueur, le Labeur indonté,
 L'Honneur, la Preud'homme, Et ont pour leur voi-
 sine.

Andronique & Phronese, & leur sœur Sophrosyne.
 Ce peuple à l'environ de la Nymphé espendu,
 De corps d'esprit & d'ame en elle est esperdu,
 Qui ne se peut souler de la voir: & l'appelle
 Son cœur ses yeux son sang sa maistresse & sa belle,
 Luy offre corps & biens, & tasche à desservir:
 Sa grace pour l'aimer & pour la bien servir.

La Deesse n'est pas de corps effeminée
 Comme celle qui est des flots de la mer née:
 Son œil est doux & fier, son sourcil un peu bas,
 Son regard est semblable à celuy de Pallas
 Quand sa main est paisible, & l'horrible Bellonne
 Contre les fiers Geans n'irrite sa Gorgonne.

Tant plus elle est aimée, & tant plus elle prend
 Plaisir à contr'aimer, & iamaïs ne se rend
 Que par honnesteté douceur & courtoisie
 N'ait de ses poursuiuans gaigné la fantaisie,
 Et ne leur ait par signe & par preuue monstré
 Qu'en la questé d'amour ils ont bien rencontré.

Aucunesfois sur l'un son regard elle iette,
 Sur l'autre aucunesfois: car elle est tant suiette

*Aux passions d'amour, que son cœur ne pourroit
Viure à son aise vn iour s'il ne s'en amouroit.*

*Quand elle aime quelcun, comme maistresse douce
Le souleue aux honneurs, aux magistrats le pousse,
Luy donne entre les Rois vn honorable lien,
Et le fait du vulgaire admirer comme vn Dieu:
Mais à ceux qu'elle hait, comme fiere ennemie,
Leur promet deshonneur, prison & infamie.*

*Sur tous ses poursuiuans d'un œil vif & ardent,
Courtoise elle l'alloit doucement regardant
Mon tres-docte Rouuere, & comme amour la touche,
Tout ainsi que le cœur elle r'ouuroit la bouche,
Te flattant de ces mots: Ami, que le troupeau
Des Muses allaita chèrement au berceau
De leurs propres tetins pour future merueille:
Puis quand tu deuins grand, l'industriouse abeille
De son miel amassé sur les fleurs du Printemps,
En l'Antre Thespien te nourrirent long temps,
Où Phebus & Python & la belle Cythere,
Et Mercure qui est des bons esprits le pere,
Ont si bien ton mortel en diuin transformé,
Que tu fus dès enfance vn miracle estimé,
Ayant choisi Morel pour vertueuse guide,
Qui surmonte Chiron le maistre d'Eacide.*

*Tu n'auois pas dix ans, qu'oyant publiquement
Tes propres oraisons sonner si doctement,
Et t'oyant disputer outre ton âge tendre
Des arts qu'on ne scauroit qu'en la vieillesse apprédre,
Ie fus toute rauie, & dés le mesme iour
Que ie te vy, ie mis dedans toy mon amour.
Tu t'en apperceus bien: car tousiours depuis l'heure
Songneux, tu as cherché la place où ie demeure,*

Où tu es arriné par cent mille travaux,
 Par rochers par torrens par plaines & par vaux,
 Par halliers par buissons, qui les autres retiennent,
 Et recreus du chemin à mon Palais ne viennent
 Ainsi que tu as fait, à fin d'y seiourner:
 Car le souci mondain les en fait retourner.

Au bas de ce Rocher au milieu d'une prée
 Demeure une Deesse en drap d'or accoustrée:
 Ses bras sont chargez d'or, & son col d'un carcan,
 Labeur ingenieux des feuvres de Vulcan:
 Son front est attrayant, sa peau tendre & douillette,
 Son œil traistre & lascif, sa face vermeillette.
 Et ses cheueux ondez annelez & tressez
 Sont de fueilles de Myrte & de Roze enlancez:
 Sa main est molle & grasse, & son œil n'abandonne,
 Le sommeil paresseux que Midi ne rayonne:
 Au reste elle est en danse en festins & deduit,
 Et rien fors le plaisir, indiscrete, ne suit,
 Pompeuse, superflue, & pour estre apparente
 Elle a desia vendu le meilleur de sa rente.

Tousiours aux grans chemins en cent mille façons
 Elle ourdist des filets, & tend des hameçons
 De delice apastex qu'elle en diuerse sorte
 Aux gestes à la voix & aux yeux elle porte
 Pour prendre les passans, si bien que le plus fin,
 (Sans l'aide de raison) s'y empestre à la fin
 Tant elle prend souuent ma coifure, & transforme
 Son masque & sa feintise en ma naïue forme.

On dit qu'un iour Venus sans pere la conceut;
 Monstre fier & cruel, du dueil qu'elle receut
 Qu'Hebéienne Deesse espousoit en lieu d'elle
 Hercule despoillé de sa robbe mortelle:

Si le sang ieune & chaud n'escume d'adieu la cœur
 Sang qui en bouillonnant agite la pensee en quoy
 Par diuerses fureurs brusquement estancee,
 Et pousse nostre esprit ou brus ou hant,
 Comme le sang de l'homme est genereux & chaud,
 Et selon son ardeur nous trouuant d'auanture,
 Au mestier d'Apollon preparez de nature.

Comme on void en Septiebre au Canard d'Anglais
 Bouillir en escumant la ieunesse des vns,
 Qui chaude en son berceau à toute force gronde,
 Et vouldroit tout d'un coup sortir hors de sa bonde,
 Ardente impatiente, & n'a point de repos
 De s'enfler d'escumer, de jallir à gros flots,
 Tant que le froid Hyuer luy ait donne sa force,
 Rembarrant sa puissance aux berceaux d'une escorce:

Ainsi la Poësie en la ieune saison
 Bouillonne dans nos cœurs, qui n'a soin de raison,
 Serue de l'appetit, & brusquement anime
 D'un Poëte gaillard la fureur magnanime:
 Il deuient amoureux, il suit les grands Seigneurs,
 Il aime les faueurs, il cherche les honneurs,
 Et plein de passions en l'esprit ne repose
 Que de nuict & de iour ardent il ne compose:
 Soupçonneux, furieux, superbe, & desdaigneux,
 Et de luy seulement curieux & songneux,
 Se feignant quelque Dieu: tant la rage felonne
 De son ieune desir son courage aiguillonne.

Mais quand trente cinq ans ou quarante ont tiedy,
 Ou plustost refroidy le sang acouhardy,
 Et que les cheueux blancs des catherres apportent,
 Et que les genous froids leurs bastimens ne portent,
 Et que le front se ride en diuerses façons:

Lors la Muse s'enfuit Et/ nos belles chansons,
 Pegase se tarist, Et/ n'y a plus de trasse
 Qui nous puisse conduire au sommet de Parnasse,
 Nos Lauriers sont sechez, Et/ le train de nos vers
 Se presente à nos yeux boiteux Et/ de trauers :
 Toustours quelque mal-heur en marchant les retarde,
 Et comme par despit la Muse les regarde.
 Car l'ame leur defaut, la force, Et/ la grandeur
 Que produisoit le sang en sa premicre ardeur.

Et pource si quelqu'un desire estre Poëte,
 Il faut que sans vieillir estre ieune il souhète,
 Prompt, gaillard, amoureux : car depuis que le temps
 Aura dessus sa teste amassé quarante ans,
 Ainsi qu'un Rosignol tiendra la bouche close,
 Qui pres de ses petits sans chanter se repose.

Au Rosignol muet tout semblable ie suis,
 Qui maintenant un vers desgoiser ie ne puis,
 Et falloit que des Rois la courtoise largesse
 (Alors que tout mon sang boüillonnait de ieunesse)
 Par un riche bien-faict inuitast mes escrits
 Sans me laisser vieillir sans honneur & sans pris :
 Mais Dieu ne l'a voulu, ne la dure Fortune
 Qui les poltrons esleue, Et/ les bons importune.

Entre tous les François j'ay seul le plus escrit,
 Et iamais Calliope en un cœur ne se prit
 Si ardant que le mien pour celebrer les gestes
 De nos Rois que j'ay mis au nombre des Celestes.
 Par mon noble travail ils sont deuenus Dieux,
 J'ay remply de leurs noms les terres Et/ les cieux :
 Et si de mes labours qui honorent la France,
 Je ne remporte rien qu'un rien pour recompense.



LE VERRE.



EYX que la Muse aimera mieux
que moy

(Comme vn Daurat , qui la loge
chez soy)

Dessus leur luth qui hautement re-
sonne ,

Diront en vers, de la race Brinonne
Comme à l'envy les grades Et l'honneur ,
Digne sujet d'un excellent sonneur .
Moy d'esprit bas, qui rampe contre terre
Diray sans plus les loüanges d'un Verre
Qu'un des Brinons m'a présenté le iour
Que l'an commence à faire son retour.

O gentil Verre, oseroy-ie bien dire
Combien ie t'aime, Et combien ie t'admire?
Tu es heureux, Et plus heureux celuy
Qui t'inuenta pour noyer nostre ennuy !
Ceux qui jadis les Canons inuenterent,
Et qui d'enfer le fer nous apporterent ,
Meritoient bien que là bas Rhadamant
Les tourmentast d'un iuste chastiment :
Mais l'inventeur, qui d'un esprit agile
Te façonna (fust-ce le grand Virgile,
Ou fust quelque autre, à qui Bacchus auoit
Monstré le sien, où gaillard il beuvoit)
Meritoient bien de bailler en la place
De Ganymede à Iupiter la tasse.

Et que leur verre aussi transparent qu'eau
Se fist au ciel un bel Astre nouveau.

Non, ce n'est moy qui blasme Promethée
D'avoir la flamme à Jupiter ostée :
Il fit tres-bien : sans le larcin du feu,
Verre gentil, iamaïs on ne t'enst veu,
Et seulement les fongères ailées
Eussent seruy aux Sorcieres pelées.

Aussi vrayment c'estoit bien la raison
Qu'un feu venant de si noble maison
Comme est le ciel, fust la cause premiere,
Verre gentil, de te mettre en lumiere,
Toy retenant comme celestiel
Le rond, le creux, Et la couleur du ciel.

Toy, dy-ie toy, le ioyau delectable
Qui sers les Dieux Et les Rois à la table,
Qui aimes mieux en pieces t'en-aller
Qu'à ton Seigneur la poison receler :
Toy compagnon de Venus la ioyeuse,
Toy qui guaris la tristesse espineuse,
Toy de Bacchus Et des Graces le soïn,
Toy qui l'amy ne laisses au besoin,
Toy qui dans l'œil nous fais couler le somme,
Toy qui fais naistre à la teste de l'homme
Un front cornu, toy qui nous changes, toy
Qui fais au soir d'un Crocheteur un Roy.

Aux cœurs chetifs tu remets l'esperance,
La verité tu mets en évidence :
Le laboureur songe par toy de nuict
Que de ses champs de fin or est le fruit :
Et le pescheur qui ne dort qu'à grand peine,
Songe par toy que sa nacelle est pleine

De poissons d'or, Et le dur Bucheron
Ses fagots d'or, son plant le vigneron.

Mais contemplons de combien tu surpasses,
Verre gentil, ces monstrueux estasses,
Et fust-ce celle horrible masse d'or
Que le vieillard Gerynean Nestor
Boiuoit d'un trait, Et que nul de la bande
N'eust sceu leuer, tant sa masse estoit grande.

Premierement deuant que les tirer
Hors de la mine, il nous faut deschirer
La Terre mere, Et cent fois en vne heure
Craindre le heurt d'une voûte mal-seurée:
Puis quand cet or par fonte Et par marteaux
Laborieux s'arrondist en vaisseaux,
Tout cizelé des fables poëtiques,
Et buriné de medailles antiques,
Pere Bacchus ! quel plaisir ou quel fruit
Peut-il donner ? sinon faire de nuit
Couper la gorge à ceux qui le possèdent
Ou d'irriter quand les peres decedent
Les heritiers à cent mille procès,
Ou bien à table apres dix mille excès
Lors que le vin, sans raison nous delaisse,
Faire casser par sa grosseur epaisse
Le chef de ceux qui n'agueres amis,
Entre les pots deuiennent ennemis ?
Comme jadis apres trop boire firent
Les Lapithois, qui les monstres desfirent
Demy-cheueux. Mais toy verre ioly,
Loin de tout meurtre en te voyant poly,
Net, beau, luisant, tu es plus agreable
Qu'un vaisseau d'or, lourd fardeau de la table :

Si tu n'estois aux hommes si commun,
Comme tu es, par miracle un chacun
T'estimeroit de plus grande valuë
Qu'un diamant ou qu'une perle esluë.

C'est un plaisir que de voir r'enfrongné,
Un grand Cyclope à l'œuvre embesongné,
Qui te parfait de cendres de fougere,
Et du seul vent de son haleine ouuriere.

Comme l'esprit enclos dans l'univers,
Engendre seul mille genres diuers,
Et seul en tout mille especes diuerses,
Au ciel, en terre, Et dans les ondes perses :
Ainsi le vent par qui tu es formé,
De l'artizan en la bouche enfermé,
Large, petit, creux ou grand, te façonne
Selon l'esprit Et le feu qu'il te donne.

Que diray plus ? par esprenue ie croy
Que Bacchus fut jadis lauë dans toy,
Lors que sa mere atteinte de la foudre,
En auorta plein de sang Et de poudré :
Et que dés lors quelque reste de feu
Te demeura : car quiconques a beu
Un coup dans toy, tout le temps de sa vie
Plus y re-boit, plus a de boire enuië,
Et de Bacchus tousiours le feu cruel
Ard son gosier d'un chaud continuël.

Ie te saluë heureux Verre propice
Pour l'amitié, Et pour le sacrifice :
Quiconque soit l'heritier qui t'aura
Quand ie mourray, de long temps ne verra
Son vin, ne gras, ne poussé, dans sa toinne :
Et tous les ans il verra sur l'Autonne

Bacchus luy rir, Et plus que ses vöysins
 Dans son pressöier gennera de raisins :
 Car tu es seul le meilleur heritage,
 Qui puisse aux miens arruer en partage.



AMOVR LOGE.

A MONSIEVR DE POVGNY
 de Ramboüillet.



Mour auoit d'un art malicieux
 Surpris la foudre à Iupiter son pere :
 Luy qui pardon à sa faute n'espere,
 Pour eschapper abandonna les Cieux.
 Dedans la main auoit vn pistolet

Bien esmorcé, la pierre bien assise :
 L'air luy fait voye, Et le vent favorise
 A ce grand Dieu qui s'ensuyoit seulet.
 De l'Orient insques à l'Occident
 Vn iour entier erra de place en place :
 La grande mer qui nostre terre embrasse,
 Sentit combien son brandon est ardent.

La froide humeur les poissons ne defend,
 Ny les forests les animaux sauuages :
 Bois Et rochers, riuieres Et riuages
 Sont enflamex d'un si petit enfant.

Il n'espargnoit ny ieune ny grison :
 Prompt à frapper, d'un coup en blessa mille :
 De bourg en bourg il va, de ville en ville,

Et peu seruoit aux hommes la raison.

Il estoit las d'errer & de tirer,
Et plus au vent ses ailes il n'allonge,
Quand sur le point que le Soleil se plonge,
Chercha logis voulant se retirer.

Trois quatre fois à l'embrunir du iour
Il fit sonner le marteau sur ma porte :
Soudain du liēt vers le bruit ie me porte,
L'entr'ouure l'huis, lors ie cognus Amour.

Vne frayeur plus froide qu'un glaçon
Saisit mes os, ie perdis contenance :
Car dés long temps i'auois eu cognoissance,
A mon mal-heur, de ce mauvais garçon.

N'est-ce pas toy qui fus long temps à moy,
Quand tout ton sang boüillonnoit de ieunesse,
Qui te donnay mainte belle Maistresse ?
Ouvre ton huis, ie veux loger chez toy :

Qui te prestay mes fleches & mes dars,
Qui te baillay tous mes secrets en garde,
Qui le premier deuant mon auantgarde,
Portois l'enseigne entre tous mes soldars ?

Ie luy respons, Tu ne m'es estranger :
Ie te cognois artizan de malice :
Malheureux est qui vit à ton seruice,
Et plus maudit qui te daigne loger.

Petites mains, petits pieds, petits yeux,
Oiseau leger qui voles d'heure en heure,
Sans foy, sans loy, sans arrest ny demeure,
Que la paresse a mis entre les Dieux :

Sorcier, charmeur, affeté, mesdisant,
Confit en miel & en fiel tout ensemble,
Ton coup de fleche au coup d'aiguille semble,

Petite playe, Et le mal bien-cuisant.

Tes meilleurs biens ce sont souspirs Et pleurs,
Larmes, sanglots, desespoir Et la rage,
Vne langueur qui trouble le courage,
Prisons, regrets, complaints Et douleurs.

Tu perds le temps, finet, à me prier:
Va-t'en ailleurs, tel Dieu ie ne reuerre:
Tu as besoin d'un hoste plus seuer
Qui tous les iours te vueille chastier.

Ie suis trop doux, il te faut un Seigneur
Qui te commande, Et qui foule ta teste,
Qui rudement ta ieunesse admoneste:
Tu ne vaux rien sans un vicil gouuerneur.

Il me respond, Quelle ville est-ce cy?
Est-ce pas Blois? ie la pense cognoistre:
I'y pourroy bien pour vne nuict repaistre,
Quelque amoureux aura de moy soucy.

Vrayement Amour, ie te voy bien puny
D'aller si tard Et mendier ton giste:
Il est minuit: par-ce marche plus viste,
Monte au Chasteau, Et demande Pougny.

Il est gaillard, courtois Et genereux,
Il cognoist bien tes traits Et ta nature:
Ce luy sera bien-heureuse auanture
Loger Amour comme estant amoureux.

Mon cher Pougny, puis que le sort fatal
Me fait errer, loge moy ie te prie:
Ainsi tousiours puisses-tu de t'amie
Avoir faueur sans crainte d'un riuai.

Pougny respond, Ie reuerre ton nom,
Ie suis des tiens, il faut que ie t'enseigne
Place à loger: va-t'en où pend l'enseigne

Du Cheualier, le logis y est bon.

Tu trouueras en diuerse façon

Assez de lieux: car la Cour n'est pas grande:

Chasque logis pour hôte te demande,

Mais le meilleur, c'est l'Escol d'Alençon.

Si tout est plein, ie veux t'enseigner où

Tu logeras: & pource ne regrette

Le temps perdu, la meilleure retraite

Qui soit icy, c'est à l'hostel d'Anjan.

Là tu auras, si tu es arresté,

Un giste seur, mais si tu es sauage,

Pier, de s'adaigneux, inconstant & volage,

N'y loge pas, tu serois mal traité.

Ce bel hostel est enrichy d'esmail;

De perles sont les portes estofées,

Palmes, lauriers, couronnes & trofées,

Pendent de rang sur le haut du portail.

D'un tel logis le Seigneur redouté

Va couronné d'honneur & de ieunesse:

Mars & Pallas, la vertu, la proüesse,

Pour compagnie honorent son costé.

Le viciieux en ce palais ne fait,

Comme lieu saint, ny seiour ny sortie:

Telle maison par le Ciel fut bastie

Pour y loger un Prince tres-parfait.

Il dit ainsi, & Amour s'en alla

Vers vous Seigneur de la terre Angevine:

C'est un enfant de nature maline,

Qu'en lieu d'amer Amour on appella.

Il faut le battre & le faire crier,

Rompre son arc, luy oster toutes choses,

Carquois & traicts, & de chaisnes de roses,

Jambes & bras esclaué le lier.

Et si Venus apportoit en sa main

Rançon pour luy, prens le fils & la mere,

Les punissant d'une iuste colere

Comme ennemis de tout le genre humain.

Mais s'ils vouloient tous deux abandonner,

Craignant ton nom, leurs mauvaises pensées,

Pardonne Prince à leurs fautes passées:

Vn Prince doit les fautes pardonner,



SONGE.

AVSIEVR DE LA

Rouuere.



'Estoit au poinct du iour (quand les plu-
mes du Somme

Ne couuent qu'à dems les yeux lassés de
l'homme,

Quand tout ensemble on veille, & toute
ensemble on dort

D'un œil entre-surpris du frere de la Mort)

Lors que ravi d'esprit, comme vne idole vaine,

Qui sans corps sur le bord d'Acheron se promeine,

Le me vy transporté sur le haut d'un Rocher,

Duquel on ne scauroit sans ailes approcher,

On bien sans un esprit qui vaut mieux que les ailes,

Quand gaillard il se pousse aux choses immortelles.

Au plus haut du sommet de ce Rocher pointu,

Est un temple d'airain qu'a basti la Vertu:
 D'airain en est la porte, & par grand artifice
 D'airain plus cler que verre est parfait l'edifice.

Là de tous les costez de ce grand Vniuers
 Les peuples sont assis en des sieges diuers:
 L'un bas Et l'autre haut en son rang y habite,
 Et chacun a son lieu selon qu'il le merite.

Aupres d'elle est assise à son dextre costé
 L'Estude, la Sueur, le Labeur indonté,
 L'Honneur, la Preud'hommue, Et ont pour leur voi-
 sine

Andronique & Phronese, & leur sœur Sophrosyne.
 Ce peuple à l'environ de la Nymphé espandu,
 De corps d'esprit & d'ame en elle est esperdu,
 Qui ne se peut souler de la voir: & l'appelle
 Son cœur ses yeux son sang sa maistresse & sa belle,
 Luy offre corps & biens, & tasche à desservir
 Sa grace pour l'aimer & pour la bien servir.

La Dceffe n'est pas de corps effeminée
 Comme celle qui est des flots de la mer née:
 Son œil est doux & fier, son sourcil un peu bas,
 Son regard est semblable à celui de Pallas
 Quand sa main est paisible, & l'horrible Bellonne
 Contre les fiers Geans n'irrite sa Gorgonne.

Tant plus elle est aimée, & tant plus elle prend
 Plaisir à contr'aimer, & iamais ne se rend
 Que par honnesteté douceur & courtoisie
 N'ait de ses poursuiuans gaigné la fantaisie,
 Et ne leur ait par signe & par preuue monstré
 Qu'en la queste d'amour ils ont bien rencontré.

Aucunesfois sur l'un son regard elle iette,
 Sur l'autre aucunesfois: car elle est tant suiette

Où tu es arrivé par cent mille travaux,
 Par rochers par torrens par plaines & par vaux,
 Par halliers par buissons, qui les autres retiennent,
 Et recreus du chemin à mon Palais ne viennent
 Ainsi que tu as fait, à fin d'y sejourner:
 Car le souci mondain les en fait retourner.

Au bas de ce Rocher au milieu d'une prée
 Demeure une Deesse en drap d'or accoustrée:
 Ses bras sont chargez d'or, & son col d'un carcan,
 Labeur ingenieux des feueurs de Vulcan:
 Son front est attrayant, sa peau tendre & douillette,
 Son œil traistre & lascif, sa face vermeillette.
 Et ses cheueux ondez annelez & tressez
 Sont de feuilles de Myrte & de Rôze enlacez:
 Sa main est molle & grasse, & son œil n'abandonne,
 Le sommeil paresseux que Midi ne rayonne:
 Au reste elle est en danse en festins & deduit,
 Et rien fors le plaisir, indiscrete, ne suit,
 Pompeuse, superflue, & pour estre apparente
 Elle a desia vendu le meilleur de sa rente.

Toujours aux grans chemins en cent mille façons
 Elle ourdist des filets, & tend des hameçons
 De delice apastex qu'elle en diverse sorte
 Aux gestes à la voix & aux yeux elle porte
 Pour prendre les passans, si bien que le plus fin,
 (Sans l'aide de raison) s'y empestre à la fin
 Tant elle prend souvent ma coifure, & transforme
 Son masque & sa feintise en ma naïve forme.

On dit qu'un iour Venus sans pere la conceut,
 Monstre fier & cruel, du dueil qu'elle receut
 Qu'Hebé ieune Deesse espousoit en lieu d'elle
 Hercule despoillé de sa robbe mortelle:

Et aorta du part, en opprobre & desdain
 Qu'Hercule desur elle auoit mise la main,
 Et luy auoit laissé au front la cicatrice
 Qui descouure à chacun son nom & sa malice.

Or ceste Volupté(ainsi se fait nommer
 Celle qui veut sa vie en plaisirs consommer)
 Arreste les passans, & tant elle est mignarde,
 Qu'en yurex de plaisirs, de tels mots les retarde:

O pauures abusez, que le nom de Vertu
 A faussement seduits! pauvre peuple vestu
 D'une robe de bouë, à laquelle Nature
 Trop chiche n'a donné sinon la pourriture!
 Vous pensez-vous, mortels faire de nouueaux Dieux,
 Et de terre chargez voler iusques aux Cieux?

Laissez moy ces desseins qui ne sont que mensonges,
 Que Chimeres en l'air, que fables & que songes,
 Et mortels n'esperez sinon que le trespas
 Qui est vostre heritage, & vous suit pas à pas.

Quelle fureur, humains, quelle ardente manie
 Vostre sotte raison si follement manie,
 Que vouloir par travail en cheueux blancs chercher
 Je ne scay quelle femme assise en un Rocher,
 De qui le nom est vain & vaine l'entreprise?
 Hé! qu'en rapportez-vous sinon la barbe grise
 Pour toute récompense, ou quelque mal soudain
 Qui vous fait trespasser du iour au lendemain?
 En-ce-pendant les ans de la ieunesse tendre
 Que vous deuriez en ieux & en plaisirs despendre,
 Se perdent comme vent, & ne r'animent plus
 Vos corps de longue étude impotens & perclus.

Si Vertu ne filloit vos yeux de piperie,
 Vous cognoistriez bien tost quelle est sa menterie.

La Nature y repugne, & vous monstre combien
 Vertu pipe vos cœurs sous ombre d'un faux bien:
 Celuy qui suit Nature est sage, & ne se laisse
 Seduire des appas de telle enchanteresse.

Qu'acquist iadis Socrate, Aristote & Platon,
 Pythagore, Thales, Theophraste & Criton,
 Pour aimer la Vertu, fors une renommée.

Qui sera par les ans, comme ils sont, consommée?
 De quoy sert le renom au mort qui ne sent rien?
 Malheureux est celuy ce-pendant qu'il est sien,
 Qu'il sent, qu'il void, qu'il oyt, qui ne fait bonne chere
 Sans consumer sa vie en penible misere

Après ie ne sçay quoy qu'on ne peut acquerir
 Que par longue tristesse, en danger d'en mourir.

Que voirrez-vous là haut que ronces & qu'orties?
 Ici vous ne voirrez que fleurettes sorties
 Du sein du Renouveau: icr le beau Printemps,
 La Jeunesse & l'Amour habitent en tous temps.
 Ici l'homme vieillist en plaisir delectable,
 Et s'en-va soul de vie ainsi que d'une table.

De tels mots Volupté arreste les passans,
 Qui mal-sains du cerneau, ne sont assez puissans,
 Ainsi que tu as fait, de se boucher l'oreille
 Pour iouyr du plaisir qu'ici ie t'appareille.

Pource mon cher amy, dès enfance connu,
 Tu sois en mon Palais le plus que bien-venu,
 Il faut que ie t'embrasse, & que ie te caresse,
 Puis que tu as donté l'ociense Paresse,
 Et sans auoir ouy la voix de Volupté
 Par travail & sueur tu es icy monté.

Ceste ieune rusée est si fort cautelense,
 Qu'en lieu de te souler d'une douceur muellense,

T'eust présenté du fiel, & comme à son amant
Donné un fressle verre en lieu d'un Diamant.

Doncques tu m'as aimé pour l'amour de moy-mesme
Sans espoir de loyer: aussi d'amour extrême
Je t'aime en recompense, & n'auras en retour
De m'aimer de bon cœur sinon que mon amour.

Tousiours mes amoureux ont de moy iouissance:
» Les mondains amoureux vivent en indigence.
» Desirans la beauté, & l'homme desireux
» Pour n'auoir son souhait, est tousiours mal-heureux.
Mais mon fidele amant sans ardeur inconstante
Se contente de moy, de luy ie me contente:
Et sans plus desirer il a tant de plaisir.
Que ie suis pour iamaïs la fin de son desir.

Pour me faire l'amour il ne faut qu'on se farde,
Qu'au miroir paresseux la face on se regarde,
Qu'on soit bien parfumé, ou qu'on soit bien vestu
D'un drap d'or par rayons à la soye battu,
Qu'on face des tournois, qu'on sorte en la campagne,
Qu'en armes on galope un beau genet d'Espagne,
Qu'on soit bien gaudronné: Je ne veux point cela,
Mon amour seulement se donne à celuy-là
Qui m'aime plus que luy, qui me suit à la trace,
Et de rien n'est soigneux que de ma bonne grace.

Tel amant est heureux admirable & parfait:
Il ne pense iamaïs ny ne dit ny ne fait
Rien dont il se repente, & en soy-mesme ferme
Il est son but, sa fin, son limite, & son terme,
Son parfait & son tout: quand le Ciel tomberoit,
L'esclat sans l'effroyer sa teste frapperoit.
Tous humains accidens il desdaigne & mesprise.
Il desdaigne la flame en sa maison esprise,

Prison,

Prison, terre, & argent, trahisons de valets,
 Perte d'habillemens, de biens, & de Palais,
 De femmes & d'enfans, & constant il se ioïe
 De l'auengle Fortune, & des tours de sa roïe.
 Il n'a iamais souci du change des saisons:
 Car tout enuélépé d'immobiles raisons
 S'enferme d'un rampart clos de Philosophie,
 Qui mesprise le temps & Fortune desfie.

Il est riche sans biens, il vit heureusement,
 Et en sa suffisance il a contentement:
 Il scait tout, il void tout, & la lourde ignorance
 Dedans son estomac ne fait point demeurance:
 Il se cognoist soy-mesme, & ne doute de rien:
 Sans ailleurs s'esgarer il demeure tout sien,
 Et nulle passion soit d'ire ou soit d'enuie,
 De douleur ou de peur, ne tourmente sa vie.
 Tel fut le mien Socrate, & ceux qui ont grand
 Sur mon tertre espineux, où contente ie vy:
 Tel tu-es mon Rouuere: & pource ie t'appreste
 Vne triple couronne à poser sur sa teste.

Or sus embrasse-moy, tant pour auoir cest heur
 Que d'estre d'un grand Duc fidele seruiteur,
 Grand Duc, le cher espous de nostre Marguerite,
 Et pour-autant aussi que ta foy le merite,
 Qui ne pourra iamais se separer de moy:
 Car un bon amoureux iamais ne rompt sa foy.

Ainsi te dit Vertu de sa bouche vermeille:
 A-tant le iour fut grand, & sur ce ie m'esueille.



A MONSIEUR DE
CHEVERNY, CHANCELLIER
DE FRANCE.



*Eluy qui le premier du voile d'une fable
Prudent enueloppa la chose veritable,
A fin que le vulgaire au trauers seule-
ment*

*De la nuit vist le iour & non realement,
Il ne fut l'un de ceux qu'un corps mortel enferre,
Mais un Dieu qui ne vit des presens de la terre.*

*Les mysteres sacrez du vulgaire entendus,
Resemblent aux bouquets parmi l'air esbandus,
Dont l'odeur se consomme au premier vent qui s'offre,
Et ceux durent long temps qu'on garde dans un coffre.
Nostre mere Nature entre les Dieux & nous
Que fit Deucalion du get de ses caillous,
Mit la Lune au milieu qui nous sert de barriere,
A fin que des mortels l'imbecille lumiere
S'exerce à voir la terre, & d'art audacieux
N'assemble plus les monts pour espier les Cieux.*

*Pource nos deuanciers ont dit par artifice,
Qu'autrefois Iupiter receut à son seruice
Deux hommes differents de mœurs & de destin,
Dont la diuerse vie eut differente fin.
Il les repent tous deux de celeste ambrosie :*

Ils auoient à sa table vne place choisie:
 Rien n'estoit bon au Ciel qu'ils n'eussent approuué,
 Et premiers conseillers de son conseil priué
 Participoient ensemble à la grandeur royale.

L'un auoit nom Minos, l'autre auoit nom Tantale,
 L'un sage, l'autre fol. ce Tantale effronté
 Aux hommes reuela des Dieux la volonté.
 Pource celuy qui l'air de ses foudres separe,
 Le fist tomber du Ciel au profond du Tartare,
 Mourant de soif en l'eau, de faim entre le fruiet.

Au contraire, Minos fut sagement instruit,
 Il eut la bouche sobre: Et iuge veritable
 S'asist de Iupiter par neuf ans à la table.
 Puis reuenu ça bas fonda de bonnes lois,
 Fut Prince droiturier: si bien que les Cretois
 Le voyant abonder en Iustice supresme,
 Le pensoient estre fils du grand Iupiter mesme.
 Voila comme les vieux ont dextrement tasché
 D'emmanter le vray d'une fable caché.

Iupiter ne fut onc, ny Minos en la sorte
 Que nos peres l'ont feint: tout cela se rapporte
 Aux Roys, aux Magistrats, Et à leurs Conseillers
 Qui gouuernent l'oreille, Et sont leurs familiers.
 Ta prudence, Hurault, ton seruice fidelle,
 Ta bonne conscience, Et ton Roy qui t'appelle
 A l'honneur souverain (l'ayant bien merité)
 T'ont donné des François l'extreme autorité.

La France maintenant qui tes actes regarde,
 Te baille nostre Prince & sa Couronne en garde:
 Tu l'as comme en depost, Et de luy ce pendant
 Aux peuples ses subiets tu t'es fait respondant.

Qui la faueur mendie & suit le vent qui court:
 Mais i'ayme un homme droit, non seruiteur du vice,
 Qui presse sous les pieds la Court & l'auarice,
 Qui mieux vouldroit mourir que corrompre la Loy,
 Qui aime plus l'honneur qu'un mandement de Roy,
 Qui laisse à sa maison la bonne renommée:
 Et non pas la richesse en un coffre enfermée:
 Au reste galland homme, & qui prend son plaisir
 Quand sa charge publique en donne le loisir,
 Sans vouloir par faueur aux autres faire croire
 Que la corne d'un Buffle est vne dent d'ivoire.

Les fables ont chanté que iadis Phaëton
 D'un petit poil folet se courrant le menton,
 Deceü d'un ieune cœur qui toute chose espere,
 Entreprit de guider le Coche de son pere:
 Mais esblouy des rais qui sortoient du Soleil:
 Vaincu de trop de feu perdit force & conseil:
 La bride luy coula de ses mains esperdues,
 Il cheut à bras espars, à iambes estendues,
 A cheueux renuerssez, & plein de trop d'orgueil,
 Tomba dedans le Pô, son humide cercueil.

Autant en est d'Icare, & de ceux dont l'audace
 Trop pres du grand Soleil ont esleué leur face:
 S'ils n'attrempent leur vol, tousiours mal à propos
 Leur plumage ciré s'escoulle de leur dos.

Bien meilleure est souuent la mediocre vie
 Sans pompe, sans honneur, sans embuschie d'ennie,
 Que de vouloir passer en grandeur le commun,
 Pour se faire la fable & le ris d'un chacun,
 Et en pensant siller tous les Argus de France,
 Eux-mesmes s'auengler en leur propre ignorance.

I'ay veu depuis trente ans un nombre d'impudens

Rapetasseurs de loix, courtizans, & ardens,
 Qui sans honte, sans cœur, sans ame, & sans poitrine
 Abboyent les honneurs à faire bonne mine.

Je les ay vus depuis de leur maistre mocquer,
 Et des peuples au doigt noter & remarquer.
 Car bien que la faueur qui n'a point de ceruelle,
 Les poussast en credit, le peuple qui ne celle
 Iamais la verité, sifflait de tous costez
 Le port imperieux de leurs fronts eshonter.
 „ C'est autre chose d'estre, & vouloir apparoir.
 „ L'estre gist en substance, apparoir ne peut estre.
 „ Qu'imagination : mais en la vanité
 Souuent l'imaginer corrompt la verité.
 Beaucoup de Phaëtons se sont monstrez en France,
 Dont le vol trop hainain a fraudé l'esperance.

Des vieux siècles la fable est histoire aujourdhuy,
 La fortune (croy moy) n'est pas certain appuy,
 Mais la seule vertu qui les malheurs desfie,
 Qui s'arme des conteaux de la Philosophie,
 Qui monstre que la vie est le iouët du sort,
 Et que le vray bon-heur ne vient qu'après la mort.

Ne vois-tu la plus part des hommes qui te suivent,
 A ta table, au chasteau? c'est pour autant qu'ils viuent
 Sous ton authorité, non pour l'amour de toy.
 La faueur a tousiours tels corbeaux pres de soy,
 D'un visage hypocrite en mentant ils t'adorent:
 Où ceux qui de bon cœur t'estiment & t'honorent,
 Ne te pressent iamais, & ne veulent sinon
 Qu'un accueil de ta face, & celebrer ton nom.

Or toy qui es nourri par la mesme prudence,
 Aux affaires rompu dès ta premiere enfance,
 Ne seras Phaëton, volant ainsi qu'il faut

Moyen entre deux airs ni trop bas ny trop haut:
Et sçauras discerner qui plus d'honneur merite,
Ou l'homme non fardé, ou le faux hypocrite,
Ou celuy que la Muse allaite en son giron,
Ou celuy qui s'engendre ainsi qu'un potiron,
Honte de nostre siecle, & d'une ame eshontée
A tantost face basse, & tantost remontée.

Ils ont de tous costez des Palais diaprez
Riches en leurs maisons de rentes & de prez,
Mangeans en vaisseaux d'or: mais ils ne peuuent faire
Qu'ils ne soyēt (ce qu'ils sont) remarquez du vulgaire.

Le peuple ne void pas telles gens de bon gré:
Car ils ne sont montez de degré en degré
Ainsi que tu'as fait, qui as dès ton ieune âge
Au conseil des grands Rois fait ton apprentissage.
Sans desrober l'honneur, d'où bien souuent il faut
Que le ieune ignorant trebuche d'un grand fault.

Voy par nos Rois passez les dignitez données,
Et voy leurs officiers depuis quarante années:
Tu n'en verras vn seul qui ait long temps duré,
Ou le peuple contre eux a tousiours murmuré,
Où bannis de la Court ont senti la disgrace.
» Quand la faueur ne rit, la Fortune se passe.
Il ne faut pour cela comme vn faulx citoyen
Perdre force ny cœur, mais mettre tout moyen,
Artifice & sçauoir, mesme la propre vie
Pour aider, secourir & seruir sa patrie:
Et des presens des Rois ne se faut retirer
Quand ils nous sont donnez, sans trop les desirer.

La France s'esioiust qui tes vertus admire,
Dequoy tu veux guider le cours de son Nauire:
En lieu de voir l'orage & les vagues s'armer

Elle espere saint Herme apparoitre en la mer:
Elle espere sous toy se soulager de tailles,
Et plus de ses citez ne voir les funerailles,
Et que l'Eglise en paix, sans payer tant de foiz,
Pri ra comme elle doit pour l'ame de nos Rois:
Que les gens de sçauoir auront les benefices,
Les hommes vertueux les grades des offices.
Car nostre Prince est bon, tres-iuste & tres-chrestien,
Qui fera tousiours bien s'on le conseille bien,
Vray bon pere & bon Roy de sa France loyale.
Lors repen d'ambrosie à la table royale,
Tu seras le Commis de nostre Iupiter,
Son prudent conseiller pour luy faire euitier
Parmi les flots mondains les rades perillenses,
Et le mener au port des Isles bien-heureuses,
Puis comme vray Minos, par la splendeur des loiz
Tu seras aussi dit le Phare des François.

Les esprits Demi-dieux des Huraults tes ancestres,
Qui ont eu comme toy nos Princes pour leurs maistres,
Seront tous resiouis, quand ils oyront là bas
Que tu suis leurs vertus, leurs gestes & leurs pas.
Blois s'en resiouira & ton fleuve de Loire,
Et moy qui des François celebre la memoire,
Chanteray, nouueau Cygne, en mes vers ta grandeur
Comme celuy qui vit ton humble scruteur.





ORPHEE.

A I A C Q. A V G V S T E
 D E T H O V , S E I G N E V R
 d'Emery, Maistre des Requestes
 de l'hostel du Roy.

E chante icy, de Thou, les antiqués faits
 d'armes.
 Et les premiers combats de ces nobles gens
 d'armes

Fameux Arge-Nochers, qui hardis les premiers
 Sillonnerent la mer, hazardeux mariniers.

Ie veux en les chantant me souuenir d'Orfée,
 Qui auoit d'Apollon l'ame toute eschaufée,
 Et qui laissant à part seiourner l'auiron,
 Osa pincer la Lyre Et respondre à Chiron.

Ce fut au point du iour que la belle Courriere
 Du Soleil apportoit aux hommes la lumière,
 Ouurant tout l'Orient Et le semant de fleurs,
 Qui tomboient de son sein en diuerses couleurs:
 Quand du mont Pelion la verdoyante croupe
 Apparut à Tiphys qui conduisoit la troupe.

Incontinent Tiphys commanda de ramer,
 Et à coups d'auirons de renuerser la mer:
 La Nauire les suit, Et la vague qui roüe
 Al'entour du vaisseau fait escumer la proüe.

A-tant ils sont entrez dans le port desiré,
 La voile fut pliée, Et le pont fut tiré:
 Ils sautent au riuage, & des forests osterent
 Le bois pour leur souper, qu'au bord ils apprestèrent.

Le iour s'embrunissoit, & Vesper qui venoit,
 Desia le grand troupeau des Astres amenoit,
 Quand le pere d'Achille espoux de l'Immortelle
 Thetis mit en auant une parolle telle:

Mes plus chers compaignons choisis entre les Grecs,
 Leuans un peu les yeux vous verrez icy pres
 Au feste de ce mont dans un Antre effroyable,
 La maison de Chiron, Centaure venerable:
 C'est luy qui la loy donne aux habitans d'icy,
 Il aime la Iustice Et d'elle il a souci:
 Il cognoist sans faillir par longue experience
 Des herbes & des fleurs la force & la puissance:
 Il pousse quelquefois la Lyre, Et quelquefois
 Il enfle le cornet, quelquefois le haubois,
 Et sa voix & sa main exerce en la Musique:
 Car de l'un & de l'autre il entend la pratique.

A peine mon enfant, mon petit Achilin,
 Mon petit mignonnet, mon petit poupelin.
 Auoit trois ans parfaits, que Thetis le desrobe,
 Et de nuict le cachant dans le plis de sa robe,
 A Chiron l'apporta pour auoir ce bon-heur
 D'apprendre la vertu sous un tel gouverneur.

Je brule de le voir, l'amitié paternelle
 Ne scauroit plus durer sans en scauoir nouuelle.
 Allon voir le Centaure, & l'Antre, Et mon enfant,
 S'il vous plaist d'y venir ie marcheray deuant.
 Ainsi disoit ce Duc, qui le premier s'auance
 Deuers l'Antre où Chiron faisoit sa demeurance.

*Si tost qu'ils sont venus dedans l'Antre sacré,
Ils ont à la renuerse estendu rencontré
Le Centaure pelu, lequel pressoit la terre
De ses pieds de Chcuai, appuyez d'une pierre.*

*Il auoit à main dextre Achille l'enfançon,
Qui poussoit sur la Lyre vne belle chanson:
Chiron s'en resioüist, le baise Et/ le caresse!
Et le flattant l'appelle vn vray fils de Déesse!*

*Si tost qu'il vit entrer dedans son Antre ombreux
Par cas inespéré ces magnanimes Preux,
Met sa main en leurs mains, leur fit la bien-venue,
Les appelle par nom, les baise, Et/ les saluë,
Repara son manoir de tapis cramoisis,
Dedans des vaisseaux d'or versa des vins choisis,
Les fit selon leur grade asseoir, & les festie
De viande de porc Et/ de chéure rostie.*

*Après que le desir de manger fut osté,
Et que le vin dernier par ordre fut gousté,
Le Centaure s'elene, Et/ pincetant sa Lyre
Pour inuiter Orphée vne chanson va dire:*

*L'homme perd la raison qui se moque des Dieux:
Ils sont de nostre affaire Et/ de nous soucieux,
Et du Ciel ont là haut toute force Et/ puissance
Sur tout cela qui vit & prend icy naissance.*

*Iadis vivoit en Crete vn homme dont le nom
Estoit Ligde, assez bas d'auoir Et/ de renom,
Qui haïssoit à mort la race feminine,
Comme race inutile enuieuse Et/ maline.*

*Quand son espouse fut prochaïne d'accoucher,
Luy dit, Ma Teletuse, autant que ie suis cher
A toy que ie cognois fidele à ma famille,
Quand tu accoucheras, si tu fais vne fille,*

*Ie te pri' sans pitié qu'on la face mourir,
Et si c'est un garçon qu'on le face nourrir :
La charge d'une fille est tousiours odieuse,
Et celle d'un garçon n'est iamais soucieuse.*

*Le soir que Teletuse eut ce commandement,
Lucine s'apparut à son liect clairement
Auecques Bubastis Anubis Et/ Osire,
Et le Dieu qui defend de son secret ne dire :*

*Et luy dit, Teletuse, il ne faut perdre cœur,
Bien que de ton mari dure soit la rigueur.
Ie n'ay pas reietté ta requeste en arriere,
I'ay tes vœux exaucez, tes pleurs Et/ ta priere :
Pource sans auoir peur t'assurant sur ma foy,
Garde l'enfantement qui sortira de toy,
Ou soit fille ou soit fils. Ainsi dit l'Immortelle,
Et soudain la pauvrete enfante une femelle,
Laquelle ô Teletuse, en cachette tu fis
Nourrir pour un garçon, Et/ la nommas Iphis.
Du nom de son ayeul. Or sa face fut telle,
Qu' autant elle sembloit une ieune pucelle
Qu'un ieune damoiseau tenant le milieu d'eux,
Et son accoustrement estoit propre à tous deux.*

*Si tost que quatorze aus ses tetins firent poin-
dre,*

*Son pere la voulut par mariage ioindre
Auecq' la fille Ianthe, Ianthe dont les yeux
S'estoient de mille amans rendus victorieux.
Ils s'entr'aimoient tous deux, mais d'une amour di-
uerse :*

*O que tu es Venus, une dame peruerse
Qui fais en accordant deux cœurs des-accorder !*

Vne vierge aime l'autre Et/ ne peuuent s'aider,

Leur sexe le défend : puis nulle creature
Ne peut forcer soy-mesme Et les loix de nature.

Deux ou trois iours deuant qu'il fallust espouser,
Le pauvre fiancé ne pouuoit repouser,
Et disoit à par-soy, Que ie suis misérable !
Fut-il oncques amour à la mienne semblable ?
Amour fait vne esprenue en moy d'un nouveau feu,
Feu qui n'auoit iamais en son regne esté veu.
Le souci qui me tient est monstrueux prodige ;
Le vouloir de mon pere à Ianthé m'oblige,
Nature m'en absout. las ! Et puis que les cieux
Me furent en naissant ennemis enuieux
Me faisant vne femme, ils deuoient tout sur l'heure
M'envoyer au riuage où Cerbere demeure.
Vne pucelle m'aime, ô cruauté d'aimer !
Et pucelle ne puis sa flame consommer.

Tu exerces Amour, sur mon cœur ta malice.
On ne void qu'une vache aime vne autre genice,
La iument la iument, la brebis la brebis :
La biche n'aime point l'autre biche : Et ie suis
Seule pucelle au monde aimant vne pucelle,
Forçant la majesté de la loy naturelle.

Las ! ie suis d'un país où les monstres ont lieu,
Iadis Pasiphaé la fille de ce Dieu
Qui conduït par le ciel le beau cours de l'année,
S'enflamma d'un Toreau d'amour desordonnée.

Mais s'il faut dire vray, de cela qu'elle aimoit.
Elle esperoit iouyr : l'ardeur qui l'enflamoit,
Promettoit guarison à sa peste enragée :
Aussi de sa fureur elle fut soulagée.

Mais quand pour mon secours Dedale venient
droit,

Mon sexe feminin changer ne se voudrois
 En celuy d'un garçon, Et son art inutile
 Ne pourroit transformer ma nature debile.
 Que veux-tu dire Iphis ? change de pensément,
 Ne te laisse tromper d'amour si sottement :
 Chasse moy loins ce feu que tu ne peux esteindre,
 Et n'espere monter où tu ne peux attendre.
 Ce que tu es regarde, ô pauvre fille, & mets
 En un lieu concedé tes amours desormais :
 Ne t'enste point le cœur d'esperance incertaine,
 Car apres aussi bien l'effet la rendroit vaine.

Las ! ne vois-tu pas bien que rempart ny chasteau,
 Ny rocher, ny forest, ny abondance d'eau,
 Ny la crainte d'un pere ou la garde d'un frere,
 La suite d'une sœur, le presche d'une mere
 Ne t'empeschent d'aimer Et de iouyr du bien
 Que Nature plus forte empesche d'estre tien ?
 Les Cieux, bien que cruels, m'ont fait naistre tres-
 belle,

Mon pere à mon desir ne se monstre rebelle,
 De rien sinon du mien mon cœur n'est desireux,
 Et toutefois hélas ! il ne peut estre heureux :
 Nature ne le veut, qui la misere egale
 Me fait souffrir icy du babillard Tantale :
 Je meurs de soif en l'eau, & si l'eau ne me fuit,
 Et de faim au milieu des pommes Et du fruit.

Ianthé d'autre part non moins passionnée
 Qu'Iphis de iour en autre appelloit Hymenée,
 La pronube Iunon, Et beaucoup luy tat doit
 Que la torche nopciere à la porte n'ardoit :
 Mais au contraire Iphis contre fait la malade,
 Elle ferme sa chambre, elle a la couleur fade

Jaune comme safran : le sourcil & le front
Tombez sur le menton de tristesse luy sont.

Après avoir long temps usé de ses desfaites,
Disimulant son mal par langueurs contrefaites,
Plus ne restoit qu'un iour qu'on les devoit lier,
Et solennellement ensemble marier,
Quand Teletuse ostant l'ornement de sa teste
Vint au temple d'Isis, & fit ceste requeste,
Sa fille la suivant : O Déesse, qui tiens
Et Memphis Et Pharos, & toy fleuve qui viens
Par sept portes ouvert au sein de la marine,
Preste moy ton oreille exorable Et benine :
J'ay suivi ton conseil, par toy seule j'ay fait
(Si forfais il-y a) l'equitable forfais,
Ma fille n'en peut-mais, ô puissance treshaute :
Si malheur en auient, à nous en est la faute,
A toy de commander Et à moy d'obeir !

» Les Dieux qui sont benins, ne voudroient pas
trahir

» Par leur commandement l'humaine creature :

» Leur parole autrement ne seroit qu'une iniure !

Ainsi dit Teletuse, & le Temple immortel,
Le Cistre les flambeaux les Portes & l'Autel
S'esmeurent tout d'un coup, signe que la Déesse
Vouloit comme certaine accomplir sa promesse.

Hors du Temple sortie à peine n'estoit pas
La mere quand Iphis la suit d'un plus grand pas :
En lieu d'un teint vermeil une barbe follette
Cottonne son menton, sa peau tendre & doüillette
Devint forte Et robuste, & la masse vigueur
Luy eschaufa le sang les membres Et le cœur :
Ses cheueux sont plus courts que de custume : & somme

En lieu d'une pucelle elle deuint vn homme.

*A-tant se tent Chiron, Et d'une autre façon
Orphée en sousspirant commence vne chanson :*

*Que ie serois heureux si iamais Hyménée
Ne m'eust en mariage vne femme donnée !
Le regret de ma femme est cause que les pleurs
M'accompagnent les yeux Et le cœur de douleurs.*

*Vn iour qu'elle fuyoit l'amoureux Aristée,
Le long d'une prairie en vn val escartée,
Elle fut d'un Serpent qui vers elle accourut,
Morse dans le talon dont la pauvre mourut.
Après que le troupeau des Nymphes l'eut gemie,
Clochante elle descend toute palle Et blesmie
Là bas dans les Enfers : Et moy sous vn rocher
Voyant le Soleil poindre Et le voyant coucher,
Sans cesse ie pleurois soulageant sur ma Lyre,
Bien que ce fust en vain, mon amoureux martyr.*

*A la fin desireux de retronuer mon bien,
Desesperé ie saute au creux Tenarien,
P'entray dans le Bocage effroyable de crainte :
Ie vy les Manes vains qui ne volent qu'en feinte,
Et le cruel Pluton des hommes redouté,
Et sa femme impiteuse assise à son costé,
Dure, fiere, rebelle, impudente, inhumaine,
Dont le cœur n'est flechi par la priere humaine :
Vers Pluton ie m'adresse, Et rempli de sonci,
Ayant la Lyre au poing ie le supplie ainsi.*

*O Prince qui par sort es Roy de ce bas monde,
Où descend tout cela que Nature seconde
A concéu de mortel ! ô Prince d'heritier
De tout genre qui vit dedans le monde entier,
Ie ne viens pas icy pour enchaîsner Cerbere,*

Ni pour voir les cheueux de l'horrible Megere:
 Ma femme qu'un serpent a morse dans le pié,
 Me fait venir vers toy pour y trouver pitié.

J'ay long temps differé un si facheux voyage,
 Mais Amour a vaincu mes pieds & mon courage:
 C'est un Dieu qui là haut est bien cognu de tous,
 Et ie croy qu'ici bas il l'est aussi de vous,
 Et comme nous en l'ame auez receu sa playe,
 Si l'histoire qu'on dit de Proserpine est vraye.

Pource ie te suppli par ces lieux pleins d'effroy,
 Par ce profond Chaos, par ce silence coy,
 Par ces images vains, redonne moy ma femme,
 Et refle à sa vie une nouuelle trame:
 Toute chose t'est deuë, & le cruel trespas
 Aussi bien à la fin nous ameine çà bas:

Nous tendons tous ici, & ta grand Court planiere
 Qui reçoit un chacun est la nostre derniere,
 „ Et ne se faut challoir mourir en quelque endroit:
 „ Car pour venir à toy le chemin est tout droit.

Donques, ô puissant Roy, si onques Proserpine
 Par une douce amour t'eschaufa la poitrine,
 Redonne moy ma femme: apres qu'elle aura fait
 Le cours determiné de son âge parfait,
 A toy s'en reuiendra. ma requeste n'est grande,
 Sans plus un vsufruit pour present ie demande.

Ou bien si les rochers t'environnent le cœur,
 Si tu ne veux cruel allegger ma langueur,
 Si tu es, comme on dit, un Prince inexorable,
 Je veux mourir ici sur ce bord miserable:
 Je ne veux retourner sans ma femme, & tu peux
 Ici te resjouir de la mort de tous deux.

Faisant telle oraison, les ames sont venues

Ainsi que gresillons greslettes & menues,
 Pepier à l'entour de mon Luth qui sonnoit,
 Et de son chant piteux les Manes'estonnoit.
 La Parque que i'amaïs pleurer on n'auoit veüe,
 Escontant ma chanson à pleurer fut esmeüe:
 Tantale n'eut souci de sa punition,
 Sisyphe de son roc, de sa roüe Ixion:
 En repos fut la cruche & la main des Belides,
 Et dit-on que long temps des fieres Eumenides
 La face en larmoyant de frayeur se pallit,
 Tant ma douce chanson le cœur leur amollit!

Pluton qui eut pitié d'un mary si fidelle,
 Me redonna ma femme à condition telle
 Que ie ne tournerois en arriere mes yeux,
 Tant que i'eusse reueu la clairté de nos Cieux.

Vn sentier est là bas tout obscur & tout sombre,
 Entremeslé de peur & de frayeur & d'ombre:
 Par ce chemin ie sors, & ja presque i'auois
 Passé le port d'enfer, les riuës & le bois,
 Quand làs! vaincu d'amour ie regarde en arriere,
 Et mal caut, ie iettay sur elle ma lumiere,
 Faute assez pardonnable en amour, si Pluton
 Scauoit hélas! que c'est que de faire pardon.

Là mon labeur fut vain s'escoillant en risée,
 Là fut de ce Tyran la promesse brisée:
 Ie voulois l'embrasser, quand sa pitieuse vois,
 Comme venant de loin i'entendy par trois fois:
 Quel malheureux destin nous perd tous deux ensëble?
 Quelle fureur d'amour nostre amour des-assemble?
 Pour m'estre trop piteux tu m'as esté cruel:
 Adieu mon cher espoux d'un adieu eternal:
 Le destin me r'appelle en ma place ancienne,

Et mes yeux vont noüant en l'onde Stygienne.
 Or adieu mon amy! ie re-meurs derechef,
 Vne nuit ombreuse environne mon chef.

Par trois fois retourné ie la voulu reprendre,
 Et l'ombre par trois fois ne me voulut attendre
 Se desrobant de moy, & s'en-vola devant
 Comme un leger festu s'en-vole par le vent.
 Helas, qu'eussay-ie fait! de quelle autre priere
 Eussay-ie peu flechir Proserpine si fiere!
 Ma pauvre femme estoit desia de l'autre bord,
 Et le Nocher d'enfer ne m'offroit plus le port.

Ie fus sept mois entiers sous un rocher de Thrace
 Pres du fleuve Strymon couché contre la place,
 Pleurant sans nul confort, & sousspirant dequoy
 Ie n'estois retourné la demander au Roy.
 Làs (disois-ie à par-moy) que ie suis miserable!
 Apres auoir trouué Pluton si favorable,
 Ie deuois retourner pour chanter devant luy:
 Et s'il n'eust eu pitié de mon extreme ennuy,
 Ie deuois enuoyer mon ame despicee
 Hors de ce pauvre corps sous l'onde Acherontee,
 Et noyer dessous l'eau mon corps Et/ mon soucy,
 Pour ne languir en vain si longuement ainsi.

De iour en iour suiuant s'amenuisoit ma vie,
 Ie n'auois de Bacchus ny de Cerés enuie,
 Couché plat contre terre, & de moy ne restoit
 Qu'une voix qui ma femme en mourant regrettoit:
 Quand oyant d'Helicon ma plainte si amere,
 Auecques ses huit Sœurs voicy venir ma mere
 Qui me leua de terre, & repoussa la Mort
 Qui desia de mon cœur auoit gagné le fort.

Mon fils, ce me disoit, l'amour qui est entrée

Dans ton cœur, se doit perdre en changeant de contree.
 „ En trauersant la terre & en passant la mer,
 „ Tu perdras le souci qui vient de trop aimer,
 Pour ce, si le desir de louange t'anime,
 Resueille la vertu de ton cœur magnanime,
 Et suy les nobles Preux qui loing de leur maison
 S'en-vont desur la mer compagnons de Iason.

Ainsi pour mon profit me disoit Calliope,
 Ainsi fuyant mon mal ie vins en ceste trope:
 Non tant pour voir la mer ses vents & ses poissons,
 Que pour guarir mon mal, & ouyr tes chansons.

A-tant se teut Orphé, les animaux sauvages
 Erroyent deuant la porte: oiseaux de tous plumages
 Voletoyent desur luy, & les Pins qui baïssoient,
 Les testes pour l'ouyr deuant l'Antre danssoient,
 Tant leur plaisoit le son d'une si douce Lyre,
 Que depuis dans le Ciel les Dieux ont fait reluire.

De Thou mignon des Cieux, en te voulant donner
 L'honneur que ie te doy, toy qui peux estonner
 De tes vers excellens les vers du premier âge,
 L'honneur de ton nom mon nom & mon ouirage.

Fin du II. Bocage.





TABLE DV I. ET

II. Bocage Royal.

Tout le cœur me debat d'vne
fol.
Sil'honneur de porter deux.
16


A vous race de Rois, Prince.	23
Nos peres abusez.	29
La victime estoit preste.	35
Les Parques, qui leur chef.	46
Leuant les yeux au Ciel.	49
Au grand Hercule animé de.	55
Si les souhaits des hommes.	62
Mon cœur esmeu de merueilles.	68
Vous Empereurs, vous Princes.	79
J'ay procès intenté.	83
Le petit Aigle apres auoir esté.	90
Ton bon Conseil, ta prudence.	99
Royne qui de vertus passes.	94
Comme vne belle & ieune.	109
Ce Dieu qui se repaist.	114
Ou soit que les marests de.	118

Docte Cecile, à qui la.	121
Mon Galland , tous les arts.	127
Ceux que la Muse aimera.	130
Amour auoit d'vn art.	134
C'estoit au poinct du iour.	138
Celuy qui le premier du voile.	146
Je chante icy, de Thou.	153

Fin de la Table.



21
27
30
34
38
46
53



LES
ECLOGUES ET
MASCARADES DE P.
DE RONSARD, GENTIL-
homme Vandomois.

A LA MEMOIRE

DE

TRES-ILLUSTRE ET TRES-
Vertueux Prince François de France,
Duc d'Anjou, fils & frere de Roy.

TOME V.



A PARIS,

Chez la veufue Gabriel Buon, au cloz Bru-
neau, à l'enfeigne S. Claude.

1597.

AVEC PRIVILEGE DU ROY.



A TRES-HAUT, TRES-
VERTUEUX, ET TRES-AVAN-
tureux Prince, François de France,
Duc d'Anjou, fils & frere de Roy.



Andis que la vaillance, une d'un
bon courage,
Vous pousse à regagner l'ancien he-
ritage
Des Princes vos ayeuls, & qu'ami
du harnois

Vous marquez plus avant les bornes des François,
Aimant mieux la sueur, la poudre & la prouesse,
Que rouïller au Plessis vos beaux ans de paresse:
Paris me tient ici, où par l'impression
L'enuoye mes enfans en toute nation
Conceus de mon esprit par une ardente verue,
Ainsi que Iupiter du sien conceut Minerve,
M'ouvrant (sans emprunter de Vulcan le couteau)
Par peine & par travail mon fertile cerueau.
» Les enfans de l'esprit un long siecle demeurent,
» Ceux des corps journaliers ainsi que les iours men-
rent.

Je vous ay consacré mes Eclogues, à fin;
Que vostre beau renom ne prenne iamais fin
Non plus que les Pasteurs le suet de ce livre.
Les Rois & les Pasteurs ont mesme estat de viure:

L'un garde les troupeaux, & l'autre les citez,
Et les hommes qui sont mortelles Destez.

Pource Homere, qui vit par longues renommées,
Appelloit les grans Rois les Pasteurs des armées.

Dauid d'un simple pastre Et de bas sang issu
Par les Prophetes oingt, au thronne fut receu:
Puis desirant l'honneur où tout Monarque aspire,
Plus outre par la guerre augmenta son empire.

Moyse d'un Bergerot deuint Legislateur,
Deuint grãd Capitaine, & comme un grãd pasteur
Guida par les deserts ses troupes vagabondes,
Et fist passer son peuple entre les murs des ondes.

Pour ce ne dedaignez ce vulgaire present:
Et croyez, mon grand Duc, que rien n'est si diuisat,
Ny qui tant se conforme aux grandes Seigneuries,
Que l'estat des Bergers & de leurs Bergeries.

BERGERIE.

LES PERSONNAGES.

Le premier ioueur de Lyre dira le Prologue.
S'ensuit apres le Chœur des Bergeres.

ENTRE PARLEURS.

Orleânin, angelot, nauarrin, guisin, margot.

PVIS.

Le i. Pasteur voyageur. Le ii. Pasteur voyageur.

PVIS.

Le second ioueur de Lyre.

PVIS.

Deux Pasteurs dedâs vn Antre, l'un representant la Roynie, l'autre Marguerite,
Duchesse de Sauoye.



L'Escondido de la
Pais.
Dont les deux d'Arrehan et son épouse
sont la Royne l'autre Marquise
L'Escondido de la Pais.



LE PREMIER IOVEVR
DE LYRE COMMENCE.



Es Chesnes ombrageux que sans art
la Nature

Par les hautes forests nourrist à la
nature,

Sont plus doux aux troupeaux, &
plus frais aux Bergers

Que les arbres entez d'artifice & vergers:

Des livres oiselets plus doux est le ramage,

Que n'est le chant contraint du Rosignol en cage,

Et la source d'une eau saillante d'un rocher

Est plus douce au passant pour sa soif estancher

(Quand sans art elle coule en sa veine rustique)

Que n'est une fontaine en marbre magnifique,

L'ailissant par contrainte en un tuyau doré

Au milieu de la court d'un Palais honoré,

Plus belle est une Nymphé en sa cotte agrafée,

Aux coudes demy-nuds, qu'une Dame coiffée

D'artifice soigneux toute peinte de fard:

Car tousiours la nature est meilleure que l'art.

Pource ie me promets que le chant solitaire

Des sauvages Pasteurs doit d'avantage plaire

(D'autant qu'il est naïf, sans art & sans façon)

Qu'une plus curieuse & superbe chanson

De ces maistres enflex d'une Muse hardie,

Qui font trembler le Ciel sous une tragedie.

Et d'un vers ampaillé, d'une effroyable voix
Redoublent le malheur des Princes & des Rois

Escoutez donc, Pasteurs, les musettes sacrées
De nos Princes seigneurs de diuerses contrées,
Qui sont diuersement tout ainsi qu'il leur plaisir
D'amoureuses chansons sonner ceste forest.

Ce ne sont pas Bergers d'une maison champestre
Qui mènent pour salaire aux chaps les brebis paistre,
Mais de hanté famille & de race d'ayeux,
Fils de Rois, dont le Sceptre a fait en diuers lieux
Trembler toute l'Europe, & en toute assurance
Conseruè les troupeaux par les herbes de France.

Le Chœur des Bergeres composé de douze,
assises dedans vn Antre, six d'une
part, & six de l'autre.

La premiere partie du costé dextre commence
en chantant.

SI nous voyons entre fleurs & bontons
Paistre mouffons,
Et nos cheureaux pendre sus une roche,
Sans que le Loup sur le soit en approche
De sa dent croche:
Si l'herbe florit & Roists nous sentons,
Voyans mourir toute herbe serpentine
Si nous voyons les Nymphes à minuit
En leur simple vasquine
Mener un bruit
Dansant aux bords d'une source argentine:
Si nous voyons le steele d'or resail,

C'est du bien fait
De la Bergere Katherine.

L'autre partie sort de l'Antre du costé
gauche en chantant.

Quand nous irons baigner des grasses peaux
De nos troupeaux
Pour leur blanchir ergots, cornes & laines,
Semant les champs de Roses à mains pleines,
Et les fontaines,
Et les ruisseaux:
Quand nous serons aux Nymphes le seruisse,
Et d'humble office
Irons versant le sang d'un aiglelet
Dedans du lait
Pour sacrifice:

Lors nous ferons de gâteaux un Autel
Tout couuert de branche myrtine,
Et par un vœu solennel,
De la Nymphé Katherine
Inuquerons le renom eternal:
Puis d'âge en âge
En humble hommage
Dedans son Temple offrirons mille fleurs
Honorant son visage.
Car tant qu'Amour se nourrira de pleurs
Et de douleurs,
Desaint nos yeux nous aurons son image:

Le Chœur des Nymphes toutes ensemble
se prend par la main, & dit ceste Chanson en-
dançant: puis se retirent en l'Antre d'où elles
estoyent sorties.

Nous auons veu d'un Prince la ieunesse,
D'un Prince fils d'une grande Déesse,
Dont la beauté, la grace, & les valeurs
Ornent nos champs, comme au matin l'Aurore
Orne le ciel, quand son beau front colore
Tout l'Orient de perles & de fleurs.

Puissent ses ans croistre comme la Rose
Qu'une pucelle en diligence arrose
Soir & matin pour s'en faire un bouquet,
Afin qu'un iour si hautement il croisse,
Que sur les Rois autant il apparaisse
Qu'une forest par-dessus un bosquet.

Au bon Carlin le Ciel face la grâce
De voir çà bas les enfans de sa race
Pere des Rois, des peuples adorés:
C'est ce Carlin promis des destinées,
Sous qui courront les meilleures années
Du vieil Saturne Et du siecle doré.

Les quatre Bergers & la Bergere se presen-
tent ensemble sortans chacun de
son Antre à part.

Orlancia commence.

Puis que le lieu, le temps, la saison, & l'ennie
Qui s'eschauffent d'Amour à chanter nous conue,

Chanton donques Bergers, & en mille façons
A ces vertes foreſts apprenon nos chanſons.

Icy de cent couleurs ſ'eſmaille la prairie

Icy la tendre vigne aux ormeaux ſe marie,

Icy ſ'ombrage frais va les ſueilles mouuant

Errantes çà & là ſous l'haleine du vent:

Icy de pré en pré les ſoigneuſes Auettes

Vont baiſant & ſugant les odeurs des fleuriettes

Icy le gazonillis enroué des ruiſſeaux

S'accorde doucement aux plaintes des oiſeaux:

Icy entre les pins les Zephyres ſ'entendent.

Nos ſleutes ce-pendant trop pareſſeuſes pendent

A nos cols endormis, & ſemble que ce temps

Soit à nous un Hyuer, aux autres un Printemps.

Sus donques en cet Antre ou deſſous cet ombrage

D'ſon une chanſon: quant à ma part, ie gage

Pour le prix de celui qui chantera le mieux

Vn Cerf apprinoiſé qui me ſuit en tous lieux

Ie le deſrobay ieune au fond d'une vallée

A ſa mere au dos peint d'une peau martelée,

Et le nourry ſi bien que ſouuent le gratant,

Le chatouillant, touchant, le peignant, & flatant

Tantost aupres d'une eau, tantost ſur la verdure,

En douce ieournay ſa ſauuage nature.

Ie l'ay touſiours gardé pour ma belle Thoinon,

Laquelle en ma ſancur l'appelle de ſon nom:

Tantost elle le baiſe, & de fleurs odoreuſes

Enuironne ſon front Et ſes cornes rameneſſes

Et tantost ſon beau col elle vient enfermer

D'un carquan enrichy de coquilles de mer,

D'où pend la croche dét d'un Sanglier qui reſemble

En rondcur le Croiſſant qui ſe reioint enſemble.

Il va seul & pensif où son pied le conduit,
 Maintenant des forests les ombrages il suit,
 Ou se mire dans l'air d'une source moussue,
 Ou s'endort sous le creux d'une roche bossue:
 Puis il retourne au soir, & gaillard prend du pain,
 Tantost dessus la table, & tantost en main,
 Saute à l'entour de moy, Et de sa corne essaye
 De ôsser brusquement mon Mastin qui l'abaye,
 Fait bruire son cleron, puis il se va coucher
 Au giron de Thoinon qui l'estime si cher,
 Il souffre que sa main le chieustre luy mette
 Fait à houpes de soye & à mainste sommette:
 Dessus son dos privé met le Bast emboûrré
 De fougere Et de mousse, Et d'un cœur assuré
 Sans crainte de tomber, le tient par une corne:
 D'une main & de l'autre en ces façons elle orne
 Sa croupe de bouquets & de petits rameaux,
 Puis le conduit au soir à la fraîcheur des eaux,
 Et de sa blanche main seule luy donne à boire.
 Or quiconques aura l'honneur de la victoire,
 Sera maistre du Cerf, bien-heureux Et content
 De donner à s'amie un present qui vaut tant.

Angelot.

Le gage mon-grād Bouc, qui par mont Et par plaine
 Conduit seul un troupeau cōme un grād Capitaine
 Il est fort Et hardy, corpulent & puissant,
 Brusque, prompt, esuillé, sautant Et bondissant,
 Qui grate en se iouant de l'ergot de derrière
 (Regardant les passans) sa barbe manitonniere:
 Il a le front seüere & le pas mesuré,
 La contenance fiere & l'œil bien assuré:
 Il ne doute les Loups, tant soient ils redoutables.

Ny les Mastins armez de colliers effroyables,
 Mais planté sur le haut d'un rocher effrayeux
 Les regarde passer & se semacquer d'eux.

Son front est remparé de quatre grandes cornes.
 Les deux proches des yeux sont droites cōme bornes
 Qu'un pere de famille esleue sur le bord
 De son champ qui estoit n'agueres en discord.
 Les deux autres qui sont prochaines des oreilles,
 En douze ou quinze plus se courbent à menueilles
 D'une entorse ridée, & en tournant se vont
 Cacher dessous le poil qui luy pend sur le front.

Dés la pointe du jour ce grand Bouc ne sommcille
 N'attend que le Pasteur son troupelet resueille,
 Mais il fait un grand bruit dedans l'estable, & puis
 En poussant le cromillet de sa corne ouvre l'huis,
 Et guide les cheureaux qu'à grands pas il devance
 Comme de la longueur d'une moyenne lance,
 Puis les ramène au soir à pas contex & longs,
 Faisant sans ses ergots pondroyer les sablons.

I amais en nul combat n'a perdu la bataille,
 Ruzé dès sa jeunesse en quelque part qu'il aille
 D'emporter la victoire: aussi les autres Boucs
 Ont crainte de sa corne, & le reuerent tous.
 Il le gage pourtant: voy comme il se regarde,
 Il vaut mieux que le Cers que ta Thoinō te garde.

Nauarrin:

J'ay dās ma gibbeciere un Vaisseau fait au tour
 De racine de buis, dont les anses d'autour
 D'artifice, excellent de mesme bois sont faites,
 Oū maintes choses sont diuersement portraictes.
 Presque tout au milieu du Gabelot est peint
 Un Satyre cornu, qui de ses bras estreint

Tout au trauers du corps vne ieune bergere
Et la veut faire choir dessous vne fougere.

Son couurechef luy tombe, Et a de toutes pars
A l'abandon du vent ses beaux cheueux espars:
Dont elle courroucée ardante en son courage
Tourne loin du Satyre arriere le visage
Essayant d'eschapper, & de la dextre main
Luy arrache le poil du menton & du sein,
Et luy froisse le nez de l'autre main fenestre,
Mais en vain: car tousiours le Satyre est le maistre.

Trois petits enfans nuds de iambes & de bras
Taillez au naturel, tous potelez & gras
Sont gravez à l'entour: l'un par vne entreprise
Vient faire abandonner au Satyre sa prise,
Et d'une infante main par deux & par trois fois
Prend celle du bouquin, & luy ouure les dents.

L'autre enflé de courroux, d'une dent bien aigüe
Mord ce Dieu rauisseur par la cuisse peluë,
Se tient contre sa grène, & si fort l'a mordu
Que le sang sur la iambe est par tout descendu,
Faisant signe du pouce à l'autre enfant qu'il vienne,
Et que par l'autre cuisse à belles dents le tienne;
Mais luy tout renfrongné pour-neant supplié
Se tire à dos courbé vne espine du pié,
Assis sur un gazon de verte pimperlolle,
Sans se donner soucy de l'autre qui l'appelle.

Kne Genisse auprès luy pend sur le talon,
Qui regarde tirer le poignant aiguillon
De l'espine cachée au fond de la chair viue,
Et toute est tellement à ce fait ententine,
Que beaulte elle oublie à boire & à manger:
Tant elle prend plaisir à ce petit berger.

Qui en grinsant des dents tire à la fin l'espin
Et tombe de douleur renuersé sur l'eschine.

Vn houbelon rampant à bras longs & retors,
De ce creux Gobclet passément les bors,
Et court en se pliant à l'entour de l'ouvrage:
Tel qu'il est toutesfois ie le mets pour mon gage.

Guifin,

Ie mets vne Houlette en lieu de ton Vaisseau.
L'autre iour que i'estois assis pres d'un ruisseau,
Radoubant ma Musette avecques mon alesne,
Ie vy desur le bord le tige d'un beau fresne
Droit, sans nœuds, Et sans plis: lors me lenât soudain
I'empoignay d'alegresse vn goy dedans la main,
Puis couppant par le pied le tige armé d'escorce,
Ie le fis chanceler. Et trebucher à force
Desur le pré voisin estendu de son long:
En quatre gros cartiers i'en fis sfer le tronc,
Au Soleil ie seichay sa verdure consumée,
Puis i'endurey le bois pendu à la fumée.

A la fin le baillant à Iean ce bon ouvrier,
M'en fist vne Houlette, & si n'y a chéurier
Ny berger en ce bois, qui ne donnast pour elle
La valeur d'un Toreau, tant elle semble belle,
Elle a par artifice vn million de nouds.
Pour mieux tenir la main tous marques de clous:
Et afin que son pied ne se gaste à la terre,
Vn cercle fait d'airain de tous costez le serrez:
Vne poincte de fer le bout du pied soustient,
Rempart de la Houlette, où le Pasteur se tient
Desur la iambe gauche, Et du haut il appuye
Sa main, quand d'entonner sa Lourette il s'ennuyoye.
L'anse est faite de cuiure, & le hanc de fer blanc.

A vñ.

Vn peu long & courbé, où pourroient bien de ranc.
Deux morttes pour ietter au troupeau qui s'esgare,
Tant le fer est crensé d'un artifice rare.

Vne Nymphé y est peinte, onurage nompareil,
Essuyant ses cheueux aux rayons du Soleil,
Qui deçà qui delà desur le col luy pendent,
Et desur la Houlette à petits flots descendent.

Ellé fait d'une main semblant de ramasser
Ceux du costé senestre & de les retrousser
En frisons sur l'oreille, & de l'autre elle allonge
Ceux du dextre costé mignotex d'une esponge.
Et tirez fil à fil, faisant entre ses doigts
Sortir en pressurant l'escume sur le bois.

Aux pieds de ceste Nymphé est vn garçon qui s'éble
Cueillir des brins de ionc, & les lier ensemble
De long & de traners courbé sur le genou:
Il les presse du ponce & les serre d'un noud,
Puis il fait entre-dux des espaces égales,
Façonnant vne cage à mettre des Cigales.

Loin derrière son dos est gisante à l'escara
Sa panetière enflée, en laquelle vn Renard
Met le nez finement, & d'une ruzé estrange
Trouue le desjeuner du garçon & le mange:
Dont l'enfant s'appeerçoit sans estre courraucé,
Tant il est ententif à l'œuvre commencé.

Si mettra-ye pouriant vne telle Houlette
Que s'estime en valeur autant qu'une Musette.

Margot.

Je mettray pour celui qui gagnera le prix,
Vn Merle qui à la glus en nos forestz ie pris:
Puis vous diray comment il fut serf de ma cage,
Et comme il oublia son naturel ramage.

Un iour en l'escoutant siffler dedans ce bois,
 P'en plaisir de son vol, & plaisir de sa voix,
 Et de sa robbe noire & de son bec qui semble
 Estre peint de safran, tant saune il luy ressemble:
 Et pour ce l'espriay l'endroit où il buuoit
 Quand au plus chaud du iour ses plumes il tauoit.
 Or en sèmant le bord de vergettes gluées,
 Où les prenuieres eaux du veut sont remuées,
 Le me cachay sous l'herbe au pied d'un arbrisseau,
 Attendent que la soif feroit venir l'oiseau.
 Aussi tost que le chaud eut la terre enflammée,
 Et que les bois feuillux herissiez de ramée
 N'empeschoiēt que l'ardeur des rayōs les plus chauds
 Ne vinssent à alterer le cœur des animaux,
 Ce Me rle ouurant la gorge, & laissant l'aile pèdre
 Matée d'ardente soif en volant vint descendre
 Dessus le bord glué, & comme il allongeoit
 Le col pour s'abreuuer (pauvre qui ne songeoit
 Qu'à prendre son plaisir!) se vit outre coustume
 Engluer tout le col & puis toute la plume,
 Si bien qu'il ne faisoit en lieu de s'en-voler
 Sinon à petits bonds sur le bord sauteler.
 Incontinent ie cours, & prompto luy desrobbe
 Sa douce liberté, le cachant sous ma robbe
 Puis repliant d'osier un petit laberint,
 Pour son buisson natal prisonnier il deuint
 De ma cage, & depuis fust le Soleil sous l'onde,
 Fust qu'il monstrast au iour sa belle tresse blonde,
 Fust au plus chaud midy, alors que nos troupeaux
 Estoient en remaischant couchez sous les ormeaux,
 Si bien ie le veillay parlant à son oreille,
 Qu'en moins de quinze iours il fut une merueille:

Et luy fis oublier sa rustique chanson,
 Pour rettenir par-cœur mainte belle leçon
 Toute pleine d'Amour: j'ay souvenance d'une,
 Bien que l'invention en soit assez commune,
 Je la diray pourtant: car par là se verra
 Si l'oiseau sera cher à celuy qui l'aura.
 Xandrin mon doux soucy, mon Ocillet, &
 ma Rose,
 Qui peux de mes troupeaux & de moy dis-
 poser:
 Le Soleil to' les soirs dedás l'eau se repose:
 Mais Margot pour l'amour ne scauroit re-
 poser.

Il en sçait mille encore Et mille de plus belles.
 Qu'il esconte en ces bois chanter aux pastourelles:
 Car il apprend par-cœur tout cela qu'il entend,
 Et bien qu'il me soit cher, ie le gage pourtant.
 Les Chançons des Pasteurs.

Orléantin.

Quel poignât creue-cœur, quelle amere tristesse
 Vous tenoit, ô forests, quand la blonde jeunesse
 Qui sent tousiours la Bise éuenter son harnois,
 Sans crainte briganda le Sceptre des François?
 Et s'enflant de l'esper d'une fausse victoire,
 Vint boire en lieu du Rhin les eaux de nostre Loire
 Contre vn ieune orfelin, dont le pere indonté
 Auoit leur nation remise en liberté?

En ce temps coniu'ré la France en despit d'elle
 Portoit desur l'eschine vne gent si cruelle,
 Et voyant contre soy tant de guerriers nouveaux
 Soustenoit par despit les pieds de leurs cheuaux.

Phœbus se recula & la saison chargée
 De neiges apperceut ceste troupe enragée,
 Saccager nos maisons au milieu de l'Hiver:
 Car iamais le Soleil ne voulut approuver
 Si cruel brigandage, abhorrant que le vice
 Allast le front levé sans crainte de Iustice.

Le peuple avoit perdu toute fidelité,
 Le citoyen estoit bany de sa cité,
 Les Autels despoillez de leurs Saints Tutelaires,
 Les Temples ressembloient aux deserts solitaires
 Sans feu, sans oraison, Et les Prestres sacrez
 Servoient de proye aux loups sur l'Autel massacrez.

Nul tât maigre troupeau ne se trainoit sur l'herbe
 Qu'il ne fust égorgé par l'ennemy superbe,
 Qui d'une main barbare emportoit pour butin
 Gras Et maigre troupeau, Et Pasteur & mâtin.

Les Faunes & les Pans, & les Nymphes cōpagnes
 Se cachèrent d'effroy sous le creux des montagnes,
 Abominans le sang & les glaines tranchans,
 Et nulle Deité n'habitoit plus aux champs.

La honte de mal-faire erroit entre les armes,
 Et les harnois craquans sur les dox des gendarmes
 Luiisoient de tous costez: bref il n'y avoit lieux,
 Tant fussent eslongnez ny reculez des yeux,
 Il n'y avoit montagne, ou pendante vallée,
 Qu'un desert, ou sarest de verd emmantelée,
 Ou rocher si poinctu qui ne sentist la main
 Et la barbare voix de l'avare Germain.

Les herbes commençoient à croistre par les ruës,
 Oisives par les champs se roüilloient les charuës:
 Car la terre irritée & dolente de voir
 Ses fils s'entre-tuer, leur nioit son devoir.

Et en lieu de donner des moissons abondantes,
Ne pouſſoit que chardons & qu'espines mordantes.

Voire & ſi du haut Ciel quelque bon Dieu n'eust
Vn remors vergogneux au cœur des ennemis, (mis)
La France estoit perdue, & sa terre couuerte.
De tant de grâs troupeaux fust maintenât deserte,
Et bannis de nos champs euſſions esté contraincts
Aller en autre part implorer autres Saints.

Mais vn Bourbon qui prend sa celeſte origine
Du tige de nos Rois, & vne Katherine
Ont rompu le diſcord, & doncement ont fait
Que Mars, bien que grondât, ſe voit pris & deſfait.

Ceſte Nymphes Royale, & digne qui ô luy drefſe
Des autels tout ainſi qu'à Palés la Déeſſe,
La première nous dit: Paſteurs, comme deuant
Deſgoſſez vos chanſons & les ioüez au vent,
Et aux grandes foreſts ſi longuement muettes.
R'apprenez les accords de vos vieilles muſettes,
Et menex deſormais par les prez vos Toreaux,
Et dormez ſeulement ſous le frais deſormeaux.

Elle nous rebaila nos champs & nos bocages,
Elle nous fiſt r'ent rer en nos premiers herbages,
En nos premiers courtils, & d'un front adoucy
Chaffa loin de nos parcs la peur & le ſoucy.

Et pource tous les ans à iours certains de feſtes
Donnans repos aux champs, à nous & à nos beſtes,
Luy ferons vn Autel tout pareil qu'à l'unon,
Et long temps par les bois ſera chanté ſon nom.

Les bois le chanteront & les creuſes vallées
Et les eaux des rochers contre-bas deuallées
Le diront à l'enüy, & Echon qui loirra
Si ſouuent rechantér, ſouuent le redira.

Il n'y aura forest où son nom sur l'escorce
 Des Chesnes les plus beaux ne soit escrit à force,
 Et qu'à l'entour du nom ne pendent mille fleurs
 En mille chapelets de diuerses couleurs.

Il n'y aura Berger, soit qu'au matin il meine,
 Soit qu'il ramène au soir son troupeau porte-laine,
 Qui songeant & pensant & faisant un discours
 Que d'elle seulement est venu son secours,
 Ne luy verse du miel, Et qu'il ne luy nourrisse
 Apart dans vne prée vne blanche Genisse:
 Ne luy sacre aux iardins un Pin le plus espais,
 Vn ruisseau le plus clair, un Antre le plus frais,
 Et luy offrant ses vœux, hautement ne l'appelle
 La merè de nos Dieux la Françoisè Cybelle.

O Bergere d'honneur, les Saules ne sont pas
 Aux aignelets sçurez si gracieux repas,
 Ny le Printèps n'est point si plaisant aux fleurettes,
 Ny la rosée aux prez, nyles blondes Auettes
 N'aiment tant à baiser les Rosès & le Thim,
 Que i aime à célébrer les honneurs de Katin.

Angelot.

Quand le bon Henriot par fiere destinée
 Auant la nuict venue accomplist sa journée,
 Nos troupeaux preuoians quelque futur danger
 Languissoient par les champs sans boire ny manger:
 Et bestians & crians Et tapis contre terre
 Gisoient comme frappez de l'eselat du tonnerre
 Toutes choses gâ bas pleuroient en desconfort:
 Le Soleil s'en-riua pour ne voir telle mort,
 Et d'un cresse rouillé cacha sa teste blonde,
 Abominant la terre en vices si seconde.

Les Nymphes l'ont gemy d'une pitèuse vois,

Les Antres l'ont pleuré, les rochers & les bois:
 Vous le sçauex forests, qui vistes és bocages
 Les Loups mesme le plaindre & les Lions sauvages.

Ce fut ce Henriot qui remply de bon-heur
 Remist des Dieux banis le service en honneur,
 Et se monstrant des arts le parfait exemplaire,
 Esleua iusqu'au Ciel la gloire militaire.

Tout ainsi que la vigne est l'honneur d'un ormeau,
 Et l'honneur de la vigne est le raisin nouveau,
 Et l'honneur des troupeaux est le Bouc qui les meine,
 Et comme les espics sont l'honneur de la plaine,
 Et cōme les fructs meurs sont l'honneur des vergers,
 Ainsi ce Henriot fut l'honneur des Bergers.

Quantesfois nostre soc depuis sa mort cruelle
 A fendu les guerets d'une peine annuelle!
 Qui n'ont rendu sinon en lieu de bons espics
 Qu'Yraie, qu'Aubifoin, que Ponceaux inutiles!

Les herbes par sa mort perdirent leur verdure,
 Les Roses & les Lis prindrent noire teinture,
 La belle Marguerite en prist triste couleur,
 Et l'Oeillet sur sa fueille escriuit son malheur.

Pasteurs en sa faueur semez de fleurs la terre,
 Ombragez les ruisseaux de Pampre & de lierre,
 Et de gazonz herbus en toute saison verts
 Dressez luy son sepulchre, & y gravez ces vers:

L'ame qui n'eut iamaïs en vertu son egale,
 Icy laissa son voile allant à son repos:
 Chescnes faites ombrage à la Tombe Royale
 Et vous Mâne du Ciel tombez dessus ses os.

O Berger Henriot, en lieu de viure en terre
 Sanglante de discords, de meurdres & de guerres.

Tu vis là haut au Ciel, où mieux que parauant
 Tu vois dessous tes pieds les Astres Et le vent,
 Tu vois dessous tes pieds les Astres Et les nuës,
 Tu vois l'Air Et la Mer Et les Terres cognuës,
 Comme un Ange parfait deslié du soucy,
 Et du fardeau mortel qui nous tourmente icy.

O belle âme royale au Ciel la plus haussée,
 Qui te moques de nous Et de nostre pensée,
 Et des appas mondains qui tousiours font sentir
 Après un court plaisir un tresp-long repentir.

Ainsi qu'un beau Soleil entre les belles âmes
 Enuironné d'esclairs, de rayons Et de flammes,
 Tu reluis dans le Ciel, Et loin de toute peur
 Fait Ange, tu te ris de ce Monde trompeur.

Où tu es, le Printemps ne perd point sa verdure,
 L'orage n'y est point, le chaud ny la froidure,
 Mais un Air pur Et net, Et le Soleil au soir
 Comme icy ne se laisse en la marine choir.

Tu vois autres forests, tu vois autres riuages,
 Autres plus hauts rochers, autres plus verts bocages
 Autres prez plus herbus, Et ton troupeau tu pais
 D'autres plus belles fleurs qui ne meurent iamais.

Et pource nos forests, nos herbes Et nos plaines,
 Nos ruisseaux Et nos prez, nos fleurs Et nos fontaines
 Se souuenant de toy, murmurent au milieu
 De leurs surions ondenx qu'Henriot est un Dieu.

Sois propice à nos vœux : Je te feray d'yuoire
 Et de marbre un beau Temple au riuage de Loire,
 Où sur le mois d'Auril aux iours longs Et nouuëaux
 Je feray des combats entre les Pastoureaux
 A sauter, à luter sur l'herbe nouuellette,
 Pendant au prochain Pin le prix d'une Mussette.

Là sera ton lanot qui chantera tes faits,
 Tes guerres, tes combats, tes ennemis desfaits,
 Et tout ce que ta main d'invincible puissance
 Oza pour redresser la houlette de France.

Or adieu grãd Berger: tant qu'on verra les eaux
 Soustenir les poissons, & le vent les oiseaux,
 Nous aimerons ton nom, & par ceste ramée
 D'âge en âge suivant viura ta renommée.

Nous ferons en ton nom des Autels tous les ans
 Verds de gazons de terre, Et comme aux Egipans,
 Aux Faunes, aux Satyrs, te ferons sacrifice:
 Ton Perrot le premier chantera le service.
 En long sourpelis blanc, couronné de Cyprés,
 Et au son du cornet nous ferons aux forests
 Apprendre tes honneurs, afin que ta loüange
 Redite tous les ans, par les ans ne se change,
 Plus forte que la Mort fleurissante en tout temps
 Par ces grandes forests comme fleurs au Printemps.

Nauarrin.

Que ne retourne au Monde encore ce bel âge.
 Simple, innocent & bon, où le meschant v'sage
 De l'acier & du fer n'estoit point en valeur,
 Trop en prix maintenant à nostre grand malheur?
 Hâ! bel âge doré, où l'or n'auoit puissance!
 Mais doré pour autant que la pure innocence,
 La crainte de mal-faire, & la simple bonté
 Permettoient aux humains de viure en liberté.
 Les Dieux visiblement se presentoient aux homes,
 Et Pasteurs de troupeaux par ces champs où nous
 Sommes, au milieu du bestail ne faisoient que sauter,
 Apprenant aux mortels le bel art de chanter.

Les bœufs en ce temps là paissans parmy la pleine,
 L'un à l'autre parloient, & d'une voix humaine,
 Quand les malheurs venoiét, predisoient les dâgers,
 Et seruoient par les champs d'oracles aux Bergerz:
 Il ne regnoit alors ny noise ny rancune,
 Les champs n'estoient bornez, Et la terre cômune
 Sans semer, ny planter, bonne mere, apportoit
 Le fruit qui de soy-mesme heureusement sortoit:
 Les procex n'auoient lieu, la guerre ny l'enuie.

Les uieillards sans douleur sortoient de ceste vie
 Comme en songe, Et leurs ans doucement finissoient,
 Ou mangeant de quelque herbe ils se raiuenissoiét:
 Iamais du beau Printemps la saison esmaillée
 N'estoit (ainsi qu'elle est) par l'Hyner despoillée.

Tousiours du beau Soleil les rayons se voyoient,
 Et tousiours par les bois les Zephires s'uyoient:
 Tousiours le Rôsignol chantoit par la verdure:
 Tous ces vilains oiseaux d'abominable augure,
 Orfrayes Et Chouïans qui sont huppex au front,
 Sur le haut des maisons ne chantoient comme ils font.

La terre par le Ciel encor n'estoit mandite:
 Son sein ne produisoit encores l'Aconite,
 Vitriol, Arsenic, ny tous ces vegetaux,
 Ny le prompt Argent-vif, principe des metaux,
 Ny tout ce que Pluton cache en son patrimoine,
 Ny des fortes poisons l'exécrable Antimoine:
 Mais Myrrhe precieuse Et l'Amome qui sent
 Si doucement au nez, Et le Basme & l'Encent:
 Chacun se repaissoit dessous les frais ombrages
 Ou de lait, ou de glan, ou de fraixes sauuages.
 Car le bœuf laboureur, après auoir sué
 Comme il fait sous le ioug, pour lors n'estoit tué.

Ny la simple brebis qui nos vestemens porte,
 Aux estaux des bouchers au croq ne pendoit morte,
 Ny lors la vache mere oubliant le seiour
 Des ruisseaux & des prez, ne mugloit à l'entour.
 Des ministres sacréz lamentant sa genice:
 Car les fleurs Et les fruëts seruoient de sacrifice.
 O saison gracieuse! hélas, que n'ay-ie esté
 En vn temps si heureux en ce Monde alaité?
 Maintenant on ne voit que Circes, que Medées,
 Que Cacus eshontez aux mains ourtreuidées,
 Que Busirs, Geryons, que Vertomnes nouueaux;
 Qui se chagent en Tygre, en Serpens, en Oiseaux,
 Et coulent de la n a n tout ainsi qu'une Anguille,
 Et aux moissons d'autruy ont tousiours la faucille.
 Il me souuiët vn iour qu'aux rochers de Beart
 I'allay voir vne vieille ingenieuse en l'art
 D'appeller les esprits hors des tombes poudreuses,
 D'arrester le Soleil & les sources ondeuses,
 Et d'enchanter la Lune au milieu de son cours,
 Et changer les Pasteurs en Tygres & en Ours.
 Or elle prenoyant par magique figure
 Que la bonté faudroit en la saison future,
 Me conduist dans vn Antre, où elle me montra
 Vn tableau qu'à main dextre attaché rencontra,
 Et le lisant m'apprist dès enfance à cognoistre,
 Le grand Pan des Bergers de toutes choses maistres:
 Me monstra mille maux en ceste table escrits,
 Dont les hommes seroient en peu de temps surpris:
 La Guerre, le discord, mainte Secte diuerse,
 Et le Monde esbranlé tomber à la renuerse.
 Mais prè cœur (ce disoit) car tât que les grâds Rois
 De la Gaule aimcront les Pasteurs Nanarrois,

Tousiours

Tousiours leurs gras troupeaux paistront sur les m^o-
tagnes,

Le froment iavnira par leurs blondes campagnes,
Et n'auront iamaïs peur que les proches voisins
Emportent leurs moissons ou coupent leurs raisins.

Pource ieune Berger, il te faut dès enfance
Aller trouver Carlin le grand Pasteur de France:
Ta force vient de luy. Lors suyuant mon destin
En France ie vins voir le grand Pasteur Carlin,
Carlin que j'ayme autant qu'une vermeille rose
Aime la blanche main de celle qui l'arrose,
Que les prez les ruisseaux, les ruisseaux la verdure:
Car de son amitié procede ma grandeur.

Guifin.

Houlette qui foulois és plaines Idumées
Comme troupeaux rangex conduire les armées,
Qui as regi Sicile Et/ les monts Calabrois,
Et la ville, tombeau de la serene vois,
Maintenant ie te tiens de pere en fils laissée,
Qui dure n'as esté par les guerres cassée,
Et qui dois gouverner encore deffous moy
Les troupeaux de Carlin mon Pasteur Et mon Roy.

Icy les grands forests que les ans renouellent,
Icy Carlin icy les fontaines t'appellent,
Les Rochers Et/ les Pins, Et le Ciel qui plus beau
Se tourne pour complaire à ton regne nouveau:
Toute chose s'esgaye à ta belle venue,
L'air n'est plus attristé d'une fascheuse nuë,
La mer rit en ses flots, sans souffles est le vent,
Et les Astres au Ciel luisent mieux que deuant.

O grand Pasteur Carlin ornement de nostre âge,
Haste toy d'aller voir ton fertile heritage,

En uironne tes champs Et conte tes Toreaux,
Et entens desormais les vœux des Pastoureux.

Katherine ta mere à ta main dextre assise
D'un voyage si beau conduira l'entreprise,
Et te fera passer par tes villes, ainsi
Que passe par le Ciel un bel Astre esclarci.

L'honneur Et la vertu iront deuant ta face,
Les fleues les rochers les bois te feront place,
Et le peuple ioyeux en chantant semera
Tous les chemins de fleurs où ton pied passera:
Car tu es ce grand Roy que tant de destinées
Nous promettoient venir apres longues années
Pour gouuerner ta France, & pour estre le Roy,
Mais plustost le Recteur des peuples Et de toy.

On dit quand tu nasquis, que les Parques fatales
Ayanſ fuseaux egaux Et quenouilles egales,
Et non pas le filet & la trame qui est
De diuerſe façon tout ainsi qu'il leur plaist,
Iettant sur ton berceau à pleines mains decloſes
Des œillcts, Et des lis, du safran, Et des roses,
Commencerent ainsi: Charles qui dois venir
Au monde, pour le monde en repos maintenir,
Et qui par le destin en France deuois naistre
Pour estre des grâds Rois le Seigneur & le Maistre,
Entens ce que Themis au visage ridé
Sur nos fuseaux d'airain a pour toy demidé.

Durât ton nouueau regne (auant que l'âge tédre
Laisse autour de ta lévre un crosse d'or espandre)
L'ambition, l'erreur, la guerre Et le discord
Par les peuples courront, images de la mort:
On fera pour tenir les villes asseurées,
Des fosses des rempars des ceintures murées,

Et l'horrible canon par le soufſfre animé
Vomira de ſa bouche un tonnerre allumé.

On fera des rateaux des poignantes eſpées,
Les faucilles ſeront en lames detrampées,
L'auantureux Nocher d'avarice conduit
Ira voir ſous nos pieds l'autre pole qui luit.

D'autres Typhys naiſtront, qui pleins de hardieſſe
Eſliront par la France encore une ieuneſſe
De Chualiers errans dans Argon enfermez;
Encores on voirra des Achilles armez
Combatre deuant Tröye, & les riuieres pleines
De carcasses de morts rougir parmy les plaines.

Mais ſi toſt que les ans en croiſſant t'auront fait
En lieu d'un iouuenceau, homme entier & parfait:
Lors la guerre mourra, les harnois & les armes,
Les querelles mourront, les plaintes & les larmes,
Et tout ce qui depend du vieil ſiecle ferré
S'enfuira, donnant place au bel âge doré.

Les hommes reuoirront les Dieux venir en terre:
Le Ciel ſans plus s'armer d'un grommelât tonnerre,
Sans plus faire la greſle & la neige couler,
Fera deſur les champs la manne diſtiller.

Les Pins, vieux compagnons des plus hautes mon-
tagnes,
En naures creuſez ne voirront les campagnes
De Neptune venteux: car ſans voguer ſi loin
La terre produira toute choſe ſans ſoin,
Mere qui ne ſera comme deuant ferüe
De rateaux aiguifcz ny de ſoc de charriüe.
Car les champs de leur gré, ſans toreaux mugiffans
Sous le ioug, ſe voirront de froment iauniſſans.
Les moiſſons n'auront peur des faucilles voutées,

Ny l'arbre de Bacchus des serpettes dentees:
Car tousiours par les prez l'ondoyant ruisselet
Ira coulant de vin, de nect̃ar & de laiēt.

Le miel distillera de l'escorce des chesnes,
Et les roses croistront sur les branches des fresnes:
Le belier en paissant au milieu d'un pré vert
Se verra tout le dos d'escarl̃ate couuert,
De pourpre l'aiglelet, Et la barbe des chèvres
Demendra fine soye à l'entour de leurs lèvres:
Les cornes des toreaux de perles, Et encor
Le rude poil des boucs i'aunira de fin or.

Bref tout sera changé, & le monde difforme
Des vices du iourd'huy, prendra nouvelle forme
Dessous toy qui croistras pour auoir ce bon-heur,
O Princc bien-heureux, d'estre son gouuerneur.

Ainsi sur ton berceau ces trois Parques chenuës
Chantoient, qui tout soudain volerent dans les nuës:
Et alors les Pasteurs en l'escorce des bois
Grauerent leur chanson, afin que tous les mois
Aux flustes des bergers elle fust accordée,
Et parmy les forests dans les arbres gardée.

Margot.

Soleil source de feu, haute merueille ronde,
Soleil, l'ame, l'esprit, l'œil, la beauté du monde,
Tu as beau t'esueiller de bon matin & choir
Bien tard dedans la mer, tu ne scaurois rien voir
Plus grād que nostre France : & toy Lune qui erres
Maintenant desur nous, maintenant sous les terres,
En errant haut & bas tu ne vois rien si grand
Que nos Rois dont le sang de Iupiter descend.

Il ne faut point vanter ceste vieille Arcadie,
Ses rochers, ses forests, encore qu'elle die
Que ses Pasteurs sont naix avant que le Croissant

Fust au Ciel comme il est, de nuit apparissant.
 La France la surpasse en Antres plus sauvages,
 En taillis en forets en sources en riuages,
 En Nymphes & en Dieux, qui benins sont contents
 De se monstrer à nous & nous voir en tout temps.

O bien-heureuse France abondante & fertile!
 Si l'encens si le basme en tes champs ne distile,
 Si l'Amome Asien en tes vergers ne croist,
 Si l'ambre sur les bords de ta mer n'apparoist:
 Aussi le chaud extrême Et la poignante glace
 Ne corrompt point ton air: & l'orgueilleuse race
 Des Tygres, des Lions armez d'ongles tranchans
 Comme ils sont autre part, ne gaste point tes chäps:
 Ny le venin baueux des fils de la Gorgonne
 Tes iardins ny tes prez ny tes fleurs n'empoisonne,
 Ny l'Aconit enfant de l'infernal Portier
 Qui croist sur les rochers, n'infecte ton quartier.

Que dirons-nous d'Auvergne, en montaignes qui
 hausse

S'ö fröt iusques au Ciel: de Chäpaigne Et de Beauffe?
 L'une riche en troupeaux, les deux autres en blé
 Au vœu des laboureurs d'usure redoublé?

Que dirös-no^s d'Anjou, Et des chäps de Touraine,
 De Languedoc, Prouence, où l'Abondance pleine
 De sillon en sillon fertile se conduit
 Portant sa riche Corne enceinte de beau fruiet?

Que dirons-nous encor de cent mille riuieres
 Qui lechent les rempars de tant de villes fieres,
 Dont le front nous fait peur en allant au marché,
 Tant il est dans le Ciel superbement caché?

C'est elle bonne mere en semence feconde,
 Dont le germe a produit les miracles du monde,

Ces braues Cheualiers aux armes proüpts Et chauds,
 Ces Tristans, ces Oggers, ces Rollands, cis Renaulds,
 Et ce grand Charlemagne, Et Martel qui deuore
 Les ans par son renom: Et toy Charles encore
 Qui crois pour deuenir la splendeur de nos Rois,
 A fin que toute Europe aille deffous tes loix.

C'est la mere fertile abondante en la race
 D'hommes, masles esprits, qui de daignant la masse
 De la terre brutale, ont poussé iusqu'aux cieux
 Non seulement le cœur, mais le soin, & les yeux.
 Aux astres attachez par la Philosophie,
 Et du grand Iupiter ont gousté l'Ambrosie:
 Vn Turnebe, vn Budé, vn Vatable, vn Tusan,
 Et toy diuin Dorat, des Muscs artizan,
 Qui premier amoureux de leur belle Neufuaine,
 Par les outils des Grecs destoupa leur fontaine
 D'Helicon, & premier aux François as tourné
 Permesse en l'eau de Seine au bord non couronné
 De Lauriers cōme Eurote, ains d'hōmes, dōt l'éclume
 A forgé tant d'escrits par l'outil de la plume.

Adioustez à son los tant de palais dorez,
 Tant de marbres polis à force elabourez,
 Entrailles des rochers, qui sont par artificees
 Maintenant l'ornement des royaux edificcs.
 Ioignez à sa richesse, & l'une Et l'autre mer
 Qui viennent aux deux coins de la France escumer,
 Et grosses de vaisseaux apportent en trafique
 De bien loin à nos bords la nouvelle Amerique.

Adioustez d'autre part tāt d'ars qui sōt meilleurs,
 Engrauers & fondeurs, imagers & tailleurs:
 Adioustez la Musique, adioustez la peinture,
 Voire tous les presens que la riche Nature

Et le Ciel plus benin ont versé de leurs mains
Pour embellir la terre & les pauvres humains.

Quelle Muse pourroit egaler tes merites?
C'est toy qui as nourry deux belles Marguerites,
Qui passent d'Orient les perles en valeur:
L'une vit dans le Ciel exempte du malheur
Que ce siecle a rouillé de sectes & de noises,
Ayant regi long temps les terres Nauarroises.
L'autre prudente Et sage Et seconde Pallas
Fidèle à son grand Duc, embellist de ses pas
Les hauts monts de Sauoye, & comme vne Déesse
Marche par le Piedmont, au milieu d'une presse
Qui court à grande foule, afin de faire honneur
A ce sang de Vallon qui cause leur bon-heur.

Que dirons-nous encor de la maison de France?
Si vn pauvre Pasteur se lamente en souffrance,
S'il a perdu ses Bœufs, s'il est mangé des Ours,
Ceste noble maison est seule son secours,
Luy chasse loin de luy sa honte miserable,
Luy redonne ses bœufs, ses champs, & son estable,
Ou le fait d'estranger domestique Pasteur,
Luy oste de l'esprit la sombre pesanteur,
Le rend riche Et gaillard & luy apprend à dire
Par les hautes forests les chansons de Tityre.

Là fleurist la vertu l'honneur & la bonté,
La douceur y est iointe avec la gravité,
Le desir de louange & la peur d'infamie,
Et tout ce qui depend de toute prend hommie.

Là les peres vieillards en barbe Et cheueux gris
Conduisent leurs enfans pour y estre nourris,
Et pour mettre vne bride à leur ieunesse folle:
Car de toute vertu la Court est vne escolle.

Le te saluë heureuse & seconde maison
 Qui fleuris en tout temps sans perdre ta saison,
 Mere de tant de Rois, mere de tant de villes,
 D'hommes, havres & ports, & provinces fertiles.
 Le bon-heur te conduise, & iamaïs le discord
 Ne pousse tes Bergers au peril de la mort:
 Mais unis d'amitié puissent desur leur teste
 Des ennemis veincus r'apporter la conqueste,
 Et puissent en tous lieux se monstrier seruiteurs
 De leur Prince Carlin le maistre des Pasteurs:
 A fin que pour iamaïs nostre France ressemble
 Aux troupeaux bien unis qui se serrent ensemble.
 Tonsiours ta terre soit abondante en froment:
 La Nielle que l'air en Esté va formant,
 Ne ronge tes espies, & iamaïs la gelée
 N'enuoye à tes brebis ny tac ny clauelée:
 La famine & la peste aille bien loin de toy,
 Et bien-heureuse vy dessous un si bon Roy.

Le premier Pasteur voyageur.

L'ardeur qui la ieunesse eschaufe de louange,
 M'a fait errer long temps en mainte terre estrange,
 Pour voir si le merite egalait le renom
 Des Rois, dont j'ay cognu les faces & le nom.
 J'ay pratiqué leurs mœurs, leurs grâdeurs, leurs alteſſes,
 Leurs troupeaus infinis, leurs superbes richesses,
 Leurs peuples, leurs citez, & les diuerses loix
 Dont se sont obeir les Princes & les Rois.
 Je vy premierement le grand Pasteur d'Espagne,
 Assise à son costé j'apperceus sa compagne,
 Qui prend sa noble race & son estr e ancien

Des Vallois descendus du noble sang Troyen,
Fille de Henriot, sœur de Carlin, & fille
De Catin, le sourjon de si noble famille.

Je vy ce demy-Dieu en Espagne adoré;
Je le vy d'Orient tellement honoré,
Que pour riche present son Inde luy enuoye
Cent vaisseaux tous les ans chargez de iauue proye.

Je le vy crainr, aimé, reueré, redouté,
Plein d'une ame gaillarde & d'un cœur indonté,
Roy de tant de troupeaux que ie n'en sçay le conte:
Car un nombre si grand ma memoire surmonte.

Mais le plus grand plaisir dont ie repeu mon cœur,
Ce fut quand ie cognu que ce Prince veinqueur
Des hommes & de soy, aimoit tant nostre France,
Qu'il soustenoit Carlin appuy de son enfance,
Et qu'en lieu de surprendre ou de raur ses biens,
Bon frere luy gardoit ses suiets anciens,
Luy prestoit ses guerriers, le couuoit sous son aile,
Tant vaut une amitié quand elle est fraternelle.

Iamais pour ce bien-fait ne puisses-tu grand Roy
Sëntir se rebeller tes peuples contre toy,
Et iamais en ton liët ne puisse arriner noise,
Puisque tu es si bon à la terre François!

Passant d'autre costé j'allay voir les Anglois,
Region opposée au riuage Gaulois:
Je vy leur grande mer en vagues fluctuense,
Je vy leur belle Royne honnestte & vertueuse:
Autour de son Palais ie vy ces grands Adilords
Accorts beaux & courtois magnanimes & forts:
Je les vy tous aimer la France leur voisine:
Je les vy reuerer Carlin Et Katherine,
Ayant iuré la paix, & ietté bien-auant

La querelle ancienne aux vagues & au vent,
 Le vy des Escossois la Royne sage & belle,
 Qui de corps & d'esprit ressemble une immortelle:
 L'approchay de ses yeux, mais bien de deux Soleils,
 Deux Soleils de beauté qui n'ont point leurs pareils:
 Et les vy larmoyer d'une claire rosée,
 Le vy d'un beau crystal sa paupiere arrosée
 Se souuenant de France, & du Sceptre laissé,
 Et de son premier feu comme vn songe passé.

Qui voirroit en la mer ces deux Roynes fameuses,
 En beauté, traueser les vagues esumeuses,
 Certes on les diroit, à bien les regarder,
 Deux Venus qui vouldroyent en Cythere aborder.

Face bien tost le Ciel que leur ieunesse escluse,
 Comme une belle fleur, ne ressemble à la rose
 Qui fanist sur l'espine & languissante pend
 Sa teste, Et son parfum pour neant se respand,
 Perdant odeur, & teint, & grace printaniere,
 Pour n'estre point cueillie en sa saison premiere.

Quand une tendre vigne est pendante aux ormeaux,
 En force & en vigueur elle estend ses rameaux,
 Fait ombrage aux Pasteurs: mais si rien ne la serre,
 Sans force & sans vigueur elle languist à terre,
 Rampe desur la place, & d'un bras flestrissant
 En soy-mesme languist, le mespris du passant.

Soient doncques à deux Rois leurs ieuneses liées
 D'un amour eternal, afin que mariées,
 Roynes sans perdre temps enfantent d'autres Rois,
 Puis que leurs Maiestez aiment tant les François.

Le second Pasteur voyageur.

La mesme ardeur de gloire, & la bouillante enuie
De voir les estrangers, m'a fait voir l'Italie,
Tetre grasse & fertile, où Saturne habitoit
Quand le peuple innocent de glan se contentoit.

J'ay veu le grand Pasteur de tant. d'ames Chre-
stiennes.

J'ay veu dedans un lac les barbes anciennes.
De ces peres Bergers qui gouvernent sous eux
Par prudence Et vertu un peuple si heureux.

J'ay veu le grand Berger de la belle Florence,
Florence qui se dit de Catin la naissance.

J'ay veu le fleuve d'Arne Et le Mince cornu,
Qui est par le berceau de Tyre connu,

Où le Duc Mantouan ennemy de tout vice
Aux peuples ses suets administre Justice.

De là m'en retournant contremont j'allay voir
Le beau Palais d'Urbain, escolle de sçavoir.

Je vy des Ferrarois le Pasteur & le maistre,
Qui se vante d'avoir de Roger pris son estre:

Je vy sa forte ville & le Ban menaçant,
Qui va comme un Tureau par les champs mugissant:

Grands Pasteurs, grands Bergers, qui ont la foy iurée
Au grand Prince Carlin d'eternelle durée,

Qui aiment sa grandeur, & qui d'un cœur loyal
Redressent sa Couronne Et son Sceptre Royal.

De là m'en retournant je pris ma droite voye
Par les champs de Piedmont, par les monts de Saoye,
Où ie vy ce grand Duc qui n'a point de pareil
Sous la voûte du Ciel en armes ny conseil,

Animé d'une force & prompte & vigoureuse,
 Ayant pris des Saxons sa race genereuse,
 Et du Ciel son esprit, qui magnanime & haut
 A tousiours pour sujet un penser grand & haut.

A son dextre costé ie vy sa femme assise,
 Fleur & perle d'honneur, que nostre siecle prise,
 La tante de Carlin que la Grace a nourry,
 La fille de François, & la sœur de Henry,
 La mere des vertus, qui iustement merite
 D'estre ensemble une perle & une Marguerite.

Bien loin de sa maison soit malheur & meschef:
 Le doux miel sous ses pieds, la manne sur son chef
 Puisse tousiours couler, Et les lis & les roses
 Au plus froid de l'huyver soient pour elle decloses
 Aux buissons de Piedmont: & en lieu d'un Torré
 Le lait parla Saoye aille tousiours courant,
 Murmurant son renom, puis que tant elle estime
 Les chansons des Pasteurs, leurs flustes & leur rime.

L'autre Berger voyageur.

Que faites-vous ici, Bergers qui surmontez
 Les Roßignols d'Auril quand d'accord vous châtez?
 Que faites-vous ici? vous perdez ce me semble
 La parole & le temps à rioler ensemble:
 Ensemble partissez le prix victorieux,
 Estans également les chers mignons des Dieux.
 Apollon & Palés & Pan vous favorisent,
 Et tous vos bons patrons vous honorent & present:
 Doncques abandonnez vos frivoles discords,
 Et venez escouter les merueilleux accords
 De deux peres Bergers, qui deffont une roche

Vont dire une chanson dont Tityre n'approche.

Tous les Bergers des chäps y courët d'un gräd pas:
Tous les chëuriers des monts en descendent à bas;

Et les plus durs rochers abaissent les oreilles

Sur l'Antre pour ouyr de si douces merueilles.

Maintenant en cherchant mon Bellier escartë

J'ay veu les deux Bergers en l'Antre desertë,

Qui ont destä la fluste à la lëure pour dire

Je ne sçay quoy de grand qu'Apollon leur inspire.

Venez donc' les ouyr sans disputer en vain,

Ostex de voz flageols & la bouche & la main:

Vous estes tous unis d'amitié mutuelle,

Puis la paix entre vous vaut mieux que la querelle.

Le Chœur des Bergeres.



Ay songé sur la mi-nuit

Cestë nuit

Quand le doux sommeil nous lie,

Que mille Cygnes chantoient,

Qui sortoient

Du costé de l'Italie.

J'en ay veu d'autres apres

Plus espais

Venir de la part d'Espagne,

Et d'autres forts & puissans

Blanchissans

Du costé de l'Allemagne:

Puis en volant tout en rond

Sur le front

De Carlin luy faire feste,

Et doucement le flatant

En chantant nous a souvent sur un air
 Luy predire une conquête.
 J'ay veu presque en mesme temps
 Le Printemps
 Florir deux fois en l'année
 Dieu ces songes nous permet,
 Qui promet
 Quelque bonne destinée.

Le second ioueur de Lyre.

VN iour au mesme lieu où nous sommes icy,
 Deux Bergeres ayans de leur race soucy,
 Bergeres de renom, de famille excellente,
 L'une mère du Roy l'autre du Roy la tête,
 L'une venant de France & l'autre de Piemont,
 Se trouuans en cet Antre où ces deux Pasteurs sont,
 Apres auoir long temps discoursu de grans choses,
 Qui aux entendemens de tous hommes sont closes,
 Appellerent Carlin leur petit nourriçon,
 Et luy firent par ordre vne belle leçon.

Or d'autant que leurs mots cōtenoient la doctrine
 Qu'il faut qu'un ieune Roy retienne en sa poitrine,
 Portant dedans le cœur leur precepte imprimé,
 S'il veut estre des siens bien craint & bien aimé:
 Les Pasteurs d'ici pres, pour ne perdre la gloire
 De tels enseignemens si dignes de mémoire,
 Par un vœu solennel aux Dieux ont ordonné
 Qu'en ce mois tous les ans à iour determine
 Courrant l'Antre de fleurs & les prez de carolles,
 Deux Pasteurs rediroient mot à mot les parolles
 Qu'autrefois à Carlin ces Bergeres ont dit.

Et que la viue Echo par ces bon respandit:
 A fin que des Pasteurs la ieunesse nouvelle
 Apprenne tous les ans une leçon si belle.

Or ils vont commencer, s'il vous plaist les ouir,
 D'enseignemens si beaux vous pourrez resiouir,
 Et vous couchant au soir près du feu les redire
 A vos ieunes enfans à fin de les instruire:

» Car ny large moisson, ny troupeaux engraisser,
 » Ny bleds d'as les greniers l'un sur l'autre amasser
 » Ne valent le sçauoir de l'esprit l'heritage;
 » Par la seule leçon le Pasteur deuiant sage.

Le premier Pasteur.

Puis-que tu es, mon fils, de tant de Pasteurs maître,
 Que Dieu d'as ton herbage a mist tant de troupeaux,

Il ne faut seulement sçauoir les mener paistre,
 Sçauoir les engraisser, sçauoir tondre leurs peaux.

Le second Pasteur.

Ce n'est rien de guider mille bœufs en pasture,
 Il faut les conseruer Et en auoir souc i,
 Il faut de ton bestail cognoistre la nature,
 Corriger tes Bergers, te corriger aussi.

Quand les petits Bergers font aux champs une
 faute,

» Petite elle ne tire un repentir apres:
 » Mais des maistres pasteurs elle deuiant si haute,
 » Qu'elle passe en grandeur les plus hautes forests.

II.

Et pource, mon Nepueu, il faut dès ta ieunesse
Apprendre la vertu, pour guide la suivant:

„ C'est un ferme tresor qui les hommes ne laisse,
„ Les autres biens môdains s'en-volent côme vent:

I.

(chose:

Pour viure bien-houreuze, crain Dieu sur toute
Seul il faut l'adorer & au cœur l'imprimer,
Et le prier au soir quand le Soleil repose,
Et dès l'Aube du iour quand il sort de la mer.

II.

„ Le seul commencement & la fin de science,
„ Est craindre le Seigneur, & maintenir la foy
Des peuples espandus sous ton obeïssance,
Qui sont enfans de Dieu aussi bien comme toy.

I.

Sois paré de vertu, non de pompe Royale:
„ La seule vertu peut les grans Roys decorer.
„ Sois Prince liberal: toute ame liberale
„ Attire à foy le Peuple, & se fait honorer.

II.

Porte desur le front la honte de mal-faire,
Aux yeux la grauité, & la clemence au cœur,
La Iustice en la main, & de ton aduersaire,
Fust-il moindre que toy, ne sois ia mais moqueur.

I.

Rens le droit à chacun, c'est la vertu premiere
Qu'un Roy doit obseruer: sois courageux & fort:
„ La force du courage est la viue lumiere
„ Qui nous fait mespriser nous-mesmes & la mort.

II.

Ne sois point arrogant, vanteur ne temeraire,

*Iureur, opiniastre, Et/ superbe à la main,
 „ Mutin, chagrin, despit: le Prince debonnaire
 „ Doit estre gracieux amiable Et/ humain.*

I.

*Mesprise la richesse, Et/ toutesfois desire
 Comme Roy valeureux d'augmenter ton bon-heur,
 Et par armes un iour agrandis ton Empire
 Moins pour auoir du bien que pour auoir honneur.*

II.

*Sois ferme en ta parole, & de vaine promesse
 N'abuse tes subiets, Et/ aux trompeurs ne croy:
 Celuy qui par le nez comme un Busle se laisse
 Mener par les flatteurs, n'est digne d'estre Roy.*

I.

*Sois tardif à courroux, Et/ point ne te conseille
 Par ieunes esuentex qui rauissent le tien:
 Mais honore les vieux & leur preste l'oreille,
 Et seul de ton cerueau n'entreprens iamais rien.*

II.

*Sois constant & hardi aux fortunes pressées,
 Magnanime au peril, prompt d'esprit & de main:
 Et iugeant l'auenir par les choses passées
 L'ouys du temps present, n'attens le lendemain.*

I.

*Chasse l'Oisueté la mere de tout vice,
 Et grand Seigneur appren les mestiers d'un soldart:
 Sauter, luter, courir, est honneste exercice,
 Bien manier cheuaux & bien lancer le dart.*

II.

*Exerce ton esprit aux choses d'importance,
 Aux affaires qui sont de ton priué Conseil,
 „ L'esprit en est plus sain: l'oyseuse négligence*

„ Sille les yeux des Rois d'un vicioux sommeil.

I.

Tu dois cognoistre ceux qui te font du service,
Les aymer les cherir pour leur fidelité:
Et à fin qu'après toy honorer on les puisse,
Hausse-les aux honneurs comme ils ont mérité.

II.

Par flatteurs, par menteurs & par femmes ne dōne
Ny presens ny estats, malheur s'en est suivi:
Que la seule vertu seulement on guerdonne:
Si tu le fais ainsi, tu seras bien servi.

I.

Nè renuerse iamaïs l'ancienne police
Du pays où les loix ont fleuri si long temps:
Cen'est que nouveauté qui conue une malice:
Si un s'en resjouist, mille en sont mal-contens.

II.

Iamaïs, si tu m'en crois, ne souffre par la teste
De ton peuple ordonner tes statuts ny tes loix:
„ Le peuple variable est une estrange beste,
„ Qui de son naturel est ennemi des Rois.

I.

N'offense la commun pour ayder à toy-mesme,
Des grans & des petits sois tousiours le support:
„ La propre conscience est une genne extrême,
„ Quand nous auons peché, qui tousiours nous remorde.

II.

Et bref, mon cher Nepueu, pour regner prens
exemple

Aux Rois tes deuanciers, Princes cheualeux:
Si leurs faits pour patron ta ieu nesse contemple,
Tu seras non pas Roy, mais un Dieu bien-heureux.

Le Chœur des Bergeres.

*Tout ainsi qu'une prairie
Est portraite de cent fleurs,
Ceste neuue Bergerie
Est peinte de cent couleurs.*

*Le Poëte icy ne garde
L'art de l'Eclogue parfait:
Aussi la Muse regarde
A traiter un autre fa.t.*

*Pource Enuie si tu pinces
Son nom de brocars legers,
Tu faux: car ce sont grans Princes
Qui parlent, Et non Bergers.*

*Il mesprise le vulgaire,
Et ne veut point d'autre loy
Pour ceste fois, sinon plaire
Aux grands Princes Et au Roy.*





ECLOGVE II.

LES PASTEURS.

Aluyot & Fresnet:

PAisſez douces brebis, paiſſez ceſte
herbe tendre,
Ne pardonnez aux fleurs: vous n'en
ſçauriez tant prendre
Par l'eſpace d'un iour, que la nuit
enſuyuant

Humide n'en produiſe autant qu'au-parauant.

De là vous deuiendrez plus graſſes & plus belles,
L'abondance de laiſt enflera vos mammelles,
Et ſuffirez aſſez pour nourrir vos aigneaux,
Et pour faire en tout temps des fromages nouueaux.
Et toy mon chien Harpaut, ſeure & fidelc garde
De mon troupeau camus, leue l'œil & pren garde
Que ie ne ſois pillé par les loups d'alentour,
Ce-pendant qu'en ce bois ie me plaindray d'Amour.

Or-ſus mon Aluyot, allon ie te ſupplie
Soulager en chantant le ſoin qui nous ennuye,
Allon chercher le frais de cet Antre mouſſu,
Creuſé dedans le flanc de ce tertre boſſu:
Et là nous ſouuenans de nos cheres amies,
Qui ſont de nos langueurs doucement ennemies,
Tous deux en deuſant par ordre nous dirons
Nos plaintes aux rochers qui ſont aux enuirs,
A ſin que quelque vent rapporte à leurs oreilles

Les soucis que nous font leurs beautex nampareilles.

Nous sommes arrivez dedans l'Antre sacré:
 Je m'en vay le premier (ainsi te vient à gré)
 Te chanter ma complainte: ayant ouy la mienne,
 Secondant ma douleur tu me diras la tienne.

Fresnet.

Ma belle Marion, dont le cher souvenir
 Me fait comme Niobe en rocher devenir,
 Pour l'absence de toy ie hay ma propre vie,
 Qui desdaignant mon cœur malgré moy t'a suivie,
 Pour loger en tes yeux qui ores de si loin
 Me remplissent le cœur de tristesse & de soin.

Rien ne m'est agreable apres si longue absence,
 L'espere sans espoir: la peur & l'esperance
 Combatent ma raison, mais l'amoureuse peur
 Assaut ma patience & veinc tousiours mon cœur.

Rien ne me resiouist: soit que la ieune Aurore
 De roses & d'œillets l'Orient recoïore,
 Soit que le Soleil pousse en la mer ses chevaux,
 Il void mes yeux en pleurs & mon cœur en travaux.

Quand le soir est venu ie conte ma fortune
 Maintenant aux forests maintenant à la Lune:
 Ferre de bois en bois, car en lieu de dormir
 Impatient d'Amour ie ne fais que gemir:
 Si ie dors de fortune, & si celuy qu'on nomme
 Le frere de la Mort, me deçoit par le somme,
 Cent fantosmes diuers s'apparoissent à moy,
 Qui me font en dormant trembler le cœur d'effroy:
 Ie rauasse en esprit, ie bâille, ie m'allonge:
 Tontost ton beau portrait qui me reuiet en songe,
 Me suit, me suit, me tient, & en le poursuivant
 En lieu de l'embrasser ie ne pren que du vent.

C'est grand cas que d'aimer! une amoureuse playe
 Ne se guarist iamais pour chose qu'on essaye:
 Plus on la veut guarir, Et plus le souuenir
 La fait tousiours plus viue en nos cœurs reuenir.

I'ay beau me promener au trauers d'un bocage,
 I'ay beau paistre mes bœufs le lóg d'un beau riuage,
 I'ay beau voir le Printemps ames des arbrisseaux,
 Ouyr les Rustignols, gazouiller les ruisseaux,
 Et voir entre les fleurs par les herbes menues
 Sauter les aignelets sous leurs meres cornuës,
 Voir les boucs se choquer, & tout le long du iour
 Voir les beliers ialoux se battre pour l'amour.

Ce plaisir toutefois non-plus ne me contente
 Que si du froid Hyuer la sifflante tourmente
 Auoit terni les champs, & en mille façons
 Rué dessus les fleurs la neige Et les glaçons,
 Et que le saint troupeau de cét Nymphes cōpaignes
 Ne vissent plus de nuët danser en nos montaignes.

Bien que mô parc foisonne en vaches & toreaux,
 Et que sous ma faueur viuent cent pastoureux
 Qui scauent tous iouër des douces Cornemuses,
 Les mignons d'Apollon, de Mercure Et des Muses:
 Bien que mô doux Flageol sur tous le mieux appris,
 Quand il me plaist chanter, seul emporte le prix:
 Bien qu'en nulle saison le doux lait ne me faille,
 L'une part deuiant cresse & l'autre part se caille,
 L'autre deuiant fromage, vn mol, l'autre seiché.
 Le mol est pour manger, le séc pour le marché:

Et bié que mes brebis ne soyent iamais brehaignes,
 Bien que mille troupeaux bestent par mes cāpaignes,
 Je voudrois n'auoir rien, Marion, sinon toy
 Que ie voudrois pour femme en mô Antre-chez moy,

Et parmi les foreſts loin d'honneur Et d'ennuie,
Vſer en te baiſant le reſte de ma vie.

L'orage eſt dangereux aux herbes & aux fleurs,
La froideur de l'Autônn aux raiſins qui ſont meurs,
Les vêts aux bleds de May: mais l'abſence amoureu-
A l'amant qui eſpere eſt touſiours dangereuſe. (ſe

L'ay pour ma ſon un Antre en un rocher ouuert,
De Lambrunche ſauuâge & d'Hierre couuert,
Qui deçà qui delà leurs grans branches eſpandent,
Et droit ſur le milieu de la porte les pendent.

Vn Meſtier noüailleux ombrage le portail,
Où ſans-crainte du chaud remaſche mon beſtail:
Du pié naiſt un ruiſſeau dont le bruit delectable
S'enrouë entre- caſſé des cailloux Et du ſable,
Puis au trauers d'un pré ſerpentant de maint tour,
Arrouſe doucement le lieu de mon ſejour.

De là tu pourras voir Paris la grande ville,
Où de mes paſtoureaux la brigade gentille
Porte vendre au marché ce dont ie n'ay beſoing,
Et touſiours argent frais leur ſonne dans le poing.

Là ſ'il te plaïſt venir tu ſeras la maiſtreſſe,
Tu me ſeras mon tout ma Nymphe Et ma Déeſſe:
Nous viurons & mourrôs enſemble, & tous les iours
Vieilliſſans nous verrons raieunir nos amours:

Tous deux nous eſtendrons deſſous un meſme om-
brage,

Tous deux nous menerons nos bœufs en paſtarage
Dès la poincte du iour, les remenant au ſoir

Quand le Soleil tombant en l'eau ſe laiſſe choir:
Tous deux les menerons quand le Soleil ſe couche,
Et quand de bon matin il ſort hors de ſa couche:

A toute heure en tous lieux enſemble nous irons,
Et deſſous meſme loge enſemble dormirons.

Puis au plus chaud du iour estās couchez à l'ombre,
 Apres auoir conté de nos troupeaux le nombre,
 Pour chasser le sommeil ie d'ray des chansons
 Que pour toy ie compose en diuerses façons.

Alors toy doucement sur mes genoux assise,
 Maintenant tu ferois d'une douce feintise
 Semblant de sommeiller, maintenant tu ferois
 Semblant de t'esueiller, puis tu me baiserois,
 Et presserois mon col de tes bras en la sorte
 Qu'un orme est enlacé d'une vigne bien forte:
 Maintenant tu romprois mon chant de ton baiser,
 Maintenant tu voudrois ton ardeur appaiser
 En m'ostant le flageol hors de la léure mienne,
 Pour y mettre en son lieu le coural de la tienne:
 Puis me rehauserois, Et me voulant flater
 Tu voudrois quelquefois auecque moy chanter:
 Quelquefois toute seule, & comme languissante
 Ie te verrois mourir en mes bras pallissante,
 Puis te ressusciter, puis me faire mourir,
 Puis d'un petit sou-ris me venir secourir,
 Puis en mille façons de tes léures vermeilles
 Me re-sucer les yeux, la bouche, & les oreilles,
 Et coup sur coup ietter des pommes sur mon sein,
 Que i'aurois Et d'œillets & de roses tout plein,
 Pour reietter au tien qui maintenant pommelle
 Comme fait au Printemps une pomme nouuelle:
 Sein où logeoit Amour, qui le trait me tira
 Au cœur, qui autre nom depuis ne souspira
 Que le tien Marion: t'esmoin en est ce Chesne,
 Où ces vers l'autre iour i'engrainay d'une alefne:

Les ondes refuiront contremont, les ruis-
 seaux

Sans

Sâs fucilles au Printêps serôt les arbrisseaux,
Ven⁹ sera sans torche, & Amour sans sagette,
Quâd le Pasteur Fresnet oubli'ra Mariette.

*Sus troupeau d'eslogeon, j'ay d'esclisse & d'osier,
Acheuant ma chanson, acheué mon panier.*

*Voici la nuict qui vient, il me faut mener boire
Mon grand bouc escorné qui a la barbe noire.*

*Or adieu Marion ma chanson & le iour:
Le iour me laisse bien, mais non pas ton amour.*

*Ainsi disoit Fresnet: Aluyot au contraire
Pour l'amour de sa Dame vne chanson va faire.*

Aluyot.

*Ma Ianette mon cœur, dont ie n'ose approcher,
Tant les yeux sont ardans, plus polie à toucher
Que la plume d'un Cygne, & plus fresche & plus
belle*

*Que n'est au mois d'Auril vne rose nouvelle:
Plus douce que le miel plus blanche que le lait,
Plus vermeille en couleur que le teint d'un œillet:*

*Voici (il m'en souuient) le mois & la iournée
(O douce souuenance heureuse & fortunée!)*

*Où premier ie te vey peigner tes beaux cheveux,
Ainçois filets dorez, mes liens, & mes nœuds.*

*Ie vy de sa main propre Amour les mettre en ordre,
Et filet à filet en deux tresses les tordre:*

*J'en coupay les plus blonds & les plus crespellets:
Les tournant en cordons j'en fy des brasselets*

*Que ie porte à mes bras, signe que tu tiens prise
En tes crespes cheveux mon cœur & ma franchise:*

*Ie les garde bien cher, car en nulle saison
Ie ne veux eschapper de si belle prison.*

Mainte fille en voyant ma face ieune & tendre,

Où la barbe commence encores à s'estendre,
 M'a choisi pour amy : hier mesme Margot
 Qui fait sauter ses bœufs au son du harigot,
 Tu la cognois, lanette, enuoya laqueline
 Vers moy, pour me donner de sa part un beau Cygne,
 Et me dist, Ceste là qui te donne ceci,
 Auecque son present à toy se donne aussi:
 Pren son present & elle, assez elle merite,
 Ayant les yeux si beaux, d'estre ta favorite.

Mais ie la refusay : car plutoſt que d'aimer
 Autre que toy mon cœur, douce sera la mer,
 Le doux miel coulera de l'escorce d'un Frefne,
 Et les roses croistront sur les branches d'un Chesne,
 Les buissons porteront les œillets rougiffans,
 Et les haliers ronceux les beaux lis blanchiffans.

D'autant que du Printemps la plaisante verdure,
 Est plus douce aux troupeaux que la triste froidure,
 D'autant qu'un arbre anté rend un iardin plus beau
 Que le tige espineux d'un rude sauuageau,
 D'autant qu'un Oliuier surpasse en la campagne
 D'un saule pallissant la perruque brehagne,
 Et d'autant qu'au matin la belle Aube qui luit,
 Surmonte de clarté les ombres de la nuit:
 D'autant ma laneton, desur toute pucelle
 Tu sembles à mes yeux plus gentille & plus belle:
 Ces Houx m'en sont tesmoins, & ces Pins que tu vois
 Surmonter en hauteur la cyme de ces bois,
 Où m'esbatant un iour i'engrauay sur l'escorce
 D'un Chesne nou ridé, cest Epigramme à force.

Quand Aluyot viura sans aimer laneton,
 Le Bouc se vestira de lapeau d'un Mouton,
 Et le Mouton prendra la robbe d'une Chèvre.

Et aura cōme vn Bouc barbe deſſous la léure.

I'ay l'ame toute eſmeuë Et/ le cœur tout rai,
 Quand ie penſe en ce iour où premier ie te vy
 Porter vn beau panier (ainſi qu'une bergere)
 Allant cueillir des fleurs au iardin de ma mere:
 Si toſt que ie te vy ſi toſt ie fu deſeu,
 Ie me perdi moy-meſme, & depuis ie n'ay ſçeu
 Soulager ma douleur : tant l'amoureuſe flame
 Deſcendant iuſqu'au cœur m'auoit embrasé l'ame.
 Tu auois tes cheueux ſans ordre deſliez,
 Frixez creſpez retors primes Et/ deliez
 Comme filets de ſoye: & de houpes garnie
 Te pendoit aux talons ta belle ſouquenie.

Ta ſœur alloit apres, i'allois apres auſſi:
 Et comme ie voulois te conter mon ſouci,
 Las ! ie m'eſuanouy, & l'amoureux martyr
 Qui me preſſoit le cœur ne me laiſſa rien dire.

A la fin reuenu de telle paſmaïſon,
 Le bouillant appetit ſurmonta la raiſon,
 Ie te contay mon mal : mais toy ſans eſtre atteinte
 De ma triſte douleur te moquas de ma plainte.

Or comme tu cueillois vne fleur de ta main
 Par feintife, vn bouquet te tomba de ton ſein
 (Où mainte fleur eſtoit l'une à l'autre arrengeée)
 Lié de tes cheueux Et/ de ſoye orengée:
 Ie l'amaffe & l'attache au bord de mon chapeau,
 Et bien qu'il ſoit fany, touſiours me ſemble beau,
 Comme ayant la couleur de ma face bleſmie,
 Qui maugré mon Printemps ſe fleſt triſt pour m'amie.

Ainſi que ie pleurois pour mon mal appaiſer,
 Tu ſantes à mon col me donnant vn baiſer:
 Ha ie meurs quand i'y penſe ! & de ta bouche pleine



De roses, me versas en l'ame ton haleine.
 Ce doux baiser passa (dont i'ay vescu depuis)
 Soudain de nerfs en nerfs, de conduis en conduis,
 De veine en veine après de mouelle en mouelle,
 M'allumant tout le sang d'une chaleur nouvelle.
 Si bien qu'en toutes pars, en toute place Et lieue
 J'ay tousiours ton baiser au deuant de mes yeux:
 I'en sens tousiours l'haleine, & depuis ma Musette
 N'a peu chanter sinon le baiser de l'anette.

Doux est du Rossignol la rustique chanson,
 Et celle du Linot & celle du Pinçon:
 Doux est d'un clair ruisseau le sautellant murmure,
 Bien doux est le sommeil sur la ieune verdure:
 Mais plus douce est ma flute & les vers que de toy
 Je chante deffous l'ombre assise auprès de moy.

J'oy tousiours dans mon Antre une belle fontaine,
 De roses est mon liét, ma place est toute pleine.
 De toisous de brebu, que le vent fit broncher
 L'autre iour contre bas du feste d'un rocher.

De l'ardeur du Soleil autant ie me soucie,
 Qu'un amant enchanté des beautex de s'amie
 Se soucie d'ouyr son pere le tanser:
 Car Amour ne le fait qu'en sa Dame penser.

Autant qu'on peut songer en dormant de richesses,
 Autant j'ay de troupeaux: sur leurs toisons espesses
 En hyuer ie m'endors sans me donner esmoy
 Du froid: car la froideur ne vient pas iusqu'à moy.

Mais ce pendant qu'en vain ie chante ma l'anette,
 Vesper reluit au Ciel d'une clarté brünette;
 Le temps coule si tost que ie ne le sens point,
 Le Soleil est couché: mais l'ardeur qui me peingt,
 Ne se couche iamais, & iamais ne s'alenre

(Donnant tréne à mon cœur) tant elle est violente.

Remede contre Amour ie ne scaurois trouuer,
Voire eussé-ie auallé tous les torrens d'Hyuer,
Et ben tous les glaçons des montaignes Rifées,
Tant i'ay de sa chaleur les veines eschanfées.
Ie ne puis qu'en chantant ma douleur contenter:
Par la langue mon cœur peut son mal enchanter.

La Cigale se plaist du chant de la Cigale,
Et Pasteur i'aime bien la chanson pastorale:
L'aigneau suit l'herbe courte, Et le doux Chéurefueil.
Est suini de la Chéure, Et le bois du Chéureil:
Chacun suit son desir, & i'aime ma Musette
Pour y chanter dessus les amours de Ianette.

Or adieu Ianeton, le iour, & ma chanson:
D'un ruisseau murmurant si plaisant n'est le son,
Le sommeil n'est si doux ny les tendres fleurettes
Du Printemps ne sont point si douces aux Auettes,
Que les vers me font doux, voire autant que tes yeux
Qui font tousiours Amour de moy victorieux.

C ij





ECLOGVE III.

OV

CHANT PASTORAL

SVR LES NOPCES DE

Monseigneur Charles Duc de

Lorraine, & Madame Clau-

de, fille deuxiesme

du Roy Henry

II.

LES PASTEURS.

Bellot, Perrot, & Michau.



*V*N Pasteur Angevin, & l'autre Vandomois,

Bien cognus des rochers, des fleuves, & des bois,

Tous deux d'âge pareils, d'habit, & de houlette:

L'un bon ioïeur de flute, & l'autre de musette,

L'un gardeur de brebis, & l'autre de chéureaux,
S'escarterent vn iour d'entre les Pastoureaux.

Tandis que leur bestail païssoit parmi la plaine
Tout aupres de Meudon, au rinage de Seine,
Laisserent leurs maslins pour abboyer les loups,
Bien armex de colliers tous herissez de cloux:
Puis grimpanz sur le dos d'une colline droite
An trauers d'une vigne, en une sente estroite,

Gaignerent pas à pas la Grotte de Mendon,
 La Grotte que Charlot (Charlot de qui le nom
 Est saint par les forests) a fait creuser si belle
 Pour estre des neuf Sœurs la demeure eternelle:
 Sœurs qui en sa faueur ont mesprisé les eaux
 D'Eurote, & de Permesse, Et les tertres inmeaux
 Du cheuelu Parnasse, où la fameuse source
 Prist du Cheual volant & le nom & la course,
 Pour venir habiter son bel Antre esmaillé
 Vne loge voûtée en vn roc entaillé.

Si tost que ces Pasteurs du milieu de la rotte
 Apperceurent le front de la diuine Grotte,
 S'enclinerent à terre, & craintifs honoroient
 De bien loin le repaire où les Sœurs demeuroident.

Après l'oraison faite, arriuent à l'entrée
 (Nuds de teste Et de pieds) de la Grotte sacrée;
 Car ils auoient tous deux & sabots & chapeaux,
 Reuerans le saint lieu, pendus à des rameaux.

Eux deuots arriuez au deuant de la porte
 Saluerent Pallas qui la Gorgonne porte,
 Et le petit Bacchus qui dans ses doigts marbrins
 Tient vn pampre chargé de grappes de raisins:
 Se lauent par trois fois de l'eau de la fontaine,
 Se serrent par trois fois de trois plis de veruene,
 Trois fois entourent l'Antre. Et d'une basse vois
 Appellent de Mendon les Nymphes par trois fois,
 Les Faunes, les Syluains, & tous les Dieux saunages
 Des prochaines forests, des monts, & des bocages:
 Puis prenans hardiesse ils entrerent dedans
 Le saint horreur de l'Antre, Et comme tous ardans
 De trop de Deité, sentirent leur pensée
 De nouvelle fureur brusquement insensée.

Ils furent esbahis de voir le partiment
 En un lieu si desert d'un si beau bastiment:
 Le plan, le frontispice, Et les piliers rustiques,
 Qui effacent l'honneur des colonnes antiques:
 De voir que l'artifice auoit portraict les murs
 De diuers Coquillage en des rochers si durs:
 De voir les cabinets, les chambres, & les salles,
 Les terrasses, festons, guillichis, Et ouales,
 Et l'esmail bigarré, qui ressemble aux couleurs
 Des prez quand la saison les diapre de fleurs:
 Ou comme l'Arc-en-ciel qui peint à sa venue
 De cent mille couleurs le dessus de la nuë.

Lors Bellot Et Perrot (de tels noms s'appelloient
 Les Pasteurs qui par l'Antre en reuerence alloient)
 Ne se peurent garder de rompre le silence,
 Et le premier des deux Bellot ainsi commence.

Bellot.

Printemps, naissez, croissez, & de mille façons
 Couvrez les ieunes prez de fleureuses moissons,
 Afin qu'en les cueillant Et tirant ie saçonne
 Pour le front de Charlot vne belle couronne.

Pasteurs puis que Charlot nous daigne regarder,
 Comme nous sçulions faire il ne faut plus garder
 Pour la crainte des loups nos brebis camusettes.
 Qui sans crainte paistront au bruit de nos musettes.
 Car eux & nos aigneaux ensemble coucheront,
 Nos toreaux leur viande à l'ombre mascheront
 Deux fois en escoutant les chansons de Tityre:
 Et nous autres bergers ne feront plus que rire,
 Que ioïer, que fluter, que chanter, que dancier
 Comme si l'âge d'or vouloit recommencer
 A regner dessus luy comme il regnoit à l'heure.

Que Saturne faisoit en terre sa demeure.
 Nous ferons de gazon son autel comme à Pan,
 Nous chommerons sa feste, & au retour de l'an
 Tout ainsi qu'à Palés ou à Cérés la grande,
 Trois vaisseaux pleins de lait verserons pour offrande,
 Innoquerons son nom : & boiuant à l'entour
 De l'autel nous ferons vn banquet tout le iour,
 Où Ianot Limosin pendra sa chalemie
 A tous Bergers venans pour l'amour de s'amie:
 Car c'est vn Demi dieu à qui plaisent nos sons,
 Qui fait cas des Pasteurs, qui aime leurs chansons,
 Qui garde leurs brebis de chaud & de froidure,
 Et en toutes saisons les fournist de pasture.

Quelque part que tu sois Charlot, pour ta vertu
 En tes lénres tousiours saouurer puisses-tu
 Le doux sucre & la mäne, & manger tout ensemble
 Le miel qui en douceur à tes propos ressemble:
 Et tousiours quelque part que tu voudrois aller
 Puissent dessous tes pieds les fontaines couler
 De vin & de Nectar, & loin de ton herbage
 Le Ciel puisse ruer sa foudre & son orage:
 Les cornes de tes bœufs se puissent iaunir d'or
 D'or le poil de tes boucs, & la toison encor
 De tes brebis soit d'or, & les peaux qui herissent
 De tes chéures le dos, de fin or se iaunissent.
 Pan le Dieu chéure-pied des pasteurs gouuerneur,
 Augmente ta maison, tes biens, & ton honneur:
 Tousiours puisse d'aigineaux peupler ta bergerie,
 De ruisseaux argentins arroser ta prairie,
 Et tousiours d'herbe espaisse emplir tes gras herbis,
 De toreaux ton estable & ton parc de brebis,
 Puis que tu es si bon, & que tu daignes prendre

*Quelque soin des Pasteurs & leurs flutes entendre,
A-tant se tent Bellot, & à peine auoit dit,
Qu'en pareille chanson Perrot luy respondit.*

Perrot.

*Nymphes filles des eaux, des neuf Muses compagnes,
Qui habitez les bois, les monts, & les campagnes,
Permettez moy chanter vostre Antre de Meudon;
Que des mains de Charlot vous receastes en don.
Comme Amphion tira les gros cartiers de pierre
Pour emmurer sa ville au son de sa guitterre:
Ainsi ce beau seieur Charlot vous a construit
De rochers qui suuoient de sa voix le doux bruit.*

Ceux qui viendront Charlot, ou boire en ta fontaine,

*Ou s'endormir aux bords, se voirront l'ame pleine
De sainte Poësie, Et leurs vers quelquefois
Pourront bien resjouyr les oreilles des Rois.*

*Ici comme iadis en ces vieux tabernacles
De Delphe Et de Delos, se rendront les oracles:
Et à ceux qui voudront à la Grotte venir,
Phebus les instruira des choses à venir.*

*Charlot ie te suppli ne rougis point de honte
De nous simples Bergers faire un petit de conte:
Apollon fut Berger, & ie Troyen Paris:
Et le ieune amoureux de Venus Adonis,
Ainsi que toy portoit au flanc la panetiere,
Et par les bois sonna l'amour d'une Bergere:
Mais nul des Pastoureaux en l'antique saison
Comme toy n'a basti des Muses la maison.*

*Tonfours tout à l'entour la cresppe mouffe y naisse,
Le Thym, le Poliot, la Marjolaine espeffe:
Le Lierre Bacchiq replié de maint tour*

Puisse au hault de son front grimper tout à l'entour,
 Et la lambrunche errante ensemble entortillée,
 Laisse courir ses bras sur la Grotte esmaillée:
 L'aulette en lieu du ruche agence dans les trous
 Des rustiques piliers sa cire Et son miel roux,
 Et le freslon armé qui les raisins moissonne,
 De son bruit enroïé par l'Antre ne bourdonne:
 Mais bien les Gresillons qui de leurs cris trenchans
 Salu'ront les Pasteurs à leur retour des champs.
 Mainte gentille Nymphe Et mainte belle Fée,
 L'une aux cheueux pliez, Et l'autre descoiffée,
 Auecque les Syluains y puisse toute nuit
 Fouler l'herbe des pieds au son de l'eau qui bruit.

Tousiours ceste maison puisse auoir arrosée
 Le pied d'une fontaine, & le chef de rosée:
 Tousiours soit aux Pasteurs son taillis ombrageux,
 Sans crainte de la foudre, ou du fer outrageux:
 Et iamais au sommet quand la nuict est obscure,
 Les Choïans annonceurs de mauuaise aduenture
 Ne s'y viennent percher, mais les Rosignolets
 Voilans chanter plus haut que tous nos flageolets,
 Y desgoï sent tousiours par la verte ramée
 Du bon Pasteur Charlot la belle renommée,
 Afin que to' les vents l'emportent iusqu'aux Cieux,
 Et du Ciel puisse aller aux oreilles des Dieux.

Ainsi finist Perrot, & l'un & l'autre ensemble,
 (A qui tout le pied droit par bon augure tremble)
 Sortent hors de la Grotte, & à fin de pouuoir
 Mieux chanter à loisir, s'en-allèrent assoir
 L'un dessus un billot, l'autre sus une souche:
 Et lors de tels propos Bellot ouurit sa bouche.

• Bellot.

Perrot, tous les Pasteurs ne te font que louer,
 Te vantent le premier, soit que vueilles iouer
 Du Cistre ou du Rebec, Et la Musette tiennne,
 Tant ils sont abusés, comparent à la mienne:
 Je voulois dès long temps seul à seul te trouver
 Loin de nos compagnons à fin de t'esprouuer,
 Pour maistre te monstrier qu'autant ie te surpasse
 Qu'une haute montagne une colline basse.

Perrot.

Mon Bellot, il est vray que les Pasteurs d'ici
 M'estiment bon Poëte, & ie le suis aussi:
 Mais non tel qu'est Michau, ou Lancelot qui sonne
 Si bien de la Musette aux rines de Garonne,
 Et mon chant au prix d'eux est pareil au Pinçon,
 Qui vent du Rossignol imiter la chanson.
 Toutefois mon Bellot, ie ne te veux desdire:
 Si tu es bon Thyrsis, ie seray bon Tityre.
 Commence, ie n'ay point le courage failli:
 L'assailleur bien souuent vaut moins que l'assailli.
 Il faut pour le vainqueur que nous mettiôs vn gage:
 Quant à moy, pour le prix ie depose une cage
 Que ie fis l'autre iour voyant paistre mes bœufs,
 Deuisant à Thoinet qui s'egale à nous deux:
 Les barreaux sont de Til, & la perchette blanche
 Qui traaverse la cage est d'une Coudre franche:
 De pelures de Ionc i'ay tissû tout le bas:
 A l'un des quatre coings la coque d'un Limas
 Pend d'un crin de cheual, voire de telle sorte
 Qu'on diroit à la voir qu'elle mesme se porte.
 I'ay creusé d'un Sureau l'auge bien proprement,
 Et les quatre pilliers du petit bastiment

Sont d'une grosse ronce en quatre parts fendue:
 Et le cordon tressé duquel elle est pendue,
 Belin me l'a donné houpé tout à l'entour
 Des couleurs qu'il gaigna de Caton l'autre iour.

I'ay dedans prisonniere vne ieune Aloüette,
 Qui desgoise si bien, qu'hier ma Cassandrette
 Que i'aime plus que moy, m'en offrit un veau gras.
 Au front desia cornu, voire Et si ne l'eut pas:
 Tontefois tu l'auras si tu as la victoire:
 Mais plustost que l'auoir, la nege sera noire.

Bellot.

Pour la cage & l'oiseau ie veux mettre vn panier
 D'artifice enlacé de vergettes d'oxier,
 Large & rond par le hault, qui tousiours diminue
 En tirant vers le bas d'une poincte menüe:
 L'anse est faite d'un hons qu'à force i'ay courbé:
 En voulant l'atenuir le doigt ie me coupé
 Auecque ma serpette: encores de la playe
 Ie me deuls, quand du doigt mon flageollet i'essayo.
 Tout ce gentil panier est portrait par-dessus
 De Mercure Et d'Io, Et des cent yeux d'Argus.
 Io est peinte en vache, & Argus en vacher:
 Mercure fait le guet qui du haut d'un rocher
 Roule le corps d'Argus, apres auoir coupée,
 Son col du fer courbé desja trenchante espée:
 Vne Nymphe est aupres en simple corset blanc,
 Qui tremble de frayeur de voir iaillir le sang.
 Il me sert à serrer des fraixes & des roses,
 Il me sert à porter au marché toutes choses:
 Mon Oline, mon cœur, desire de le voir,
 Elle me veut donner son mastin pour l'auoir,
 Et si ne l'aura pas: ie te le mets en gage,

C vñ

J'en refuse trois fois la vente de ta cage.
 Mais qui nous iugera ? qui en prendra le soin ?
 Vois-tu ce bon vieillard qui vient à nous de loint ?
 A luy voir au menton la barbe venerable,
 Le chef demi-couvert d'un poil gris honorable,
 La houlette en la main d'un noûailleux cormier,
 Le hauqueton d'un Daim, c'est Michau le premier
 Des Pasteurs en sçauoir, auquel font reuerence
 Quand il vient en nos parcs, tous les Bergers de Frâce.
 Perrot.

Je le cognois, Bellot, ie l'ay ouy chanter :
 Autant comme tu fais, ie l'ose bien vanter.
 Car il a bien souuent daigné prendre la peine
 De louer mes chansons à Charlot de Lorraine.
 Michau.

Que dites-vous, garçons des Muses le souci ?
 Ici le bois est verd, l'herbe fleuri st ici,
 Ici les petits monts les campagnes emmurent,
 Ici de toutes parts les ruisselets murmurent :
 Ne soyex point oisifs, Enfans, chantez tousiours,
 Mais comme auparauant ne chantez plus d'amours.
 Eleuez vos esprits aux choses bien plus belles,
 Qui puissent apres vous demeurer immortelles.

N'auex-vous entendu comme Pan le grand Dieu,
 Le grand Dieu qui preside aux Pasteurs de ce lieu,
 Par mariage assemble à sa fille Claudine
 Le beau Pasteur Lorrain de telle fille digne ?
 C'est le ieune Charlot tige de sa maison,
 Parent de ces Pasteurs qui portent la Toison,
 Et cousin de Charlot le bon hoste des Muses,
 Duquel tousiours le nom enfle vos cornemuses :
 Et de ce grand Francin qui à coups de leuiers,

De fonder & de dars a chassé les bouviers
 Qui venoient l'oultre mer saccager nos riuages,
 Et menoient maugré nous leurs bœufs en nos herbages.

Là ne se doit dresser un vulgaire festin:

Depuis le soir bien tard iusqu'au premier matin
 La feste durera, & les belles Naiades,
 Les Faunes, les Syluains, Dryades, Oreades,
 Les Satyres, les Pans tout le iour balleront,
 Et de leurs pieds fourchus l'herbette fouleront.
 De ce beau mariage entonnex vos Musettes,
 Monstrez-vo⁹ auioird'huy tels sôneurs que vous estes,
 Chantex ceste alliance & cet accord sacré:
 Les deux freres Lorrains vous en sçauront bon gré.

Pan y tiendra sa Court en maiesté Royale,
 Aupres de luy sera son espouse loyale,
 Et son fils desia Roy, & sa diuine Sœur
 Qui passe de son nom & la perle & la fleur.
 Sus donc chante Bellot, & ta musette appreste:
 Dy le liët nuptial, Perrot dira la feste:
 Car il vaut mieux, Enfans, celebrer ce beau iour,
 Qu'vser vos chalumeaux à chanter de l'Amour.

Bellot,

O Dieu qui prens le soin des nopces, Hymenée,
 Laisse pendre à ton dos ta chape ensafranée,
 Ton pied soit enlacé d'un beau brodequin bleu,
 Et portes en ta main un clair flambeau de feu:
 Esternuë trois fois: ta teste cheuelue
 Esbranle par trois fois, trois fois à ta venuë
 Voy Claudine & Charlot, à fin que desormais
 Le mariage soit heureux pour tout iamais.

Ameine avecques toy la Cyprienne sainte
 D'un demi-ceint et tissus dessus les hanches ceinte,

Et son enfant Amour tenant l'arc en ses mains,
Pour se cacher és yeux du Prince des Lorrains.

Ce n'est pas un Berger qui vulgaire Et champêtre

Meine aux gaiges d'autrui un maigre troupeau paître:

Mais qui a cent troupeaux de vaches & de bœufs,
De boucs & de beliers paissant les prez herbeus
De Meuse & de Moselle, & la fertile plaine
De Bar qui se confine aux terres de Lorraine.

Il s'eleue en beauté sur tous les pastoureaux
Comme un brave toreau sur les menus troupeaux:
Ou comme un Pin gommeux au resonnant feuillage
Tient son chef pommelu par-dessus un bocage.
Qui plus est son menton en sa ieune saison
Ne se fait que crepper d'une blonde toison.

Bergers, faites ombrage aux fontaines sacrées,
Semez tous les chemins de fleurs ettes pour prées,
Despandez la Musette, & de bransles diuers
Chantez à ce Charlot des chansons & des vers.

Qu'il te tarde beaucoup que Vesper ne t'ameine
Desja la nuit pour mettre une fin à ta peine!
Soleil haste ton cours, accourci ton seiour,
Charlot a plus besoin de la nuit que du iour.

L'amitié la beauté la grace & la ieunesse
Appresteront ton lit, & par grande largesse
Une pluye d'œillets dessus y semeront,
Et d'ambre bien-sentant les draps parfumeront.
Mille Amours emplumés de leurs petites ailes
Voleteront dessus, comme és branches nouvelles
Des arbres au Printemps voletent les oiseaux,
Qui se vont esgayant de rameaux en rameaux.

La vigne à son ormeau si fort ne soit liée,
 Qu'à l'entour de ton col ta ieune mariée
 Qui d'un baiser permis ta bouche embasmera,
 Et d'un autre plaisir ton cœur allumera.

C'est une prime fleur encores toute tendre:
 Espoux, garde toy bien brusquement de la prendre,
 Il la faut laisser croistre, et ne faut simplement
 Que tenter ceste nuit le plaisir seulement.
 Comme tes ans croistront, les siens prendrôt croissances:
 Lors d'elle à plein souhait tu auras iouissance,
 Et trouueras meilleur mille fois le plaisir:
 » Car l'attente d'un bien augmente le desir.

Or le soir est venu, entrez en vostre couche,
 Dormez bras contre bras Et bouche contre bouche:
 La concorde à iamais habite en vostre lit:
 Chagrin, dissension, ialousie, & despit
 Ne vous troublent iamais, ains d'un tel mariage
 Puissent naistre bien tost un genereux lignage
 Meslé du sang Lorrain & du sang de Valois,
 Qui Parthenope un iour remette sous ses loix,
 Et puisse couronner ses royales armées
 Sur le bord du Iourdain de palmes Idumées.

A-tant se teut Bellot, & Perrot tout gaillard
 Enfant son chalumeau luy respond d'autre-part.
 Perrot.

O Lucine Iunon, qui aux nopces presides,
 Et de Paons acomplex, où il te plaist, tu guides
 Ta Coche comme vent sur terre & sur les Cieux,
 Braue de Maiesté comme Roynie des Dieux,
 Amene Pasithée Et la Muse diuine
 Qui preside aux banquets, aux nopces de Claudine.
 Comme une belle rose est l'honneur du iardin,

*Qui aux rais du Soleil est escluse au matin,
 Claudine est tout l'honneur de toutes les Bergeres,
 Et les passe d'autant qu'un Chesne les fongeres :
 Nulle ne l'a gagnée à sçavoir façonner
 Un chapelet de fleurs pour son chef couronner:
 Nulle ne sçait mieux joindre au lis la fraische rose,
 Nulle mieux sur la Gaze un dessein ne compose
 De fil d'or & de soye, & nulle ne sçait mieux
 Conduire de Pallas les arcs ingenieux.*

*Comme parmi ces bois volent deux tourterelles
 Que ie voy tous les iours se caresser des ailes,
 Se baiser l'une l'autre & ne s'entre-eslongner,
 Mais constantes de foy tousiours s'accompagner,
 Qui de leur naturel iusqu'à la mort n'oublient
 Les premieres Amours qui doucement les lient:
 Ainsi puisses-tu viure en amoureux repous
 Iusqu'à la mort Claudine, avecque ton espous.*

*Ie m'en-vay sur le bord des rines plus secrettes
 Cueillir en mon panier un monceau de fleurettes,
 A fin de les semer sur ton lit genial,
 Et chanter à l'entour ce beau Chant nuptial.*

*D'une si belle fille est heureuse la mere,
 Ton pere est bië-heureux, bië-heureux est ton frere,
 Mais plus heureux cent fois & cent encor sera,
 Qui d'un masle heritier enceinte te fera:
 Heureux sera celuy qui aura toute pleine
 Sa bouche de ton ris, & de ta douce haleine,
 Et de tes doux baisers, qui passent en odeur
 Des prez les mieux fleuris la plus souave fleur:
 Heureux qui dans ses bras pressera toute nuë
 Toy Claudine aux beaux yeux du sang des Dieux
 venue,*

Qui hardi tastera tes tetins verdelets
 Qui semblent deux boutons encore nouvelets :
 Et qui licencié d'une liberté franche,
 Rebaisera ton front, & ta belle main blanche,
 Et qui démeslera fil à fil tes cheveux
 Follastrant toute nuict, & faisant mille ieux:
 Celuy pri'ra la nuit que cent nuits dure encore,
 Ou bien que de cent iours ne s'esueille l'Aurore,
 Afin que paresseux long temps puisse couver
 Ses amours en ton sein, & point ne se lever.

Mais le soir est venu, & Vesper la fourriere
 Des ombres a versé par le Ciel sa lumiere:
 Il faut s'aller coucher. Quoy ? tu fremis du cœur
 Ainsi qu'un petit Fan qui tremble tout de peur
 Quand il a veu le loup, ou quand loin de sa mere
 Il s'effroye du bruit d'une feuille legere.
 Il ne sera cruel : car une cruauté
 Ne scauroit demeurer avec telle beauté.

Demain apres auoir son amitié cognüe,
 Tu voudrois mille fois que la nuict fust venue
 Pour retourner encore aux amoureux combas,
 Et pour te rendormir dans le pli de ses bras.

Sus des-habille toy, & comme une pucelle
 Qui de bien loin sa mere à son secours appelle,
 N'appelle point la tienne, Et vien pour te coucher
 Pres du feu qui te doit tes larmes desecher.

Celuy puisse conter le nombre des arenes,
 Les estoiles des Cieux, & les herbes des plaines,
 Qui contera les jeux de vos combats si dous,
 Desquels pour une nuict vous ne serez pas saouls.

Or sus esbatez-vous, Et en toute liesse
 Prenez les passe-temps de la courte ieunesse

Qui bien tost s'enfuira, & au nombre des ans
 Qui vous suivent tous deux egalez voz enfans.
 Ton ventre desormais si fertile puisse estre,
 Que d'un sang si divin puisse en bref faire naistre
 Des filles & des fils : des fils qui porteront
 Les vertus de leur Pere empreintes sur le front,
 Et qui dès le berceau donneront cognoissance
 Que d'un Pere tres-fort auront pris leur naissances
 Les filles en beautex en grace. & en douceur
 Par signes donneront un tesmoignage seur
 De la pudicité de leur mere divine,
 Qui de nostre grand Pan reçoit son origine.

Ainsi disoit Perrot, qui retenant le son
 De son pipeau d'avoine acheua sa chanson.
 Echò luy respondoit: les bois qui rechanterent
 Le beau chant nuptial iusqu'au ciel le porterent.

Lors Michau s'escriant s'asseit au milieu d'eux,
 Puis dit en approuvant la chanson de tous deux.

Michau.

Vostre fleute, garçons, à l'oreille est plus douce
 Que le bruit d'un ruisseau qui iaxe sur la mousse,
 Ou que la voix d'un Cygne, ou d'un Rossignolet
 Qui chante au mois d'Auril par le bois nouvelet.
 De Manne à tout iamaïs vos deux bouches soient
 pleines,

De roses vos chapeaux, vos mains de mariolaines:
 Iamaïs en vos maisons ne vous defaille rien,
 Puis que les chalumeaux vous entonnex si bien.

Que chacun par accord s'entre-donne son gage:
 Perrot, pren le pamer, & toy Bellot la cage:
 Retournez mes enfans conduire vos toreaux,
 Et vinez bien-heureux entre les Pastoreaux.



MONOLOGVE,
O V
CHANT PASTORAL,
A TRES-ILLVSTREET
vertueuse Princesse Madame
Marguerite de France
Duchesse de
Sauoye.

LE me faschois de la pompe des Rois,
Et pour la Court i'errois entre les bois
Seul à par-moy sauuage & solitaire,
Loin des Seigneurs, des Rois, & du
vulgaire:

Plus me plaisoit vn Rocher bien poinctu,
Vn Antre creux de mousse reuestu,
Vn long destour d'une seule vallée,
Vn vif sourjon d'une onde reculée,
Vn bel esmail qui bigarre les fleurs,
Voir vn beau pré tapissé de couleurs,
Ouyr jaxer vn ruisseau qui murmure,
Et m'endormir sur la douce verdure,
Qu'estre à la Court, & mendier en vain
Vn faux espoir qui coule de la main.
Au mois de May que l'Anbé retoûrnée
Auoit escluse vne belle iournée,

Et que les voix d'un million d'oiseaux
 Comme à l'enuy du murmure des eaux,
 Qui hault qui bas contotent leurs amourettes
 A la rousée, aux vents, & aux fleurettes,
 Lors que le Ciel au Printemps se sou-rit,
 Quand toute plante en ieunesse fleurit,
 Quand tout sent bon, Et quand la mere Terre
 Ses riches biens de son ventre desserre
 Toute ioyeuse en son enfantement.

Errant tout seul tout solitairement
 I'entre en un pré, du pré en un bocage,
 Et du bocage, en un desert sauvage,
 Et là i'auiſe un Paſteur qui portoit
 Deſſus le dos un habit qui eſtoit
 De la couleur des plumes d'une Gruë:
 Sa panetiere à ſon coſté pendue
 Eſtoit d'un Loup, & l'effroyable peau
 D'un Ours pelu luy ſeruoit de chapeau.

Luy appuyant un pied ſur ſa houlette,
 De ſon biſſac auend une Muſette
 La meit en bouche Et ſes lèvres enfla,
 Puis coup ſur coup en haletant ſouſſa,
 Et reſouſſa d'une forte halenée
 Par les poumons reprise & redonnée,
 Ouurant les yeux & dreſſant le ſourcy:
 Mais quand par tout le ventre fut groſſy
 De la Chévrete, & qu'elle fut egalle
 A la rondeur d'une moyenne balle,
 A coups de coude en repouſſa la vois,
 Puis çà puis là faiſant ſaillir ſes doigts
 Sur les pertuis de la Muſette pleine,
 Comme ſaiſi d'une angoiſſeuſe peine,

Palle & pensif avec le triste son
De sa Lourette ourdist telle chanson

Petits aigneaux qui païssez sous ma garde,
Plus que devant il vous faut prendre garde
De vostre peau pour la crainte des loups,
Et de bon heure au soir retirez vous:
Plus ne verrez sauter parmi les prés
Ny les Sylvains ny les Muses sacrées:
Car nos pastis ne sont plus habitez
Comme ils souloient des saintes Deitez.

Plus ne paistrez poliot ny lavande,
Le dur chardon sera vostre viande:
Et si verrez en toutes les saisons
La ronce aiguë escarder vos toisons.

Et toy Harpaut, qui te soulois defendre
Contre les loups, maintenant faut apprendre
D'estre humble & doux & ne plus abboyer:
Il faut apprendre à fléchir & ployer,
Et te couchant (puis qu'il n'y a plus d'ordre)
Flatter les loups quand ils te voudront mordre.

Et toy Musette, à qui presque j'auois
Par sept conduits donné la mesme vois
Qu'à son stageol auoit donné Tityre,
Plus tu n'auras ce plaisir d'ouyr dire,
La belle Nymphé a fait cas de tes chants,
Car sa grandeur abandonne nos champs.
Plus ne voudra ceste Nymphé diuine
A son grand Pan qui la France domine,
Comme autre fois tes chansons celebrer.
Que tardes-tu? va-t'en te démembrer
De piece à piece, & si tu peux transforme
Ton corps venteux en sa premiere forme:

(Tu fus iadis sur la rive d'une eau,
S'il m'en souvient, de pucelle un roseau)
Et là tousiours quand tu seras atteinte
Du premier vent ne sonne que ma plainte.

Dedans le creux d'un rocher tout couuert,
De beaux Lauriers estoit un Antre vert,
Où au milieu sourdoit une fontaine
Tout à l'entour de violettes pleines:
Là se trouuoient toutes Saisons de l'an
Deux belles fleurs, la Rose, & le Safran,
L'une honteuse, Et l'autre que l'on donne
Pour sacrifice à la Nymphé Pomonne:
Et l'Ancolie en semence s'enflant,
Et le Narcis que le vent va soufflant,
Le blanc Neufart à la longue racine,
Et le Gl'yeul à la fleur arc-quencine.

Ceste fontaine en ruisseaux séparée
Baignoit les fleurs d'une course esgarée,
S'entre-lassant en cent mille tortus,
Que ny chéureaux, ny vaches, ny brebis
D'ergots fourchus n'auoient iamais foulée.
Ny les Pasteurs de leurs léures souillée,

Vn iour d'Esté qu'encores le Soleil
N'a ses cheuaux deuallé au sommeil,
Et qu'il se monstre encor plus haut qu'une aulne
Dedans le ciel tout bigarré de saulne,
De pers, de bleu: ie vey pres d'un rocher
Vn grand troupeau de Nymphes s'approcher,
Toutes ayans en leurs fresches mains blanches
Vn beau cofin tissu de ieunes branches.

En ce-pendant que l'une se baignoit,
L'autre sautoit & l'autre se peignoit,

*Je veis venir vne belle Charite,
Que les humains appelloient Marguerite,
Des immortels Pasithée auoit nom,
Toute diuine en faictz & en renom.*

*Elle marchant à tresses descoiffées
Apparoissoit la Princesse des Fées:
Vn beau surcot de lin bien replié,
Frangé, houpé, luy pendoit iusqu'au pié:
Et ses talons qui fouloient la verdure,
Deux beaux patins auoient pour conuerture:
Vn Carquan d'or son col environnoit,
Et son beau sein sans branler se tenoit
Pressé bien haut d'une boucle azurée,
Ainsi qu'on peint la belle Cytherée.
Elle cent fois d'un seul trait de ses yeux
Auoit flechy les hommes & les Dieux
Sans se flechir: car la fleche poussée,
De l'arc d'Amour ne l'auoit point blessée,
Et sienne & franche auoit tousiours esté
Parmy les fleurs en toute liberté.*

*A peine auoit dans les ondes voisines
Laué ses bras & ses iambes marbrines,
Que tout soudain (ou soit qu'il vinst des cieux,
Ou soit qu'il fust vn Faune de ces lieux)
Je veis venir par estrange auenture
Vn Dieu caché sous mortelle figure,
Qui ressembloit le pasteur Delien
Gardeur des bœufs au bord Amphry sien,
Où le Troyen dont l'ardente ieuuesse
Donna la pomme à Venus la Déesse.
Ses beaux cheveux sous vn Zephyre mol
En petits flots ondoient à son col:*

Ses yeux, son front, son allure, Et son geste
Estoient pareils à l'unon la celeste.

Comme un Pasteur portoit dedans sa main
Vne houlette à petits cloux d'airain,
Où sur le bout dessus l'escorce dure
De deux beliers fut peinte la figure
Qui se choquoient, & auprès d'eux estoit
Un gros mastin qui les loups aguettoit.

Si tost qu'il veid ceste belle Dryade,
Blessé d'amour en deuint tout malade.
Or comme un feu qui aux buissons se prend,
Puis soufleté par les vents se respand
De tous costez trouuant pasture preste,
Et des forests vient embrazer la teste:
Ainsi l'amour tellement l'embrasa,
Que ceste Nymphé à la fin il osa
Rauir au dos, l'enleuant en Sauoye
Comme un Lyon le doux suc d'une proye.
Seulement foible on entendit la vois
Esuanouye au milieu de ces bois,
Qui paruenoit aux oreilles à peine,
Comme le plaint de quelque Nymphé en peine.

Or en voyant en ces champs l'autre iour
Un pigeon blanc empieté d'un Autour,
Qui l'emportoit dedans sa serre aiguë
En la Sauoye, un Atlas porte-nuë,
Ie preny bien l'infortune futur,
Et l'engrauiy dedans le tige dur
De ce coudrier : encor l'escorce verte
De l'engraueure apparoust entre-ouuerte.
Y adionstant ces vers pleins de soucy
Qu'encore un coup ie vai redire icy:

A ton depart les gentilles Naiades,
Faunes, Syluains, Satyres, Et Dryades,
Pans, Ægipans de ces Antres reclus
Sont disparus Et n'apparoissent plus.

Loin de nos champs Flore s'en est allée,
D'un habit noir Pomone s'est voilée,
Et Apollon qui fut iadis berger,
Dedans nos champs ne daigne plus loger,
Et le troupeau des neuf Muses compagnes
Ainsi qu'en friche ont laissé nos montaignes
Pour le regret de leur dixieme Sœur
Qui les passoit de chant & de douceur:
Bref de nos bois toutes Deitez saintes,
Cypris la belle & ses Graces desceintes
En nous laissant pour si piteux depart
La larme à l'œil habitent autre part.
Plus les rochers ny les Antres rustiques
Ne seront pleins de fureurs Poëtiques:
Echon se taist & ne veut plus parler,
Tant a regret de te voir en-aller.

Las! maintenant en ta fascheuse absence
Le champ ingrat trompera la semence
Se démentant, & en lieu de moissons
Ne produira que ronces Et buissons:
Si que ie crains que malheur ne vous vienne,
Qu'en fleur nouvelle un Ajax ne devienne,
Et que Narcisse encor' ne soit tué,
Et d'Apollon Hyacinthe tué,
Et qu'en Soulsy ne jaunisse Clytie,
Et que la peau du Satyre Marsye
Ne saigne tant que du dos escorché
Ne se reface un grand fleuve espanché,

D ij

Puis que Manton, & la Nymphé Egerie
N'ont plus le soin de nostre bergerie.

O demy-Dieux, ô gracieux esprits,
Qui de pitié le cœur avez épris,
O monts, ô bois, ô forests cheveluës,
O rouges fleurs, iaunes, palles, & bluës,
O terre, ô ciel, ô fontaines Et vens,
Faunes, Syluains & Satyres, & Pans,
Et toy Clion qui fus iadis ma Muse,
En çent morceaux casse ma Cornemuse,
Puis qu'aussi bien sans faueur & sans los
Pendroït en vain vne charge à mon dos.

Pasteurs François n'enflex plus les Musettes,
Pour son depart elles seront muettes:
En l'air venteux leur chant esvanouy,
Comme il souloit ne sera plus ouy.

Si m'en croyez, allon en Arcadie,
Et flechisson de nostre melodie
Roches, & bois, tygres, lyons, & loups,
Puis que la France est ingrante vers nous:
Puis que la Nymphé en qui fut l'esperance
Des bons sonneurs, s'absente de la France,
Allon nous-en, sans demourer icy
Pour y languir en peine & en soucy.

Qui fera plus d'un annuel office
Parmy les bois aux Muses sacrifice?
Qui plus de fleurs les ruisseaux semera?
Qui plus le nom de Palés nommera
Parmy les champs? & qui plus aura cure
De nos troupeaux pour leur donner pasture?
Qui plus à Pan daignera presenter
Les Pastoureaux pour les faire chanter?

Qui de leur flute appaisera les noises?
 Qui iugera de leurs chansons Françaises?
 Qui donnera le prix aux mieux-disans,
 Et sauvera leurs vers des mesdisans?

Adieu troupeau qui pres moy soulois viure,
 Adieu Vandome, adieu ie la veux suiure
 Par les rochers, les antres & les bois,
 Sauoisien en lieu de Vandomois.

Dans le pays où la belle Atalante
 Mettra les pieds, tousiours dessous sa plante
 Fust-ce en hyuer les roses-s'esclou'ront,
 Et de laiçt doux les fontaines courront,
 Les chesnes creux parleront les oracles,
 Plus que iamais on voirra de miracles.
 Car les rochers nostre langue apprendront,
 Et les pinçons rossignols deniendront:
 Tous les pasteurs au retour de l'année
 Luy dedi'ront vne feste ordonnée,
 Feront des vœux & donneront le prix
 A qui sera de chanter mieux appris:
 Si qu'à iamais comme vne colombelle
 Par les Pasteurs volera toute belle
 De bouche en bouche, & par mille beaux vers
 Son non croistra dedans les arbres verds,
 Qui garderont dans l'escorce entamée
 A tout iamais sa vne renommée,
 Pour deuenir plus vieille quelque iour
 Que ces rochers nos rempars d'alentour.

Tant qu'on voirra sur les Alpes cheuües
 Ou s'appuyer ou degouter les nuës:
 Tant qu'en hyuer les torrens rauageux
 Tomb'ront des monts à gros bouillons neigeux:

Tant que les cerfs aimeront les bocages,
 L'air les oiseaux, les poissons les riuages:
 Tant que mon sang mon corps animera,
 Tant que ma main ma Musette aimera,
 Tonsiours par tout sans repos Et sans cesse
 Je chanteray ceste belle Déesse

La MARGVERITE, honneur de nostre temps,
 Dont la vertu fleurist comme un Printemps.

Et toy Chanson si rudement sonnée,
 Demeure icy où ie t'ay façonnée
 Dedans ce bois, au pied de ce rocher:
 Il ne faut plus de la Cour approcher,
 Où sans appuy tu rougirois de honte,
 Et de ta voix on feroit peu de conte.

Or sus païssez païssez patures brebis,
 Allez par l'herbe, emplissez-vous le Pis,
 Broutez rongez ceste douce verdure
 Pour emporter aux aigneaux nourriture,
 Qui en beslant dans le toict ont desir
 De vous succer le laiët tout à loisir.
 Et quoy troupeau! tu es insatiable,
 La nuict arriue, il faut gagner l'estable:
 Voicy les loups qui ont accoustumé
 De brigander quand le iour est fermé,
 Ils font le guet Et plus de rien n'ont crainte,
 Car la bonté par les champs est estainte.

A tant le iour peu à peu s'embrunit,
 Et le Pasteur comme le iour finit
 Son chant rural: des-ens sa Musette,
 Dedans sa main empoigna sa houlette,
 Chassant deuant le troupelet menu
 Harpant son chien & son belier cornu.



ECLOGVE IIII.

O V

D V-T H I E R.

LES P A S T E V R S.

Bellot, Perrot, Bellin.

DE fortune Bellot Et Perrot deffous
l'ombre
D'un vieil chesne touffu auoient conté
par nombre,

L'un à part ses brebis, & l'autre ses chéureaux,
Et tous deux sur la léure auoient des chalumeaux:
L'un & l'autre tenoit son eschine appuyée
Sur l'escorce d'un chesne, & la iambe pliée
En croix sur la houlette, Et leur mastin estoit
Couché pres de leurs pieds qui les loups aguettoit.

Ce-pendant que Bellot chantoit sa Dianette,
Et que Perrot faisoit apprendre à sa Musette
Le saint nom de Charlot, & d'Annot, que les bois,
Les fleuves & les monts ont ouy tant de fois
Redire à son flageol, que mieux ils le cognoissent
Que ne font les troupeaux le Thym dont ils se pais-
sent:

Voicy venir Bellin qui seul auoit erré

D iij

Tout un iour à chercher son belier adiré,
Qu'à peine il ramenoit ayant lié sa corne
A un lasset coulant d'un tortis de viorne.

Or ce Bellin estoit de chanter bon ouurier,
D'habits & de façons ressembloit un cheurier.
Il auoit en la main une houlette dure,
Sa Musette pendoit au long de sa ceinture,
De moëlle de ionc il portoit un chapeau
En lieu d'un paletot se vestoit de la peau
D'un cheureul marqueté de couleur noire & blanche,
Qu'une boucle d'airain luy serroit sur la hanche:
D'une chéure à long poil un baudrier il auoit:
Son mastin à gros poil pas à pas le suinoit,
Qui aboyoit son ombre Et mordoit à la fesse
Le belier qui trainer par la corne se laisse.

Si tost que ie le vy si tost ie la cognu,
Et luy criay de loin: Tu sois le bien-venu,
Couche toy pres de nous, ou si le mol ombrage
Du chesne te desplait, voy cest Antre sauuage,
Au fond de ce vallon nous iurons si tu veux,
Et là tu chanteras le tiers avec nous deux.

Au bout de l'Antre sonne une vme fontaine,
Ses bords sont pleins de mousse & le fond d'une arene
Que l'onde en sautelant fait iaillir cà & là,
Et dit-on qu'autrefois la fontaine parla.

Vne vigne sauuage est rampant sur la porte,
Qui d'un nœud replié sur le ventre se porte,
D'une longue trainée, & du haut insqn'à bas
D'infertiles raisins laisse pendre ses bras.

Les sieges sont de tuf, & autour de la pierre
Comme un passément verd court un sep de lierre.

L'Antre n'est guiere loin, tu le verras d'ici

Si tu veux t'ergotter, ou te tenir ainsi
 Debout comme ie suis, ou grimper à ce saule,
 Ou bien d'un sault leger monter sur mon espaule.
 Mais ne bougeon d'icy, cest ombrage est bien frais,
 Et bien frais est le vent qui vient de ces forés:
 Bien doux est ce ruisseau, bien douces ces Bergeres
 Qui désçoisent leur chant aupres de ces fougères:
 Ton belier les oyt bien, qui ne fait qu'esconter,
 Et depuis leur chanson n'a soucy de brouter.

Bellin.

Ne bougeo mō Perrot, l'ombre du chesne est bōne:
 Icy parmi les prez la belle herbe fleuronée,
 Icy les papillons peints de mille couleurs,
 Et les mousches à miel volletent sur les fleurs:
 Icy sur les ormeaux se plaint la tourterelle,
 Icy le colombeau baise sa colombelle,
 Philomele se deult, Et d'un gentil babil
 Progné d'une autre part lamente son Ityl.

De vous deux vne Eclogue à l'enuy soit ioüée:
 Perrot, les Loups m'ont veu ma voix est enroüée,
 Je ne sçaurois chanter, Et quand ie le voudrois
 (Je iure par ton bouc) qu'encor ie ne pourrois:
 Car on m'a pris d'emblée à ceste matinée
 L'anche de mon bourdon que tu m'auois donnée.
 J'ay bien veu le larron qui s'ensuyoit de moy,
 Et tant plus à Thenot ie le monstrois au doy,
 Plus il gaignoit le bois Et se cachoit derriere
 (Afin qu'on ne le vist) d'une espesse roncierre.

Perrot.

Ce n'est pas d'auourd huy qu'on void force larrons
 Entre les Pastoureux: par tous les enuiron
 De ces prochains taillis on ne void autre chose.

D v

C'est pourquoy mon mastin toute nuit ne repose
Et ne fait qu'abayer. Bellot encore hier,
Comme il dormoit seul sous l'ombre d'un coudrier,
Perdit sa chalemie & son pipeau d'auaine,
Qui valoyent bien d'achat quatre toisons de laine.

Depuis ie vy Thoumin qui dans le carrefour
Où tu vois ceste coudre, enflloit tout à l'entour
Les veines de son col pour vouloir contrefaire.
Bellot: mais le pipeau ne le vouloit pas faire,
Ains d'un son miserable irritoit par les champs
Les Geais & les Piuers à respondre à ses chants.

Et moy, j'ay bien perdu ma Loure toute entiere,
Que Pernet desroba dedans ma panetiere.
Ie haslay mon mastin apres le larronneau,
Qui si pres le suyuit, qu'il le prist au manteau:
Il se sauua pourtant & de la Loure mienne
Sonne tousiours depuis & iure qu'elle est sienne.
Ianot sçait bien que non, car il me la bailla,
Et de nuit & de iour curieux travailla
Pour m'en faire iouër contrefaisant la Muse
Du Pasteur qui flenoit aux bords de Syracuse.

Ne laisse pour cela mon Bellot, de chanter:
Les bois ne sont pas sourds, tu les puis enchanter.
Echon nous respondra, Et nous ferons egales
Nos rustiques chansons à la voix des Cigales.
Chanton l'un apres l'autre, & en ceste façon.
Que Phæbus aime tant, dison une chanson.

Bellot.

Mes vers au nom de Pan il faut cōmencer, Muses:
Pan est Dieu des Pasteurs, Et d'eux il a souci,
Il daigne bien danser dessous mes cornemuses,
Il a soin de la France Et de mes vers aussi.

Perrot.

*Au saint nom de Palés il faut que ie commence:
Palés ainsi que Pan aime les Pastoureaux,
Au bruit de mon flageol bien souvent elle danse,
Elle a soin de mes vers & de tous mes toreaux,*

Bellot.

*Diane qui les cerfs va suivant à la trace,
A qui tout le beau front en Croissant apparçoit,
Ne cognoist pas si bien en courant à la chasse
La meute de ses chiens comme elle me cognoist.*

Perrot.

*Phœbus le cheuclé Dieu qui preside à Cynthe,
M'aime plus que son Luth: ie fais sa volonté,
Tousiours ses dons ie porte, au sein son Hyacinthe,
Son Laurier sur le front, sa trouffe à mon costé.*

Bellot.

*Deux petits ramereaux ie porte à mon Oline,
Denichez d'un grand orme à graver mal-aisé,
Afin de la baiser s'elle veut que ie viue:
Autrement ie mourray si ie n'en suis baisé.*

Perrot.

*Ie portay l'autre iour deux tourtres à Cassandre,
Et mon present & moy beaucoup elle pris:
De sa blanchette main l'oreille me vint prendre,
Et plus de mille fois doucement me baissa.*

Bellot.

*Il ne faut comparer ma Bergere à la tienne,
Non plus qu'une fleur vine à des boutons cueillis:
La tienne est toute brune, & tu sçais que la mienne
(Tu la vis l'autre iour) est plus blanche que lix.*

Perrot.

La couleur blanche tombe, & la couleur brunnette

D vj.

*Est tousiours en saison & ne se flestrit pas:
On cueult du Bacciet la fleur toute noirette,
Le Lix qui est tout blanc, tombe souvent à bas.*

Bellor.

*Je ne veux plus aller où ma Nymphé seiourne,
I'y pers tousiours mon cœur qui fantaste la suit,
Comme un bonc adiré qui le soir ne retourne
A l'estable, & d'amour s'esgare tout nuit.*

Perrot.

*Je n'ose voir la mienne, elle m'a fait malade
Plus de trois iours entiers en extreme langueur:
Je ne sçay quels Amours sortoyent de son œillade,
Qui de cent mille traits me percerent le cœur.*

Bellor.

*Mon mastin garde bien de mordre ma mignonne
Si elle vient me voir, ains baise luy les pieds:
Mais abaye de loin si de quelque personne
Au milieu de nos jeux nous estions espiez.*

Perrot.

*I'ayme bien mon mastin, par luy ie vy m'amie
L'autre iour que le chant me faisoit sommeiller:
Elle iettoit des fleurs sur ma bouche endormie,
Mon mastin abayoit à fin de m'esveiller.*

Bellor.

*Que tousiours Auanson maugré l'âge fleurisse:
Car il aime les vers & tous ceux qui les font.
Je nourris pour sa feste une noire Genisse,
Qui de blanche couleur porte une estoile au front.*

Perrot.

*Du-thier dedans le Ciel puisse prendre sa place,
Il ayme mes chansons, & les met en auant:
Le luy pais un Toreau qui les Pasteurs menace*

De la corne & du pied pousse l'arene au vent.

Bellot.

Quiconque aime Auanson, toutes heurenſes choſes
Luy puiſſent à ſouhait venir de toutes pars:

Quelque part qu'il ira les œillets & les roſes,
Et fuſt ce aux iours d'huyet luy naiſſent ſous les pas.

Perrot.

Quiconque aime Du-thier, qu'il flechiſſe les mar-
bres,

Qu'en parlant le doux miel luy coule de la voiſ,

La Regelice ſoit racine de ſes arbres,

De ſucce ſes rochers, de canelle ſes bois.

Bellot.

S'il eſt vray que ie chante auſſi bien, qu'és môtagnes

Chantent au mois de May les doux roſſignolets,

Nymphes ie vous ſuppli' paiſſez par ces campagnes

D'herbettes & de fleurs mes petits aignelets.

Perrot.

S'il eſt vray que ie chante auſſi bien que Tityre,

Et que mes vers ſans nom ne ſe traînent croupis,

Nymphes ie vous ſuppli' que mon troupeau n'empire,

Paiſſez-le de bonne herbe & luy enſlez le Pis.

Bellot.

De laiſt puiſſe couler les ondes de mon Loire,

Ses bords ſoient pour iamais d'hyacinthes ſemez,

Et de ces belles fleurs qui gardent la memoire,

Et le beau nom des Rois en elles transformez.

Perrot.

Mon Loir coule de miel, ſon arene ſoit pleine

De perles & rubis, & ſa riuée d'eſmail,

Ses couſtaux de raiſins & de froment ſa plaine,

De manne ſes foreſts & ſes prez de beſtail.

D v^{ie}

Bellot.

Mais d'où vient que mon bouc qui sautoit si aligre,
Qui gaillard dans ces prez cossoit contre mes bœufs,
Depuis qu'il vid ta chéure est deuenu si maigre ?
Je ne sçay qu'il auroit, s'il n'estoit Amoureux.

Perrot.

La chéure que tu dis, sur une pierre dure
Auorta l'autre iour: depuis elle ne paist
Ny saule ne fonteau, c'est vn mauvais augure:
Bellot si tu le sçais dy le moy s'il te plaist.

Bellot.

Je cognois des Pasteurs qui nos bœufs enforcellent
De regards enchantez: puissent ils arriner
Auecque leurs troupeaux quand les fleurs renouellent
Au Printemps en Afrique, en la Thrace l'Hyuer.

Perrot.

De ce taillis prochain deux vieilles sont sorties,
Qui m'ont enforcellé mon pauvre toread blanc:
Puisent elles dormir au milieu des orties,
Après auoir gratté leurs corps iusques au sang.

Bellot.

Si j'auois mon Oline, Et les barbes des léures
De mes boucs estoient d'or, & si tant d'or j'auois
Que de poil se herisse en la peau de mes chéures,
Je ne voudrois pas estre vn Faune de ces bois.

Perrot.

Si mes brebis portoyent vne toison dorée,
Si j'auois ma Cassandre, & mes beliers cornus
Auoyent les ergots d'or, au cœur de ceste pré
Je bastirois vn Temple à la belle Venus.

Bellot.

La la chaleur se passe & le Soleil s'abaisse,

*Les vents sont assoupis, les bois dorment sans bruit:
Mais le brazier d'amour qui jamais ne me laisse,
Plus s'allume en mon cœur plus s'approche la nuit.*

Perrot.

*La nuit nourrit le mien que ie ne puis esteindre,
Toute l'eau de la mer aualler me faudroit:
Mais pour boire la mer il ne seroit pas moindre,
Plus ie l'arrouserois & plus il reuiendrait.*

Bellot.

*Desur deux chesneaux hier à toute force
Auan son ie grauy avecques un poinçon:
Les deux chesnes croistront Et la nouvelle escorce
Portera iusqu'au Ciel le nom de d'Auan son.*

Perrot.

*A la Déesse Echon qui par les bois resonne,
J'apprens le nom Du-thier si souvent & si bien,
Que parmy les forests ceste Nymphe ne sonne
Ny entre les rochers autre nom que le sien.*

Bellot.

*Hou mastin! fay venir mon bouc que ie voy pendre
Sur le haut de ce roc, il pourroit trebucher.
Qu'il vienne icy brouter où le saule est bien tendre.
Si ie prens ma houlette, il se fait bien chercher.*

Perrot.

*Pres des meres païssez païssez parmy l'herbette
Petit troupeau d'aigineaux, pour la crainte des loups:
Tousiours deuers le soir la beste vous aguette,
Ne vous eslongnez pas, elle courra sur vous.*

Bellot.

*Dy moy quelle herbe fait les hommes inuisibles
Mise desur la langue, auant que desfeuer,
De qui Catin faisoit des choses impossibles:
Tu me seras un Dieu si la peux deuiner.*

Perrot.

Mais devine toy-mesme, & tu seras Prophete
Le plus grand des Pasteurs, de quelle herbe est chag 
Le c ur d'une pucelle, & de cruelle est faite
Plus douce   son amy quand elle en a mang  ?

Bellin.

Il ne faut point entrer en si longue dispute,
Mon Bellot mon amy prens de moy ceste Flute:
Fredel ce bon ouvrier de Buis la fa onna,
Et par quatre pertuis le vent il luy donna.
Toy Perrot; prens en don ceste belle Ch urette:
Son ventre est fait de Cerf, son anche de Condrette,
Son bourdon de Prunier: i'ama  ne perd le vent:
Car elle est bien cir e & derriere & devant.

Perrot prist la Ch urette, & seul par les val es
Et les bords plus secrets des rines recul es
Alloit sonn nt Du-thier: Du-thier sonnoit sa vois,
Et Du-thier respondoient les antres & les bois.
Il le sonnoit au soir quand le Soleil se couche,
Le sonnoit au matin quand il sort de sa couche,
Le sonnoit   midy alors que les troupeaux
Remas chent leur viande   l'ombre des ormeaux.
Car il aymo t Du-thier autant que les Auettes
Aym nt au mois d'Auril le doux suc des fleurettes,
Le Trefle les brebis: & d s ceste heure-l 
Perrot laissa les bois & aux Rois s'en-alla.



E C L O G V E V.

LES PASTEURS.

Carlin, Xandrin, Lanfac,

Noms qui représentent le Roy Charles ix.
& le Roy qui regne aujourd'huy, Henry iii
qui auoit nom en son premier aage Alexan-
dre, représenté par Xandrin, Lanfac, Gentil-
homme Sainctongeois, assez connu pour ses
rares vertus, pour lors Gouverneur du Roy
Charles ix.

DEux freres Pastoureux qui auoient
pris naissance
De Pan qui commandoit n'agueres à
la France,
Tous deux d'âge pareils, se rencon-
trans vn iour

Apprindrent aux Forests à parler de l'amour:
Tous deux auoient appris d'enfler les cornemuses,
L'un dessous Amyot grand Ministre des Muses,
Et l'autre dessous Selue, à qui Phebus donna
Sa Lyre & son Laurier quand il le couronna.

Tous deux estoient sçauans, bien appris à semondre,
Bien appris à chanter, bien appris à respondre:
Tous deux apparoiſſoient miracle de leur temps,
Faisans naistre des fleurs plus tost que leur printëps.

Comme Carlin un iour retournoit de la chasse
 (L'un auoit nom Carlin, l'autre Xandrin) il passe
 Aupres d'une fontaine, où son frere Xandrin
 Paissoit ses gras aigneaux de verd trefle & de thym:
 Aussi tost que Carlin l'appercent, il s'escrie:

Carlin.

Xandrin gentil Pasteur chanton ie te supplie:
 Tous les Bergers de France ont estimé de toy
 Que tu es plus sçauant à bien chanter que moy:
 Je viens pour t'essayer Et te faire cognoistre
 Qu'en l'art de bien chanter ie ne trouue mō maistre.
 Xandrin.

Carlin gentil Berger ie suis prest de chanter:
 Mais auant le combat il ne faut te vanter.
 Approche, ie suis prest: ie te feray cognoistre
 Qu'en l'art de bien chanter ie ne trouue mō maistre.
 Mais que veux-tu gager?

Carlin.

Tout ce que tu voudras:

Ie gage deux aigneaux, gage deux chéureaux gras.

Xandrin.

En lieu de tes aigneaux ie veux mettre une Tasse
 Qui quatre-fois le pris de ton gage surpasse,
 Nouuellement tournée: encores elle sent
 La cire Et le burin: une vigne descent
 Tout à l'entour des bords qui de raisins chargée
 Est de quatre ou de cinq pucelles vendangée:
 L'une tient un panier, l'autre tient un couteau,
 Et l'autre à pieds deschaux cache le vin nouueau,
 Qui semble s'escouler en la tasse profonde.

A l'ombre de la vigne est une Nymphe blonde
 A cheueux deliez, qui se couure le flanc

Les cheueux Et le sein d'un petit linge blanc:
 Deux Satyres cornus sont aupres de la belle,
 Qui ont les yeux enflez de trop veiller pour elle,
 Blesséz de son amour: mais peu se challant d'eux,
 Quelquefois desur l'un, quelquefois sur les deux
 Mignotte son regard, & se prend à sou-rire
 Leur donnant le martel, Et ne s'en fait que rire.

Vn pescheur est assis au bord du Gobelet,
 Qui courbé fait semblant de ietter vn Filet
 En la mer, desployant les plis de son entorce,
 Puis de mains Et de nerfs Et de veines s'efforce
 Le retirer sur l'eau: ses muscles grands & gros
 S'enflent depuis son chef iusqu'au bas de son dos:
 Tout le front luy degoute, & bien qu'il soit vieil
 homme,

Le labeur toutesfois ses membres ne consomme,
 Tant il est cru vieillard, & diriez à le voir
 Qu'il sue Et qu'il ahanne, & ne le peut r'auoir;
 Ma léure au Gobelet n'a touché pour y boire:
 Tu l'auras toutesfois si tu as la victoire.

Carlin.

Ie gage vne Musette au lieu de ton vaisseau,
 Qui me couste en argent la valeur d'un Toreau,
 Que d'un ligneul ciré au genouil i'ay fait condre:
 Son vètre est peau de Cerf, ses anches sôt de Condre,
 Son bourdon est de Buis, son pipeau de Prunier.
 C'est vn chef-d'œuvre grand: Seluin ce bon ouurier
 En ces bois l'autre iour me la vendit bien chere:
 Ie la voulois donner à Margot la Bergere,
 Margot qui par les bois garde icy comme nous
 Les troupeaux de Catin, Et fait la guerre aux Loups.
 Ou bien si tu ne veux, ie mets ma panetiere:

D'un auorton de Biche est la peau toute entiere:
Et te diray comment le Sort qui les humains
Gouverne comme il veut, la mist entre mes mains.

L'autre iour en gardant mes bœufs en ce bocage,
Le vy qu'un Loup suiuiot une Biche sauvage,
Et la pressoit si fort que desia la tenoit,
Et d'haleine & de pouls moindre elle deuenoit:
Elle battoit des flancs, sa langue estoit tirée,
Comme estant ja du Loup la proye désirée:

Quand en prenant mon arc ie le banday soudain,
Ie le courbe en Croissant de la fenestre main,
Ie l'eslongne du front, puis comme bien adextre,
De l'autre ie l'approche à la mammelle dextre.
L'arc soudain se desbande, & le trait fait un son,
Qui passant comme vent de buisson en buisson,
Sifflant & fendant l'air, entama d'auenture
La Biche sous le cœur de mortelle ouuerture
Un peu dessous l'espaule: elle tombe à genoux,
Et le Loup s'enfuit fremissant de courroux.

I'approche & la decoupe, & comme ie m'arreste
A vouloir decercler les tripes de la beste,
Ie vy trembler un Fan, lequel me sembla beau,
De taches marqueté: i'en escorchay la peau,
I'en fis ma panetiere, où quatre ou cinq cachettes
Se trouuent là dedans comme belles chambrettes,
L'une à mettre du pain, l'autre à mettre des noix,
L'autre à mettre la fonde & mon vaisseau de bois.
Or tiemme elle sera, si Pan te fauorise,
Estant victorieux de si belle entreprise.

Xandrin.

Qui sera nostre iuge, & voudra sans faueur
Donner au mienx-disant la victoire & l'honneur?

Appellon ce Pasteur qui est docte en Musique,
 Qui de tels differents entend bien la pratique:
 C'est celuy que mon chien abbaye: vois-tu pas
 Comme gaillard il vient deuers nous le grand pas?
 A voir sa panetiere & sa grise iaquette,
 Son chapeau fait de ionc, sa sonde Et sa houlette,
 C'est le Pasteur Lansac, des Muses le soucy,
 Dont le renom s'honore en autre part qu'icy:
 Le Tybre l'a cognu, Et les eaux argentines
 De la Touure qui court toute blanche de Cygnes.

Carlin.

Iuge-nous sans faueur, donne à celuy le prix
 Qui sera de nous deux à chanter m'eux appris:
 Nos chants ne sont combats, riotes ne finesses,
 C'est pour guerir l'amour de nos ieunes Maistresses.
 » Tous deux ne sommes qu'un: bien souuēt l'amitié
 » Par un ioyeux combat renforcé de moitié.

Lansac.

Or-sus assisez-vous, icy l'herbe est fleurie,
 Icy la vigne tendre aux ormeaux se marie,
 Icy l'ombrage est frais, icy naissent les fleurs,
 Icy le Rossignol rechant e ses douleurs,
 Icy l'onde murmure, & le gentil Zephyre
 Au trauers de ce bois par les fueilles souspire.
 Carlin, chante premier, Et toy Xandrin apres
 Fais en luy respondant retentir ces forests.

Carlin.

» Du puissant Iupiter les Princes ont leur naistre,
 Les Rois aux temps passés estoient des Pastoureaux:
 Apollon Et Mercure autrefois ont fait paistre,
 (Fils de Dieux comme nous) icy bas les troupeaux.

Xandrin.

Pan preside aux Pasteurs, du ciel il me regarde,
Il entend ma priere, il escoute mes chants :
Sur la France & sur moy de bon œil il prend garde,
Il nourrist mes troupeaux, & augmente mes champs.

Carlin.

Depuis le mortel coup, qui (tout le cœur me serre
Las! quand il m'en souuiet, d'angoisses & de pleurs)
Enuoya Pan au ciel, la plus fertile terre
N'a produit que halliers en lieu de belles fleurs.

Xandrin.

En lieu de bon Froment est sorty la Nielle,
Chardons pour Artichaux, Chenarde pour Safran:
Toute chose est changée, & la Rose nouvelle
Et les Lis sont flestris aux plus beaux iours de l'an.

Carlin.

Que vous estes heurenx d'auoir pris accroissance,
Chesnes qui faites ombre à ces petits Cyprés!
Les petits buissonnets n'ont sène ny puissance :
Je voudrois estre grand comme ces grands forests.

Xandrin.

L'âge ne sert de rien pourueu que le courage
Soit grand & genereux: ces buissons que tu vois
Qui ne font auourd'huy sinon vn peu d'ombrage,
Dimiendront quelquefois aussi hauts que ces bois.

Carlin.

Paissiez douces brebis, paissiez en ceste plaine
Du treste, & toy mō chien garde bien mon troupeau
Quand i'auray le loisir, toutes en la fontaine
Je vous iray lauer pour vous blanchir la peau.

Xandrin.

Bouc qui frappes du pied, & de la corne pousse

Le front de mes chéureaux, sois desormais plus doux:
 Il ne faut irriter mes chéures qui sont douces,
 Autrement tu serois la pasture des Loups.

Carlin.

Ne reviendra iamaïs ceste saison dorée
 Où les Pasteurs Charlots par les champs fleurissoient?
 Quand la terre portoit sans estre labourée
 Les bleds qui de leur gré par les champs iaunissoient?

Xandrin.

Entre les hommes vifs tousiours vit l'esperance,
 Pren courage Carlin, ce bon temps reviendra:
 Les eaux courrôt de lait, le miel prendra naissance
 Des Chesnes, Et l'Hyuer le Printemps deviendra.

Carlin.

Fleuves, enfãs de l'Air, Et vous fleurs bië-aimées,
 Si deffous mon flageol raiennir ie vous voy,
 Païssez à mon souhait mes brebis affamées,
 Et si Xandrin y vient, faites luy comme à moy.

Xandrin

Herbes qui boutonnez vertes ames sacrées,
 Si sous mon harigot reuerdir ie vous voy,
 Païssez à mon souhait mes troupeaux par ces prés,
 Et si Carlin y vient, faites luy comme à moy.

Carlin.

Nymphes, mon cher soucy, permettez que ie face
 Des vers tels que Francin ce grand Pasteur diuin:
 Ou bien s'il ne vous plaist me faire ceste grace,
 En vœu ie luy pendray mon flageol à ce Pin.

Xandrin.

Bergers, en ma faueur faites une couronne
 De l'Herre à mon front: si le Ciel n'est jaloux
 De mon âge nouveau, qui comme un pré fleuronne,

J'espere quelque iour me voir Maistre de vous.

Carlin.

*De la Musette un iour puisſé-ie tant apprendre,
Que ie chante à l'enuy les honneurs de Catin
Qui douce m'a nourry, comme une mere tendre
Son enfant le plus cher nourrist de son tetin.*

Xandrin.

*Je veux ainſi que toy chanter les honneurs d'elle,
J'espere de ſa main des Lauriers triomphans:
Douce elle m'a nourry, comme autrefois Cybelle
Sur les monts Ideans nourriſſoit ſes enfans.*

Carlin.

*Je veux de gaxons verds, pour mieux luy faire
hommage,
Luy dresser un Autel couuert de Poliot,
Où de Cormier taillé ie mettray ſon image,
Celle des deux Francins, celle de Henriot.*

Xandrin.

*Je veux chanter des vers ſur mon tuyau d'auéne:
Le vent les portera le long de ces paſtis:
Catin téporiſant ſouffrit beaucoup de peine
Pour garder nos troupeaux quand nous
eſtions petits.*

Carlin.

*Que ne tiens-ie en mes bras la douce Paſtourelle
Qui le cœur m'a rany d'un regard gracieux?
Qui de corps & de taille & de face eſt ſi belle,
Que ie ſuis trop heureux de languir pour ſes yeux?*

Xandrin.

*Je ne voudrois auoir les troupeaux d'Arcadie,
Ny des plus riches Rois les treſors plantureux:
Si i'auois ſeulement un baiſer de m'amie*

Deſſous

Deffous ces verds condriers, ie serois trop heureux.
Carlin.

Si tost que dans ces champs arriue Galatée,
Les herbes & les fleurs naissent par tout icy:
Mais si tost qu'autre part sa venë est escartée
Pour s'en aller de moy, les fleurs s'en vont aussi.

Xandrin.

Si tost que dans ces champs arriue Pasithée,
Par tout où elle va le beau Printemps la suit:
Mais si tost qu'autre part sa venë est escartée
Pour s'enfuyr de moy, le beau Printemps s'ensuit.

Carlin.

Ie garde à Galatée vn bel effein d'abeilles,
Qui bruyant doucement la belle endormiront:
Ie luy garde vn Chéureau qui desia fait merueilles
De bondir dessus l'herbe, & de coffer du front.

Xandrin.

Ie garde à Pasithée vne Linote en cage,
Que j'ay prise à la glus, & si bien l'autre iour
Ie luy fis oublier son naturel langage,
Que maintenant son chant n'est sinon que d'amour.

Carlin.

Bouc, Colounel barbu de mon troupeau champestre,
Va dire à Galatée à fin de l'enflamer,
Que le diuin Protée a souvent mené paistre
Du grand Prince Neptun les troupeaux sous la mer.

Xandrin.

Belier, fidele guide à mes brebis fertiles,
Va dire à Pasithée (elle chante icy pres)
Que Pallas toute seule aille habiter les villes,
Ie voux avecques Pan habiter les forests.

E

Carlin.

*C'est une chose triste au bois que la froidure,
Aux Merles l'Esprenier, aux Rivières l'Esté,
Au Pasteur amoureux une Maistresse dure
Qui garde apres la mort à Pluton sa beauté.*

Xandrin.

*Seul ie ne sens d'amour les fleches trop cruelles:
O pere Iupiter, ô Deesses, ô Dieux,
Vous aux tous aimé, & les beautés mortelles
Vous ont fait autrefois abandonner les Cieux.*

*Xandrin auoit finy, quand Carlin qui s'avance
D'ensler une autre flute, à chanter recommence.*

Carlin.

*Loups amis de ces bois, qui de iour & de nuit
Aguettez le troupeau qui par l'herbe me suit,
Pardonnez à mes bœufs, pardonnez à mes chèvres
Et à mes bons cornus qui portent barbe aux lèvres.*

*Et quoy mon chien Harpaut, te faut-il sommeiller,
Estant pres d'un enfant quand tu deusses veiller?*

*Brebis mangez broutez, n'espargnez mon herbage:
Tant plus il est tondu il revient d'avantage.*

*Paissez-vous de bonne herbe & vous enslez le Pis:
Le lait que vous aurez sera pour vos petits*

*Qui beslent dans le tait. Quoy? vous ne faites conte
De les aller penser? n'avez vous point de honte
De vouloir tout le iour par les prez sejourner?
Voicy la nuit qui vient, il s'en faut retourner.*

*Carlin vouloit partir, quand Xandrin qui entonne
Un autre Chalumeau, telle Chanson en sonne.*

Xandrin.

*Ainsi qu'une belle ante est l'honneur d'un verger,
Et le troupeau bien gras est l'honneur du Berger:*

*Ainsi, frere Carlin, l'honneur de nostre enfance
 C'est nostre Catherine, ainçois de toute France.
 Le miel puisse couler dessus elle en tout temps,
 Naïsse dessous ses pieds à iamais vn Printemps,
 Que iamais le malheur son Altesse n'abaisse,
 Qu'elle soit des François la nouvelle Déesse,
 Qu'elle escoute du ciel nos plaintes & nos vœux,
 Et soit garde à iamais de France & de nous deux.*

Lanfac.

*C'est plaisir qu'ouyr plaindre vne belle Genisse,
 D'ouyr le Rossignol, d'ouyr l'onde qui glisse
 A val d'un haut rocher, d'ouyr contre les bords
 Les flots de la grād' mer quand les vents ne sont forts.
 Mais c'est plus grand plaisir d'entendre vos Musettes:
 Qui passent en douceur les douceurs des Auettes.*

*Vos bouches à iamais se remplissent de miel,
 Et tousiours sains & gais vous maintienne le ciel.
 En honneurs, en vertus, & en sorées egales,
 Puisque vos deux Chançons surmontent les Cigales.*

*Que l'un donne son gage à l'autre de bon cœur,
 Car l'un n'a point esté dessus l'autre veingneur:
 Vieux par les forests sans haine & sans reproche,
 Adieu Gentils Pasteurs, adieu la nuit s'approche.*

E ij





LE CYCLOPE AMOVR-

REVX.



Contre le mal d'amour qui tous les
maux excède,
L'artifice n'inuente vn plus present
remede,
Soit pillule ou breuuage, emplastres
ou liqueurs,

Que la science apprinse à l'eschole des Sœurs.
Vn chacun en chantant veut soulager sa playe:
Mais Amour de chansons friuoles ne se paye,
Et ne preste l'oreille à tous les importuns:
Puis des sçauantes Sœurs les arts ne sont communs.
Et suffit si Nature en ses œuvres sacrée,
Fait naistre vn bon ouurier en toute vne contrée.

Je sçay bien d'Esprinay que vous sçauex comment
On se peut allegger d'un si gentil tourment:
Apollon vous honore & ceste belle trope
Qui suit par les rochers les pas de Calliope:
Puis vous estes courtois, & ie sçay bien aussi
Que rien ne vous plaist tant qu'un amoureux souci:
Vous ne prinstes naissance en vn desert rustique,
Germe d'un Tigre fier, ou d'un Lion d'Afrique.
C'est pourquoy de Sicile au riuage Breton
I'enuoy ce Polyfeme à qui tout le mēton
Rude s'espaississoit d'une longue filace,
Qui luy couuroit le front, les temples, & la face.

„ Amour qui rechatonille en nous les appetits,
 „ Domte aussi bien les grands comme il fait les petits.
 Par luy vous apprendrez que les Rois & les Princes
 Et les grands Gouverneurs des Royales Prouinces,
 Qui ont le cœur hautain & le sang genereux,
 Ne sont pas seulement des beutez amoureux:
 Mais ceux qui les troupeaux conduisent en pasture,
 Les pauvres Idiots, les monstres de nature
 Cachent en la poitrine vn ulcere arresté,
 D'esperance & d'ardeur ieunement allaieté:
 Comme vn Cyclope fit, qui l'ame auoit dontée
 De l'amour qu'il portoit à vne Galatée,
 Naiade de la mer dont il estoit espoit,
 Et pour sa recompense elle ne l'aimoit point.

Or ce grand Polyseme, horreur de la Sicile,
 Enfant Neptunien, aux hostes difficile,
 Pour se faire plus beau, d'vn râteau se peignoit,
 Et d'vne faulx sa barbe & ses ongles rongnoit,
 Qui d'vn taillis de poil herissoit sa poitrine,
 Et qui n'auoit mirouer que l'eau de la marine:
 Son corps estoit Géant, & au milieu du front
 Contournoit vn grand œil cōme vn grād boucler rōd:
 Il tenoit en son poing au lieu d'vne houlette
 Vn sapin esbranché: il auoit sa Musette
 Bruyante à cent tuyaux, & du haut du collet
 Jusqu'au bas des genoux pendoit son flageolet,
 Qu'il enfloit du matin iusqu'au soir, menant paistre
 Sur le bord de la mer son gras troupeau champestre.

Sa Maistresse il n'aimoit comme pour des bouquets,
 Pour de petits anneaux, pour vn tas d'affiquets
 Que donne le berger simplement à s'amie:
 Ains comme hors du sens & tout plein de furie

Après elle enrageoit : les Muses à la fin

A l'aide des beaux vers mirent son mal à fin.

*Vn iour voyant du bord sa cruelle Maistresse
Qui se peignoit sur l'onde ainsi qu'une Déesse,
S'assist sur un rocher, & d'un larmoyant son
Tourné deuers la mer chanta ceste chanson.*

*O belle Galatée ensemble fiere & belle,
Pourquoy ieune beauté m'estes-vous si cruelle?
Pourquoy me tuez-vous? ne vaudroit-il pas mieux
Me meurdrir de cent morts qui viennent de vos yeux
Mourant aupres de vous, que languir en seruage
Banny de vostre grace au bord de ce riuage?
Vos yeux dedans les miens ont versé tant d'amour
Que pour eux ie sousspire & de nuict & de iour,
Et suis tant allumé d'une fièvre incurable,
Que mon troupeau tout seul s'en retourne à l'estable
Quand Vesper est venue, Et dès l'Aurore aussi
Sans conduite reuient tout seul repaistre icy.*

*Les grands vaisseaux chargez, qui me seruoient de
proye,
Leur coupant le chemin au milieu de leur voye,
Serrez entre mes bras comme dans un lien,
Font voile au gré du vent, sans plus ne craindre rien,
Puis qu'il vous plaist, Maistresse, & si n'auex enuie
D'un seul petit baiser me soulager la vie,
A qui ia la vigueur & la force defaut:
Et ce qui plus me deult, c'est qu'il ne vous en chaut!*

*O montaigne d'Etna que d'ici ie regarde
Vomir à chands bouillons une flame qui garde,
Sa nourriture en soy ! comme vous au dedans,
Amour m'a tout bruslé de ses flambeaux ardans,
Dont on peut la chaleur par mes sousspirs comprendre;*

Helas ! vostre brasier se couure d'une cendre
 Qui par sou se rallume, & couvrir ie ne puis
 D'une cendre le feu dont embrasé ie suis.

O fontaine *Arethuse*, amoureuse ancienne
 De ce Dieu qui preside à l'onde *Alpheïenne*,
 Je suis esmerueillé qu'en boiant de vostre eau,
 Et m'y baignant souvent, ie n'esteins le flambeau
 Qu'amour autour du cœur si chaudement m'allume,
 Et que vostre froideur ma chaleur ne consume!

O rochers endurcis au bord de cette mer,
 Je voudrois me pouoir en pierre transformer
 Pour ne sentir plus rien comme chose inutile,
 Non plus que fait *Niobe* au reber de *Sipyle*!

O forests que ie porte enuie à vostre bien!
 Et d'autant ô forests que vous ne sentez rien,
 Et d'autant que tousiours vostre chef renouvelle
 De Printemps en Printemps sa perruque nouvelle,
 Mais ie ne puis changer mon amoureux esmoy.
 Qui tousiours m'accompagne Et vieillist avec moy.

O mer bien que soyez & cruelle & amere,
 Ie ne vous puis haïr : car vous este la mere
 De celle qui me tue : on chante que *Venus*
 Nasquit d'escume blanche entre vos flots chenus :
 Toutefois elle est calme : & par nulle priere
 Ie ne puis adoucir ceste autre marinere,
 Ceste *Venus* seconde en qui la cruauté
 De la mer apparoust avecques la beauté.

I'aime pour mon confort de voir la pierre ponce
 Qui nage dessus l'eau Et i'amaïs ne s'enfonce
 Non plus que mon penser qui ça qui là noïant
 Ainsi que *Galatée* en l'eau se va ioïant.

I'aime bien des *Daufins* l'amoureuse nature,

Qui sous le froid des eaux, ont senti la pointure
D'aimer ainsi que moy : mais leur sort amoureux
Est trop plus que le mien en amour bien-heureux.

J'aime l'esponge aussi, d'autant qu'elle est vile
A m'essuyer le pleur qui de mes yeux distille.

J'aime aussi le coural d'autant qu'il est pareil
Aux lèures de m'amie & à son teint vermeil:
Seulement ie me hay, de s'esperé pour n'estre
Aimé de ces beaux yeux qui du mien se font maistre.

O Nymfe qui m'avez tout le cœur embrasé,
Tendez-moy vostre bouche à fin d'estre baisé.
On dit qu'au ciel là haut un grand Iupiter tonne,
Qui de ses feux ardans tous les peuples estonne:
Vostre œil m'est Iupiter qui tout m'a foudroyé
D'un regard que m'avez dans le cœur enuoyé,
Et si n'avez souci d'esteindre en nulle sorte,
Non d'un petit sou-ris la flame que ie porte.

Las ! vous venez ici pour iouer sur les bords
Quand seule vous voyez que tout sent ie m'endors,
Et pour me resueiller vous me tirez l'oreille,
Puis en l'eau vous fuyez si tost que ie m'esueille:
Seulement mes Harpaux qui gardent mon troupeau,
Courent apres vostre ombre & l'aboyent sur l'eau.

Que maudit soit le iour que ie vous vis premiere
Cueillir parmi ces prez des fleurs avec ma mere!
Je vous seruois de guide, ah, ie n'ay sceu depuis
Moy mesme me guider, tant esgaré ie suis.

De teste & d'estomach ie deuins tout malade,
Mon œil deuint terni, ma couleur deuint fade:
Ma mere sceut mon mal qui iamais ne voulut
Tant seulement vous dire un mot pour mon salut.
Si elle vous eust dit ma passion nouvelle,

Peut estre qu'enussiez fait quelque chose pour elle.

Hà que ie suis marry qu'en naissant ie ne pris
La forme d'un poisson à fin d'auoir appris
A bien nager, pour voir deffous les eaux profondes
Quel plaisir vous auez à iouer sous les ondes!
Tousiours à pleines mains ie vous eusse porté
Des roses au Printemps, des œillets en Esté,
Du safran en Autonne, & non pas tout ensemble,
Mais comme la saison diuerse les assemble.
Au-moins i'eusse baisé vostre main & vos bras:
Car baiser vostre bouche il ne m'appartient pas.

Sortez de l'eau Maistresse, & sortant qu'on oublie
De plus s'en retourner, comme Amour qui me lie
Me fait ici pour vous sur ce bord sejourner,
Oubliant vers le soir de plus m'en retourner:
Et souffrez désormais, que sans vous, le riuage
De ceste grande mer soit battu de l'orage.

Mieux vaudroit en mô Antre avec moy demeurer
Pour faire du fromage & du laiët pressurer,
Tirer deuers le soir le Pis aux vaches pleines,
Conduire les aigneaux par les herbeuses plaines,
Voir sauter les chéureaux, cossier les bouuillons,
Qu'habiter de la mer les steriles sillons.

Sortez de vostre mer, venez à la bonne heure
Habiter le sejour de ma douce demeure:
Vous serex à mes yeux plus blanche que les Lis,
Plus vermeille qu'œillets nouuellement cueillis,
Plus droite que le jonc, plus tendre & plus fleurie
Que n'est au mois d'Auril vne ieune prairie,
Qu'un iardin arrousé: qu'un pré tondue de frais
Que l'ombrage en Esté des espais ses forés.

Sinon, vous me serex plus fiere, ô Galatée,

Qu'un aspic, qu'une mer, qu'une flamme esuentée,
 Plus fier que n'est un Pan, plus volage que vent,
 Plus fuyarde qu'un Cerf que les chiens vont suiuañt:
 Plus sourde qu'un rocher, & plus fausse & mèteuse
 Que n'est de vostre mer l'apparence venteuse:

Si vous m'amiez pour vostre entre vos bras recen,
 Vous viendriez heberger en mon Antre moussu.

Je suis riche en troupeaux soit à corne ou à laine,
 Les uns errent aux bois, les autres en la plaine,
 Les autres plus legers grimpent sur le rocher,
 Et les autres s'en-vont sur les fleurs se coucher,
 L'un repose à l'estable, & l'autre dessous l'ombre:
 Bref j'ay tāt de troupeaux que ie n'en sçay le nōbre,
 Aussi sans les conter ie sçay que tout est mien:

» Pauvre est celuy qui sçait le nombre de son bien.

Je trouuay l'autre iour le cauerneux repaire
 D'une Ourse bien pelue, & dedans une paire
 De petits Ourselets qui desia pourront bien
 Se iouer avec vous sans auoir peur de rien:
 Ils sont bien esueillez, peu farouches, & semblent
 Estre freres bessons, tant fort ils se ressemblent:
 Je les trouuay pour vous, ie les vous garde aussi
 S'il vous plaist de venir sur ceste riue ici
 Me ferrer en vos bras & pousser hors de l'onde
 De vostre chef marin la belle tresse blonde.

Venez doncq' m'embrasser sans vouloir destourner
 Vos yeux des beaux presents que ie vo^x veux dōner:
 Certes ie me cognois, ma face n'est difforme,
 Je prens plaisir extreme à contempler ma forme.
 L'autre iour tout mon chef & mon corps ie lauay,
 Quand la mer estoit calme, & beau ie me trouuay.
 Si ma teste aux lōgs crins cōme un taillis ombrage

Mon espaule & mon dos, en suis ie plus sauuage?
 Si de crains espoisis mon estomac est plein,
 Ne pensez que Nature ait rien fait de vilain.
 Vn arbre n'est point beau sans espaisse fueillée,
 Vn cheual sans longs crins: la laine entortillée
 Fait belle la brebis, les plumes les oiseaux,
 Longue barbe Et long crin font les hommes plus
 beaux.

Ie n'ay qu'un œil au front: le Soleil qui nous darde
 Le iour de ses rayons d'un seul œil nous regarde.
 La Lune n'a qu'un œil, ie n'ay qu'un œil aussi:
 Compaignon du Soleil i'allege mon souci.
 Adiouster d'autre part que Neptune est mon pere
 Qui comande à vos eaux: vous l'aurez pour beau-
 pere

S'il vous plaist m'espouser, & si par amitié
 De ce pauvre Cyclope auez quelque pitié,
 Qui ne trouue allegance au mal qui le trouuerment,
 Sinon quand il vous void, ou bien quand il vous
 chante.

Pauvre Cyclope helas! quelle fureur a pris
 Fureur de trop aimer follement tes esprits?
 Il vaudroit mieux pënser à ton petit affaire,
 Aller tes aigneaux Et tes genices traire,
 Et lacer tes paniers sur ce bord tout le iour,
 Que d'estre sans rien faire à chanter de l'amour
 Ou en aimer vne autre, ou seindre dans toymesmes
 Que tu es bien aimé de celle que tu aimes.
 Car seindre d'estre aimé (puis que mieux on ne peut)
 Allege bien souuent l'amoureux qui se vent
 Soy-mesmes se tromper, se guarissant la playe
 Aussi bien par le faux que par la chose vraye.



ECLOGVE VI.
SVR LA MORT DE
MARGVERITE DE
France, sœur du Roy
François premier.



IE N-HEVREUSE Et
chaste Cendre,
Que la Mort a fait descen-
dre
Dessous l'oubly du tombeau:
Tombeau qui vrayment en-
ferre

Tout ce qu'auoit nostre terre
D'honneur, de grace Et de beau.

Comme les herbes fleuries
Sont les honneurs des prairies
Et des prez les ruisselets,
De l'orme la vigne aimée,
Des bocages la ramée,
Des champs les bleds nouvelets:

Ainsi tu fus, ô Princesse
(Ainçois plustost, ô Deesse)
Tu fus la perle Et l'honneur

Des Princesses de nostre âge,
 Soit en splendeur de lignage,
 Soit en biens, soit en bon-heur.

Il ne faut point qu'on te face
 Vn sepulchre qui embrasse
 Mille termes en vn rond,
 Pompeux d'ouvrages antiques,
 Et braue en piliers Doriques
 Eleuez à double front.

L'airain, le marbre, & le cuiure
 Font tant seulement reuiure
 Ceux qui meurent sans renom,
 Et desquels la sepulture
 Presse sous mesme closture
 Le corps, la vie, Et le nom.

Mais toy, dont la renommée
 Porte d'une aile animée
 Par le monde tes valeurs,
 Mieux que ces poinctes superbes
 Te plaisent les douces herbes,
 Les fontaines Et les fleurs.

Vous Pasteurs, que la Garonne
 D'un demy-tour environne,
 Au milieu de vos prez vers,
 Faites sa tombe nouvelle,
 Grauez un tableau sus elle
 Du long oerle de ces vers :

Icy la Royne sommeille
 Des Roynes la nompareille,
 Qui si doucement chanta :
 C'est la Royne MARGVERITE,
 La plus belle fleur d'elite

Qu'onque l'Aurore enfanta.

Puis sonnez vos cornemuses,
Et menex au bal les Muses
En un cerne tout-à-tour,
Soit aux iours de la froidure,
Ou quand la ienne verdure
Fera son nouveau retour.

Aux rais cornus de la Lune
Assemblez sous la nuit brune
Sur les bords d'un ruisseau
Vos Nymphes & vos Dryades,
Donnez-luy dix mille aubades
Au doux son du flageolet.

Tous les ans soit recouuerte
De gazon sa tombe verte,
Et qu'un ruisseau murmurant
Neuf fois recourbant ses ondes,
De neuf torches vagabondes
Aille sa tombe emmurant.

Dites à vos brebiettes,
Fuyez-vous-en camusettes,
Gaignez l'ombre de ce bois:
Ne broutez en ceste prée,
Toute l'herbe en est sacrée
A la Nymfe de Valois.

Dites qu'à tout iamais tombe
La manne dessus sa tombe:
Dites aux filles du ciel,
Venex mousches mesnagères,
Rliez vos ailes legeres,
Faites icy vostre miel.

Dites leur, Troupes mignonnes,

Que vos liqueurs seroient bonnes,
Si leur douceur egaloit
La douceur de sa parole,
Lors que sa voix douce & molle
Plus douce que miel couloit !

Dites que les mains auarès
N'ont pillé des lieux barbares
Telle MARGVERITE encor
Qui fut par son excellence
L'Orient de nostre France,
Ses Indes & son tresor.

Ombragez d'herbes la terre,
Tapissez-la de lierre,
Plantez vn Cyprés aussi :
Et notez dedans à force
Sur la nouaillense escorce
De rechef ces vers icy.

Pasteurs, si quelcun souhète
D'estre fait nouveau Poëte,
Dorme au frais de ces rameaux :
Il le sera sans qu'il ronge
Le Laurier, ou qu'il se plonge
Sous l'eau des tertres jumeaux.

Semez aprez mille roses
Mille fieuriettes decloses,
Versez du miel & du laiët :
Et pour annuel office,
Respandez en sa crifice
Le sang d'un blanc aiglelet.

Faites encor à sa gloire
(Pour en fester la memoire)
Mille ieux & mille esbats :

Vostre Royne sainte & grande
Du haut ciel vous le commande,
Pasteurs n'y faillez donc pas.

Iô, iô MARGVERITE,
Soit que ton esprit habite
Sur la nuë, ou dans les champs
Que le long oubly couronne,
Oy ma Lyre qui te sonne,
Et fauorise mes chants.

Fin. des Eclogues.



SONNET.

*Mascarade & Cartels ont prins leur nourriture,
 L'un des Italiens, l'autre des vieux François,
 Qui erroient tous armés par deserts & par bois,
 Accompagnés d'un Nain cherchant leur aventure.
 L'honneur des nobles cœurs généreuse pincture,
 Les faisoit par Cartels desfier aux tournois,
 (On nuds en un duel, ou armés du pauois)
 Ceux qui forçoient les loix, le peuple & la droicteure.
 L'accort Italien quand il ne vent bastir
 Un Theatre pompeux, un coſteux repentir,
 La longue Tragedie en Mascarade change.
 Il en est l'inuenteur: nous ſuyuons ſes leçons;
 Comme ſes veſtemens, ſes mœurs & ſes façons;
 Tant l'ardeur des François aime la choſe eſtrange.*



XXXXXXXXXXXXXXXXXXXX

A TRES-ILLVSTRE ET
MAGNANIME PRINCE,
Henry de Lorraine, Pair de
France, & Duc de
Guise.



Prince, dont le vieil sang des Rois
de France part,
(Puis que tu as esté la plus gail-
larde part
De ces Tournois, Cartels Et
Mascarades, pleines
De icunesse & d'Amour Et d'honorables peines,
Comme estant de Venus Et de Mars bien chery,
Et entre les Lauriers dès le berceau nourry,
Que ton pere t'acquist, te laissant en partage
Et à toute ta race une ardeur de courage
De vouloir imiter ses faictz victorieux,
Ou bien les egaler, ou bien de faire mieux)
Pren d'un bon œil ce Liure, Et deormais endure
Qu'on inuoque ton Nom, ou soit par Escriture
Appendue à ton Temple aupres de ton Castor.
Soit par vœux solennels escrits en lettres d'or,
Afin que par les ans ne soient point estouffees
Les vertus des Lorrains, illustres de trophées,
Dont l'honneur Et le bruit ne trouuent leur pareil,
Non plus que sans pareil au monde est le Soleil.



LES MASCARADES,
COMBATS ET CARTELS.
faicts à Paris & au Carnauval
de Fontaine-bleau.

Dediez à tres-vertueux, tres-victorieux,
& tres-magnanime Prince, Henry de
Lorraine, Duc de Guise, &
Pair de France.

CARTEL I.



*Pres auoir pour l'Amour combattu,
Suiuant le train d'honneur et de vertu,
Et fait sçauoir d'une main valeureuse
Que peut l'ardeur d'une flame amou-
reuse:*

*Après auoir les Dames sçeu vanger
Et trauersé maint pays estranger:
Plein de ieunesse & d'amitié loyale
Je viens d'Irlande en ceste Cour Royale,
Où de tout temps on void de toutes pars
Des Cheualiers aussi vaillans que Mars.
Amour qui peut les plus vaillans contraindre,
Ne m'a conduit ici pour me contraindre,
Pour accuser ses traits ou sa rigueur:*

Car son bel arc n'offense point mon cœur,
 Ny le soucy qui fait naistre les larmes,
 De larges pleurs ne baignent point mes armes.

Vertu qui est nourrice de mon feu,
 M'a tellement d'une Dame pourueu,
 Qu'en la servant ie ne veux autre attente:
 De ses beaux yeux sans plus ie me contente.

En desirant ie ne desire rien,
 Ne iouyssant ie iouys de mon bien,
 Tout mon parfait habite en ma parfaite,
 Ma volonté de son vouloir est faite.

Ie vis en elle, elle vit dedans moy,
 Ce n'est qu'un cœur, qu'une ame & qu'une foy,
 Et qu'un esprit qui tient liez ensemble
 Un double corps, qui du tout se ressemble:
 Elle est heureuse, & ic suis bien-heureux,
 Et bien-aymé ie suis bien amoureux.

En son penser vit tousiours ma pensée,
 Son ame en moy, la mienne en soy passée
 Fait que cherchant ie me trouue en ses yeux,
 Et m'y trouuant ie ne cherche pas mieux.
 Ainsin Amour qui a toute puissance,
 Fait de nos cœurs & de nous une essence:
 Car ie ne veux pour mon contentement
 Sinon l'aimer Et la voir seulement
 Et l'honorer comme chose tressainte.

Et c'est pourquoy ie n'ay point l'ame atteinte
 De triste ennuy comme un tas d'amoureux
 Qui sans espoir sont tousiours languoureux.

Donc si quelqu'un de la troupe veut dire
 Que la beauté dont la grace m'attire,
 Toutes beaultéz ne surpasse d'autant

*Que desur tous ie m'estime contant,
Vienne au combat tenter ma hardiesse:
Avant partir il faudra qu'il confesse
Que rien n'approche au pris de sa beauté,
Ny nulle foy pres de ma loyauté.*



C A R T E L I I.



*Tant l'œil triste & pesant le sourcil,
L'ay nulle fois tout rempli de soncil,
Entre les bois les monts & les riuages
Conté ma plainte aux bestes plus
sauvages,*

*Eschaufant l'air de soupîrs amoureux,
Pensant au bien qu'on me fait malheureux,*

*Il n'y a bois ny roche tant soit dure,
Antre, desert, ny ruisseau, ny verdure
Làs! qui ne soit tescmoin bien asseuré
Du mal que j'ay si long temps enduré.*

*Mais cognoissant que les roches desertes,
Antres & monts, & hautes forests vertes,
(Comme n'ayans ny cœur ny sentiment)
N'auoient pouuoir d'entendre mon tourment:
Je viens des bois aux hommes pour me faire
Entendre d'eux, qui seuls de mon affaire
Peuvent iuger blasmant la cruauté
D'une si ieune & parfaite beauté.*

Quelle asseurance est seure entre les Dames,

Si leur donnant le sang, le corps, les ames,
Si leur prestant Et faueur Et support,
Pour recompense on n'a rien que la mort?

O sexe ingrat Et remply de malice,
Indigne helas qu'on luy face seruice!

O fier destin! ô ciel infortuné!
Pourquoy m'as-tu cruellement donné
Pour me tuer, vne Dame si belle?
Elle sçait bien que ie languis pour elle,
Que ie l'adore & que ie l'aime mieux
Cent mille fois que ie ne fais mes yeux,
Mon cœur, mon sang: car ie n'ayme ma vie
Sinon d'autant qu'elle en sera seruie.

Douce beauté qui fais honte au Soleil,
Regarde un peu mon travail nompareil,
Ne sois ensemble & si belle Et si fiere:

„ Toute rigueur s'amollit par priere:
„ Tout gentil cœur s'eschauffe d'amitié:
Sois donc plus douce Et prens de moy pitié.
Garde toy bien que Dieu ne te punisse:
„ L'ingratitude est vn horrible vice,
„ Vice cruel meschant, Et malheureux,
„ Et non logeable en vn cœur genereux.

Las! si ma foy, si ma douleur extrême,
Si t'aimer plus mille fois que moy-mesme,
Si mes souspirs, mes plaintes, & mes pleurs
Pour recompense ont cent mille douleurs,
Mauuaise chere, esperances trop vaines,
Refus, desdains, paroles incertaines,
Et vn propos non iamais asseuré,
Et vn espoir qui est desesperé:
Si j'ay senti les ruses dont les femmes

*Sçauent tromper les plus gentilles ames,
 Je veux mourir pour ne nourrir au cœur
 Plus longuement une telle langueur:*

Car par la mort l'ennuy se peut desfaire.

*Et toutesfois la mort ne sçauroit fa re
 Que ie n'honore Et prise mon trespas,
 Et qu'aux esprits ie ne contè là bas
 Que la beauté pour qui ie meurs, est telle
 Qu'on n'en void point au monde de plus belle.*

*Donq' si quelqu'un veut soustenir ici
 Que la douleur où ie suis endurci,
 Ne vaille mieux que toute iouissance,
 Vienne au combat esprouuer ma puissance:
 Je soustiendray que telle cruauté
 Merend heureux pour si grande beauté.*



C A R T E L I I I.

S*I le renom des Cheualiers François,
 Et la vertu des magnanimes Rois
 Dont vous tirez vostre race si belle,
 N'eussent voulu de tout temps soustenir
 Les affliges, vous ne voirriez venir
 Vers vous ici ceste humble Damoiselle:*

*Laquelle vient Sire, vous requerrir
 De nous vouloir au besoin secourir,
 Nous redonnant la liberté ranie:*

Et pour auoir de nous compassion,
 Vous plaise ouyr de quelle oppression
 Vn fier Tyran tourmente nostre vie.

D'illustre sang & d'antique maison
 Fusmes deux sœurs qui viuons en prison,
 En bonne grace & en vertus parfaites:
 Heureuses las! si nous n'eussions porté
 Desur le front tant de ieune beauté,
 Et si le Ciel plus laides nous eust faites!

Nostre beauté nous a fait vn grand tort:
 Car pour auoir trop de beaultez, trop fort
 D'un grand Tyran helas! sommes aimées,
 Qui ne pouuant nos chastetex forcer,
 Son trop d'amour en haine à fait passer,
 Nous retenant en prison enfermées.

Ce glorieux d'Arcalaüs yssu,
 Par artifice ed.fier a sçeu
 Vne grand tour inaccessible & forte,
 Où il nous fait cent mille maux sentir,
 Et pour n'auoir liberté de sortir,
 Deux Cheualiers a mis deuant la porte.

Or nous auons par Vrgande entendu
 Que le malheur dessus nous descendu,
 Et la misere où nostre vie abonde,
 Ne se perdra sinon par les efforts
 De deux guerriers ieunes courtois & forts,
 Enfans d'un Roy le plus vaillant du monde.

Et pour-autant Sire, que la vigneur
 Qui de promesse allume vostre cœur,
 Et celle ausst de Henry vostre frere
 Vous font ensemble & vaillans & courtois,
 Nous esperons qu'en vestant le harnois

Tous deux pourrez l'entreprise parfaire.
 Et ne pourront ces deux grands Cheualiers,
 Bien qu'on les vante aux armes les premiers,
 Vous resister que n'ayez la victoire
 Digne du lieu dont vous estes venus :
 Ainsi serez par le monde connus
 Deux grands guerriers pleins de force & de gloire.



CARTEL IIII.

D Emeure Cheualier, & en la mesme
 place
 Arreste ton cheual & retiens ton au-
 dace:
 Car soit que la fortune, ou soit que le
 malhem,

Ou soit que le desir d'esprouuer ta valeur
 Te meine à ce Chasteau, entens les auentures
 Que tu dois achener, difficiles & dures.

Encores que tu sois vaillant & martial,
 Si tu n'es Cheualier à ta Dame loyal,
 Tu ne pourras passer une arche qui se treuve,
 Où la fidele amour des Cheualiers s'esprenue.

Donques de passer outre essayer il ne faut,
 Si la ferme amitié dans le cœur te defaut,
 Et si parfaitement celle tu n'as seruie
 Que tu denois tenir plus chere que ta vie.

Ce Chasteau que tu vois n'a seulement le mur
 Sauvage solitaire inaccessible & dur,

Mais il est par dedans encores plus terrible
 Plein de peur & d'effroy Et d'une crainte horrible
 De fantômes d'esprits Et de brasiers ardans:
 Toutefois agreable à ceux qui sont dedans
 Autant que par dehors à tous il est estrange.

Six vaillans Cheualiers d'eternelle louange,
 Favorisez de Mars, ieunes auantureux,
 Magnanimes Et forts & loyaux amoureux,
 Le gardent nuit & iour, Et d'une estrange sorte
 Contre tous assaillans en defendent la porte.

Or toy quiconque sois animé de vertu,
 Qui as en mille lieux pour l'amour combattu,
 Regarde en quel danger follement tu te icctes,
 Et au pris de ta vie un repentir n'achettes.

Regarde Cheualier, auant que t'esprouuer,
 Le moyen d'en sortir si tu en peux trouuer.
 Voy le camp plein de sang de tât de forts gédarmes,
 Bordé de tous costez de toutes sortes d'armes,
 Piques, haches, poignards : de toutes tu prendras
 Pour venir au combat celle que tu voudras.
 A cheual & à pied esprouuant ta prouësse
 Contre un des six, armé d'amour & de ieunesse.

Or si tu es veincu, l'Amant victorieux
 Portera pour trophé' huntain Et glorieux
 Ta despouille à sa Dame : & si ton bras surmonte,
 Tu porteras la sienne à celle qui te doute:
 Et ton corps enchainé prisonnier demourra,
 Qui sans pouuoir mourir cent mille fois mourra.

J'ay veu maints Cheualiers dôt la fiere assurance,
 Les gestes & le port donnoient quelque esperance
 D'efforcer le Chasteau, qui en fin s'en reuont
 Rempportans pour l'honneur la honte sur le front,

Et en lieu de la gloire, hâ ! recompense rude,
De libres Cheualiers sont mis en seruitude,
Et tousiours abaissant vers la terre les yeux
N'osent plus regarder leur Dame ny les ciens.

Ce Chasteau que tu vois par armes n'est forgable,
Par fraude ou par surprinse : il est innolable,
Il l'a tousiours esté, & le sera tousiours,
Comme estant le seul fort des fideles amours.

Pource mon Cheualier arreste ta furie,
Et par le sang d'autrui sois sage ie te prie,
Ne combas point, à fin que n'estant le plus fort
T'achetes une honte aux despens de la mort,
Ou pense bien deuant qu'essayer l'entreprise:
,, Trop tard on se repent quand la fante est comise.



LE TROPHEE D'AMOVR

A LA COMEDIE DE

Fontaine-bleau.

IE suis Amour le grand maistre des
Dieux,
Ie suis celuy qui fait mouvoir les
Ciens,

Ie suis celuy qui gouuerne le monde,
Qui le premier hors de la masse esclos
Donnay lumiere & fendi le Chaos
Dont fut basti ceste machine ronde.

Rien ne sçauroit à mon arc resister,

F ij

Rien ne pourroit mes fleches eviter,
 Et en fant nud ie fais tousiours la guerre;
 Tout m'obeyst, les oiseaux esmaillez,
 Et de la mer les poissons escaillez,
 Et les mortels heritiers sur la terre.

La paix, la tréue, Et/ la guerre me plaist,
 Du sang humain mon appetit se paist,
 Et volontiers ic m'abreuue de larmes:
 Les plus hautains sont pris à mon lien,
 Le corselet au soldart ne sert rien,
 Et le harnois ne defend les gend'armes.

Ie tourne Et/ change & renucrse & desfaiz
 Ce que ie veux, & puis ie le refais,
 Et de mon feu toute ame est eschaufée:
 Ie suis de tout le Seigneur Et/ le Roy:
 Rois & Seigneurs vont captifs devant moy,
 Et de leurs cœurs d'enrichis mon trofée.

De Iupiter le Sceptre i'ay donté,
 Iusqu'aux enfers i'ay Pluton surmonté,
 Et de Neptune ay blessé la poitrine:
 De rien ne sert aux ondes la froideur,
 Que les Tritons ne sentent mon ardeur,
 Et que mon feu n'embrase la marine.

La volupté, la ieunesse me suit,
 L'oisiuété en pompe me conduit,
 Ie suis auetugle, & si ay bonne veuë,
 Ie suis enfant & suis pere des Dieux,
 Foible, puissant, superbe, gracieux,
 Et sans viser ie frappe à l'impouruë.

L'homme est de plomb, de rocher Et/ de bois,
 Qui n'a senti les traits de mon carquois:
 Seul ie le fais & courtois & adestre:

Les cœurs sans moy languissent refroidis,
Le les rends chauds, animez & hardis,
Et bref ie suis de toute chose maistre.

Qui ne me void, au monde ne void rien:
Ic suis du monde Et le mal & le bien,
Ie suis le doux Et l'amer tout ensemble,
Ie n'ay patron ny exemple que moy,
Ie suis mon tout, ma puissance & ma loy,
Et seulement à moy seul ie ressemble.



LE TROPHEE DE LA CHASTETE' EN LA mesme Comedie.

Pour mon Trophée en ce char triomphant
Pris & captif ie meine cest Enfant
Qui des mortels a surmonté la gloire:
Ie vous diray comme ie l'ay veincu
Par la vertu d'un merueilleux escu
Qui de ce Dieu m'a donné la victoire.


Amour voyant que seule entre les Dieux
I'auois un trait du sien victorieux,
Et que du tout ie n'estois sa suiette,
Pour me donter prist l'arc en vne main,
Le feu dans l'autre, & m'assaillant en vain,
Perdit d'un coup sa flame & sa sagette.

Pour resister à ce Prince animé
D'un fort bouclier l'estomac ie m'armé,
Fait de constance & de persuerance,
Où l'Amoureux au trauers se miroit,
Et tellement insqu'en l'ame esclairoit,
Qu'il cognoissoit d'un regard son offense.

Voulant son arc contre moy descocher,
Trouua l'escu aussi dur qu'un rocher
Tout à l'entour environné de glace,
Qui de son arc la puissance amortit,
Et son ardeur en froideur conuertit,
Et tous ses traits brisa desur la place.

Lors le voyant sans armes & tout nu,
Pour prisonnier ie l'ay depuis tenu,
En le menant deuant mon char en pompe:
Et par despit i'ay cassé son carquois,
Esteint son feu, rompu son arc Turquois:
C'est bien raison que le trompeur on trompe.





MASCARADES FAI-

TES A BAR-LE-DVC.

LES QUATRE ELEMENS

parlent au Roy.

LA TERRE.



E t'ay donné Charles Roy des Fran-
çois,

Non pas un fleuve, une ville ou un
bois,

Mais en t'ouurant ma richesse se-
conde,

De tous les biens que j'auois espargné
Depuis mille ans, ie t'ay accompagné
Pour estre fait le plus grand Roy du monde.

LA MER.

A Vtant que j'ay d'escumes & de flos
Lors que les vents cheminent sur mon dos,
Et que le Ciel à Neptune fait guerre,
Autant de force & d'honneur j'ay donné
A ce grand Prince heureusement bien-né,
Pour estre Roy le plus grand de la terre.


L'AIR.

I E nourris tout, toutes choses d'embrasse,
Et ma vertu par toute chose passe,
Je serre tout, ie tiens tout en mes mains:
Et tout ainsi que de tout ie suis maistre,
Pour commander au monde j'ay fait naistre
Ce ieune Roy le plus grand des humains.

F iij

L E F E V.

CE que j'auois de clair & de gentil,
 De prompt, de vif, de parfait, de subtil
 Je l'ay donné à Charles Roy de France,
 Pour illustrer son Sceptre tout ainsi
 Qu'on void le Ciel de mes feux esclairci,
 Et que Dieu mesme a de moy son essence.



LES QUATRE PLANE- tes respondent.

L E S O L E I L.

CE n'est pas toy Terre, qui ce grand Roy
 As tant rempli de puissance, c'est moy
 De qui l'aspect aux Roys donne la vie,
 Et peut leur Sceptre en gloire maintenir:
 Donc si tu veux ton dire soustenir,
 Vien au combat, ici ie te desfie.

M E R C U R E.

IE donne aux Roys l'aduis & la prudence;
 Et le conseil qui passe la puissance,
 Comme j'ay fait à Charles ce grand Roy
 Pour gouverner la terre vniuerselle:
 Et si la Mer veut dire que c'est elle,
 Je dy que non, soustenant que c'est moy.


S A T U R N E.

IE fais long temps les Royaumes durer,
 Et les grands Roys longuement prosperer,

*Quand d'un bon œil i'esclaire à leur naissance,
Comme à ce Roy que i'ay fait de ma main,
Et non pas l'Air mol variable & vain:
S'il le soustient, qu'il se mette en defense.*

M A R S.

I*E fais les Rois valeureux & guerriers,
Et sur leur front ie plante les Lauriers,
Quand en naissant mon flambeau leur esclaire:
Le feu n'a fait vn Prince si gentil:
Car le feu est de nature infertil,
Et s'il le dit ie soustiens le contraire.*




LE IV GEMENT DE

I V P I T E R.

A*Ppaisez-vous, ne iouez plus des mains
Vous Elemens Et vous quatre Planetes
Qui sous mon Sceptre aussi humbles vous estes
Que deffous vous sont humbles les humains.
I'ay, non pas vous, par mes propres deffains
Mis en ce Roy tant de vertus parfaites
Pour gouverner les terres qui i'ay faites:
» Car du grand Dieu les œuvres ne sont vains.
Et bien qu'il soit encore ieune d'âge,
Dés maintenant ie veux faire un partage
Auecque luy de ce Monde diuers:
I'auray pour moy les Cieux & le Tonnerre,
Et pour sa part ce Prince aura la Terre:
Ainsi tous deux partirons l'Vniuers.*

F v



STANCES A CHANTER

SVR LA LYRE, POVR L'A-
uant-venue de la Royned'E-
spaigne à Bayonne.

I.



Oleil la vie & la force du monde,
Grand œil de Dieu, Soleil pere du
iour,
Monte à cheual & tire hors de l'en-
de

Ton char qui fait pour nous trop de seiour:
Haste ton cours & en France accompagne
L'autre beau iour qui reloit en Espagne.

II.

Lune ornement & l'honneur du silence,
Qui par le Ciel erres en cent travaux,
Retien la nuit & arreste la dance
Des Astres clairs conduits par tes cheuaux:
Fay place au iour dont le bon-heur assemble
Fils, mere & fille & deux Sceptres ensemble.

III.

Il ne faut point qu'au iour de la venue
Le Soleil luse, un autre iour viendra,
Qui de l'Europe esclarcira la nue,
Et tout le monde en lumiere tiendra;
Tant les vertus du fils & de la mere
Et de la fille espandront de lumiere.

IIII.

O siecle heureux & digne qu'on l'appelle
Le siecle d'or si oncque en fut aucun,
Où l'Espagnol d'une amitié fidelle
Aime la France, & les deux ne sont qu'un
C'est un plaisir qu'en l'esprit il faut prendre,
Le corps n'est pas digne de le comprendre.

V.

Le Ciel despit de si belle assemblée,
Comme ialoux s'en vouloit irriter:
Ayant de l'air la fureur redoublée,
Faisoit gresler & pleuvoir Et ventez:
Le mois de Iuin qui desire la gloire
De telle vouë a gagné la victoire.

VI.

Parmi les champs croissent les fleurs decloses,
Car telle venue est digne du Printemps
Entre les lis, les œillets & les roses
Elle doit estre Et non en autre temps.
Comme les fleurs croissent en nos prouinces,
Ainsi croistra l'amitié de ces Princes.

VII.

L'autre Printemps la Roïne vit sa fille,
Et ce Printemps son autre elle verra:
Vne est desia la mere de famille,
L'autre bien tost d'un beau fils le fera:
En-ce-pendant sa France elle visite,
Et par exemple à bien faire l'incite..

VIII.

Vn Astre heureux ô Roïne te fist naistre:
Car seulement tu n'es mere d'un Roy,
Qui des François tient le Sceptre en la destre,

Et d'un grand Duc qui promet tant de soy:
 Mais tu es seule entre tant de Princeesses
 Mere de Rois de Roynas & Dacheesses.

IX.

Par les chemins où passeront les Dames,
 Naïstront les fleurs & les ruisseaux prendront
 Le goust de miel, les odeurs & les bâmes
 Et les parfums par les champs s'espandront:
 Dessous leurs pieds la campagne arrosée
 S'esjouyra de manne & de rosée.

X.

Le vent tiendra son haleine endormie,
 Vulcan és mains n'aura point de marteaux:
 Tant seulement avec Flore s'amie
 Zephyre ira parmi les prez nouveaux:
 Tout sera plein de ioye & d'allegresse
 A l'arriuer d'une telle Princeesse.

XI.

La charité & l'amour maternelle:
 Se desfi'ront d'un combat genereux,
 La mere ayant ses enfans autour d'elle,
 Et les enfans leur mere à l'entour d'eux:
 C'est passion qui si fort nous enflame,
 Qu'on ne peut dire & qu'on sent dedans l'ame.

XII.


Si le Lion & le Tigre effroyable
 Par les rochers desirent voir leurs fans,
 Hà, combien donc l'homme plus raisonnable
 Doit desirer de reuoir ses enfans!
 Qui suit les siens, est digne qu'on le nomme
 Un monstre fier sous la forme d'un homme.

XIII.

Chasse la nuit & te monstres Aurore,
Et de la mer apportes en ton sein
Le iour heureux que par penser i'honore
Comme propice à tout le genre humain:
Puis vole au Ciel & d'une aile legere
De ce beau iour sois aux Dieux messagere.

XIIII.

Hà le voici, ja voici la barriere
Du iour declose & le ciel s'esspanir.
Sus ennieux reculez vous arriere,
Ce n'est pour vous que ce iour doit venir,
Qui d'un nœud ferme estreindra l'alliance
Plus que iamaïs de Castille & de France.



LES SEREINES REPRESENTÉES
AV CANAL

de Fontaine-bleau.
La premiere parle.



E l'immortel les Rois sont les en-
fans,
Ils ont par luy leurs Lauriers tri-
omphans,
Ils sont par luy reuerex en la terre
Ils ont de Dieu le portrait sur lo
front,

Dieu les inspire, & tout cela qu'ils font

Vient du grand Dieu qui darde le tonnerre.

Or ce grand Prince à l'exemple de soy
Fist pour miracle en France naistre un Roy,
Dont la semence à nulle autre seconde
Estoit parfaite, & comme le Soleil
Qui de clarté ne trouue son pareil;
Vesquit sans pair, tant qu'il vesquit au monde.

Ce fut Henry de tous biens accompli,
D'une ame viue ayant le corps rempli,
Semblable aux Dieux de façons & de gestes:
Son esprit fut embelli de vertu:
Car en naissant du Ciel il auoit eu
Tout le bon-heur des lumieres celestes.

Il fut en guerre un Prince tres-vaillant,
Soigneux, actif, diligent & veillant,
Voire & sembloit que Mars luy fist seruire:
En temps de paix son peuple corrigeoit,
Chassoit le mal de sa terre, & logeoit
Par les citez la crainte de Iust.ce.

Or tout ainsi comme il estoit parfait,
Tel comme luy son peuple s'estoit fait,
Vertu regnoit par toute sa contrée,
Qui d'un chacun le rendoit honorée
Et bres c'estoit le bel âge doré
Où fleurissoit Saturne avec Astrée.

Pour faire honneur à un siecle si beau
(Qui ressembloit à ce monde nouveau
Quand nos ayeuls n'estoient tels que nous sommes)
Apparoissoient les Nymphes & les Dieux,
Et sans auoir un voile sur les yeux,
Ne deslaignoient la presence des hommes.

Par les forests les Syluains habitoient,

Faunes & Pans aux bocages chantoient,
Et sur les monts dansoient les Oreades:
La mer auoit son Glauque & son Neptun,
Desur les bords venoit iouër Portun,
Et les ruisseaux abondoient des Naiades.

Mais quand le Ciel qui ne se peut flechir
Par nos souspirs, se voulut enrichir,
O Ciel cruel ! de la mort d'un tel Prince,
Le monde fut despoillé de bon-heur,
Fut déuestu d'ornement & d'honneur,
Et la vertu laissa nostre Prouince.

En lieu de paix, d'amour & de bonté
Vint la malice au visage eshonté,
Haines, discords & factions de villes:
Desir de sang les hommes fist armer,
L'ambition apres vint allumer
Le grand'brazier des querelles ciuiles.

Le peuple adonc transporté d'appetit,
Tout insensé d'armes se reuestit:
Lors la raison deffous les pieds fut mise:
Bref le François par sa desloyauté
De son pays arracha la beauté,
Comme vn iardin saccagé de la Bise.

Alors les Dieux d'un tel fait desplaisans,
Voyans la Roynie Et/ ses fils en bas ans
De tous costez tourmentez de la guerre,
Pour ne souiller leurs yeux en regardant
Le sang versé deffous le fer ardent,
Par grand despit se cachèrent sous terre.

L'un s'enferma dans le creux d'un rocher,
L'autre s'alla dans un arbre cacher,
L'autre en un antre, & l'autre sous les ondes:

*Aux vertus nourri dès ieunesse,
Tu passeras tous les mortels
De bon esprit & de prouësse.*

*La France se peut assurer
De se voir soudain estrenée
Des honneurs qu'on doit esperer
D'une Royauté si bien-née.*

*Et bien qu'on puisse appercevoir
Par les rayons de ta lumiere,
L'heureuse fin que doit auoir
Vn fils nourri de telle mere:*

*Si veux-ie encor pour l'auenir
(Des destins Prophetes no^r sômes)
T'ouurir ce qui ne peut venir
En la cognoissance des hommes.*

*Non seulement pacifi ras
Du tout la France discordante,
Mais plus que iamais la feras
De biens & d'honneurs abödante.*

*Et menant en guerre avec toy
Ton frere appuy de tes loüanges,
Veinqueur des Rois le feras Roy
De maintes nations estranges.*

*Sous toy la malice mourra,
L'erreur la fraude & l'impudence,
Et la mensonge ne pourra
Resister deuant ta prudence.*

*Puis ayant vescu comme il fault,
Desponilleras le mortel voile,
Et pres de ton pere là haut
Tu seras vne belle estoile.*

Et toy mere resiony toy,

*Mere sur toutes vertueuse,
Qui as nourri ce ieune Roy
D'une prudence si soigneuse:*


*Bien tost auras de tes travaux
Le loyer que le ciel te donne,
Quand tu verras tous ses vassaux
S'humilier sous sa Couronne.*

*Et toy son frere en qui respand
L'Astre son heureuse influence,
Ta force Et/ grandeur ne depend
Qu'à luy porter obeysance.*

*Ton avantage vient du sien,
Ta gloire sans la sienne est vaine,
Ton bien procede de son bien,
Comme un ruisseau de sa fontaine.*

*Viuez donc amiablement
Faisans vos noms par tout espandre,
Viuez tous trois heureusement
Charles, Catherine, Alexandre.*





CHANSON RECITEE
par les Chantres.



Dieu ressemblent les Rois,
Qui sous l'ordre de ses loix
Le cours des Astres enserre,
Parfait sans fin, sans milieu:
A l'exemple du grand Dieu

Les Rois gouvernent la terre.

Ils ne sont egaux d'honneurs;
Les uns sont pasteurs Seigneurs
Ou d'une Isle infructueuse,
Ou d'un lieu chaud & mal-sain:
Mais le nostre est souverain
D'une terre bien-heureuse.

Sous luy sont mille citez,
Peuples en guerre vstitez,
Forests, campagnes, valées,
Et fleuves au large front,
Qui bruyant, Charles, s'en-vont
Fendre les plaines salées.

Luy chassant les estrangers,
Sauvant les siens des dangers
A rendu sa France viue,
A tué Mars son meurdrier,
Faisant naistre d'un Laurier
Les beaux rameaux de l'Olive.

Charles des Rois est le grand,
C'est le grand Roy qui respand


Sur la France sa lumiere,
Qui croist ieune, fort & beau
Comme vn clair Soleil nouveau
Qui va prendre sa carriere.

Quand Iupiter maria
Sa Thétis, il conuia
Les plus grans Dieux à la feste,
Pallas, Mercure, Apollon,
Neptune & Mars tout selon
Que mur ny ville n'arreste.

Tout ce que les Cieux pouuoient,
Tout ce que les Dieux auoient
De richesse & d'excellence,
Fut ce iour en appareil:
Mais rien ne se veid pareil
Au grand Monarque de France.

Io la paix nous chantons,
Et de Charles nous v antons
Le Sceptre inuincible & riche:
Nous rechantons sa douceur,
Sa mere, freres, & sœur,
Et son espouse d'Autriche.





COMPARAISON DV SO-
LEIL ET DV ROY, RE-
citée par deux ioueurs
de Lyre.

I.

LE Soleil & nostre Roy
Sont semblables de puissance:
L'un gouuerne dessous soy
Le Ciel, & l'autre la France.

II.

L'un du Ciel tient le milieu,
Des Astres clairté premiere:
Et l'autre comme un grand Dieu
Aux terres donne lumiere.

I.

L'un n'est iamais offensé
D'orages ny de tempeste:
L'obscur est tousiours percé
Des beaux rayons de sa teste.

II.

L'autre a tousiours combattu
Les guerres & les enuies,
Et fait sentir sa vertu
Aux puissances ennemies.

I.

L'un est authheur de la paix
Chassant le discord du monde,
Illustrant de ses beaux rais

La terre, le ciel & l'onde.

II.

*Et l'autre ayant du discord
La puissance rencontrée,
A mis les guerres à mort,
Et la paix en sa contrée.*

I.

*Tout Astre prend du Soleil
Sa lumiere tant soit haute:
Car c'est l'Astre nompareil
Liberal sans auoir faute.*

II.

*Du Roy vient force & vigueur
Honneur & grandeur royale,
Et tout homme de bon cœur
Cognoist sa main liberale.*

I.

*Le Soleil est couronné
De feux qu'en terre il nous darde,
Et tout Astre bien tourné
Nostre bon Prince regarde.*

II.


*De nostre Roy la grandeur
Pareil au Soleil ressemble,
Qui iette plus de splendeur
Que les estoiles ensemble.*

I.


*Bref le Soleil esclairant
Par tout, qui point ne repose,
De Charles n'est differant
Seulement que d'une chose.*

II.

C'est que le Soleil mourra
Après quelque temps d'espace,
Et Charles au Ciel ira
Du Soleil prendre la place.



CARTEL POUR LE ROY
Charles IX. habillé en forme
de Soleil.

omme le feu surmonte toute chose
Qui devant luy pour résister s'oppose,
Ainsi du fer de mon glaive pointu
Tout Chevalier à terre est abatu:
Les plus vaillâs redoutent ma puissâce,
Et la mort pend sur le bout de ma lance.

Amour me pousse errant de toutes pars
Pour essayer les fortunes de Mars,
Et de mon nom remplir la terre & l'onde,
Pour avoir place en ceste Table ronde,
Où les vieux Preux autrefois auoient eu
Vn lieu d'honneur, loyer de leur vertu.

Or desdaignant les hazards de la guerre
Comme donteur des monstres de la terre,
Par haut desir au Ciel ie suis monté,
Où du Soleil j'ay l'habit emprunté,
Afin de faire aux estoiles celestes
Comme aux mortels mes vertus manifestes.

Donc si quelqu'un soit d'en haut ou d'embas,

Vent esprouuer ma puissance aux combas,
 S'adresse à moy, ie luy feray cognoistre
 A coups ferrez combien poise ma destre,
 En l'univers ne trouuant mon pareil,
 Qui passeroit de vertu le Soleil.

❧ ❧ ❧ ❧ ❧ ❧ ❧ ❧ ❧ ❧ ❧ ❧ ❧ ❧ ❧ ❧

CARTEL FAIT POVR vn combat que fist le Roy en l'Isle du Palais.

LE fort Soleil ne s'offense des nuës,
 Ny mes vertus par la terre cognuës
 N'ot iamaïs peur des cōbats outrageux:
 C'est mon desir, mes esbats & mes jeux
 Que de porter sur le dos la cuirace,
 Mon ennemy renuerser sur la place,
 Et bien brosser le destrier aux tournois,
 En cent façons esclater le long bois,
 Et de gaigner le pris à la carriere,
 Et d'estre seul veinqueur en la barriere.

Et si quelqu'un par vn combat nouueau
 Veut essayer ma puissance sur l'eau,
 Il sentira qu'autant ie sçay de guerre
 Dessus les eaux comme dessus la terre.

Ie suis errant vagabond estrange,
 Qui vais cherchant en tous lieux le danger,
 Afin qu'au monde en armes on me voye:
 Suyure vertu par toute honneste voye:
 Mon ennemy (auant que le Soleil

Tombe

Tombe en la mer) de son sang tout vermeil,
 A son malheur me pourra bien cognoistre,
 Portant au dos les marques de ma destre.

Il ne verra mon courage faillir,
 Et l'assaudray en lieu de m'assaillir,
 Pour retrancher par le fer son audace:
 » Tel a grand peur qui bien souvent menace.

CARTEL CONTRE l'Amour.

DE deux Amours on voit la terre
 pleine,
 L'un est sans mal, sans travail &
 sans peine,
 Prompt & soudain, qui loin de ce bas
 lieu

Nos cœurs esleue aux mysteres de Dieu:
 Si que laissant les terres & les nuës,
 Cherche du Ciel les traces incognuës,
 Et par un vol à l'esprit costumier
 Reloge l'ame en son logis premier.
 Et la ioignant à sa premiere essence,
 De ce grand Tout luy donne cognoissance,
 Si bien que l'homme en contemplant se fait
 Non plus terrestre, ains Celeste parfait.

Telle amour est aux vertueux tres-belle,
 Qui d'autant plus toutes Amours excelle,
 Que l'esprit est de son bien iouyssant,
 Et que le Ciel la terre va passant.
 De telle ardeur comme chadions dependent

Cent mille ardeurs qui çà bas se respandent
 Dedans nos cœurs, & nous seruent de loy,
 Comme de craindre & reuerer son Roy,
 Bon citoyen defendre sa patrie,
 Et pour les siens abandonner la vie,
 Son compagnon en armes secourir,
 Pour le renom les Lauriers acquerir,
 Et mespriser toute fortune extrême,
 Et le publiq'aimer mieux que soy-mesme.

Or ie n'appelle Amour sinon celuy
 Qui nous maintient & nous tire d'ennuy,
 Nous pousse au ciel, nous fait aimer nos Princes,
 Et d'un grand cœur secourir nos provinces.
 Pour les amis se monstrer hazardeux,
 Afin d'auoir le mesme secours d'eux
 Quand quelque mal outrageux nous offence:
 Pour tel effet l'amitié se commence.

Or l'autre Amour qui maistrise les cœurs,
 Est l'artisan de toutes nos douleurs,
 Aueugle enfant que l'humaine malice,
 Amis au ciel pour fauteur de son vice.

Mille combats au monde sont venus
 Par le moyen de la folle Venus:
 Thebes Et Troye en furent saccagées.
 Car de l'Amour les fureurs enragées
 Par un despit s'attizans peu à peu,
 D'un petit bois allument un grand feu.

L'homme bien-né se souille de diffame,
 Idolatrant les beautés d'une femme
 Ieune auourd'huy, demain vieille, & qui n'est
 Belle, sinon d'autant qu'elle nous plait,
 Et par un teint qui pippe vostre veüe.

Au reste elle est de bon sens, d'espérance,
 Prompte, légère, inconstante & suiuant
 Le naturel des vagues Et du vent.

Malheureux est Et digne de misère,
 Qui fait appuy de chose si légère,
 Qui momentaine en rien s'esuanouist,
 Et de sa fleur douze ou quinze ans iouist.
 Toute beauté n'est que chose fardée,
 Haye autant comme elle est demandée.

L'homme grossier les femmes aimera,
 L'homme gaillard ne les estimera,
 Sans valetter une sotte Maistresse,
 Sinon d'autant que l'affaire le presse:
 Pour la contrainte il aura d'elle soyn
 Comme cherchant lo remède au besoin,
 Se souciant de soy-mesme Et non d'elle,
 Laisser la vieille, & prendre une nouvelle,
 Sans passion: car c'est un grand plaisir
 En n'aimant rien de changer Et choisir.

Donq Cheualiers pour chose malheureuse
 Nous detestons une flame amoureuse,
 Et soustiendrons contre tous assaillans
 (Quand ce seroient de ces fameux Rolans)
 Que Cupidon est un Dieu d'iniustice,
 Qui la ieunesse appaste de tout vice,
 Et qu'on le doit comme pernicieux
 Banir bien loin de la terre & des Cieux.

AVTRE CARTEL POVR
l'Amour.



Homme qui n'aime est un Scythe
sauuage,
Viuant sans cœur, sans ame & sans
courage:

On ne sçauroit se passer de l'Amour
Non plus qu'on fait du Soleil Et du iour.

Ainsi que l'ame en nostre corps entrée
Esmeut le corps, ainsi l'Amour sacrée
Entrée en l'ame esmeut l'ame par soy.
Pour luy seruir de patron Et de loy,
Et la pousser aux plus parfaites choses
Qui soient en terre & dans le ciel enlôses.

Or cest Amour, qui gouuerne les cieux,
Comme esloigné de l'homme & de ses yeux,
Visiblement ne se donne à cognoistre:
Au sens humain: car il est trop grand maistre.
De sa grandeur on ne sçauroit parler:
Si haut que lui l'homme ne peut voler,
Pour concevoir ses diuines puissances:
Mais de l'Amour auteur de nos naissances,
Terrestre & bas, qui nostre humanité
Rend presque egale à la Diuinité,
De pere en fils conceuant nos semblables,
Pour reparer les siècles perdurables,
De ce grand Dieu pere de volupté,
Par qui le peuple est doucement donté,
Qui nous chatouille Et se mesle en nos veines,
Maistre & seigneur des affaires humaines,

*Je veux parler, & dire que sans luy
L'homme mourroit plein de soin & d'ennuy.*

*Vn plus grand bien ne se trouue en la vie,
De soy fascheuse & bouillante d'enuie,
D'ambition & d'honneur importun,
Que de trouuer entre mille quelqu'un
Auquel on puisse auerques confiance
Dire sans fard tout cela que lon pense.
Amour nous fait tel plaisir esprouuer:
L'amitié fait le bon amy trouuer.*

*Comme pourroit vn homme sociable
Avoir party qui luy fust agreable
Pour viure ensemble en toute loyauté,
Sans s'allier à la douce beauté
D'une tressage & vertueuse Dame?
Pour n'estre plus que deux corps en vne ame,
Vn seul esprit, qui se puisse enflamer
Tant seulement du seul honneur d'aimer,
Ne cherchant point de son ardeur extrême
Autre loyer sinon que l'Amour mesme,
Qu'en bien aimant de se voir bien aimé?*

*Qui d'autre sorte a le cœur allumé
Ou d'avarice, ardeur ou conuoitise,
Indigne il est qu'Amour le fauorise.
Telle Amour est pleine de passion,
Qui ne cognoist que la perfection
D'Amour n'est rien qu'une ardeur mutuelle,
Qui se commence & se finist en elle.*

*Pource Seigneurs, qui les armes suiuez,
Et aux Palais des grands Princes viuez
Si m'en croyez, apprenez dès ieunesse
A bien choisir une belle Maistresse:*

„ N'en prenez point de laides: la laideur
 „ Cache tousiours vne lente froideur,
 „ Qui hors du cœur la chaleur nous arraché:
 „ Vn corps difforme vne ame laide cache.

Or tout ainsi qu'un visage sans fard,
 Courtois & beau, tout gentil & gaillard,
 Est le miroïer d'une ame bien parfaite:
 Ainsi la face horrible & contrefaite
 Est le miroïer où l'on voit par dehors
 Estre un esprit aussi laid que le corps.

Pource autrefois les Muses immortelles
 Ont les vertus peintes en Damoiselles,
 Pour faire voir clèrement à chacun.

Que les vertus & les Dames n'est qu'un.

Les Dames sont de s hommes les escolles:

Les chastians de leurs ieuneses folles,

Les font courtois, vertueux & vaillants.

Tels ont vescu ces superbes Rolands,
 Renauds, Tristās, pleins d'une ame amoureuse,

Qui desireux de gloire auantureuse,

Comme les Dieux s'acquirent des autels,

Faisant par tout des gestes immortels.

Ce fut Amour autheur de telle affaire:

Car sans ce Dieu ils n'eussent sceu rien faire.

Qui voudra donq soy-mesme se donter,

Et iusqu'au ciel par loüange monter,

Et qui voudra son cœur faire paroistre

Grand par-sur tous, & de soy-mesme maistre,

Soit amoureux d'une Dame qui sçait

Rendre l'Amant vertueux & parfait.

L'homme mal-né qui les Amours mesprise,

N'achenera iamais belle entreprise.

Ains tout perclus de sens & de raison
Ne bougera poltron de sa maison.

Aux temps passez & Iason & Thesée
De mainte affaire estrange & mal-aisée
Sont retournez environnez d'honneur,
Ayant Amour pour guide & gouverneur.

Les Dâmes sont pleines de courtoisie,
Ont le cœur haut, haute la fantaisie.

On voit tousiours la femme de moitié
Surpasser l'homme en parfaite amitié:
Tefmoin en est la vertueuse Alceste,
Qui se tua pour son espoux Admete,
Où nul Amant ne se scauroit trouver,
Mort de sa main pour sa Dame sauuer.

Tout cœur de femme est armé de fiance:
Celuy de l'homme est plein d'impatience,
Menteur, periure, incertain & leger,
Double, fardé, trompeur & mensonger.

Or s'il se trouve vne amitié bien faite,
D'âge, de mœurs, en loyauté parfaite,
C'est vn thresor qui bien-heureux se doit
Garder, d'autant que bien rare on le voit,
Et que chacun contemple en sa partie
La sainte amour dont la leur est sortie,
Qu'on ne voit plus comme on souloit icy
Depuis le temps que le peuple obscurcy
D'erreur, de fraude & de vices infâmes
Ainsi qu'il doit n'honore plus les Dâmes:
Car tousiours regne au monde le malheur,
Quand plus n'y sont les Dames en honneur.

Si quelque brâue ennemy de sa vie,
On trop chagrin ou trop enflé d'envie

*Veut soustenir comme presomptueux,
 Qu'aimer n'est point un acte vertueux,
 Et qu'on ne doit servir les Damoiselles,
 Ou les servant en prendre de nouvelles,
 Vienne au combat: ie luy feray sentir
 Que le mesilire apporte un repentir,
 Et vergongneux confesser par contrainte
 Que bien aimer est une chose sainte.*



POVR LE ROYHABILLE
 en Hercule, & Pluton trainé
 deuant luy.



*E Cheualier d'invincible puissance
 Est Hercules, qui venāt aux Enfers
 A mus ma porte Et mon Sceptre à
 l'enuers,
 Et moy Pluton sous son obeyssance.
 Luy tout ardent de triomphe & de gloire,
 Le triple chef de Cerbere enchainé
 Met sous le ioug, par lequel est trainé
 Son chariot en signe de victoire.
 Il a tiré de l'abisme profonde
 Ces Cheualiers que voyez à l'entour,
 Et du Tartare où ne luit point le iour,
 (En me forçant) les rameine en ce monde.
 Lesquels pour rendre espainçonner d'envie,
 Graces au Dieu qui les a rendus francs,
 Tous Cheualiers qui seront sur les rancs
 Veulent combattre aux despens de leur vie.*

Et si leur force au combat ne surmonte
Tous assaillans, luy-mesme sa vertu
Veut employer pour mettre au combat
Dessus le front la vergongne Et la honte.



CARTEL POVR LE ROY

HENRY III.



Est habit blanc que ie porte Madame
Est pour monstrier la blancheur de mon
ame,

Et ceste soy parfaite en loyauté
Qu'au cœur ie porte aimant vostre beauté.

Toute vertu, tant soit elle admirable,
N'e fut iamais à la mienne semblable,
D'autant qu'on voit assez d'autres vertus.
» L'homme loyal icy ne se voit plus.

Que l'incarnat tant qu'il voudra se vante,
Le iaune aussi qu'il amoureux contante,
Et le verd gay que Venuus aime tant:
Telles conteurs ne me plaisent, d'autant
Qu'un teint fardé leurs beautex a souillées
L'une dans l'autre estrangement meslées.


Comme le simple en tout est plus parfait
Que le meslé qui de plusieurs se fait:
Ainsi le blanc comme simple surpasse
Toute couleur où la mesleure passe.
Simple est le blanc, le reste est composé.

G. v.

Où l'artifice a le fard apposé:
Car en tombant de sa simple nature
S'est corrompu par diuerse teinture,
Et n'est plus beau par la mutation,
Comme eslongné de sa perfection.

Donq qui voudra, pour accoustrement porte
Un habit peint de mainte estrange sorte,
Soit bigarré du corps comme du cœur,
Toute couleur sans la blanche couleur
N'est à bon droit parfaite ny loüable:
Le blanc naif seulement est capable
De recevoir toutes couleurs, Et peut
Changer sa forme en tout cela qu'il veut,
Où l'accident des autres n'a puissance
De retourner en une blanche essence.

Le Ciel est blanc: la Lune & le flambeau
Du grand Soleil pour estre blanc, est beau:
Pour estre blanche est belle la lumière:
La couleur blanche est tousiours la premiere.





DIALOGVE POUR VNE

Mascarade

AMOUR ET MERCURE.

Amour.

Erant des Dieux, qu'une fille d'Atlas
Conceut léger, pren tes ailes cognues,
Et trauersant le long chemin des nuës
Laisse le ciel, & t'en-vole là bas.

Mercure.

Fils de Venus, qui portes en tes mains
L'arc qui aux Dieux & aux hommes commande,
Pourquoy veux-tu que du ciel ie descende
Pour aller voir la terre des humains?

Amour.

Insipiter veut par le conseil des Dieux,
Qu'aïlles trouuer le plus grand de la race
Des trois commis à conquerir la place
Et tous les forts du Chasteau perilleux.

Mercure.

Quelle contrée a produit ce bon heur?
Qui mettra fin à si haute entreprise?
Qui est celuy que le ciel fauorise
Sur tous les trois de proïesse & d'honneur?

Amour.

Ie te diray le pays & le nom
De ce guerrier qui a tant de puissance:

G. vj.

Charles est son nom, son pays est la France,
Dont les vertus surpassent le renom.

Mercur.

C'est assez dit : tu me donnes la loy,
Je vais partir, il faut que j'obeyssse,
Il faut Amour qu'on te face service,
Les plus grands Dieux obeyssent à toy.

MONOLOGVE DE MER- cure aux Dames.



Ames, ie suis le courrier Atlantide,
Qui trauersant le grand espace humide
Comme un oiseau de son vol soustenu,
Porté du vent suis en France venu.

Par le conseil de ce Dieu qui tempere
Hommes Et Dieux, de toute chose Pere,
Pour enuoyer un Cheualier François
Asspre à la guerre Et le plus fort de trois,
A qui le Ciel sous bonne destinée
A dés long temps la conqueste ordonnée
Du fort Chasteau perilleux, que l'Amour
Tient remparé de perils à l'entour.

Il ne faut point qu'un Cheualier s'appreste
Au long labour d'une telle conqueste,
S'il n'est aimé des Dieux Et du Destin
Quiconque soit qui la doit mettre à fin,
Sera chery des Cieux Et de Nature,
Et reserné pour si haute auanture.

Premierement d'un courage indonté
 Voirra l'Enfer qui flamboye à costé,
 Et baignera ses armes homicides
 Au tiede sang des fieres Eumenides,
 Et des fureurs des Gorgonnes, qui ont
 Vn œil farouche enfoncé sous le front.

Rien de Pluton ne vaudra la proüesse,
 Soulfre, fumée & grosse flame espesse
 Contre celuy dont le puissant bouclair
 Ne craint ny feu ny flame ny esclair.

Victorieux du peril de la destre,
 L'autre peril l'attend à la fenestre:
 Ce sont travaux & labours vehemens,
 Gennes, horreurs, la maison des tourmens:
 Où mainte voix en souspirs estendue
 Horriblement de loin est entendue
 Des malheureux qui autresfois n'auoient
 Gardé la foy qu'aux Dames ils deuoient.

Pource Amoureux gardez l'Amour fidelle
 De peur d'entrer en peine si cruelle.
 Ayant forcé ce danger par vertu,
 Et par l'effort de son glaiue pointu,
 Se couronnant de loüange & de gloire,
 D'un tel Chasteau gaignera la victoire:
 Puis il doit voir un beau iardin, ainçois
 Vn Paradis, des delices le choïs,
 Où fleurs & fruiçts en abondance naissent,
 Et à l'enuy l'une sur l'autre croissent:
 Où les plaisirs & les Amours iumeaux
 Vont voletant de rameaux en rameaux.

Là le troupeau des Nymphes & des Fées,
 D'aillets, de lix, & de roses coiffées,

Le feront digne au regard de leurs yeux
 Et de la table Et du Nectar des Dieux,
 En luy donnant entiere iouissance
 De tous les biens qui sont en leur puissance:
 Voire de ceux que ce grand Vniuers
 Fait naistre au iour pour ses tourmens souffers:
 Tant vne fin de tout plaisir est pleine,
 Quand la vertu s'achete par la peine.



POUR VNE MASCARADE.

IUPITER.

IE suis des Dieux le Seigneur & le pere,
 Tout element à mon Sceptre obtempere,
 Le cours du Ciel m'a xegle & a suituant:
 Dedans la nuë armé de mon tonnerre
 Je fais trembler les ondes & la terre,
 Haut-esleué sur les ailes du vent.

Bas à mes pieds les peuples ie regarde,
 Rois, Empereurs sont en ma sauuegarde,
 Et par sur toüs Charles que i'aimé mieux:
 Entre nous deux pour suprême auantage
 Du Monde entier auons fait vn partage,
 A luy la Terre, Et à moy tous les Cieux.

De ma maison, sans me le faire entendre,
 Mars & Amour ont bien osé descendre,
 Accompagnant trois Chénaliers de nom,
 Qui estrangiers sont abordez en France
 Pour le cognoistre & voir si sa puissance
 Estoit pareille au bruit de son renom.

Or ie cognois ce Prince magnanime,
 Qui les combats plus que la v e estime:
 Il leur vouldra son bras faire sentir,
 D'un braue cœur assaillant ces gend'armes,
 Et par l'effort de toutes sortes d'armes
 Leur attacher au front le repentir.

Pource ie vien le soustien de ce Prince,
 Sans endurer qu'en sa mesme Prouince,
 Des estrangers puisse estre combatu:
 Pour son secours Pallas ie luy amene,
 Qui punira de vengeance soudaine
 Mars par la lance, Amour par la vertu.

PALLAS.

DV haut du Ciel ie suis icy venue
 Dessus le dos d'une legere nuë,
 Traçant en l'air un voyage nouveau,
 Par la priere en courroux animée
 De ce grand Dieu qui me fist toute armée
 Malgré Iunon, naistre de son cerueau.

Moy seür des Rois en armes ie proteste
 Donner secours à ma race celeste,
 Et d'enfermer mon corps de toutes pars
 De deux harnois: l'un est fait de sagesse,
 L'autre trempé d'ardeur & de prouesse,
 L'un contre Amour, & l'autre contre Mars.

Mars furieux tout allumé de rage
 A mille fois prouoqué mon courage,
 Et mesprise ma force en se branant:
 Mais quand ma lance au combat le menace,

Il perd le cœur Et s'enfuit de la place,
Loin de mes bras comme une poudre au vent.

Quand Cupidon par blandisse ou cautelle
Me veut blesser de sa fleche cruelle,
Ou de mon corps finement approcher,
Deuant ses yeux ie monstre ma Gorgonne,
Qui d'un regard telle crainte luy donne,
Que froid, sans ame, il deuient un rocher.

Ces ieunes Dieux contre Charles mon frere
Ont fait armer une force contraire:
Seule ie puis empescher leur moyen,
En luy donnant Et secours Et remede,
Comme ie fis au vaillant Diomedé
Qui combattoit deuant le mur Troyen.

Ie veux ruer ainsi que d'une foudre
Ce gentil Mars terrassé sur la poudre,
Et en despit de ses trois Combatans
Le desarmer au milieu de la guerre,
Ou l'enuoyer là bas dessous la terre
Bien loin du Ciel avecques les Titans.

Et si Amour approche de ma lance,
A ses despens cognoistra ma vaillance,
Bien qu'autre part mon bras il ait cognu:
Ie briseray son carquois Et ses fleches,
Fendray son arc, esteindray ses flammeches,
Rompray son aile Et l'enuoyray tout nu.



CARTEL ENVOYE' PAR
le Nain des huit Cheualiers
estranges.

H Vist Cheualiers de nation estrange,
Autāt. vaillans qu' amoureux de louage,
Rais du nom qui par le monde court
De vos vertus, Sire, & de vostre Court,

Estoient partis espoir connez de gloire
De r' emporter des combats la victoire
Mais le chemin & le trop long sejour
Les a trompez : car ne venant au iour
De vos Tournois, ont perdu l'esperance
De plus monstrez en armes leur vaillance,
S'il ne vous plaist leur faire ouvrir le Pas,
Et commander autres nouveaux combas.

Donques, grand Roy, que tout le peuple estime
Enfant de Mars, si l'honneur vous anime,
Si la vertu vous eschauffe le cœur,
Ne permettez que leur ieune vigueur
Se refroidisse, & leur chaude prouesse
Sans l'employer se rouille de paresse:
Ils sont tous prests aux combats de monstrez
Que plus vaillans on ne peut rencontrer.

Ils combattront comme hardis gendarmes
Jusqu'à la mort de toutes sortes d'armes,
Et à cheual & à pied : car ils ont
La force en main, l'audace sur le front,

Ils sont vestus d'une diuerse sorte:
 L'un du haut Ciel la riche couleur porte
 Le bleu, qui est signe certain aux yeux
 Que son esprit est fauory des Cieux.
 L'un la couleur d'une Colombe a prise,
 Pour tesmoigner qu'Amour le fauorise:
 L'autre accoustré d'un habillement blanc,
 Apparoist iuste & magnanime Et franc:
 L'autre qui prend la noire couuerture,
 Se monstre ferme & constant de nature:
 Le Cheualier paré d'un habit verd,
 Est d'esperance & d'amitié couuert:
 L'autre accoustré de couleur grise, monstre
 Qu'en bien aimant toute peine on rencontre:
 Celuy qui a l'incarnat dessus soy,
 Monstre du cœur la constance & la foy:
 Et le dernier qui l'habit iaune porte,
 D'un bon espoir son amour reconforte.
 Voyla les huit qui veulent batailler,
 S'il vous plaist, Sire, en armes leur bailler
 Lieu de Tournoy, & ne vouloir defendre:
 Que dessous vous la guerre on puisse apprendre.
 Or pour-autant que les ieunes soudars
 Sans Cupidon ne sont chers de Mars,
 Je suppli'ray les Dames favorables
 A ce besoin leur estre secourables:
 Car bien souuent le plus fort est donté,
 Si l'art d'Amour ne defend son costé.

AUTRE CARTEL.



Rois guerriers incogneus de nation
étrange,
Ont laissé leur pays desireux de lou-
ange,
Pour venir esprouuer avecque le har-
nois

La force & la vertu des Cheualiers François:
Afin qu'en acquerant honneur par leurs prouësses
Soient dignes d'estre aimez de leurs belles Maistresses:
Chacü courra trois coups en masque, Et qui mettra
Plus de fois en la bague, Amour luy permettra
De gaigner seul le pris, n'estant pour rien contées
Les attaintes qui sont sans effect emportées:
Et quand les assaillans Et les tenans seront
Egaux & non veincus, derechef ils pourront
Recommencer la course & retenter la gloire,
Tant que l'un dessus l'autre emporte la victoire.
Premier que de courir, ces guerriers bien appris
Iront autour du camp, Et toucheront les pris
Tels qu'ils voudrôt choisir sans respect de personne,
Qui seront attachez au haut d'une Colonne:
La main victorieuse aura le pris touché,
Que le veincu payera honteux de son peché:
Suppliant humblement que le Roy nous ordonne
Des Iuges pour garder nostre droict, & qu'il döne
Fauent à la valeur du Cheualier veinqueur.
„ La fauent d'un gräd Prince est l'ame d'un bô camp



MASCARADE POVR LES
Noces de Monseigneur de
Ioyeuse, Admiral de
France.

Aux Dames.



E voirrois à regret la lumiere du
iour,
I'aurois ingrat soldat cōbatu sous
Amour,
Porté ses estédars, Et suyvi ses ar-
mées,

*Si voyant maintenant ses armes diffamées,
Et luy fait prisonnier, lié contre un rocher,
Ie ne venois icy ses liens détacher,
Et luy rendre auionrd'huy sa liberté passée,
Comme Andromede l'eust par les mains de Persée.*

*C'est bien fait de domter ces cruels animaux,
Et ces monstres qui font aux hommes tant de maux.
Qui de sang & de meurtre ont sanglante la face:
Mais d'outrager Amour pere de nostre race,
Le mener en trofée, & luy serrer les mains,
C'est ensemble offenser les Dieux & les humains.*

*Celuy sucça le laiët d'une fiere Lionne,
Qui Venus iniurie, & son fils emprisonne,
Sans respecter ce Dieu qui vengeur doit venir
Bien tost l'arc en la main à fin de le punir.*

Dés le premier regard sans autre tesmoignage,

Voyant son poil, son front, ses yeux Et son visage,
 Il deuoit bien penser qu'une diuinité
 Estoit en cest enfant : mais trop de vanité
 Auengla sa raison pour ses fautes accroistre,
 Comme aux Tyrrheneâns qui ne peuvent cognoistre
 Bacchus en leur nauire, & depuis en la mer
 Se veirent par leur faute en Daufins transformer,
 Ainsi Niobe apprist par son orgueil funeste
 Qu'on ne doit offenser la puissance celeste.

Est-ce pas faire au ciel iniure & deshonneur
 De dire que l'Amour, dieu Monde gouverneur,
 Soit meschant & cruel & autheur de tout vice?
 Et luy attribuer nostre propre malice?
 Contre sa Deité Geans nous bataillons:

Amour ne faut iamais, nous sommes qui faillons,
 C'est luy qui de grossiers nous a rendus honnestes,
 Qui nous apprinoisant nous separa des bestes,
 Et de ses beaux desseins remplissant nos raisons,
 Nous apprist à bastir bourgades & maisons.

C'est luy qui des vertus nous enseigne la voye,
 C'est luy qui par esprit aux Demons nous enuoye,
 Qui nous raüst de nous, Et qui nous loge aux Cieux,
 Et nous repaist de manne à la table des Dieux.
 Porté dessus son aile, esclairé de ses flammes,
 Couuert de vos faueurs, ie viens icy, mes Dames,
 Pour venger son iniure, Et l'oster hors d'esmoy.
 Le deuoir d'un sujet c'est aider à son Roy.



CARTEL POVR LE COM- bat à cheual, en forme de Balet.



Es nouveaux Cheualiers par moy
vous font entendre

Que leurs premiers ayeuls furent
fils de Meandre,

A qui le fleuve apprit à tourner
leurs cheuaux

Comme il tourne & se vire & se plie en ses eaux.

Pyrre en celle façon sur le tombeau d'Achille

Feit vne danse armée: Et aux bords de Sicile

Enê en decorant son pere de tournois,

Feit sauter les Troyens au branle du harmois,

Où les ieunes enfans en cent mille manieres

Mesleient les replis de leurs courses guerrieres.

Pallas qui les conduit, a de sa propre main

Façonné leurs cheuaux, Et leur donna le frein,

Mais plustost vn esprit, qui sagement les guide

Par art obeissant à la loy de la bride.

Tantost vous les voirrez à courbettes danser,

Tantost se reculer, s'approcher, s'avancer,

S'esarter, s'esloigner, se serrer, se reioindre

D'une poincte allongée, Et tantost d'une moindre,

Contrefaisant la guerre au semblant d'une paix,

Croisez, entrelassez de droit Et de biais,

Tantost en forme ronde, Et tantost en carrée,

Ainsi qu'un Labyrinth, dont la trace esgarée

Nous abuse les pas en ses diuers chemins:

Ainsi qu'on voit danser en la mer les Daulphins,

*Ainsi qu'on voit voler par le trauers des nuës
En diuerses façons une troupe de Gruës.*

*Or pour voir nostre siecle où preside Henry,
En toute discipline honnestement nourry,
Où la perfection de tous mestiers abonde,
Autant qu'il est parfaict & le plus grãd du mode,
Ces Centaures armez à nostre âge incognus,
Au bruit d'un si haut Prince en France sont venus
Pour les peuples instruire, Et les rendre faciles
Autant que sous le frein leurs chevaux sont dociles,
Et faire de son nom tout le monde raver,
Afin que toute chose apprenne à le seruir.*


CARTEL POUR LES CHE- ualiers celestes, ou Dioscours.

Nous sommes ces Gemeaux dõt la va-
leur extresme
Nous fait estimer fils du grãd Iupiter
mesme,
Qui fendsmes premiers compagnons de Iason,
Neptune d'auiron allant à la Toison:
Qui par terre & par mer vecquismes les brallades
Des Colchiens en terre, en mer des Symplegades,
Et qui fuyans le peuple & son chemin battu,
Fusmes astres du Ciel conduits par la vertu,
Dont les rayons pour marque encore sur nos testës
Reluisent redoutez des vents & des tempestes.

Tous deux memoratifs de nos premiers mestiers,
Le Ciel pour ceste nuit nous quitte volontiers,

Et desirons encore immortels que nous sommes,
R'essayer les combats & les travaux des hommes.

Donc si quelqu'un vouloit en armes maintenir
Que les ieunes guerriers que le temps fait venir,
Passassent de valeur ceux à qui l'âge antique
Imprimoit dedans l'ame une ardeur heroïque,
Et vueille les mortels sur les Dieux esleuer,
Qu'il vienne sur les rangs: nous voulôs luy prouuer
A combat de cheual, par lance & par espée,
Que son opinion faussement est trompée,
Et que les demy-Dieux par la vertu nourris,
Sur tous les Cheualiers doiuent gaigner le pris,
Leur faisant confesser par preuue manifeste
Que l'homme doit ceder à la race celeste.



CARTEL POVR LES CHE- ualiers de la Renommée.



T ce char triomphant, & sa Dame
habillée

D'azur, qui de cét yeux est tousiours
esueillée,

Et ce courrier ailé qui seul marche
deuant,

Qui enfle la trompette & la fait bruire au vent,

De langues ceste robbe & d'oreilles semée,

Vous enseignent assez que c'est la Renommée,

Et que ces cheualiers qui d'elle ont pris le nom,

Ont par toute l'Europe espandu leur renom.

Voyez comme du chef elle frappe la nue,

Voyez.

Voyez comme son pied presse la terre nue:
 Cela dit que l'honneur des cœurs victorieux
 Se commence en la terre, Et se finit aux Cieux.

La gloire mendrée à l'aide de fortune
 Ne dure pas long temps comme chose commune:
 Mais celle qui s'acquiert par la seule vertu,
 Ne vit jamais son bruit par le temps abbatu.
 L'une a pour fondement la force du courage,
 Et l'autre une esperance incertaine Et volage.

Ces vaillans Chevaliers des combats desireux,
 Et de la renommée immortels amoureux,
 Ont suivant la vertu, la mere des loüanges,
 Fait sentir leur proïesse aux nations estranges,
 Sectateurs de These, d'Hercule & de Iason,
 Et de ces premiers preux de l'antique saison.

Aussi ceste Deesse à sa suite les meine,
 D'honneurs & de faueurs recompensant leur peine,
 Et de l'amour du peuple, ayant bien merité
 Que leur nom soit escrit avecq l'eternité.
 Desirans consumer aux faicts d'armes leur vie,
 Poussiez d'une seruente & genereuse enuie,
 Ils viennent sur les rangs pour la bague courir,
 Et le prix & d'honneur par labeur acquerir,
 Et faire en ce tournoy de leur ieuuesse preuue.
 Mais jamais sans la sueur la vertu ne se treuue.

H



CARTEL POVR LES CHE- ualiers des Flammes, apellés

SI les yeux pénétoient au profond de nos
amés,
Nous n'aurions point besoin d'habits
chargez de flammes:
Dés le premier regard ils voirroient
qu'ais dedans

Nous ne sommes que feux & que braziers ardans:
Mais puis que l'œil ne peut nostre accident cognoistre,
Il faut par le dehors le vous faire apparoltre.

Nos pensers qui tousiours tournent tout à l'étour
De la personne aimée & se meuuent d'Amour
(Comme tout mouuement est chatui de sa nature)
Nous enflamment le cœur d'une flamme si pure
Et si belle qu'en lieu de nous faire mourir
Nous sentons son ardeur doucement nous nourrir.

Il ne faut s'esbahir si nostre char se pare
D'artifices de feu: si Vesque & Lipare
Semblent brûler dedans: chacun suit son desir,
Et nous suivons le feu comme nostre plaisir.

On dit qu'en Cypre estoit iadis une fournaise,
En qui la Pyralide au milieu de la braise
Entretenoit sa vie, & se mouroit alors
Que la flamme sa mere abandonnoit son corps.

Nous en sommes de mesme: ainsi vit & s'engendre
Aux fourneaux les pl^s chauds la froide Salemabre,
Ainsi se paissent d'air maintes sortes d'oiseaux,

De terre la Couleure, Et les poissons des eaux.

Animaux qui prenez du feu vos origines,
Venez viure en nos cœurs, venez en nos poitrines,
Paissez vous des ardeurs que l'Amour verse en nous,
Et vivez comme nous, d'un aliment si doux,
D'un si doux aliment, que mesme l'Ambrosie
Si doucement au Ciel les Dieux ne ressasie,
Vivans de nostre feu, dont nous sommes contens,
Côme Mouches à miel des moissons du Printemps.


Celuy qui fist d'Amour la premiere peinture,
Luy donnant des brandons, ne fist à l'aventure,
Mais par raison, voyant que ce Dieu de sa main
Brulot & mer & terre Et tout le genre humain.

Escoute grand Amour, grand Dcmo chargé d'ailes
Quand la mort ravira nos despoilles mortelles,
Par ta sainte faveur devenus transformez,
Nous voulons luire au Ciel deux flâbeaux allumez.

Tu n'auras pas grand' peine à nous changer en
flammes,

Puis que les yeux ardans de nos cruelles Dames,
Et ton traict embrasé, qu'au cœur aïons receu,
Avoit nos corps vivans desja tournez en feu.

H. y



A L'VNIQUE PERLE
MARGVERITE DE FRAN-
ce, Royne de Nauarre, luy
presentant la
Charite.



Comme de cent beautez la vostre se
varie,
Celiure qui vous est humblement
dedié,
De differents suiets est ici varié,
Telle qu'est en Avril vne ieune prairie.
I'ay vostre Royauté pour defense choisie,
A fin que mon labeur ne soit point oublié,
Ny du peuple mordu, repris ny enuié,
Tant vostre Maiesté luy donnera de vie.
Madame, si le don de ce petit Tableau,
Que ie sacre à vos pieds, n'est ny riche ny beau,
Vous seule en estes cause, Et cela me console.
Car voulant à mes vers vos vertus egaler,
Tant s'en faut que ie puisse ou escrire ou parler,
Que ie deuens muet, sans plume ny parole.

LA CHARITÉ.



E ieune enfant qui sans raison com-
mande,
Qui par le Ciel, qui par la Terre
court,
Voyant un iour les Dames de la

Court,

Remonte aux Cieux, & Venus luy demande:

Dy-moy, mon fils, volant de place en place

Comme tu fais, sans foy, sans loyauté,

As-tu point veu là bas quelque beauté

(Ton œil voit tout) qui la mienne surpasse?

Amour répond: Pren, ma mere, assurance,

Rien ne sçauroit surpasser ton honneur,

Fors une Dame, en qui tout le bon-heur

Du plus beau Ciel se versa dès enfance.

Elle rougist: les Dames sont despités

Quand leur renom en beauté n'est parfait:

Et pour sçavoir la verité du fait,

Elle choisit l'une de ses Charites.

Mon cœur, mes yeux, mon ame & ma pensée,

Si j'ay de toy quelque bien merité,

Descens en France, & me dis verité,

Si ma beauté d'une autre est surpassée.

Pour obeïr la ieune Pasithée

Toute diuine abandonna les Cieux:

L'air luy fait place, & les vents gracieux

La soustenoient par la vague emportée.

D'un vol soudain elle fist sa descente,

Fendant le Ciel ainsi qu'on voit la nuit

Couler de loin vne estoille qui luit
Entre deux airs d'une trace glissante.

Beauté, vigueur, jeunesse & courtoisie,
Le jeu, l'attraiët, les delices, l'Amour,
Ainsi qu'oiseaux voloient tout à l'entour.
De ce beau corps, leur demeure choisie.

Son chef divin, miracle de nature,
Estoit couronné de cheveux ondelez,
Noïez, retors, recrespex, annelez,
Un peu plus noirs que de blonde teinture.

Son front estoit une table garnie
De marbre blanc, siege de maïesté,
Net & poly, comme aux beaux iours d'Esté
On voit là mer sans ondes toute unie.

Ses sourcis noirs faits en arche d'Ebene,
De l'arc d'Amour la forme & le portrait,
D'un beau Croissant contre-imitoïët le trait,
Quand au tiers iour le mois il nous rameine.

Ses yeux estoient d'une force contraire,
L'un gracieux & l'autre furieux,
Deux yeux (ie faux, mais deux Astres des Cieux)
L'un pour chasser, & l'autre pour attirer.

En ses yeux bruns toute delicateſſe,
Traictz, hameçons, seruages, & prison,
Qui des plus fins affincent la raison,
Seruoient d'escorte à si belle Deesse.

Toutes beautez en ses yeux sont coulées:
Amour n'auoit d'autre logis trouué.

Son nez sembloit hautement releué
Un petit textre enclos en deux vallées.

Sa tendre, ronde & delicate oreille,
Blanche, polie, au bout s'enrichissoit

D'un beau ruby, qui clair embellissoit
De ses rayons son visage à merueille.

De vis Cinabre estoit faite sa iouë,
Pareille au teint d'un rougissant Oeillet,
Ou d'une Fraize, alors que dans du lait
Tout au plus lignt de la cresse se ioië.

Toutes les fleurs du sang des Princes nées,
Narcisse, Anax, n'eurent le teint pareil
Au sien meslé de brun Et de vermeil,
Qui rend d'Amour les ames estonnées.

Telle couleur à la nuit est commune,
D'un peu de noir sa face embellissant,
Quand peu à peu le iour est finissant,
Et ja de soir tire de vers la brune.

Sa bouche estoit de mille Roses pleine,
De Lis, d'Oeillets, où blanchissoient dedans
A doubles rangs des perles pour des dents,
Qui embasmoient le Ciel de leur haleine.

De là sortoient les ris & les paroles
Fortes assez pour les hommes charmer,
Et qui pouvoient les roches de la mer,
En les oyant rendre douces & molles.

Vn rond menton finissoit son visage
Vn peu fendu d'assez bonne espaisseur,
Gris, en-bon-point, dont la blanche espaisseur
De l'autre enfleure est certain tesmoignage.

Son col estoit vn pilier de Porphyre
En longs rameaux de veines séparé,
D'Oeillets, de neige & de Roses paré,
Soutien du chef que la Nature admire.

Deux mōts de lait qu'un vent presse & represse,
Qui sur le sein sans bōnger s'esbranloient

Comme deux coings, enflex se poumoient
En deux tetins messagers de ieunesse.

Du reste, hélas ! de parler ie n'ay garde,
Dont le regard aux hommes est osté,
Sacré sejour, qu'Honneur & Chasteté
Ainsi qu'Archers en ont soigneuse garde.

Ses mains estoient blanches, longues, douillettes,
Qui tressailloient en veines & rameaux,
Puis se fendoient en cinq freres iumeaux,
Aboutissant en cinq bords de perlettes.

De marbre exquis taillé par artifice
Sa iambe estoit, ses pieds estoient petis,
Tels qu'on les feint à la belle Thetis,
Seur fondement d'un si bel edifice.

Comme un esclair la Nymphe qui s'eslance,
Dans le Palais de Charles arriva:
Puis tout d'un coup inuisible s'en-va
Dedans la salle où se faisoit la dance.

Il estoit nuict, & les humides voiles
L'air espoissi de toutes parts auoient,
Quand pour baller les Dames arriuoient,
Qui de clarté paroissoient des estoiles.

Robes d'argent Et d'or laborieuses
Comme à l'enuy flamantes esclattoient:
Vues en l'air les lumieres montotent,
Attraits, brillans des pierres precieuses.

Là mon grand Prince & nos Seigneurs ses freres
Estoient venus ornez de maïesté,
Pour compaignie ayant à leur costé
Les loix qui sont plus douces que seneres.

Là Marguerite ornement de nostre âge,
Apparoissant en sa double valeur,

Et tantost perle & tantost vne fleur,
D'un beau Printemps honoroit son visage.

Si tost qu'au bal la Nymphé bien-aimée
Se presenta, ses deux Astres jumeaux
Feirent au double esclairer les flambeaux,
Et d'un beau iour la nuit fut allumée.

Dedant sa salle vne odoreuse nuë
Pleine de musq & d'ambre s'espanduit:
Par tel miracle vn chacun entendit
Qu'une Deesse au bal estoit venue.

Comme vn Soleil sans rompre la verriere
Passe en la chambre ondoyant & pointu,
Sans que l'obiet empesche la vertu
De sa diuine & perçante lumiere:

Ainsi la belle inuisible Charité
Comme vn esclair la salle penetra,
Et toute entiere en se cachant entra
Dedans le corps de nostre Marguerite.

Si bien son ame en son ame est enclose,
Si bien sa vie en l'autre elle logea,
Si bien son sang au sang d'elle changea,
Que les deux corps n'estoiët plus qu'une chose.

Si que mon Roy d'un iugement extrême
Bien clair-voyant, germe des Dieux conceu,
Y fut premier en la voyant decen,
Pensant au vray que ce fust sa sœur mesme.

Serrant sa main la conduït à la dance:
Comme une femme elle ne marchoit pas,
Mais en roulant diuinement le pas,
D'un pied glissant coulroit à la cadance.

L'homme pesant marche dessus la place,
Mais vn Dieu vole & ne sçauroit aller:

Aux Dieux legers appartient le voler,
Comme engendrez d'une eternelle race.

Le Roy dancant la volte Prouençalle
Faisoit sauter la Charite sa sœur:
Elle suiuant d'une graue douceur,
A bonds legers voloit parmy la salle:

Ainsi qu'on voit aux grasses nuicts d'Autonne
Vn prompt Ardent sur les eaux esclairer,
Tantost deçà tantost delà virer,
Et nul repos à sa flamme ne donne.

Elle changeoit en cent metamorphoses
Le cœur de ceux qui son front regardoient:
Maints traits de feu de ses yeux descendoient,
Et sous ses pieds faisoient naistre des Roses.

Au deuant d'elle alloient pour seures guides,
Auecq l'Honneur la graue Maïesté,
Et la Vertu, qui gardoient sa beauté,
Comme vn Dragon le fruiet des Hesperides.

Incontinent que la douce harmonie
Des violons en l'air plus ne s'ouyt,
Ceste Charite au Ciel s'esuanouyt,
Abandonnant l'humaine compagnie.

Ainsi de nuict la paupiere fermée
D'un doux sommeil en songeant recognoist
Quelque Démon qui soudain apparoit,
Puis tout soudain se perd comme fumée.

Adieu Charite, adieu Nymphé bien-née,
Ou monte au Ciel, ou vole où tu voudras,
En ceste Cour bien tost tu reuiendras
Dessous le ioug du nopcier Hymenée.

Lors moy remply d'un plus ardent courage,
Je doubleray la force de ma voix,

Pour faire aller iusqu'aux champs Nauarrois
L'accord heureux du sacré mariage.

POUR LA FIN D'VNE
Comedie.

ICy la Comedie apparoiſt vn exemple,
Où chacun de ſon ſaict les aſtiōs cōtemplē:
Le Monde eſt le theatre, & les hommes
acteurs,

La Fortune qui eſt maiſtreſſe de la ſceine,
Appreſte les habits, & de la vie humaine
Les Cieux & les Deſtins en ſont les ſpectateurs.

En geſtes differens, en differens langages,
Rois, Princes, & Bergers ioiēnt leurs perſonnages
Deuant les yeux de tous, ſur l'eſchaufaut commun:
Et quoy que l'homme eſſaye à vouloir contrefaire
Sa nature & ſa vie, il ne ſçauroit tant faire
Qu'il ne ſoit, ce qu'il eſt, remarqué d'un chacun.

L'un vit comme un paſteur, l'un eſt Roy des provinces,

L'autre fait le marchand, l'autre ſ'egale aux Princes,
L'autre ſe feint content, l'autre pourſuit du bien:
Ce-pendant le ſouci de ſa lime nous ronge,
Qui ſait que noſtre vie eſt ſeulement un ſonge,
Et que tous nos deſſeins ſe finiſſent en rien.

» Iamais l'eſprit de l'homme icy ne ſe contente,
Touſiours l'ambition l'eſpoint & le tourmente:
Tantost il veut forcer le temps & la ſaiſon,
Tantost il eſt ioyeux, tantost plein de triſteſſe,
Tantost il eſt domté d'Amour & de ieuneſſe,
Contre qui ne peut rien ny conſeil ny raiſon.

La bonté regne au Ciel, la vertu, la justice:
 En terre on ne voit rien que fraude, que malice:
 Et bres tout ce Monde est un publicque marché,
 L'un y vend, l'un desrobe, & l'autre achette &
 change,

Vn mesme fait produit le blasme & la louange,
 Et ce qui est vertu, semble à l'autre peché.

Le Ciel ne deuoit point mettre la fantaisie
 Si pres de la raison: de là la ialousie,
 De là se fait l'Amour dont l'esprit est veincu.
 Tandis que nous aurons des muscles & des veines,
 Et du sang, nous aurons des passions humaines:
 Car iamais autrement les hommes n'ont vescu.

Il ne faut esperer estre parfait au Monde,
 Cen'est que vent, fumée, vne onde qui suit l'onde:
 Ce qui estoit hier ne se voit auourd'huy.

„ Heureux trois fois heureux qui au temps ne s'a-
 blige,

„ Qui suit son naturel, & qui sage corrige

„ Ses fautes en viuant par les fautes d'autrui.



SVR LA FONTAINE QVI

est au Iardin du S. Regnault, Tre-
sorier & Receueur general
des finances de feu Mon-
seigneur frere du
Roy, à Bai-
gnolet.



*Pegase fist du pied la source d'Hippo-
crene,*

*De sa lâce Pallas a faiçt ceste Fōtēne
Pour lauer sa sueur & nettoyer ses
bras,*

*Quand poudreuse & sanglante elle viēt des cōbats:
Aussi pour resiouir son hoste qui caresse
Les doctes seruiteurs d'une telle Deesse.*

*Si bien que des neuf Sœurs le sacré troupelez
Est venu de la Grece habiter Baignolet,
Pour accorder sa voix à l'onde qui caquette,
Et pour chāter l'honneur du maistre qui les traicte.*

*Les Nymphes & Bacchus pour miracle nouveau
Deux doubles qualitez donnerent à ceste eau:
Le iour elle est de vin, & la nuit de l'eau pure,
Et pource si quelqu'un sans sçauoir sa nature
Entroit en ce logis, tant soit-il cant & fin,
Pensant boire de l'eau ne boira que du vin.*

Dialogue du Libraire & du Passant.

P. **Q**ui est ce liure? L. Estranger, P. Qui l'a fait?

L. Le grand Osie, en sçauoir tout parfait.

P. Qui l'a conduit des terres Poulonnoises,

Et fait sonner nos parolles Françoises?

L. C'est Lauardin, ce sçauant translatcur,

Et docte autant que le premier Aùtheur.

P. Dequoy disçours ce liure magnifique?

L. De nostre loy, de la foy Catholique,

Tout ce qu'il faut retenir ou laisser,

Et qu'un Chrestien doit à Dieu confesser,

Pour estre net du fard de l'heresie,

Croyant l'Eglise, & non la fantasie

De ces cerueaux esuantex, esgarez,

Qui par orgueil sont de nous separez.

Et brief, Passant, si le zeile t'allume

Des Peres vieux, achete ce volume

Pour viure seur en la ferme union.

Mais si tu es de l'autre opinion,

Et si tu veux les mensonges ensuiure

Des nouueaux fois, n'achete pas ce liure,

Pour t'en mocquer: tu porterois en vain

En lieu d'un liure, un fardeau dans la main.

Sic vos non vobis fertis aratra boues;

Sic vos non vobis nidificatis aues,

Sic vos non vobis vellera fertis apes.

Fin des Eclogues, Mascarades,
& Cartels.




TABLE ALPHABETIQUE

du contenu en ce liure.

ECLOGUES.

B ien heureuse & chaste.	108
Cōtre le mal d'Amour. Cyclope amoureux.	109
De fortune Bellot & Perrot.	79
Deux freres Pastoureux.	89
Je me faschois de. Chant pastoral.	69
Les Chesnes ombrageux.	4
Paissez douces brebis, paissez.	44
Tandis que la vaillance.	2
Un Pasteur Angevin.	54
CARTELS ET MASCARADES.	
Après auoir pour l'Amour.	115
Ayant l'œil triste & pesant.	117
Ce Cheualier d'invincible.	152
Ces nouveaux Cheualiers.	166
Cest habit blanc que ie.	153
Comme le feu surmonte.	143
Dames, ie suis le courrier.	156
De deux Amours on voit.	145
De l'immortel les Rois.	133
Demeure Cheualier, &c.	121
Du haut du Ciel.	159
En ce char triomphant.	168
Herault des Dieux.	155

TABLE.

Huict Cheualiers de.	161
Icy la Comedie apparoit.	179
Ie suis Amour le grand.	123
Ie suis des Dieux le Seig.	138
Ie t'ay donné Charles.	127
Ie voirrois à regret.	164
Le fent Soleil ne s'offense.	144
Le Soleil & nostre Roy.	141
L'homme qui n'aime, est.	148
Nous sommes ces Gemeaux.	167
O Prince heureusement.	136
Pour mon trophée en ce.	125
Si le renom des Cheualiers.	119
Si les yeux penetroient.	170
Trois guerriers incognus.	163
P L V S,	
A Dieu ressemblent. Chanson.	139
Ce ieune enfant. La Charite.	173
Comme de cent beautez. Sonnet.	172
Mascarades & Cartels. Sonnet.	113
Pégase fait du pied la.	181
Prince dont le vieil sang.	114
Soleil, la vie & la. Stances.	130
FIN.	